

پرکھ پرچول

(ایک تحقیقی تہ تنقیدی مطالعہ)



نثار حسین راہی

پرکھ پرچول


(ایک تحقیقی تہ تنقیدی مطالعہ)

نثار حسین راہی

PARKH PARCHOL

Research Papers (Pahari)

By: Nisar Hussain Rahi



مصنف پتیاں دیگر تصنیفات:

- 1- چہند (افسانوی مجموعہ پہاڑی)
- 2- ورق ورق (شعری مجموعہ پہاڑی)
- 3- سبز جزیرے (سفر نامے اُردو)
- 4- حرفِ تمنا (شعری مجموعہ اُردو)
- 5- روشن دماغ ('Ignited Minds' ناپہاڑی ترجمہ)
- 6- 'کشمیر ان سُن' لائٹ اینڈ شیدس، ناپہاڑی ترجمہ

ایورڈ تہ اعزازات:

- 1- بیسٹ بک ایورڈ جموں و کشمیر اکیڈمی آف آرٹ، کلچر اینڈ لیگوس بھج
- 2- بیسٹ ٹیچر ایوارڈ 1995، حکومت جموں و کشمیر
- 3- اعزاز پوشی جموں و کشمیر اکیڈمی آف آرٹ، کلچر اینڈ لیگوس بھج

Rahi Publications, Dodasan Bala, Rajouri

پرکھ پرچول

تحقیقی و تنقیدی مقالے (پہاڑی)

نثار حسین راہتی

راہتی پبلی کیشنز، مونٹ ایلو، دوداسن بالا، راجپوری

(C) سچے حق لکھاری نے:

پرکھ پرچول	کتاب ناناں:
تحقیقی و تنقیدی مقالے (پہاڑی)	نوعیت:
نثار حسین	لکھاری:
نثار رائی	قلمی ناناں:
۲۰۲۲ء	سن اشاعت:
عبدالواحد منہاس	ترتیب و انتخاب:
عبدالواحد منہاس	کمپوزنگ و تزئین:
عمر فرحت	سرورق:
فرزاد گرافکس - دہلی	سرورق عمل:
پانچ سو (۵۰۰)	گنتی:
۴۵۰ روپے	مُل:
ایجوکیشنل پبلیشنگ ہاؤس، چاندنی چوک - دہلی	چھاپہ خانہ:

PARKH PARCHOL

Research Papers (Pahari)

By: Nisar Hussain Rahi

Year of Edition: 2022

Price: Rs.450/-



R/a Mount Abbu, Dodasan Bala Rajouri

Contact No: 7889882217, 9419170907

ناں لائٹی:

اُنہاں نے ناناں جہاں اس پہاڑی بولی کی
چند ارکھیا اے تہ بڑے فخر نال ہر ویلے
بولنے ہین۔

فہرست

6	اپنی گل	
8	جان پشیان	
10	پہاڑی لوک بولی تھیں زبان ناسفر	
24	پہاڑی زبان بچ کلاسیکل شاعری: اک مطالعہ	
42	جدید پہاڑی ادب: تحقیق و تنقید	
59	پہاڑی زبان و ادب: اک جائزہ	
77	ضلع پونچھ نا ادبی منظر نامہ	
84	ضلع راجوری نا ادبی منظر نامہ	
93	راجوری بچ پہاڑی افسانے نا تک نقشہ	
103	راجوری پونچھ نے پہاڑی لوک گیت	
111	پہاڑی شاعری بچ لوک ادبی روایات	
120	اساہڑی مقامی ادب اُپر سماجی اثرات	
129	پہاڑی غزل تحقیقی و تفصیلی مطالعہ	
148	پہاڑی زبان بچ ظرافت نگاری	
152	سوشل میڈیا نے پہاڑی زبان اُپر اثرات	

- 157 پہاڑی افسانے نے خدو خال
- 165 پہاڑی زبان: نویں جائزے میں نویں چلیں
- 173 پہاڑی زبان بچ نعت گوئی: اک جائزہ
- 186 پہاڑی غزلیہ شاعری بچ رومانیت
- 203 ماسٹر شاہ محمد خان بحیثیت افسانہ نگار: اک جائزہ
- 210 ڈاکٹر صابر مرزانی شاعری: اک جائزہ
- 220 پہاڑی زبان بچ انشائیہ: اک جائزہ
- 228 حضرت بابا غلام شاہ بادشاہ
- 235 نذیر احمد مسعودی: اک تحریک اک تعارف
- 239 شاہدرہ شریف
- 244 کرشن چندر: اپنیاں تحریاں نے حوالے سنگ
- 250 مولانا روم: اک آفاقی شاعر



اپنی گل

کسے وی زبان بچ اوکھا کم تخلیقی تہ تحقیقی رمزوں کی جاننا، پہچاننا یا دریافت کرنا اے۔ ایہہ نثری اسلوب نے حوالے نال سمجھیا تہ برتیا جانا اے۔ اج توڑیں پہاڑی زبان تہ ادب نے حوالے نال چوکھا سارا کم ہو یا اے۔ اس بچ ہر صنف نا استعمال کیتا گیا اے۔ میں اس گل ناوی قائل آں جے زبان فی خدمت بچ سب توں متا اوکھا کم تخلیقی عمل ہونا اے۔ شاعری بچ ہر کوئی بچ ست شعر آکھی کے شامل ہو جانا اے، پر گجھ اک پر سے نثر لکھنے ویلے کڈھنا پینا اے تہ نثر لکھنے ویلے متی ساری محنت وی درکار ہونی اے۔

تخلیق کار یا تحقیق کرن آلے کی متی ساری دوڑ دھوپ وی کرنی پینی اے۔ متی ساری خاک چھاننی پینی اے، فرکدھرے جا کے کوئی لعل ہتھ جائی چڑھنا اے۔

میں وی اپنے ادبی سفر فی بسم اللہ شاعری توں ہی کیتی، پر ماہڑی نظر نثر نے بھینے ادھیڑ نے بچ لگی ہوئی سی تہ اس طراں نثری انداز بچ پہاڑی افسانے ”تہند“ فی تخلیق ہوئی۔ پر شروع توں میں ایہہ سوچنا ساں کہ پہاڑی زبان جیہڑی اجاں ددھ پینے آلے بچے ہاروں نویں نویں اے تہ اس کی گجھ اک وجود دتا جائے تاں جے ایہہ اپنی وراثت تہ شجرہ نسب فی پیشان ہو سکے تہ ادب نا طالب علم کی ایہہ پتہ چل سکے کہ ایہہ زبان کس نے بطنوں پیدا ہوئی تہ کسراں اس نا اسقاط حمل ہو یا۔ اس نیاں ماسیاں سنگناں تہ اس فی دادی اماں فی وی اس کی سناخت دتی جاسکے۔

پہاڑی زبان بچ لکھنے پڑھنے نابھڑا جموں و کشمیر اکیڈمی آف آرٹ، کلچر اینڈ لینگویجز نے چاہیہا تہ اس زبان نے فرزندوں کی اکٹھا کر کے اک تہذیب دتی تہ ہر اک کی کم لایا۔ شروع شروع بچ تخلیقی کم نے حوالے بڑیاں دقتاں آئیاں، کیاں جے اس زبان نامنڈھ ٹاٹل تہ پھانٹاں پتر جانے بچ بڑی مشکل آئی، پر ہمت نہ چھوڑی تہ بلیں بلیں تحقیق ناتیشہ تہ فرہاد نے ہتھ متواتر کم لگے رہے۔ اسراں نال ایہہ سفر جاری رہیا۔

آج ایہہ گل بڑی حوصلہ مندی تہ دلیری نال آکھی جاسکئی اے جے کوئی دودرجن نے لگ بھگ مقالیاں نی تولید ہوئی تہ ایہہ کتابی شکل بچ ”پرکھ پرچول“ نال آج ٹساں ساریاں پہاڑی زبان وادب نے نال پیار و محبت کرن والیاں واسطے اک نکا جیادیا بال شوڑیا اے تہ اس نی لوہ آن والے وقت بچ پہاڑی زبان نی تحقیق کرن آلے طالب علماں واسطے اک سلک نی نشاندہی ہوئی رہوے، جس پر تحقیق ناہتم ٹھوکیا جاسی۔

آج مگی اس گل نی بیوں متی خوشی ہوئی اے جے علاقائی زبانوں کی نصابی حیثیت ملی اے۔ اس ضمن بچ اعلیٰ تعلیم حاصل کرن آلیاں کی اپنے پتھر اسے نہیں ورہی رکھ کے علم و دانش نا کوئی سلسلہ اگے بدھانا ہوسی۔

ہُن وقت بیڑے بچ کھل کے پہاڑی زبان بولنے آلیاں کی بھلا رہیا اے کہ آؤ اس نی قدر کرو تہ اس نی خدمت بچ اپنا اپنا حصہ ادا کرو۔ مگی ایہہ اطمینان اے جے میں شعری روپ بچ ”ورق ورق“ ہورنری روپ بچ افسانوی مجموعہ ”تہند“ دینے توں بعد تحقیقی تہ تنقیدی مقالیاں ور مشتمل ”پرکھ پرچول“ ٹساں نے اگے پیش کر رہیاں آں۔ اس میند نال جے ٹس اس کی حرف آخر نہ منسو سگوں منڈھنا پتھر سمجھ کے اپنی ذہنی دریافت نی کوئی اٹ اس نے نال جوڑ کے اپنا اپنا حصہ ادا کرسو۔

نثار راہی



جان پشیان

ایاں تہ ساہڑیاں ساریاں مقامی زباناں نال ایہہ مسئلہ جُویا ہو یا اے جے تحقیق آلی بکھی بہوں کہٹ لوک اشے ہین خاص طور و پرہاڑی زبان نے حوالے نال تہ صورت حال کجھ متی ای تشویش ناک قرار دتی جاسکئی اے، کیاں جے متے سارے محقق تہ نقاد دریانے کنڈے بہہ کے لہراں گننے کی ای تحقیق سمجھنے ہین تہ کسے کتاب نے درتے پر تے بغیر سونگھ کے ہی اخباری طرز نا تبصرہ لکھ کے اپنے آپ کی محقق آکھوان بچ فخر محسوس کرنے ہین۔ تحقیق نے اصولاں نے مطالعے تھیں مُنڈھوں عاری انہاں پجاریاں کی کہہ پتہ جے دریانچہ غوطہ لان والے نال کہہ پتہ اے تہ جیہڑے اوہ موتی پانی نی تہہ بچوں کڈھی تہ آنا اے، انہاں نی کہہ قیمت اے۔

چنانچہ اس اہم وراو کھے کم کی راہی صاحب ہتھو تھہ کہن کے پرہاڑی زبان وادب نے متھے وراک ہو رتارے نابہدا کیتا اے۔ ایہہ کم اس گلوں وی اوکھا سی جے اساں کول اس نوعیت ناکم پہلاں تھیں موجود نیہہ سی، جس کی نمونہ سمجھی تہ مقالے تحریر کیتے جانے۔ چنانچہ راہی صاحب کی ڈاڈی محنت تہ جتو نال اپنے رستے آپ بنانے پئے ہین۔ موضوع نال لگن، ڈوہنگا مطالعہ تہ تحقیق نی جتو سُن انہاں نے اوکھے سفر کی آسان بنا دتا۔

آساں واسطے ایہہ بہوں ڈاڈی خوشی نی گل اے جے راہی صاحب موضوع نے ڈوہنگے مطالعے مکروں تحقیق نے مروجہ اصولاں نی لوہ بچ اپنا مقالے لکھے ہین۔ دوئی اہم گل ایہہ اے جے اساہڑا متا سارا تحقیقی کم گجھاں رسالیاں یا کہرنیاں الماریاں نی زینت بنیا رہنا اے تہ کتابی شکل بچ بہوں کہٹ چھپ کے باندے اشنا اے، جس نی وجہ تھیں بہت ای کہٹ قاری اس تھیں استفادہ حاصل کرنے ہین۔

راہی صاحب ہو مبارکباد نے حق دار ہیں بے انہاں اپنے تحقیقی تہ تنقیدی مقالیاں جنہاں فی تعداد لگ بھگ چالی نے نیڑ مان اے، بچوں ۲۵ چنام مقالیاں کی کتابی صورت بچ ”پرکھ پرچول“ ناں رکھ کے اسا ہڑے باندے آنن ناہاڑا کیتا اے۔ اپنی اس کامیاب کوشش وراوہ اس واسطے وی مبارکباد نے حق دار ہیں بے آن والے وقت بچ پہاڑی زبان وادب نے حوالے نال کم کرن والے طالب علماں واسطے انہاں فی ایہہ کتاب اک انسائیکلو پیڈیا فی حیثیت رکھسی گی ہو راوہ کدے وی اس کی اپنیاں نظراں تھیں اوہے میہہ کرن لگے۔

عبدالواحد منہاس

ریسرچ اسٹنٹ، شعبہ (پہاڑی)

کلچرل اکادمی۔ سرینگر



پہاڑی لوک بولی تھیں زبان ناسفر

مشہور ماہر لسانیات ”گریسن“ ۱۹۱۴ء بچ اپنی کتاب ”لسانی جائزہ ہند“ بچ لکھنے ہیں کہ انبالہ تھیں مغرب کی طرف کوئی نئی بولیاں ہیں ہور انہاں ناکوئی وی لکھیا ہو یا سرمایہ میہ ہور اوہ بولیاں مغالہ نے طور پر گریسن ڈاکٹر زور تہ ڈاکٹر مسعود حسن ہوراں وی اپنی کتاب ”تاریخ زبان اُردو“ بچ کئی کئی بولیاں کی شکل بچ دھسیاں ہیں۔ اس گل کی حقیقت اُپروں اجاں توڑی پردہ نہیں چایا گیا کہ کیاں انہاں تھیں ایہہ تاریخی غلطی ہوئی تہ کیاں ایہہ بولیاں کئی کئی شمار ہون لگیاں۔

ایہہ گل قرین قیاس ہے کہ اُس وقت نکلے نکلے راجواڑے ہونے سن تہ جتھے انہاں نے سیاسی اقتدار کی حد ہونی سی اُتھے تک بد قسمتی نال زبان نا وی جغرافیہ ہونا سی۔ غرض (Geographical unit) کی (Linguistic unit) وی تصور کیٹا گیا ہے۔ اس وجہ تھیں اک ہی زبان نے بکھ بکھ حصے بکھرے ہوئے ہور ہر جگہ کی بولی کی حد کئی کئی مقرر ہوئی۔ اس گل کی تصدیق اُتھوں وی ہونی ہے کہ جدوں پونچھ کی ریاست بچ بسنے اک منے پڑ منے نے شاعر سائیں قادر بخش ہوراں پڑ پونچھ ناراجہ ناراض ہوئی گیا تہ اس کی ریاست پونچھ تھیں باہر کدھی چھوڑیا ہور پھمگل راجوری نے علاقے بچ بچ دتا۔ اسے طراں لسانی حصے کی سیاسی حصے نے نال جوڑ کے اک عظیم غلطی ہوئی تہ اک ہی پہاڑی زبان جیہڑی کہ راجستھان تھیں نکل کے پشاپچی قبیلیاں نال مل کے اک نویں نویلی زبان کی شکل بچ پہاڑاں نیاں کنگریاں، ندیاں نالیاں تہ اُچیاں اُچیاں چھماں ہور سوہنیاں سوہنیاں ماہلیاں پڑ اپنا رنگ جمان لگی۔ ایہہ میدانی علاقے پنجاب تھیں لئی کے ملتان تہ فیصل آباد اسلام آباد ضلع ہزارہ، کنڈی کرناہ، اوڑی تہ امنت ناگ نیاں گجھاں حصیاں بچ تہ اُتھوں ٹپ کے ضلع پلوامہ نے جنوب ہور جنوب مغربی علاقے تہ فر شملہ تک اپنا جغرافیہ بنا سکی۔ اس سارے علاقے بچ بولی جان والی زبان پہاڑی سی حالاں کہ بغیر تردید نے ڈرتھیں ایہہ آکھی

سکناہاں کہ پنجابی زبان میداناں نی پہاڑی زبان ہے۔ کیاں جے انہاں میداناں نی پہاڑی کی مدھیہ پردیش نیاں بولیاں تہ کھڑی ہور ہریانی بولیاں نے نال جوڑ ملنے تھیں بعد ذرا لہجے پنج معمولی جیا فرق پیدا ہو یا ہے۔ اس تھیں علاوہ فرق صرف کسے جگہ ضمیر نے استعمال پنج ملسی گا۔

ایہہ خورے سیاسی چال سی یا کوئی ہور منصوبہ کہ پہاڑی زبان نال ہمیشہ ایہہ مذاق رہیا۔ ۱۹۳۱ء نی مردم شماری نے موقعہ پر پوچھی، پوٹھواری، میرپوری، کرناہی، مظفر آبادی کئی کئی بولیاں تصور کیتیاں گیاں، حالانکہ ایہہ اک پہاڑی زبان نیاں شاخاں ہونیاں۔ میں اپنے مقالے کی اگلے صفحیاں پر ترواں کئی کئی حصیاں پنج تقسیم کرناہاں۔ پہلاں حصہ ماہرے مقالے نال پہاڑی زبان تہ اُس نی ابتدا (۲) پہاڑی بولیاں تہ دور قدیم (۳) پہاڑی زبان نال ارتقا تہ دور جدید۔

پہاڑی زبان تہ اس نی ابتداء:

کوئی وی بولی تہ دوں توڑی ترقی نے رستے نیہہ عبور کر سکنی جدوں تک اُس نے ادبی سرمائے پنج شعری لباس نہ ہووے تہ نال ہی نثری روپ وی۔ اس نے نال ہی ہر دو حالتاں پنج اس زبان نال لکھیا ہو یا مواد موجود نہ ہووے۔ پرانے زمانے پنج کسی بولی یا زبان نال کمال صرف سی حرفیاں نی شکل پنج تصور کیتا جانا سی یا کسے طراں نال کوئی پنجہ شعر آکھی کے بار ماہ نے کپڑے پنج شاعر ہوراں نے اپنا چوغہ بنائی لیا۔

ہُن انہاں پنجہ شعراں یا اک سوشعراں نی تگ بندی نے بعد لکھنے والا پکا شاعر بن جانا سی۔ نثر لکھنا تہ ہور مشکل سی، کیاں جے شعر زبانی یاد وی رکھے جاسکے سن، جدوں کہ نثر پنج کوئی بڑا کم میہہ سی ہونا۔ البتہ پہاڑی زبان نال سرماہیہ ڈوئیاں بولیاں نے مقابلے پنج کسی طور وی کم میہہ ہور ایہہ زبان ہر لحاظ نال تہ ہر صنف شعری تہ نثری خوبی تھیں مالا مال ہے۔

اس زبان نی ابتداء نے بارے پنج بہت سارے نظریئے بن گئے نے ہین۔ کدے ایہہ زبان شاردا یونیورسٹی نے نال جوی ہوئی لکھنی ہے تہ کدے اس کی آریں قوم نے بسترے پنج بند زبان ہونے نال اعزاز ملیا۔ بہر حال گریسن تھیں شروع کر کے ایہہ تکیا گیا ہے کہ ایہہ زبان غزنوی ہور غوری نے حملے نے نال چوہان راجہ اجمیر نے شکست ہوئی تہ لوک اُتھوں ڈر ہور خوف نے

مارے ادھر ادھر سی گئے، جیہڑے ملتان نی طرف ٹھے ہور آج وی ملتان بولنے ہین، جیہڑی بالکل پہاڑی زبان ہے ہور جیہڑے اُتھوں نیپال نی طرف گئے، اُتھے وی نیپالی پہاڑی بولنے ہین۔ اُتھے وی نیپالی پہاڑی زبان سی، ادھر دریا راوی نے اس پار تہ انبالہ ہور روٹیکھنڈ نے اس پار جس زبان نا جنم بقول ڈاکٹر زور ہو یا اوہ غلطی نال پنجابی (مغربی) تصور کرنے ہین۔ جیہڑا جے بالکل غلط ہے تہ پنجابی لوک سیف الملوک کی پنجابی زبان نا سرمایہ تصور کرنے ہین۔ جدوں کہ پہاڑی زبان نی سنگ میل نال تصور سیف الملوک میاں محمد بخش نی لکھی مثنوی ہوئی کی سمجھیا جانا ہے ہور اس نا سارا ماحول لب و لہجہ وضع ہو ر ڈھنگ پہاڑی ہے ہور اسنا پس منظرو وی پہاڑی ہے۔ کوہ قاف نا ذکر ہو ر پریاں نے ٹھکانے دیواں نیاں بستیاں دریا، نکے ماہلیاں ایہہ سب پہاڑی زبان نی دلیل دینے ہین۔

اک ایہہ نظریہ وی قابل توجہ ہے کہ موجودہ نسل انسانی نا جیہڑا قافلہ کوہ ہندو کش تھیں نکل کے ہندوستان نا رخ کر رہیا سی، اوہ قافلہ پوٹھور نے علاقے پنج ڈیرہ جمائی کے فر اگے سفر چانچی کے نکلنے رہے۔ اس وجہ تھیں پوٹھوار علاقے تھیں پہاڑی زبان نا جنم تھوڑی ملنی جلیانی گل ہے۔ اگر اسیں کردا، مردا، وغیرہ پنجابی نے مصدر ہین تہ فر اسی طراں نے مصدر کرنا ہی ہور ہندو کش وی ہین تہ اوہ پنجابی نیہہ ہین ہور انہاں کی پنجابی آکھنا حقیقت نال دشمنی کرنے نے برابر ہے۔ بہر حال آریاں نے آنے نے نال ایہہ زبان وی جڑی ہوئی ہووے یا آریہ لوکاں نے آباد قافلیاں نے فر ا جڑنے نے نال اس نا تعلق ہووے یا ہندو کو ہی ہووے۔ اس زبان نا جغرافیہ تہ اس نی خاندانی وراثت موجودہ متحد پنجاب تھیں شروع ہو کے دریائے سندھ نا لے مشرقی حصے تہ دریا راوی نے مغربی (لہندے پاسے) حصے نے دوران ہی ہے۔ میاں والی نے علاقے پنج بولی جانے والی زبان نا لہجہ مینڈھر نے کجھ علاقے پنج بولی جانے والی پہاڑی نال ملنا ہے۔ اسیں آخر کر چڑجی ہوراں نے نظریے نے نال چل کے فر گرہیں ہوراں نیاں مغالطیاں تھیں نظر ہٹائی کے پروفیسر سیواسنگھ نی کتاب نیاں تاریخی مغالطیاں کی پہیلی کے اس نتیجے پر پہنچنے ہاں کہ ایہہ زبان ہند آریں خاندان نال تعلق رکھنی ہے۔

پہاڑی بولیاں تہ دورِ قدیم:

اُسیں گجھ اک اس اُپر بیان کیتے گئے تاریخی مغالطیاں تھیں شروع کرنے ہاں کہ پہاڑی زبان نے حصے سیاسی حسیاں نے نال جُوئے حالانکہ زبان نی کوئی وی انسانی مقرر کیتیاں گئیاں سرحدان نیہہ ہین۔ جس طراں بنگالی، بنگلہ دیش، ہور ہندوستانی علاقہ کلکتہ مغربی بنگال نی مشترکہ زبان ہے۔ اسی طراں مغربی پنجاب (پاکستان) ہور مشرقی پنجاب (ہندوستان) پنج اک ہی زبان بولی جانی ہے۔ پہاویں جیاں اک فارسی لپی پنج ہور تہ دُوئی گورکھی پنج۔ اسے طراں پہاڑی زبان پہاویں اوہ مظفر آباد، ضلع ہزارے پنج بولی جانے والی ہووے یا کہ ادھر ہندوستان نے کسی علاقے پنج ہووے زبان علاقائی تہ جغرافیائی تعصباں تھیں اُپر ہونی ہے۔ اسیں اس غلطی نال پیدا کیتیاں گئیاں بولیاں نیاں علاقیاں پنج چلنے ہاں جیہڑیاں علاقائی مناسبت نے نال کئی کئی بولیاں نی شکل پنج شمار کیتیاں گئیاں۔

۱۔ مشرقی پہاڑی:

ایہہ بولی شملہ ہور اس نے آس پاس پنج بولی جانی ہے۔ اسنالب ولجہ بالکل پہاڑی ہے۔ اس جگہ ضمیراں نا استعمال چنگی چنگی کے ہونا ہے۔ ایہہ بولی شملہ نے لہندے پاسے ٹھاٹھری، کشواڑ نے علاقے پنج کشمیری تھیں بعد بولی جانی ہے۔ اس نالکھیا ہو یا سرمایہ خاطر خواہ نیہہ۔

۲۔ پہاڑی:

ایہہ بولی راجوری ضلع پنج بولی جانی ہے۔ لہجے نے اعتبار نال دواں پنج ذرا لہجہ مختلف ہے۔ جدوں کہ منجا کوٹ نے علاقے پنج ایہہ زبان ہور لہجے نال بولی جانی ہے۔ اس علاقے پنج شعری ادب نی کافی چھاپ رہی ہے۔ ایہہ علاقہ علمی مرکز وی رہیا ہور قدیمی نصاب فارسی تھیں اخلاقی تعلیم پُر کافی زور دتا گیا ہے۔ شعری میدان پنج مفتی ولایت شاہ ہوراں نا عارفانہ ہور Symbolic کلام، سید حیدر شاہ صاحب مرحوم نی رمزیہ عشقیہ شاعری، سائیں قادر بخش المعروف قادر یار نی عشقیہ تہ صوفیانہ شاعری، مولوی عبداللہ صاحب کوٹ ڈھڑوی نی شاعری ہور مولوی مہر دین قمر راجوری مرحوم نا عاشقانہ ہور صوفیانہ کلام کافی اہمیت نا مقام رکھنا ہے۔ ایہہ علاقہ مردم خیز رہیا ہور ایہہ شاعری نے حساب تھیں کافی اگے رہیا ہے۔

۳۔ پونچھی:

ایہہ بولی پونچھ سُرن ہور مینڈھرنچ بولی جانی ہے۔ اس پنج راجوری پنج بولی جانے والی بولی پنج حرف آنا جانانے بجائے اچھنا گچھنا ہے۔ باقی ہر لحاظ نے نال ایہہ علاقہ دی پہاڑی پس منظر نے نال نال پہاڑی زبان نادر خیز حصہ رہیا ہے۔ اتھے شاعری نی صنف کافی ترقی پڑ رہی ہے۔ نوراناں نال منسوب شاعری قدیم وضع قطع تہ رسم و رواج کی ظاہر کرنی ہے۔ اس پنج ادبی ورثہ موجود ہے۔ اُدھر پیر محمد شاہ صاحب پونچھی تہ انہاں نے صاحبزادے پیر بدیع الزمان ناعار فائدہ کلام پہلیاں تہ پیر محمد زمان نی شاعری اعلیٰ درجہ رکھنی سی۔

اس مردم خیز تہرتی نے چراغ حسن حسرت تھاکر پونچھی ہور کرشن چندر جے ستر پیدا کیتے، جیہڑے پہانویں اردو نے میدان پنج سفر کرنے چلے گئے، تاہم انہاں پہاڑی سپوتاں پُر اس تہرتی کی ہی نیہہ بلکہ آساں پہاڑیاں کی دی ناز ہے۔ اسی پونچھ نے اک سپوت اک روایت نے مطابق جیہڑی کہ جناب محمد دین بانڈے ہوراں نے بیان کیتی ہے کوئی اُچے عہدے پُر کسی دوسری جگہ پھینچا ہے سی۔ اس نے نال شاعری پنج سائیں فقر دین ہوراں نی شاعری نامقام بڑا اُچا تہ بلند ہے۔ انہاں نے معرفانہ انداز پنج شاعری کر کے کچھ نویں راز تہ پھید دہسے۔

۴۔ میر پوری:

ایہہ بولی کوٹلی، بناہ ہور میر پور پلندری تہ اس نے آس پاس نیاں علاقیاں پنج بولی جانی رہی ہے۔ ایہہ پہاڑی زبان نا حصہ ہے۔ اس علاقے پنج پہاڑی نی Bible شہرہ آفاق مثنوی ”سیف الملوک“ لکھی گئی۔ اسی بولی نے اندر آ لے علاقے پنج منیا پڑ منیا ہویا اک عاشقانہ شاعری کرنے والا زمان وی رہیا ہے، جس نی شاعری ادبی دولت تھیں مالا مال ہے۔ اسی علاقے نی اک درویش حکیم ہور شاعر ہستی مولوی چراغ عالم ہور وی ہوئے ہور باجی الف دین کوٹلی والے وی ہور اس زبان پنج قصص الحسنین نے لکھاری مولوی عبدالستار وی اس مردم خیز تہرتی تہ اس عظیم زبان نے جغرافیہ پنج ناں پائی گئے۔

۵۔ پوٹھواری:

جہلم نے لہندے پاسے بولی جانے والی زبان کی پوٹھواری آکھنے ہین۔ ایہہ بولی حسن ابدال تک لہندے پاسیوں ہور مری نیاں اُچیاں پہاڑاں تک شمال تھیں بولی جانی ہے۔ اس بچ وی اچھنا نے بجائے آنے جانے نا استعمال ہونا ہے ہور فعل کی ذرا چھکی چھکی کے ظاہر کرنے ہین۔ جس طراں کہ تھیں کتھے گئے..... سو اس زبان بچ وی کافی ادبی کم ہو یا تاہم کسی خاصی روایت تک ایہہ نیہہ چل سکیا۔ البتہ اکا دکا شعری کم ہونا رہیا جیہڑا کہ تھوڑا بہت محفوظ ہو یا ہے۔

۶۔ چبالی:

ایہہ بولی وی پہاڑی لباس رکھنی ہے۔ البتہ ایہہ دیوالہ نے چباں فی زبانی رہی ہے ہور ایہہ وی (Territorial Unit) نے طور پر اس ناحصہ وی بکھرا تصور کیتا جانا رہیا۔

۷۔ ہندکو:

ایہہ بولی وادی نیلم شمال تھیں بلکہ وادی کاغان تک ہور لہندے پاسوں بنوں کوہاٹ تک جنوب بچ پشاور تک ہور چورے پوٹھوار نے علاقے تک بولی جانی ہے۔ ایہہ زبان اردو نے ماخذ بچ وی شمار کیتی گئی ہے ہور اس ناحصہ مظفر آباد اوڑی ہور کرناہ تک پھیلایا ہو یا ہے۔ اس بولی بچ مگو، ٹلو بجائے مگی تگی زیادہ طور استعمال ہونا ہے۔ اس بچ دور قدیم بچ شاردا یونیورسٹی نا تذکرہ وی تاریخ نیاں کتاباں ہور خاص کر راج ترنگنی بچ ملنا ہے۔ جتھے علم ہور ادب نے نہ صرف چشمے چٹھے بلکہ ایہہ زبان پھلی پھلی۔ قدیم ادب تھیں درابے نے جنگل نا منظوم قصہ بڑا مشہور ہے لیکن نثری سرمایہ کوئی خاص نیہہ۔

پہاڑی زبان نا ارتقاۃ دور جدید

موجودہ وقت بچ اوہ بولیاں جیہڑیاں کہ کسے وقت ادبی کوئی ورثہ نیہہ رکھنیاں سن آج نثری ہور شعری ورثے تھیں مالا مال ہین۔ اس فی اہمیت نا اعتراف ۱۹۵۰ء کی ہو یا جدوں کہ ایہہ آئین ساز اسمبلی بچ بحیثیت اک زبان نے شیڈ یولڈ بچ درج ہوئی ہور اس کی اپنیاں دویاں پپینیاں نے نال نظر ملا کے چلنے واسطے آئین ہور دستور بچ جگہ ملی۔ اس سارے کرنے دھرنے نا

سہرا اک پہاڑی شخصیت مولانا مسعودی نے سر ہے۔ اس تھیں بعد ایہہ زبان اپنیاں کولے بیگانی رہی تہ اک عرصے تک ایہہ پس منظر بچ رہنیاں ہونیاں زمانے نے نشیب و فراز کئی رہی تہ آخر کار ایہہ زبان پچھلے ۸۷ سال بچ کلچرل اکیڈمی بچ اک پہاڑی شعبہ گھلنے نے نال خواب خرگوش تھیں بیدار ہوئی۔ مگر اس ماء بولی نیاں لاڈالیاں فرزندوں نے اپنی ساری طاقت، ہمت، ہور جبروت نے نال اپنی ماء بولی کی اٹھایا تہ اتنی تیزی نال اس بچ سرمایہ پچایا کہ تعجب ہونا ہے۔

شروعات:

آج اس نا اعتراف کرنا وی سچائی کی تسلیم کرنے نے برابر ہے کہ پہاڑی ناشعبہ ”اوٹھے نے گلے بچ زیرہ“ ہونے نے برابر مگر گجھ کشمیر نے بچ بسنے ہونیاں نوجوانوں نی ان تھک کوشش سی ہور گجھ ادھر راجوری پونچھ نے نوجوانوں نی لگن جیہڑی کہ اک ٹھوس شکل بچ ادبی سرمایے نے نال سامنے آئی۔ اس زبان نے بولنے والیاں کی جگا کے ایہہ احساس دلایا کہ:

لوئی لوئی پھر لے گڑیے جے تئدھ پھانڈا پھرنا

شام پئی دن شام محمد کھر جاندی نے ڈرنا

اس احساس نے نال اک Renaissance نشاۃ ثانیہ نیں یا نئی زندگی نا پہلا صفحہ شروع ہو یا ہور اس ماء بولی کی پُہل گئے فرزندوں نے اپنی علمی لیاقت تہ بصیرت کی اکھٹیاں کر کے ساری طاقت نے نال اسی خدمت شروع کیتی تہ گجھاں سالاں بچ اِسنیاں مطبوعاتاں کھر کھر پُچایاں تہ انہاں نا چرچا عام ہو یا۔

پیش رفت:

اس ماء بولی نی نکھار شاید اتنی زیادہ زور دار نہ ہوئی ہووے آ اگر اس کی سرکاری سطح پُر کلچرل اکیڈمی نیاں سالاں پہاڑی کلچرل کانفرنساں اس کی زندگی نہ دینیاں۔ مقالیاں، کہانیاں، افسانیاں تہ شعر و شاعری، موسیقی تہ سرورنیاں محفلاں نے اس زبان کی بہت ہی تیزی نال ترقی نیاں منزلوں تھیں واقف کروایا۔

مطبوعات:

اس زبان بچ شعری صنف کافی حد تک مقبول ہوئی مگر نثری کم مقابلہ اتنی تیزی نال نہ ہو سکیا۔ دوئی طرف دُوے محاذوں پر وی انقلاب آیا۔ بُیادی طور پر زبان فی تحقیق ابتداء ہو رہے بہا بکھرے ہوئے سرمائے کی جیہڑا کہ کدے پروفیسر سیوا سنگھ پنجابی نے کھاتے بچ آیا ہو رکدے دُوے لوک اپنا دعویٰ کر چکے ہوئے سن کہ پہاڑی نے کھاتے بچ لیاندا تہ قابل قدر کم کلچرل اکیڈمی فی بدولت وجود بچ آیا۔ کدے ”کنده“ ناں تھیں کے ڈی مینی ہو رواقف کرار ہے تہ کدے جناب کریم اللہ قریشی ہو ر ”ڈھنڈ کراں میں سبناں سُنیاں کو“ لے کے جگان نکلے ہین۔ ایتھے ہی بس نیہہ بلکہ بہت سارے جدید ادب نے میدان بچ کھلاڑیاں نے ایتھے آزاد نظم، جدید غزل ہو ر فطری شاعری نے روپ بچ کم کیتا ہو ر جتھے اُردو ادب اپنی ترے سوسالہ زندگی بچ داخل ہو کے سرمائے نا انبار چھوڑ رہیا ہے۔ اُس نے تناسب نے نال ایتھے ایہہ ادبی کم بہت ہی حوصلہ افزاء ہے۔

خوف طوالت تھیں مختصر انویں غزل نے تجریاں بچ صابر مرزا، قمر در ہالوی، فضل کوثر، قدا راجوری، فضل، سوز، بے تاب، کے ڈی مینی، کریم اللہ قریشی تہ آزاد احمد آزاد نیاں غزلاں آسمان ادب پر قیمت دار چمکنے تاریاں ہاروں ہین تہ ترقی پسند ادب نے میدان بچ کھلا کر کشمیر سنگھ، نذیرا نس، خلیل جوہر، سید اقبال عاجز تہ حاجی لطیف مرزا ہین۔

اتنا سرمایہ جیہڑا اکھٹا ہوئی سکلیا، ایہہ شعری روپ بچ ہے۔ البتہ نثری ضرورت اجاں بہت زیادہ ہے تہ اس کی پورا کرنا باقی ہے تہ اس طرف اقدام اُٹھانے فی ڈاہڈی فی لوڑ ہے۔ اگر خدا نخواستہ اس طرف قدم نہ اُٹھایا گیا تہ اسیں اک لنگڑے قسم نا ادب باقی چھوڑ ساں گے۔

اکیڈمی ریڈیو:

کلچر اکیڈمی نے تھوڑے جے عرصے بچ اپنی قد وقامت تھیں زیادہ کم کیتا۔ مگر اسی جگہ بس نیہہ کرنا ہے بلکہ اس نے شعبہ کی بدھانے واسطے کوششاں کرنے فی ضرورت ہے تاں جے اس بچ مستقل ”تحقیقی شعبہ“ لغت فی تدوین ناکم تہ قاموس پہاڑی ناکم بڑیاں لمیاں بنیاواں پر ہو سکے۔

ریڈیو پُر ہفتہ واری ادھے کھنٹے نا پروگرام اس زبانی نی ہمہ گیر نے نال مذاق ہے۔ اتنا ہی وقت بھدروا ہی جیہڑے دس ہزار لوکاں نی زبان ہے ہورا اتنا ہی وقت بلتی کی دے کے پہاڑی زبان نے بے زبان لوکاں نی ہمت کی جھنجھوڑیا ہے۔ ریڈیو پروگرام کی کم از کم یومیہ اک کھنٹے نا پروگرام بنانے واسطے بھرپور کوشش نی ضرورت ہے ہور جدوں اس کوشش بچ اسپیں کامیاب ہوئی جاساں گے تہ اُس وقت اس ماء بولی نے درختاں ارتقاء نے دروازے کھل جاسن گے۔

آئندہ امکانات نے طور و رایہہ زبان بولنے والیاں کی اس زبان نی گراں مرتب کرنے نی طرف تہینا دینا ضروری ہے۔ گراں تھیں بعد اس کی انصافی درجے واسطے درسی کتاباں نے لکھنے واسطے وی پروجیکٹ تھ بچ لینا ضروری ہے۔ جدوں تک اسپیں خود احساس نی دولت لے کے نہ چلساں گے تدوں تک زبان نی اہمیت نا احساس کسے خارجی طور تھیں بیہہ ملیسی گا۔ اس ضمن بچ ہراک پہاڑی پہاویں اوہ کشمیر نے کسے مغربی کو نے بچ ہووے یا کہ انت ناگ نے شمالی علاقے بچ، کشنواڑ تھیں چڑھدے پاسے ہووے یا پونچھ نے آخری کو نے ور ہووے نا ایہہ فرض ہے کہ اوہ اپنی ماء بولی نے واسطے ہمت ہور لگا تار محنت نے نال بغیر کسی معاوضے نے کم کرے ہور اس زبان کی دویاں ترقی یافتہ زباناں نال ملان نے واسطے متیاں سارے وسیلیاں کی استعمال بچ آنی کے کم کرے۔

آخر بچ موجودہ دور نی جدید غزل نے میدان نی کامیابی نا ذکر کر کے اس زبان نیاں حاصل کیتیاں گیاں کامیابیاں تہاں نے سامنے رکھنا ہاں تاں جے تہیں اس یتیم بولی تھیں جینی جاگتی ترقی یافتہ زبان کی چچان سکو۔ مگی اس گل نا احساس ہے کہ ہراک شاعر یا لکھاری نیاں کاوشاں نا ایہہ نتیجہ ہے کہ ہر صنف ادب کی پروان چڑھانے واسطے کوششاں ہوریاں ہین۔ کوئی گیت، ماہیا، مرثیہ تہ وطن پیار نے مٹھے مٹھے گیت لے کے لوکاں نیاں دلاں کی جگا رہیا ہے۔ کوئی سی حرفیاں، باراں ماہ فراق، جدید نظم و جدید غزل نے موتی پرو کے حتیٰ کہ آزاد شاعری نے میدان بچ وی سفر کر کے اس ماء بولی کی مالا مال کر رہیا ہے۔ اس نے نال نال ہراوہ لکھاری جیہڑا کہانیاں، قصے، افسانے، ڈرامے لکھ رہیا ہے اوہ وی اس ماء بولی نی خدمت بچ حاضر ہے۔ خوفِ طوالت ہے، اس واسطے زیادہ ہر صنف نیاں مثالاں بیہہ دے سکنا۔ تاہم جدید قسم نی اٹھان نا تہیں خود اندازہ کرو۔

جناب مینی صاحب نی Diction تہ مواد ملاحظہ ہووے ے

جدوں لگن لگی سی اگ نہ سہالی
 ہوئے جد کو لے سہالی کے کہہ کھٹیا
 ملی فرصت کدے تاں سوچیاں بچناں
 ہزاراں بچوں توں تالی کے کہہ کھٹیا
 حیاتی پھر رہے پھرنے فر روساں
 جے ہوش آئی عمر گالی کے کہہ کھٹیا

صا بر مرزا ے

مٹی نے ٹھیر ٹھیر بچ اپنا ضمیر تک
 مٹھے نا زخم زخم پڑھ کالی لکیر تک
 رنگاں کی دہی خوشبوواں غم ہاسیاں کی دے
 درداں نی پیڑ جے بچے ماہڑے پاسیاں کی دے

جناب حسام دین بیتاب ے

نہ تنہرتی ہی اپنی نہ کھر بار اپنا
 گزارہ کراں تہ کراں کسٹراں
 ایہہ پھنگھے تہ ننگے ایہہ محتاج روگی
 ایہہ گلیاں تہ چھپراں دے بچ رہن والے
 ایہہ سب ماہڑے اپنے نی دہس میں انہاں تھیں
 کنارہ کراں تہ کراں کسٹراں

شیخ آزاد احمد آزاد ے

مگی بیٹھے بٹھائے ایہہ کہہ ہو گیا
 درد ہو گئے سوائے ایہہ کہہ ہو گیا

میں نشہ پی کے وی گلاں کراں تاڑ تاڑ
آکھن اپنے پرانے ایہہ کہہ ہو گیا
جاوید نعیم راجوروی ے

جتھے مگی خلوص وی دشمن بن گیا
اے دوست اس شہر بچ مڑنا نہ ہُن کدے
ہاسے نی چادر بچ پہنیلے نعیم درد
سُتے انہاں درداں کی جگا نا نہ ہُن کدے
فدا راجوروی ے

پکاں پر بیگانے خاب
کتنے ایہہ انجانے خاب
توں وی فدا اس محفل بچ
بنیاں ہیں انجانے خاب
کریم اللہ قریشی ے

توں آکھیں جے بُجھاں بُجھاں کبھڑی کبھڑی
بُجھاں کس طراں اُن کجھی کبھڑی کبھڑی
فضل کوثر ے

ماہڑی خوشیاں نے پل رہے بچ گنتی
غم آئے ، آئے بے حساب آئے
پھوہلی ہوٹھاں نی بس شہادت ہے
راہ جتنے وی آئے سب خراب آئے
رشید قمر ے

کنڈے وی ڈوہنگے زخم وی منظور ہو گئے
چھالے وی اپنے درد تھیں مشہور ہو گئے

دو پل نی اس بہار ور کیتا یقین سی
ایویں ماہڑے خیال وی مغرور ہو گئے
آساں سراں تھیں اُچیاں اُچے خیال سن
پچے نے پر اُرن تھیں مجبور ہو گئے
فضل سوز ے

جے خالق ہیں سھناں نا توں ٹھیک ربّا
جے ہر ذرے بچ ہیں توں بسنیک ربّا
جے شاہ رگ تھیں وی ہیں توں نزدیک ربّا
ماہڑی دُنیا فرکیاں انہیراں نا اڈہ
غزل تھیں علاوہ گیت، دُور یئے نعتاں بچ وی متا سارا کم ہو یا ہے۔ جس بچ نذیر احمد شاد نے
”سوہنے لارے دے پہاڑ“ گیت نی زمین ملاحظہ ہووے:

سوہنے	لارے	دے	پہاڑ
اڈھے	بٹے	اڈھے	کاڑ
کرن	ہر	ویلے	کھڑکار
سوہنے	لارے	دے	پہاڑ

اسی طراں یوسف نسیم لاروی نا ”پہاڑی نو جوان“:

توں جاگیں تہ جاگ گئے، ایہہ توہڑے کوہستان
توہڑی خودی دے جاگنے نال بدھ گئی توہڑی شان
عزیز دچھنوتی ے

کشمیر	پُھلاں	دی	رانی	ہے
اتھے	ٹھنڈا	ٹھنڈا	پانی	ہے
ایہہ	جنت	دی	نشانی	ہے
کشمیر	پُھلاں	دی	رانی	ہے

ادھر مرزا عبدالرشید سُرکھوٹی ہوراں نیاں ”اوکھیاں راتاں“ نے ڈوہنگے سیا پے نا اظہار انہاں

تھیں سُوے

پنا سجن نے اوکھیاں راتاں
آپوں روواں آپوں ہساں
کسی کسی پہنیت دِلے نا دہساں
مُر مُر چھکن سجن نیاں چاہتاں
پنا سجن نے اوکھیاں راتاں

محمد شفیع صابر ہوراں نا ”چن جی نہ چر لا“ بچ بولنی بے قراری گیتاں نی شان بدھار ہی ہے۔ ے

میں وانگ دیئے دے بلیاں او
تیراں ہجر توہڑے دیاں سلیاں او
چن جی نہ چر لا
میں ہجر توہڑے بچ سڑدی او
بچ تیل کڑاہیاں کڑہدی او
چن جی نہ چر لا

اس تھیں علاوہ افسانے، کہانیاں نے نفسیاتی پہلو، رسم و رواج، تنگ نظری، سماجی بے راہ روی نے نال نال ترقی پسند ادب نا پہلو وی بہت سارا سرمایہ مہیا کرنا ہے۔ اس پہلو وراں آساں نے لکھاری نے بہت جلدی ہو رہا متا سارا سفر طے کر گئے ہین۔ قدیم تہ جدید ادب نے میل جول نیاں حد اں کئی کئی لہجیاں ہین۔ افسانیاں بچ ظفر اقبال منہاس، محمد شفیع صابر، سید انور سلیم، اچھوپال، گورچرن سنگھ گلشن، پیرزادہ لیاقت علی چراغ، راجہ نذر بونیاری، خوش دیو مین، اقبال عظیم چودھری، عبدالرشید غمگین، اے آر مغل، کریم اللہ قریشی، مکیش مین، ہورنادم کوٹلوی، محمد اعظم حسرت وغیرہ وغیرہ۔

اس تھیں علاوہ تحقیق نی متی ساری قیمتی زمین ور کم کرنے والیاں بچ جناب کے ڈی

مینی راجہ نذر بونیاری، میر جہانگیر عالم جہانگیر، کریم اللہ قریشی، خواجہ محمد دین بانڈے، نور اللہ قریشی
ہوراں نام کسی طراں وی تھوڑا نیہہ ہے۔

اُپر بیان کیتے گئے واقعاں نے پیش نظر ایہہ گل بالکل صاف ہے کہ جدید پہاڑی دنیا بچ
جیہڑا ادبی تہ ثقافتی انقلاب آیا ہے اس نامقابلہ کسی دوئی زبان نی ترقی نے نال نیہہ کر سکے ہورا ایہہ
زبان وی اپنی جوانی اپنے لکھاریاں نے سامنے تک کے دُویاں زبانوں نی چغلی کھاسی۔
تاہم پہاڑی لکھاریاں تہ دُویاں ذمہ دار لوکاں کی ہمت جبروت ناسلسلہ جاری رکھنا چاہنا ہے
تاں جے ایہہ ترقی یافتہ پہاڑی زبان ناسفر بہت ساریاں ہنیریاں کی ہٹا سکے۔



پہاڑی زبان پنج کلاسیکل شاعری

اک مطالعہ

زبانوں نا جغرافیہ کوئی اک ہزار برہیاں تھیں متاں بہہ سگوں اس تھیں وی کہٹ وقت اس نی دریافت پُر لگا اے۔ زبانوں نے سفر پنج استی بُیادی وجہ علم نی کمی یہ کھونج نی کہٹ فرصت پُر ننگ پر بس نی عدم فراہمی یہ لکھنے پڑھنے نے اسباب نانہ ہونا شامل اے۔

چٹیاں چٹیاں علم نے بوہے کھلے لوکاں پنج پڑھنے نا مزاج پیدا ہو یا تہ فرقدیم تاریخ کی کھنگالنے نی حاجت محسوس کیتی۔ پہلاں پہلاں زبانوں نے حوالے نال آساں کول گئیاں چٹیاں مذہبی کتاباں ملیاں جیہڑیاں اس دور نے رواج پائے ماحول پنج لکھیاں گئیاں۔ البتہ ادھر آساں کول وید مقدس نی زبان سنسکرت مل سکسی جیہڑی ترے چار ہزار سال پہلاں بولی جانے والی سنسکرت نی صورت پنج ملی۔ ادھر بُدھ مت پنج پالی زبان نی صورت پنج اک ہور زبان نا تعارف ہو یا۔ پالی زبان نے اپنی نشوونما بُدھ مت نے پرچار نے طور پُر متی ساری بنا دتی سی پر اس نے لکھنے نا کم کہٹ ہی ہو یا۔ کدے کاغذاں نی موجودگی نہ ہونے نی وجہ تھیں اس کی پتھراں پُر لکھیا گیاں تاں جے اوہ بارش یا ہور جغرافیائی حادثیاں نی مارتھیں پنج سکے۔ آجاں وی لداخ پنج اس طراں نا لکھیا ہو یا چٹاناں پُر گھنٹا نا سرمایہ اپنے ہونے نی گواہی دے رہیا اے۔

ہڑپہ تہ موجوداڑو نی تہذیبی زندگی نے نال نال شاردا پٹھ نی کارکردگی تھیں اکھ میہہ میچی جاسکسی جیہڑی چار ہزار برہے پہلاں دریائے کشن گنگا نے کنڈھے اپنے لمے چوڑے کھنڈر گواہی نے طور و پریش کر رہی اے۔ اس نے بارے پنج آکھیا جانا اے کہ اس پنج دس ہزار پنجے پالی زبان نے وسیلے نال بھکشو بننے نا علم سکھنے سن۔ اس طراں قدیم مُنڈھ انہاں زبانوں نے بارے پنج بہوں واضح میہہ۔ تاہم سنسکرت زبان نے بارے پنج ایہہ سچائی موجود اے کہ ایہہ ساریاں زبانوں نی ماء اے۔

اُدھر عربی زبان نا طالب علم ایہہ دعویٰ کرنا اے کہ عربی زبان قدیم اے پر اس نا جغرافیہ علمی دریافت نے لحاظ نال متا پرانا ایہہ لکھنا۔ البتہ قرآن کریم نے حوالے نال اسی عمر دوا ہزار سال توڑیں لائی جاسکئی اے پر اس نا جغرافیہ کھٹ پھیلیا ہو یا اے جیہڑ اجزیرہ نمائے عرب تھیں باہر میہ۔

لاطینی، اسپینی، جرمن وغیرہ دوئیاں زبانیں زیادہ دوا رتکر میہ پھیل سکیاں فر وی انہاں نے درمیان میل جول نی وجہ توں اس نی عمر وی کوئی چوداں پندراں سو سال نے آس پاس ہی دریافت ہوئی۔ اس واسطے کہ لکھنے پڑھنے نا ماحول زیادہ پرانی صورت بچ نا پید جنیا اے۔ رومی، چینی زبانیں نا داخل ”ہند آریائی“ زبانیں نال دوا رتکر میہ لکھنا۔ اس واسطے انہاں زبانیں نا تذکرہ فضول جنیا لکھنا اے۔

مغل دور نے سنسکرت نے نال اپنی زبان نے حوالے نال چھیڑ چھاڑ کرنی شروع کیٹی۔ فارسی درباری زبان تسلیم کیٹی گئی تہ اس نے جوڑ نال سورشینی پراکرت، برج بھاشا تہ فرکھڑی بولی نا جنم ہو یا۔ وسط ہند بچ برج بھاشا نا چلن متا واضح رہیا تہ انہاں نے اک زبان کی سنسکرت نے وجود بچوں کڈھ کے استعمال کرنا شروع کیتا۔ ایہہ گل خاص طور پر مئی گئی کہ سنسکرت نی دقیق (Vocabulary) املا عوام نی سمجھ تھیں بالاترسی اس واسطے اس نے نال لفظاں نی چون ہونی شروع ہوئی۔ فارسی نا داخل وی کدے کدے اپنا وجود دہنا رہیا تہ ایہہ زبان ”ہندی“ نے ناں نال جانی جان لگی جیہڑی کہ دراصل ”ہندوستانی“ آکھنا زیادہ مناسب لگنا سی۔ پر برج بھاشا تہ ہور مقامی بولیاں نے جوڑ نال ”ہندی“ وسط ہند ہور شمالی حصے بچ اس نا طوطی بولن لگا۔ اس طراں یوپی تھیں کہن کے بہار تکر اس خاندان نی پرورش ہوئی۔ اُدھر مدھیہ بھارت بچ وی اس کی خوب عزت ملی۔ البتہ دہلی یکیاں جے راجدھانی سی اس نے آسے پاسے کھڑی بولی ہی پروان چڑھی۔ نکلے نکلے راجواڑیاں تھیں ٹپ کے جدوں پنجاب بچ پہنچی تہ اس کی علاقائی نسبت نال جوڑ کے پنجابی ناں دتا گیا۔ جدوں کہ اس نے لہندے پاسے علاقائی مناسبت نال سرائیکی، دکن آلی بکھی سندھ نے علاقے بچ سندھی، شمال مغرب بچ پشتو تہ بلوچی زبانیں نارواج رہیا اے تہ جدوں ایہہ سنسکرت کشمیر آلے پاسے آئی اے تہ اس کی بیا دی طور پر ”پالی“ نال واسطہ پینا اے تہ اُدھر ایران، افغانستان نی فارسی تہ پشتو وی اپنی صورت دہسنیاں ہن تہ انہاں نے جوڑ نے نال کچھ اک کانٹ چھانٹ نے نال کشمیری زبان نی پیدائش ہوئی اے۔ جس بچ فارسی، عربی، سنسکرت تہ اس نی اپنی

غیر ترقی یافتہ پشاجی وی شامل ہوئی اسے تہ اس مچون (Mixture) نانائ کشمیری ہو یا۔ ادھروں پنجاب بچ کھڑی بولی تہ دو بابائی نے جوڑنے نال پنجابی رواج پاچکی سی۔ اس نے کشمیر نے مغربی حصے نالے جنوبی حصے بچ علاقائی بولی بولنے والیاں بستیاں بچ علم و دانش نا جدوں دخل ہو یا تہ ایہہ زبان گجھ اک فرق نے نال پنجابی توں ”پہاڑی“ علاقائی مناسبت نے نال آکھوائی جان لگی۔ جس نی ظاہری طور پر ایہہ سچائی سامنے آئی کہ ایہہ پہاڑاں نی پنجابی یا پہاڑی زبان نے طور پر متعارف ہونا شروع ہوئی۔

پروفیسر گریسن نے تحقیقی سفر نے دوران انہاں ساریاں زبانان نا محل وقوع واضح کیتا گیا۔ اس نے سفر بچ تحقیقی شعور اتنا سی کہ اوہ یکے یکے قصبیاں بچ ٹھہر کے زبانان نا چلن دریافت کرنے رہے۔ انہاں نے قول نے مطابق انہاں شمال بچ ہمالیہ پہاڑ کی بنیاد نے طور پر متعارف کرایا کیاں جے اس سلسلہ پہاڑ نے آل دوالے بولنے آلیاں زبانان یا بولیاں نی جغرافیائی حد بندی قائم کیتی۔

انہاں نے حوالے مغربی ہمالیائی بولیاں نا خاندان پنجاب توں جدوں کا نگڑا آلے پاسے گیا تہ اُتھے ہما چلی پہاڑی نے ناں نال بولی جان آلی زبان نا جغرافیہ جوڑیا۔ مغربی پنجاب توں جدوں ایہہ سفر ”قدیم آریائی“ قافلے نیاں گزر گاہاں آلے پاسے ہو یا جہڑے وسط ایشیا توں حالات نے نا موافق ماحول بچ آرام تہ آسائش نی تلاش بچ کوہ قراقرم توں نکل کے شمالی ہندوستان آلے پاسے آباد ہوئے۔ انہاں نی پشلی زبانان نال پنجابی یا کھڑی بولی نے ملاپ نال اک زبان پیدا ہوئی، جس کی ”پہاڑی“ نے ناں نال جانیا جانا اے۔ اس نا جغرافیہ مغربی پنجاب نے شمال بچ دریائے جہلم نے آس پاس اے۔ اس توں بعد میدانی علاقہ ختم ہو کے پہاڑی علاقہ آنا اے۔ اس علاقے کی ”پوٹھوار“ آکھنے ہن۔ جس طراں پنجاب نی نسبت نال بولنے آلی زبان پنجابی اے اسے طراں پوٹھوار نے بچ بولی جان آلی زبان پھوٹھواری اے۔ پوٹھوار توں چرھنے پاسے نکلیاں بستیاں ہن جنہاں نے ناں نے نال اس جگہ بولی جانے آلی بولی نی پہچان اے۔ جیاں کہ میر پور بچ میر پوری، کوٹلی، مینڈھڑ، پونچھ، راجوری بچ بولی جان آلی پہاڑی کی ”پونچھی“ وغیرہ نے ناں نال مشہور ہوئیاں ہن۔ جدوں ایہہ پیر پنجال نے نال نال مظفر آباد، بارہمولہ، کنڈی، کرناہ آلے پاسے ایہہ ”ہندکو“ یا مظفر آبادی یا کرناہی بولی نے طور پر برتی گئی۔

پر اس ساری تفصیل نے پیش کرنے توں بعد ایہہ گل سامنے آئی کہ کھڑی بولی توں جدوں پنجابی نکلی، پوٹھواری نکلی، ہندکوٹلی یا پہاڑی آئی۔ انہاں یکلیاں، یکلیاں بولیاں نی جدوں پرورش ہوئی تہ ایہہ ”پہاڑی“ نے طور پر اک زبان نی شکل بچ برآمد ہوئی۔ متحدہ پنجاب ہووے یا سرائیکی بولنے آلا مغربی پنجاب ہووے یا پہاڑی جغرافیہ نے ماحول بچ بولی جان آلی زبان ہووے، انہاں سبھاں نے اسماء (Nouns)، ضمائر (Pronoun)، صوتے (Intonation)، گرائمر (Grammar) سب نے سب اک ہی ہین۔ اک بالکل جاہل دہلی توں نکل کے سارے پنجاب بچ گوں پھر کے میانوالی تکر، دریائے اٹک نے اس کنڈے توڑیں، گلگت تہ اسطور توڑیں، مغربی کشمیر نے ہمالیائی پہاڑی سلسلیاں توں گزر کے اس کی اپنی گل نی ترسیل بچ کوئی وقت میہہ آن لگی۔ ایہہ اک ہی زبان نے تنبو (Canopy) پیٹھے لوکاں نی مفاہمت تہ گل بات کرنے، سمجھنے تہ اس پر عمل کرنے بچ کوئی وقت نیہہ آن لگی۔

پنجاب علم و ادب نا ہمیشاں تھیں گہوارہ رہیا اے۔ اس بچ تعلیمی اداریاں نا قیام، پرنٹنگ پریس نا قیام باقاعدہ زبان نی شناخت پیدا کرنے نا وسیلہ رہیا اے۔ اس لحاظ ناں انہی صدی نے کول کال زبان دانی پر صحیح طور پر کم کرنے نا سلسلہ شروع ہويا۔ ہُن پہاڑی زبان نے شعری ادب آلے پاسے پھر پور توجہ شروع ہوئی۔

زبان کسے مخصوص خول بچ پرورش میہہ پاسکئی ہووے اس لحاظ ناں اپنی عمر نے ہونے نا باوجود بولی ہی دنی اے جدوں توڑیں اس نے جغرافیہ کی وسعت میہہ ملنی۔ اس حقیقت کی منٹا پیسی کہ تیرویں صدی بکری تکر برج بھاشا شمالی ہندوستان نی زبان رہی۔ دوئی بکھی کھڑی بولی نا سفرو دودر توڑیں طے ہو گیا سی، جیہڑی آسے پاسے جا کے پہاڑی زبان نارو پ اختیار کرنی اے۔ جیہڑا دور بابا بکھے شاہ (1757-1880) کول آیا، اس نے بھگتی نی تحریک نے زیر اثر اپنا کلام مرتب کیتا۔ اسے دور بچ بابا فرید، میاں میر، میاں محمد بخش، محمد بوٹا، مولوی دلپد، ریا باگور، ناک ہوراں، پھنگھ تہ افلاس نی ماری دُنیا کی صبر، شکر تہ فانی دُنیا نی نشاندہی کرنے رہے تہ اس وقت نے حاکماں نی ظلم و جبر نے مقابلے بچ نفس کشی، خود سپردگی یا اتنا پسندی توں دُور رہی تہ اس عارضی دُنیا نی تعلیم دینے نے جتن کرنے رہے۔

تھوڑا کلاسیکی ادب نے بارے بچ ایہہ گل کرنی ضروری اے کہ کلاسیک (Classic) لفظ فن کی ایسی شکل واسطے استعمال ہونا اے جسنی ہنیا قدیم اعلیٰ فنون نے مطالعے نال جوڑ کھائے۔ اٹھارویں صدی نے بشکار اس بکھی متا سارا تہنیاں دتا جا رہیا سی۔ اس واسطے کجھ قاعدے قانون تہ اکادمی کی بڑی اہمیت دتی جا رہی سی۔ اس کی ہن نیو کلاسیزم (Neo-Classism) آکھیا گیا۔ پر بہلیاں ہی اس نے خلاف رد عمل شروع ہوئی گیا۔ ادھر انقلاب فرانس نے نال نال ہی اک نواں دور شروع ہويا جس کی رومانیت (Romanticism) نادر آکھیا گیا اے۔ اس دور نے بے قابو جذبات نگاری تہ اعلیٰ چیزاں نی تکریم (Worship) کی نہیں رکھی۔ 1830ء تکر ایہہ سلسلہ فرانس، برطانیہ تہ جرمنی بچ عروج ور پچ گیا سی۔ اس دور بچ ہور نویں نویں نظریے پیدا ہونے شروع ہو گئے سن۔

ایہہ کھڑی بولی ناسفر بعد بچ باقاعدہ اردو زبان نے ہتھ آیا۔ اردو بچ اوہ سارے تجربے داخل ہوئے جیہڑے کسے وی زبان بچ رائج سن۔ ابتدائی دور تھیں جیاں جیاں اگے بدھنے گئیاں اردو زبان نی نکھار مغربی فلسفے تہ ادبی چاشنی تھیں متاثر ہونی رہی۔ ادھر انقلاب روس نے انسانیت کی دو راہے پُر آن پچایا۔ مارکس (1818-1883) نے فلسفے نی تائید بچ ست لکھ انساناں نی بکی چڑھی تہ سرمایہ دارانہ نظام نی جگہ مارکسی نظام نی چرچا شروع ہوئی۔

ادھر کامیو تہ سارتر تہ لی پوساں نے ادبی شاہ پاریاں نی بکھی ادیب تہ شاعران نی توجہ کیتی، ٹالسٹائی (1828-1910) نے فلسفے گاندھی جی کی متاثر کیتا تہ ادبی دنیا بچ زیادہ چنگے تجربے ہونے شروع ہوئے۔ اس وقت حالات نے اثرات نے تحت کلاسیکل دور توں جدید ادبی دور ناسفر جاری ہويا۔

اس بیانیے نا مقصد قدراں نا منتقل ہونا سی۔ مزاج بچ نویں نویں سوچ نا داخل سی جس نا اثر ہندوستانی معاشرے پُر ہويا تہ بھگتی نی تحریک کی ہور جوش تہ ولولہ نصیب ہويا۔ جتھے انقلاب فرانس تہ انقلاب روس نے انسانیت کی بے پناہ شخصیتاں تھیں واقف کردتا سی۔ اسے نا اثر ہندوستان پُر ظلم و ستم نے دور نیاں مندیاں یاداں نی صورت بچ ملنا اے۔ انگریزاں نی غلامی راجاڑیاں نا ظلم جاگیر داراں ناستم پورے سماج کی بے چارگی نے حال پُر رکھ دتا سی۔ فرسارے ادب پرور لوکاں شعری روپ بچ

ترک دنیا پر چار کرنا شروع کیا۔ نفس کشی ناانجکشن قدرے وقتی طور سکون دینا اے پر پہنکھ نی لا چاری سارے فلسفے کی جڑ تھیں کڈھنے پنج پر نہیہ سی کرنی۔

ادھر اُدھی تہ برج بھاشا پنج گجھ شاعراں باراں ماہ نی طراں نیاں نظماں لکھنیاں شروع کیتیاں۔ انہاں پنج مٹلا داوڈ میاں سادھن، کبیر، ملک محمد جانی، قاسم دریا آبادی، سید غلام نبی رسلین وغیرہ خاص طور پر مشہور ہوئے۔

اُردو پنج پہلا باراں ماہ نظم لکھنے آلا محمد افضل (وفات 1626ء) سی جیہڑ ادلی نے کول کال رہنا سی۔ شاہ آیت اللہ جوہری پیدائش 1126ھ میر بہادر علی وحشت، مقصود باراں ماہ کاظم علی باراں ماہ دین سنگہ باراں ماہ وہاب باراں ماہ وغیرہ اٹھاری تہ اُنمی صدی پنج مشہور ہوئے۔ اسے ہی دور تھیں متاثر ہو کے پہاڑی زبان پنج باراں ماہ لکھنے نارواج آیا۔ سائیں قادر بخش، محمد بوٹا، ہدایت اللہ، سائیں فقر الدین، پیر عبدالستار، زمان چن، پیر محمد شاہ جے شاعراں نے اس سلسلے کی آگے چلان پنج اپنا خوب صورت حصہ ادا کیتا۔

اگر اُردو پنج لکھا جانے آلا معیاری کلام اک سندی حیثیت رکھنا اے تہ فرایہہ کلاسیکی شعری روایات کی پہاڑی زبان نالبادہ پہنا کے اس درجے تکر پچانے پنج کیہڑی گل رکاوٹ بنی اے۔ اُردو نے ماحول تھیں نکل کے جدوں ایہہ پنجابی نے ماحول پنج آیا۔ اُدھر عشقیہ شاعری نارواج ہو یا تہ رمز نے مزاج نال شعری روپ ورنگ بجیا سجایا ملیا۔ انہاں نے کول جیہڑی چیز اپنے کمال نے نال برتی گئی۔ اوہ ہی صوفیانہ لبادے پنج پہاڑی شعراء نے ہتھ آئی۔

اُردو پنج جتنی کوشش کیتی گئی اتنی ہی گجھ پنجابی پنج آئی تہ اوہ ہی مواد ہیئت تہ اوہ ہی ڈکشن (Diction) پہاڑی شاعری پنج پروٹی گئی۔ اُردو شاعری پنج صوفیاء کرام نارول بڑا اہم رہیا اے۔ اک بکھی مولانا روم تہ امیر خسرو ہین تہ دُوئی بکھی میر درد، غالب، فانی، علامہ اقبال اُردو شاعری کی پروان چڑھانے رہے۔ پر پہاڑی شاعری پنج اُسے طراں ناکلام میاں محمد بخش، مولوی دلپڑ، مولوی ہدایت اللہ، پیر محمد شاہ پونچھی، قمر راجوروی، سائیں قادر بخش، سائیں فقر الدین، پیر حیدر شاہ مینڈھرو، ہرنام سنگھ، دُکھیا، مہجور راجوروی وغیرہ پیش کیتا۔

اگر علامہ اقبال اپنے شعراں کی خوبصورتی، سچائی، نکھار، نال بیان کر کے اک فکری اساس چھوڑنے ہیں۔ مثال نے طور اُپر ے۔

اپنے بھی خفا مجھ سے بیگانے بھی ناخوش ہیں
میں زہر ہلاہل کو کبھی کہہ نہ سکا قد
اسے طراں نامزاج پہاڑی شاعری بچ راقم نے دو شعراں بچ باندے باچھڑ ملنا اے۔

اپنے وی نظراں بچاؤں پرائیاں نی گل چھوڑ
کدھر آئے پُہل کے بستیاں سڑیاں نے بچ
دوستی تہ پیار سُچا پہلے وقفاں نا نصاب
آج ایہہ ملنا نہیں اے ایٹھی کہڑیاں نے بچ

اسے طراں میاں محمد بخش صاحب اپنے دور نے مزاج کی علامہ اقبال کی شاعری نے انداز بچ متاثر کرنے والا کلام چھوڑیا اے۔ میاں محمد صاحب (1830-1907) نا دور اُردو یا کھڑی بولی تھیں ادھر پہاڑی پوٹھواری آلے پاسے نا اے۔ میاں صاحب فرمانے ہیں ے۔

ملک عبادت خاصی اندر ہر دم رہن کھلوتے
پر عشق دی لہرے اندر مار نہ سکے سن غوطے
ادھر علامہ اقبالؒ ہو راپنا کلام اس انداز بچ اس طراں پیش کرنے ہیں ے۔
مقام شوق تیرے قدموں کے بس کا نہیں
انہیں کا کام ہے یہ جن کے حوصلے ہیں زیادہ
میاں محمد بخشؒ ے۔

دل بچ کرے دلیل شہزادہ کی کم کرسن تارے
آپ تخت توں ٹہیندے جاندے اوہ غریب بے چارے
علامہ اقبالؒ ے۔

ستارہ کیا میری تقدیر کی خبر دے گا
وہ خود فراخی افلاک میں ہے خوار و زبوں

غالب فرمانے ہیں۔

رنج سے خوگر ہوا انسان تو مٹ جاتا ہے رنج
مُشکلیں اتنی پڑیں مجھ پہ کہ آساں ہو گئیں
میاں محمد بخش۔

جھل جھل ہار نہ ہاریں ہمت ہک دن پھری پاسا
پُہنکھا منگن چڑھے محمد اوڑک پھر دا کاسا
مردا ہمت ہار نہ مولے مت کوئی کہے نمردا
ہمت نال ملے جس لوڑے آئی بانج نہ مردا
عشتے دی ہے رسم قدیمی جلیاں نوں نت جالے
اگلا زخم نہ مولن دیندا ہور نویں سر ڈالے
علامہ اقبالؒ وطنیت نی آگاہی اپنے لافانی شعراں نے ذریعے کرنے ہیں تہ انہاں نے
نزدیک نیشنلزم تھیں پ کے انٹرنیشنلزم تکر پچپنا اس فی محبت فی نشانی اے۔ اس طراں اوہ آکھنے ہیں ۔
سارے جہاں سے اچھا ہندوستان ہمارا
ہم بلبلیں ہیں اس کی یہ گلستاں ہمارا
میاں محمد بخشؒ صاحب فرمانے ہیں ۔

توڑے کتے بن کے رپیے بچ وطن دیاں گلیاں
در در چہڑکاں سہہ تاں بھی فر پردیسوں پہنلیاں
اُدھر پنجابی شاعراں بچ بابا بکھے شاہ ہوراں نالافانی پند و نصیحت آلا کلام وی پہاڑی
شاعراں نے مزاج کی حالات فی آگاہی تہ دُنیا نے ریت و رواج آلی زندگی فی تباہی نا ذکر شعری
رُپ وی اس طراں کرنے رہے کہ کدے کافیاں فی شکل بچ شعراں نا درود ہونا اے۔ کدے
معرفت نے صاف سُتھرے پانیاں نال مانجھ کے شعر آکھے گئے۔ نمونہ کافی ۔
عشق دی نویں نویں بہار
جاں میں سبق عشق دا پڑھیا

مسجد کولوں جیوڈا ڈریا
اتھے وجدے ناد ہزار
علموں بس کریں اوہ یار

عارفانہ کلام۔

نہ میں مومن وچ مسیتاں
نہ میں وچ کفر دیاں ریتاں
نہ میں پاکاں وچ پلپیتاں
نہ میں موسیٰ نہ فرعون
نہ میں اندر پھیت کتاباں
نہ پہنگاں نہ وچ شرباں
نہ وچ رنداں مست خراباں
نہ وچ جاگن نہ وچ سوون
بھلا کی جانے میں کون

اُدھر پہاڑی کلام اسی زمی پنج ملاحظہ کرو۔

اُدھرے تن پُر لاساں ٹاکی، ٹٹے من کی جوڑاں کسراں
بستی عیب پھولن آلی ماہڑے عیب چھپاسی کون
تتی تھپ ہے اوکھی کہناٹی، اوپری بستی بیگانے لوک
اک اکہلا دُور دراہڈے پنڈ وی پہناری چاسی کون
(پہاڑی ”شیرازہ“۔ جون 2018ء)

میاں محمد بخش اک منظر نامہ اس طراں پیش کرنے ہین۔

سجن پیار کو دیکھن چلیاں پہاڑ اُتے تے چڑھ کے
جس ویلے دُکھ غالب آون رواں اندر بڑھ کے

اُپر بیان ہو چکیا اے کہ اُردو زبان بچ بارہاں ماہ نے حوالے نال محمد افضل پہلا شاعری جس نے اس صنف بچ شروعات کیتی۔ اسے طراں ایہہ روایت پہاڑی شاعری بچ تقریباً ہر جگہ ملنی اے۔ سائیں فقر الدین پونچھی اک منے پڑ منے ہوئے جتھے درویش ہین، اُتھے شاعری حیثیت نال انہاں نی جنگی چوکی پہچان اے۔ انہاں اس تھیں ہٹ کے سی حرنی، ترے لفظاں نی رعایت نال شعر قطعہ نما آکھے ہین۔ ایہہ صنف ہر یکے بڑے شاعر نے حصے بچ آئی اے، جیہڑے شاعری کرنے نامزاج رکھنے ہین۔ اس نے حوالے نال 48 شعراں نے حوالے نال بارہاں ماہ نی صورت بچ ہر مہینے نی موسیٰ حالت نے مطابق چار چار شعر موزون کر کے شاعری صفت بچ شامل ہونے نال اعزاز حاصل ہو جانا سی۔

اسے طراں سی حرنی نے نال 120 شعراں نے آکھن تھیں بعد اک شاعر اپنی حیثیت نادعوئی کر سکنا سی۔ بہر حال آساں پیر پنجال نے بسنیکاں کی سردیاں نے موسم بچ جدوں برف باری نال کئہر نے اندر بند رہنے تھیں سوا کوئی چارہ نیہہ سی ہونا نہ فرصت نے اس موقعے نا ایہہ فائدہ چلنے ساں کہ کسے طراں شعراں نے داخلے ناماحول میسر آونا اے نہ شاعری بچ اپنے ماضی الضمیر نی آواز کی کاغذ پُر بکھیرنے رہے آں۔

سائیں فقر الدین ہوراں نی سی حرنی نے چند بند ملاحظہ کرو تہ اس نا اندازہ کر لو کہ ایہہ کس طراں نیاں گلاں کرن بچ شاعری نامزاج دہسنے ہین۔

ج..... جہاں نوں عشق تھیں نور ملیا ، انہاں جج نماز گزار نی کے
دل جہاں دے نور دے نال تھوتے انہاں اُپروں میل اُتار نی کے
پکڑ جہاں نوں عشق نے ذبح کیا ، حلق انہاں دے چھری چلاونی کے
کفن دفن دی لوڑ نہ فقر دینا قبر انہاں دی ہار سنگھار نی کے
ض..... ضرب لائی مرد عرب والے نین روندے زار و زار بلی
پہلے مرن باجوں دل ڈرن باجوں عمل کرن باجوں بدکار بلی
فقر صبر باجوں ، چلہ قبر باجوں ملنا خیر باجوں دشوار بلی
رانجھا ہیر باجوں روندا فقر دینا بندہ پیر باجوں ہے خوار بلی

سائیں ہوراں عشق مجازی نی آڑیچ عشق حقیقی ناسفر پوری سرت سمہالی کے کیتا۔ لیکن عشق
مجازی نی اٹھان بچہ حسن نی تعریف جس سوہنے انداز بچہ کیتی اے اوہ بہت کہٹ شاعران کی نصیب
ہوئی۔

ہوٹھ گلابی رنگ انابی دند چنے دیاں کلیاں
گردن موراں وانگ لمیری صاف ہتھاں دیاں تلیاں
سُرخ دونوں رُخسار سوہنے اکھیاں شمع جگائیاں
سینہ صاف نورانی چہرہ اندر صاف صفائیاں
عطر کافور بدن خوشبوی وانگ پری شہزادی
وانگ بزرگاں نور برابر بندی خاص خُدا دی
حوراں وانگ آوے چکارا آپ خُدا وچ دے
نوری صورت رب اسانوں عمر تمامی دے

اس طراں نی شاعری سائیں صاحب نے مزاج نی عکاسی اے۔ ڈوہنگیاں رمزاں آلی
شاعری وی انہاں نے کیتی۔ جس بچہ خُدا خونی، خُدا طر فی، خُدا شناسی ناپیغام سی۔ اس طراں انہاں
نے قوم کی اک خوبصورت مزاج نا تعارف کرایا۔ جگہ جگہ ایہہ تلقین وی کیتی کہ بندے تہ خُدا نارشتہ
تدوں پکا ہو سکنا اے۔ جدوں خُدا کی راضی کرنے نا جتن کیتا جُلے۔ اس سلسلے بچہ عبادت نا تصور نیکی
کرنے نا جذبہ ہمدردی، آپسی میل جول، رواداری، کردار سازی تہ تصور آخرت، دُنیا نی پائیداری نے
روہڑیئے چھیڑ کے سمجھانے نا کم کیتا گیا۔ اس طراں اوہ انسان فی داخلی تہ خارجی دواں حالاتان بچہ
متواتر بیت نا بیڑا چکی کے رکھیا۔

اک ہور پنجابی شاعر خواجہ غلام فرید 17 نومبر 1845ء کی چاچڑاں بہاول پور بچہ پیدا ہوئے۔
انہاں نیاں کافیاں تہ عارفانہ کلام پہاڑی شاعران کی فیض بخشے بچہ ہوں متارول ادا کیتا۔ انہاں نے
کلام بچہ تصوف نیاں گلاں، معرفت نے نال نال لذت، کیفیت، سادگی، دل کی چھونے آلی شاعری
خاص طور پر اپنا اثر دھسنے بچہ تہ ہور طراں نی رہبری کرنی ریئی۔ ایہہ شاعران فی صف بچہ اپنا مقام پیدا

کر کے اس خاندان نا حصہ بننے رہے۔ جہاں نے تصوف آلی کبھی راہ دہسیا تہ قوماں بچ احساس ادراک بخشیا۔ شاہ عبداللطیف، شاہ حسین وغیرہ فی قائم کیتی ہوئی روایت نال جوڑے رہے۔ انہاں فی شاعری نامونہ ملاحظہ کرو۔

دل تیرا جے نال مہ تیرے کاہنوں پڑھیں نمازاں
پڑھیا علم تہ عمل نہ کیتا کس کم تیریاں وعظاں
نہ کبہ نہ کبہ والا ڈٹھا کدھیاں دین نیازاں
غلام فریدا پتہ نہ لکسی جدوں چڑی آئی ہتھ بازاں
انہاں نے برج بھاشا نے رنگ اپنا کے کرشن بھگتی ناراک وی الایا:
کوئچ موں بھلی کرشن سے کھیلو ہو رہی
پریم نیم کی گلال کو اڑائی
من مینہ سادھ سادھ دا لکھ راگ ہو
مہان گھٹ دھٹ پٹ جوت ہیں جگالی
کاشی متھرا پراگ برہم وشنو مہیش
سب ہی اپنے بھیس کیوں بدیس چائی

اس طراں ایہہ پنجابی شعراء حضرات توں پہاڑی مزاج تہ پہاڑی ماحول رکیاں بکھ رہ سکنا سی۔ رکیاں جے زبان نے حوالے نال اکوچئی گل علاقے نے بچ سا بچے کلچر تہ روایت نا جوڑا اک ہی چشمے توں بکنا پانی پینے آئے اک ہی تہذیب نے پٹھ پلنے آئے آخر متاثر ہوں توں رکیاں دؤر رہ سکے سن۔ اس طراں پہاڑی نے سارے صوفی شاعراں اپنے کلام کی انہاں ہی حد اں تہ انہاں ہی فکراں نال جوڑ کے اپنی ثقافت فی حفاظت کرنے نا پہنار سمہالی رکھیا۔

چنانچہ پہاڑی تھری شاعری نامزاج ملاحظہ کرو۔

ب..... بامری ہو کے بول بیٹھی جے میں جاندی بولنا کاسنوسی
جے میں جاندی یار نے لد جانا کہنا یار دا موڑنا کاسنوسی

جے میں جاندی بُت نے خاک ہونا اس بُت نوں پالنا کاسنوسی
 محمد شاہ لوہ آوندی اندرے دی باہر جنگلاں جانواں کاسنوسی
 پیر محمد شاہ نالعلق پونچھ نال سی۔ اوہ عارفانہ کلام نے حوالے نال زیادہ اہمیت آ لے رہے۔
 رمزاں پنج عرفان ذات ناچرچا، انہاں فی شاعری نا خاصا سی۔ انہاں نے عہدے دے زمان چن
 نے عاشقانہ مزاج پنج رگی شاعری کیتی۔ اک ناکام عاشق فی کیفیت ہاڑے تہ صدمیاں ناباندے
 باچھڑا نظہار انہاں فی شاعری نا خاصا رہیا۔ ساحر لدھیانوی ہاروں ناکام محبت فی مثال انہاں نے کلام
 پنج دی ملنی اے۔ عشق حقیقی فی لوڑ پنج جیاں کوئی بزرگ جگہ جگہ نکلے تہ ماہیاں دندے تہ کٹھیاں پنج
 پھر نا اے اسے طراں زمان وی مجازی شاعری تہ ناکام محبت کی لفظاں فی پوشاک باہی جگہ جگہ لوڑنا
 پھر نا اے۔ اس قبیل نے شعر ملاحظہ کرو:

الف..... اٹھ چلیوں، فر کدوں ملسیں، میرے نال بجنا گلاں چار کر جا
 پہلے لا سینے نال گھٹ مینوں، سڑے دل نوں ٹھنڈیاں ٹھار کر جا
 کدوں آوسیں فیر دل جانیاں وے میرے نال ہُن قول قرار کر جا
 کول بیٹھ زمان دے دو کہڑیاں گلاں پیاریا ہور دو چار کر جا

ت..... تاب تہ حُسن دل چنل سگاں بہوے یار جاں تار سنگار زلفاں
 کُنڈل پیچ در پیچ زنجیر لکمن تیز وانگ شمشیر تلوار زلفاں
 سپ وانگ بل دار ہزار کُنڈل کالے ناگ بیٹھے ڈنگن ہار زلفاں
 ہویا تک زمان بیتاب زخمی چناں پھٹیا تیز کٹار زلفاں

ت..... ترس نیمہ آوندا بجناں نوں نال تیز اداواں دے پھٹ جاندے
 کولوں لنگھدے نال گمان وڈے غمزے تیز نگاہاں دے کٹ جاندے
 دل کھس کے نال پیار پہلوں فر دوستی تھیں چکھے ہٹ جاندے
 سپنہ چہر زمان دل کڈھ وچوں خالی تڑدے بُت نوں سٹ جاندے

ب.....باغ اندر بُلبُل بولدی اے توں ہی توں پکاری گل میرا
چار کونے میں باغ دے ٹھونڈ تھکیا ملیا نہیں توں رنگیا پھل میرا
ساری عمر وچھوڑے دے بچ گزری گیا حسن جوانی دا رل میرا
جے کر چن زمان نوں آج ملدا لا نال سپنے پاندا مل میرا
زمان چن نی شعری پیشکش اس نی سوچ نامعراج سی جیہڑا اس کی جدائی نی صورت بچ
ہمیشہ شعراں نارو پ لے کے اظہار ہونا رہیا۔ ناکام عاشق نے ہاڑے سوز و گداز بے تابی بے
خوابی دُریاں نے ڈم تہ ناکامیاں بچ تھرے ہوئے اتھروں نی صورت بچ بے قراری نی تصویر پیش
کرنے ہین۔ ہُن ایہہ موجودہ دور نے لکھاری کس طراں متاثر ہونے ہین ایہہ گل اسے جگہ چھوڑ دینا
مناسب سمجھنا، کیاں جے ایہہ کلاسیکی ادب بچ روا سی پر موجودہ دور نے تقاضے پہنکھ،
افلاس لا چاری بے چارگی تہ بے بسی نے بوہے کھول کے زور زور نال پکار رہے ہین کہ اس ناعلاج
والہانہ عشقیہ شاعری نیہہ بلکہ متی ساری پہنکھ تہ دُورے معاملات ہین۔

اس بچ کوئی شک نی گنجائش نیہہ کہ ہر وقت ہر عہد تہ ہر زمانے نا اپنا مزاج اپنا بیانیہ تہ اپنا انداز
ہونا اے۔ اس بچ اس دور نیاں ساریاں قدراں اک دُورے نال گڈھ ہوئی جانیاں ہین۔ اس توں فر
اُبھر کے ادب پُر نکھارنا سلسلہ ملنا اے۔

پرفن پارے یا تخلیق اک جوڑ (Synthesis) نال برآمد ہونی اے۔ اس بچ تجزیہ نی صورت
پیدا کر کے ادب نے ہر پہلو نا نکھار ملنا اے۔ کسے جگہ اس کی تنقید نی ترکھڑی نال تکیا جانا اے۔
کدے اس کی سائنسی معیار نال پرکھیا جاسکنا اے تہ اس طراں زبان نی وسعت تہ ہمہ جہتی کی باہدا
ملنا اے تہ اوہ وقت نے چلیج نا سامنا کر سکی اے۔ ٹی ایس ایلٹ (1888-1965) اس ضمن بچ
تجزیہ تہ تقابل کی تنقید نا ہتھیار آکھنے ہین۔ اس نی وجہ توں علامتاں، استعارے لسانی ساخت نامعیار
بن کے مافی الضمیر بچ اپنا رول ادا کرنے رہتے ہین۔ ایہجے ہی حالات بچ شاعری نی کئی صفاں نی
نہیں پئی۔ غزل، نظم، مرثیہ، قطع، رباعی وغیرہ اصناف ادب نے جگہ پکڑی تہ نت نویں نویں تجریاں نا
دور پہاڑی زبان نا ادبی دور ثابت ہويا۔ افسانے، ڈرامے، ناول تہ انشائیے نا جنم وی ہويا تہ لکھاریاں

نے پھر پور طور پر اس میدان بچ کد گئے تہ ادبی شاہ پاریاں نال کاغذاں نے پیٹ پھر نے رہے۔ اس گل بچ گنجائش موجود رہی اے کہ موجودہ دور نے پہاڑی لکھاریاں کدے کدے روایت نال جوڑ کے تہ کدے کدے روایت توں ہٹ کے اپنا حصہ ادا کرنے رہے۔ اس طراں کلاسیکی ادب فی روایت کی برقرار رکھنے تہ اس کی برتنے بچ اپنا چوکھارول دینے والا کم تکمیل تکر پچایا۔

علامتاں تہ استعارے نا پہلا کم میاں محمد ہوراں اپنی لافانی مثنوی ”سیف الملوک“ بچ کیتا۔ ڈوہنگیاں رمزاں نال گل نامفہوم دہسنے ہین۔ انہاں فی مثنوی ”سیف الملوک“ ٹی ایس ایلپٹ فی ”The Waste Land“ نے انداز پُر منظر پُر آئی۔ میتھیو آرنالڈ نارستم سہراب فی داستان جیہڑی فارسی زبان توں ملی۔ ٹینیسن فی Ulysses جے انداز فی ہو بہو صورت سی، جس بچ کلاسیکی ادب نا چھاملہ دُر تکر اپنا جلوہ دہسنا اے۔ میاں صاحب نویں نسل کی ہمت، لگن تہ دلچسپی نال اپنے اعلیٰ مقصد کی حاصل کرنے فی کس طراں ترغیب دینے ہین۔ ملاحظہ کرو:

لوڑن والا رہیا نہ خالی لوڑ کیتی جس پکی
لوڑ کریندا جو مُر آیا لوڑ اہدی رگن کچی
کنڈے سخت گلاباں والے دُروں دیکھ نہ ڈریئے
چو بھاں چھپے، رُت چوایئے، چھول پھلاں تہ پھرئیئے

اس گل نال اختلاف کرنے فی گنجائش نیہ کہ مولانا روم فی مثنوی پہناویں فارسی زبان نا شاہکاراے تہ اس فی تائید بچ اس وقت نے دانش مند لوکاں نے اس حد توڑیں تعریفاں کیتیاں کہ اس کی ہست قرآن در زبان پہلوی یعنی فارسی زبان بچ نازل ہو یا قرآن اے۔ اس بچ دی اوہ ہی رمزاں تہ اوہ ہی زندگی نا فلسفہ اوہ ہی سوز و گداز اے جیہڑا پہاڑی زبان بچ میاں محمد بخش فی سیف الملوک بچ ملنا اے۔ اس کی اس کلاسیکی فن پارے فن پارے نے نال جوڑ کے محسوس کرنے آں کہ ایہہ میراث سارے انگریزی ادب پہناویں امریکی شاعری ہووے یا انگلستان فی شاعری ہاروں، پہاڑی زبان نے تعارف تہ مواد واسطے اک سرمایہ اے۔

اُردو شاعری بچ اقبال نامرد مومن تہ میاں صاحب نا ”مردا“ اک ہی مفہوم نا تذکرہ کرنے

ہیں۔ عارفانہ کلام نے حوالے نال گل کیتی جائے تہ بابا فرید توں سفر کرنی ہوئی صوفیانہ شاعری سلطان باہو بابا بھلے شاہ توں میاں محمد بخش تکرار اک ہی انداز تہ اک ہی پیرائے پنج پچی اے۔

کلاسیکی ادب ناک ہور شاعر سائیں قادر بخش سی، جیہڑا پونچھ پنج پیدا ہو یا تہ عشق فی کہانی لے کے راجوری آیا تہ متے کم کاج کرنے تہ نال ہی شاعری فی لگام کی تھم کے اس نے کہوڑے پُرچر توڑیں سوار رہیا۔ آخر اسے فکری جذبیان نے ہنگام پنج ترک دُنیا کر بیٹھے۔ فتح پور پنج انہاں نامزار اے۔ انہاں فی شاعری ناڈو ہنگا پہلو او ہی ناکام عشق رہیا۔ جس نے انہاں کی پونچھ توں ریاست بدر کر کے راجوری آندا۔ انہاں فی ابجدی حروف فی مناسبت نال کیتی گئی شاعری ملاحظہ ہووے:

الف..... اپنے وی جد چھوڑ دتے ہُن کی رکھنا ساتھ بے گانیاں دا
اج دے دوستاں توں رہنا الگ بہتر پانا پیار فر کی بیگانیاں دا
ہٹ رہن چنگا انہاں مِتراں تھیں مندا دِسا ٹہنگ زمانیاں دا
قادر بخش نٹھا خُلق خلق وچوں پیردا حال اے نویاں بے گانیاں دا
الف..... اس محبوب دی یاد اندر بند بند میرے استخوان سڑ گئے
لے لے ناں اس دا میری چھ کھس گئی اے پر زندگی دے عنوان سڑ گئے
جل بل کے دل کباب ہو یا توں ہی توں کہہ کے جسم جان سڑ گئے
قادر یار نہ کدے خیال کردا رو رو نمین بھی کر کر تنہیاں سڑ گئے

الف..... اس گلوں نہیں سی پرہت لائی جو گجھ تھدھ کیتی میرے نال سبناں
اساں اس گلوں نہیں سن نین لائے منہ کج رکھیں چادر ڈال سبناں
میں اس گلوں نہیں سی دل دتا لے کر کرسیں گا خستہ حال سبناں
قادر یار نہ اس گل فدا ہو یا نہیں دیسیں گا دید جمال سبناں
اسے قبیل نے ہور بزرگ شاعر روایتی مزاج توں متاثر ہو کے شاعری کرنے رہے۔ انہاں نے شعراں توں اگلی نسل نے شعراء نے مزاج فی کیفیت ملنی اے پراہیہ اس مقام توڑیں بیہہ پچ

سکے جیہڑا کہ کلاسیکی ادب پنج ہیرا پنجھ، سسی پٹوں، لیلیٰ مجنوں وغیرہ لکھنے آ لے طے کر چکے ہیں۔ انہاں نے اک روایت عشقیہ شاعری نی چھوڑی تہ اس کی عشق مجازی توں عشق حقیقی نارادہ دھسائے پنج چوکھارول دتا گیا۔ اُردو نی مثنوی ”گل بکاؤلی“ یا ”سحرالبیان“ نے ڈوہنگے سیا پے پہناوے اس بکھی کھٹ ہی آئے پر انہاں کول ادب ناجیہڑا شاہ پارہ سینہ بسینہ پھچیا اُس نا گجھ اک حصہ انہاں پکڑ کے شاعری کی اس سمت موڑنے نامعیار قائم کس۔ ماہڑی مراد پیر حیدر شاہ مینڈھروی اے۔ انہاں نا کلام ملاحظہ ہووے:

جس رنگ پنج احمد رنگیا گیا اوہ ہور کسے نوں کد چڑھدا
جس درس پڑھایا احمد نوں اُتھے ہور کوئی ہُن کد پڑھدا
کئی ہور بھی مُرسل ہو گزرے اُتے ساریاں نوں معراج ہوئے
جیویں عرش تے احمد سدیا گیا اُتھے ہور کوئی ہُن کد چڑھدا
ہر اک مُرسل دا کلمہ سی اُتے مُسلم سارے پڑھدے سن
پڑھ کلمہ پاک محمد دا دھس ہور کوئی ہُن کد پڑھدا
تا آدم تھیں لے عیسیٰ تک سب پڑھدے کلمہ احمد دا
جیویں اس پنج جلد نجات ملے کوئی ہور نہ وہموں کڈھ کھڑدا
اسے طراں ملکہی رام ہوراں دی باراں ماہ جیہڑی پنجابی ادب نا اہم سرمایہ اے اس کی

ملاحظہ کرو:

الف..... اسوں عرضی وچ مدینے باد صبا پہچائیں نی
کہہ دئیں عاشق تیری رو رو حال سنائیں نی
کتک کرم چنگا نہ کوئی آخر میں پچھتاواں گی
وقت حشر دے اللہ نبی ﷺ نوں کی میں مکھ دکھاواں گی

اسے طراں فکری روایت کی قائم رکھن لئی پہاڑی زبان پنج وی باراں ماہ یاسی حرنی ادھر پہلے
وقتاں پنج جیہڑی رواں ج پآگئی سی اوہ ماضی قریب توڑیں اوہ روایت قائم رکھنے نامعاملہ رہیا۔ فراس ادبی
سفر پنج نویاں سوچاں نا پہنا مڑ بلنا شروع ہويا۔

بہر حال زمانے ملتے حالات بدلے پر انیاں قدر اس نے بن باس پکڑیا، نواں دور آیا، نوایاں سوچاں بدلایاں، جاگیر داری نا خاتمہ ہویا، ظلم و جبر نا ماحول بدلایا، جمہوری دور نیاں سوغاتاں آئیاں، عزت نفس نا معیار باندے آیتا، انہاں صورتاں بچ شاعر جمود نی رسی پُر اپنے جذبات ہُن ٹہنگنے نا کم چھوڑ گئے۔ نہ ہُن کالی داس نا فلسفہ شاعری رہیا، نہ سور داس نا کلام، نہ ٹیگور نی آزادی پسند شاعری، نہ قاضی نذر الاسلام، نہ میر، نہ غالب، نہ اقبال، نہ نظیر اکبر آبادی، نہ الیکس زنڈر پوپ، نہ عذرا پونڈی، نہ سوانی آواز، نہ ہیومر، نہ شکسپیئر، نہ شاہنامہ فردوسی نا نا زخرے نا ماحول، نہ مثنوی سحرالبیان، نہ لارڈ لیرو سنگ، نہ ہی ورڈز ورتھنا (Natwolism)۔ ایہہ یا اس قسم نے سارے لوک اپنی اپنی خدمات ماحول تہ وقت نے حساب نال دے کے رخصت ہو گئے۔ ہر طراں نی سوچ اپنا نواں پن (Newness) نے بوہے پُر دستک دے کے جگا ریٹی اے۔ انٹرنیٹ نے فاصلے کھٹائے، دُریاں مٹائیاں۔ پوری دُنیا کی اک عالم گیر سماج (Global Village) نی رسی بچ پرو دتا۔ فیس بک، انسٹاگرام، وٹس آپ، ایسوجنیاں چیزاں نے ذہن بدلانے حالات بدلانے تہ نویں سوچ نے دور نی شروعات کیتی۔ اس طراں آج نا کلاسیکل ادب روایت نی پہنٹھی توں اگے نکل کے جدید تہ جدید تر نی کھوج بچ اے۔ آج نے نویں نویں تجربے، ہائیکو جیسے مواد کی پیش کر رہے ہین۔ جمود پرور سماج پُر اڈر تہمی مچی ہوئی اے۔ جدیدیت نا ماحول جینے نے ہر اک شعبے پُر حاوی ہو کے نویں دور نیاں حداں پُر چلن واسطے کہہ رہیا اے۔ آج نا شاعر، ہندی زبان نا ہووے یا اُردو نا، پنجابی نا ہووے یا پہاڑی نا، اک بکھری سوچ نا سفیر بن کے ابھر رہیا اے۔ جنگ، افراتفری، بیزاری، نفرت تہ انتہا پسندی نی سوچ کدے کدے مٹھی تہ کدے کدے باندے آکے اعلان کر ریٹی اے کہ انسان کی انسان رہن دیو۔ اس کی شیطان نے ہم پلہ کر کے دُنیا بچ تباہی نا ماحول نہ پیدا کرو۔ آج نا ادب انہاں حداں بچ سفر کر رہیا اے۔



جدید پہاڑی ادب

تحقیق و تنقید

پہاڑی زبان و ادب نے حوالے نال متے سارے مقالے لکھے گئے۔ بڑا تحقیقی کم ہتھ بچ ہندا۔ نویں نویں تجربات نی لوہ بچ نویاں نویاں راہواں اختیار کیتیاں گیاں۔ قدیم تہ جدید نے سفری مزاج کی دکھیا، سنیا تہ برتیا گیا۔ روایتی تہ غیر روایتی ضرورتاں نے خدوخال پُر چرچے کیتے گئے۔ پہاڑی زبان نا جغرافیہ تہ اسی تاریخی حیثیت پر وی تبصرے لکھے گئے۔ تاہم اجاں وی گل مکمل نیہہ ہوئی۔ کسے وی زبان تہ اس نے ادب نے حوالے نال جدھر جدھر وی محنتاں تہ کھوجاں کیتیاں جان اس ناسرا ملنے نا چرچا کرنا انہاں صداقتاں کی جھٹلانے نے مطابق سمجھیا جانا ہوسی۔ کیاں جے ادب تہ زبان نے سلسلے کسے ہک ہی زمانے نے یا کسے ہک ہی علاقے نے آس پاس ہی تصور نیہہ کیتے جاسکے بلکہ ایہہ ہک وسیع تہ عظیم تر تناظر نا حصہ شمار ہونے ہین۔

ماہرے اس مقالے نے حوالے نال ادب نی تعریف کرنی ضروری ہے۔ اس نی تعریف Oxford Dictionary نے حوالے نال Fiction, Drama, Poetry تصور کیتی جانی ہے۔ جدوں اس کی ہور وضاحت نال تکلنے ہاں تہ Fiction بچ اوہ تمام نثری تحریراں شمار ہونیاں ہین جیہڑیاں لکھاریاں نے قلم تھیں نکلیاں ہین۔ اس ضمن بچ افسانے، ناول تہ کہانیاں وغیرہ شامل ہین۔ انہاں نے نال نال نثری ڈرامہ، مضامین، انشائیہ، سفر نامے، خاکہ نویسی، خطوط، مزاحیہ تہ طنزیہ ادب وی اسنے نال میل کھانا ہے۔ اس توں بعد ڈرامہ ہے، جیہڑا صرف ڈرامہ ہی ہے، البتہ جدوں شاعری نی تعریف کراں تہ شاعری بچ نظم (Poem) ہی آکھیا جانا ہے، لہذا نظم تو مراد اوہ تحریر ہے جیہڑی نثر (Prose) نیہہ، اس کی نظم آکھاں گے، اس نظم بچ غزل نے نال نال دوے صنف سخن وی شامل ہین۔ جیاں کہ قصیدہ، مثنوی، رباعی، قطعہ، واسوخت، شہر آشوب، مسط، ترکیب بند، ترجیع بند، مستزاد وغیرہ لیکن انہاں کی آزادانہ طور پر بکھرے بکھرے زمرے بچ

شمار کیتا جاسکدا ہے۔ نظم نی گل ہوئے تہ فر نظم نے نال معری نظم، آزاد نظم، نثری نظم وغیرہ شامل کیتیاں جلدیاں ہین۔ بقول شمس الرحمان فاروقی ”ہراوہ منظوم تحریر جو غزل نہیں اوہ نظم ہے۔“

لہذا ہن بحث اس گل پر ہے کہ جدید پہاڑی ادب پر تحقیق کیتی جُلے۔ اس بچ قدیم Ancient، درمیانی Medieval، دور یا جدید Modern، پہاڑی ادب نال بحث ہے۔ جدوں اتھے جدید پہاڑی ادب نی گل شروع ہوئی تہ فر انگریزی زبان و ادب نے اثرات توں متاثر پہاڑی زبان کیاں رہ سکسی۔ اِنج اُردو تہ انگریزی سلسلہ ادب بچ (Post Modernism) مابعد جدیدیت نی صنف Term وی اچکی ہے، تاہم میں اس مقالے کی بغیر کسی نفسیاتی، رومانی، سماجی، اقتصادی یا سیاسی پس منظر نال جوڑنے نی بحث نیہہ بلکہ سیدھا سادا جدید پہاڑی ادب کی سامنے رکھ کے ایہہ تکیا جاسکے کہ اس نے اندر پلنے آلیاں ساریاں قدراں کیہڑے پاسے توں آئیاں؟ کیاں آیاں تہ انہاں نامزاج کے سی؟

اس بچ وی شک نیہہ کہ پہاڑی زبان کول متاثر اسرامیہ قدیم مزاج کی اپنائے ہوئے ہے۔ فر درمیانی دور نا اثر وی اس نے وجود پر پر چھایاں سٹ رہیا ہے۔ اساں نے پہاڑی زبان و مزاج نے اثر توں متاثر ہونے آلیاں نے تہ بغیر کسے گہری تحقیق نے محض جذبات نے ترالے پر چڑھ کے یوپی توں لے کے دریائے اٹک اس زبان نا جغرافیہ دریافت کرنے نا ہو چھاجیا دعویٰ کردتا۔ انہاں کی اس گل نی صداقت بچ ذرا وی تامل نیہہ کہ انہاں کول شعری یا کوئی نثری سرمایہ جو کجھ وی ہے اوہ محض دو سو سال تو اگے نا بیہمل رہیا۔ اسے دو صدیاں نے آس پاس کجھ کجھ کم اس زبان نی شناخت یا اسنی پہچان کی محسوس کرن لئی اندازہ کیتا جاسکنا ہے۔ قدیم ادبی میراث آجاں بھر پور تحقیق نی محتاج نظر آرہی ہے۔ اس تھیں ہٹ کے درمیانی دور نا زمانہ ہیئت کتھوں شروع کیتا جُلے بحث طلب ہے۔ پر اس نا آخری سر 1970ء نے آس پاس ملنا ہے۔ اس دور نے بعد نے سارے دور کی اسیں موجودہ دور نی تحویل بچ دینے ہاں۔

اس طرح نی تخصیص نی ضرورت اس واسطے وی رہی، کیاں جے اساں نے معاشرے نی زیرو زبر تہ اس نے خدو خال جاننے واسطے اس دور نیاں سماجی، سیاسی، اقتصادی تہ نفسیاتی ضرورتاں تہ تقاضے سامنے رکھ کے اس اُپر کم کرنے نی ضرورت ہے۔ اتھے نویں دور نی بسم اللہ توں پہلاں پُرانے دور

نے خاتمے تا اس نے نال ظاہر ہونے آ لے سارے تقاضے تہ قضیے نا عمل دخل دیکھیا جاسکے۔

پُرانے دور فی شاعری نا ہک اپنا جڈا گانہ مزاج سی تہ ہر ہک لکھاری اُس مزاج نے آل دوالے ہی سفر کرنا تہ انہاں متعین حد اں توں ادھر ادھر جانے فی ضرورت ہی نیہ سی۔ اسطراں وی کہ جدوں سوچاں نے سارے تقاضے پورے ہونے نا ارمان مکمل ہو جانا سی۔ فر ادھر ادھر تکتا، گویا لکشمین ریکھا پار کرنے نے برابر سی۔ اسے وجہ توں کوئی پُرانیاں روایتاں تو ادھر ادھر ہٹنا نظر نیہ آیا۔ ایسا وی ممکن ہے کہ ادب ہک مخصوص فکری، سماجی تہ ثقافتی حالات نے زیر سایہ پروان چڑھنا ہے۔ انہاں حد اں توں باہر جانے فی کوئی نہ کوئی ضرورت محسوس ہونی ہے نہ ہی ایہہ مناسب تصور کیتا جانا ہے۔ اسی ہک وجہ شاید ایہہ وی ہووے کہ مخصوص خطے یا جغرافیے بچ لکھنے آلیاں فی تربیت ہک بند ماحول بچ ہونی ہے۔ اوہ اپنے آل دوالے جو کجھ دکھ سکنا ہے۔ اسکی اوہ اُسے روپ بچ بیان کرنا ہے۔ جدوں باہر فی دُنیا نیاں نویاں قدراں نیاں ضرورتاں محسوس ہون گئیاں۔ تہ کسے نے عقل کی اوہ ہلا کے رکھ دین گئیاں تدوں بدلی ہوئیاں قدراں نا داخلہ ادبی ورثے بچ آنا شروع ہوئی لیکن بند ماحول بچ تہ تہ باہر فی ہوا اندر آئی سی نہ ہی کوئی ترسیل نا ذریعہ سی کہ مخلوط سماج نیاں ضرورتاں نے تحت نویاں ترکیباں تہ قدراں دُورے تک پہنچ سکے نا وسیلہ ملسی۔ جدید دور نیاں سائنسی ترقیاں ریڈیو، ٹی وی تہ انٹرنیٹ نے اثرات بچ اخباراں فی اشاعت نے پرانے فرسودہ خیالات تہ نظریات ادھیڑ دتے۔ فر سائنس نے عمل دخل نے لایعنی عقائد فی انساناں نے دماغاں بچوں اجاڑ دتا۔

ایہہ گل وی شاید توجہ طلب ہے کہ اسا ہڑے صاحب علم لوکاں کول ست سمندر پار کرنے نا تہ تجربہ سی نہ ہی وسائل تہ فر انہاں فی سوچ دُنیا نے محدود حلقے تک سفر کرنی رہی۔ انہاں ناؤنی اتج تہ اٹھان زیادہ دور تک نہ اُٹھ سکی سی۔ فر روایت پرستی نا جادو متاؤ وہنگا اثر چھوڑنا رہیا۔ فر جہالت نے وی تہ انہاں بستیاں بچ ڈیرہ جمایا سی۔ جیہڑی وجہ توں لایعنی گلاں خلاف عقل رواجاں ورسوماں تہ دُورے مفروضات اساں فی تمدنی زندگی بچ گھل مل گئے سن، جہاں تو دامن بچا نا قدرے مشکل ہے۔ اس طراں نے رواجاں نے اساں نے مردہ ضمیر بچ کھر کر لیا سی انہاں چار دیواری نے اندر انسان جینے نا نصاب مقرر کر چکے سُن۔

پہاڑی شاعری اچیئے اثرات نے تحت شروع ہوئی ہو مرمرجہ اصول وقاعدے نے نال اپنی نوک پلک سنواری رہی، پر بعد بچ نئے دور نے اپنے محرکات نال انساناں نے پنی دروازے کھٹکھٹائے۔ لہندے پاسے نیاں ہواواں ناداخلہ وی انہاں بستیاں پر ہویا۔ پرنٹ تہ الیکٹرانک میڈیا نے حیرت انگیز حد تک اس بچ تبدیلیاں آندیاں۔ سائنسی دریافتاں نے اسلوب بدلے تہ مفروضات نے سارے بوسیدہ ورقے تر وڑ چھوڑے تہ عقلی پرکھ پر اترنے والے نظریات نادور شروع ہویا۔ ایجیاں حالاتاں بچ پہاڑی زبان نے کئی دور دکھے۔ انہاں نامزاج بلیں بلیں اپنے اندر جوڑیا۔ حصول آزادی تھیں پہلا دور تہ آزادی تھیں بعد نادور اس زبان ناک نقشہ سنوار نے ناف مدد دار بن گیا۔

آزادی تھیں پہلا دور قدیم پہاڑی تہ کلاسیکل ادب نی شکل بچ روایت پرستی نے جامد ماحول نے اندر چلیا۔ اس دور نے لکھاریاں اپنی مرمرجہ روایت نی انھنی نقل کیتی۔ دراصل ایہہ سیاسی طور پر آپ راجی نادور سی۔ ہر پاسے انسانی عظمت نی پامالی سرمایہ داری وسود خواری نی ڈاڈھی پکڑ تہ جبر نے پینار پیٹھ دم گٹھن آلا جیا ماحول آس پاس سی۔ ایہہ وجہ ہے کہ امیر و غریب نے درمیان کھائیاں جئے فاصلے بن چکے سن۔ انساناں نی زندگی سرمایہ داراں تہ راجے مہاراجیاں نے کٹیاں تھیں وی کہت سمجھی جارہی سی۔ اس دور بچ ستائی ہوئی انسانیت کول اس نے جئے نی حفاظت تہ اس نے ضمیر نی آواز نا رکھ رکھاؤ متا مشکل بن گیا سی۔ سرمایہ دار طبقہ اپنی چودھراہٹ پر مست سی تہ اس نے مقابلے بچ غریب نادار لوک جینے نی آسائش نے طلبگار سن۔ انہاں دواں نے کول کوئی سانجھا پلیٹ فارم نبہہ سی جتھے کھٹے ہو سکے ہون۔

ایسے نازک تہ امتحانی دور بچ کجھ ہک لکھاریاں عشق نا قابل اعتناء تہ قابل عمل چڑ لے کے صفحے کالے کیئے۔ اس عشق نے حوالے نال اوہ اپنی گل اُچیاں کوٹھیاں بنگلیاں تہ ڈیوڈھیاں نے اندر پہنچانے نامقدس فرض انجام دتا۔ انہاں نے نظم نی صورت بچ دولت نی فراوانی، پیسے نی طلب تہ عیش و عشرت آلی زندگی کی محض تہو کھا، فریب تہ جہنم نی اگ نال جوڑ دتا۔ انہاں طریقیاں نال انہاں نی سماجی زندگی بچ امیر و غریب نے درمیان فاصلے کجھ ہک کہنے پر اسنے باوجود اس نظام نی پکڑ بڑی سخت سی۔ جس نی وجہ تھیں لکھاریاں نے قلم وی بندے گئے۔ کجھ قصیدے لکھ کے اپنی بوسیدہ زندگی بچ

رونقوں نے تلے لوڑن لگے تہ گجھ، دنیا مردار ہے تے اس نے چاہنے آئے گئے ہیں۔ ”اس قول نی لوہ
 بچ اپنے راستے نے کھوہرے پن کی صاف کر رہے سن۔ ایچے دور نے اندر شاعر لوکاں نے ہور گلاں
 تھیں راہ فرار اختیار کر کے عشق (مجازی یا حقیقی) نے افسانے الاپن لگے۔ کم علمی تہ خدا شناسی نی کمی نی
 ہوتی ایہہ عشق بازاری شکل بچ زیادہ تہ حقیقی رنگ بچ کہٹ سی۔ تاہم مجازی عشق نے پردے بچ عشق
 حقیقی ناچر چا خوب رہیا۔ دراصل عشق حقیقی علامہ اقبالؒ نے شاہین نے پراں بچ سی۔ جیہڑا کھلیاں
 فضاواں تہ فطرت نے گماہنڈ ہی پرورش پانا سی۔ اوہ زمی پر چلنے آلیاں کی کدوں مل سکنا سی۔ اس واسطے
 کہ سوال پیٹ نی پھکھ ناسی جیہڑا روٹی نا طلب گاری۔ اس پھکھ نے کسے کی کے روٹی کھلانی ہے جیہڑا
 آپے پیٹ خالی زندگی نے تجربے کر رہی سی۔

اس واسطے عشق حقیقی تہ مزاجی نے بشکارتی دوڑ لگی رہی پر حقیقی عشق نے دعویٰ در مجازی عشق نے
 ذریعے زیادہ پریشان تہ اُلجھے ہوئے لیھے۔

ایچے دور نیاں ساریاں لکھتاں خاص موضوع تہ ماحول نے اندر رہیاں، آتھیں باہر نکلنے نا
 حوصلہ تہ دم کہٹ ہی سی۔ میاں محمد صاحب نی سیف الملوک تہ فرسی حرفیاں نے روپ بچ جیہڑا وی
 کوئی کام ہویا۔ اسنے اندر انساناں مغز و معنی ہک ہی سی۔ میاں محمد صاحب کول کم عشق حقیقی سی پر باقی
 ماحول پر مجازی چادر ہر پاسے تنی نی دسی ہے۔ اسی طرح سائنس قادر بخش نابیانہ ہوے یا زمان چن
 نے دکھڑے تہ ہاڑے۔

1947ء نے سرمایہ داری، سود خواری، جاگیر داری تہ شخصیت پرستی نا خاتمہ تہ کردتا پر ہک ہور
 پکڑنے فراس انسان کی پھسانے تہ غلامانہ زندگی گزارنے نا ماحول پیدا کیتا۔ اس دور پر چوری چھپے
 روس Communism کدے کدے اپنا وجود دھسنے نی کوشش بچ دکھیا گیا۔ اس نظام نی پہلی پکڑ
 روٹی، کپڑا تہ مکان نے جذباتی نعرے نال سامنے آئی۔ پر اس پہاڑی خطے بچ کھچی نی خونی لکیر نے
 اس پاسے ہور اُس پاسے نے پہاڑی لکھاریاں کی ہک دوتے تھیں ثقافتی تہ ادبی طور پر بے گانہ کردتا
 ۔ اس لکیر نے اُس پار کے ادبی محرکات پلے اسی تہ خبر نبیہ، پر اس پاسے نے پہاڑی لکھاریاں بنیادی
 طور پر اردو زبان نے حوالے نال کہٹ کم کرنے رہے۔ عام طور پر شاعری نا مزاج ہر قسم نے لوکاں

بچ کھر کرن لگا۔ اس شاعری نامزاج روایتی سی۔ اردو زبان نے استعمال نہ ترکیاں نی بچپان آ لے سارے لکھاری جدوں پہاڑی بچ لکھن لگے تہ اوہ سارے اردو نے تجربے پہاڑی زبان نی طرف منتقل کر گئے۔ تقریباً اس گزشتہ صدی نی اٹھویں دہائی تک روایتی شعر گوئی تہ روایتی افسانے ہی پہاڑی زبان کی مل سکے۔ اس تھیں بعد جدوں پرانے تہ نویں ماحول نے بچ فاصلے بدھن لگے تہ کجھ بک صاحب علم حضرات قدیم نے رنگ تھیں ترپی تہ جدید نے رنگ کی اپنان لگے پر اس قبیل نے لوک کہٹ سن۔ کیاں جے نئے تجربات نی زمین راس نیہہ آئی۔

پرانے دور نے جنہاں شعراء نے پہاڑی زبان بچ روایتی شاعری کیتی انہاں بچ پیر محمد شاہ پونجھی مولوی مہر الدین، قمر راجوری، مفتی ولایت شاہ صاحب، پیر حیدر شاہ صاحب، سیم سمت، مولوی غلام رسول دودا سنوی، سائیں قادر بخش، زمان چن، مولوی عبدالستار بی بی پاک دامن، تیرتھ رام تھنہ منڈی، مرزا غلام رسول سیم سمت، مولوی فتح محمد درہالوی، غلام محی الدین عاصی راجوری، چونی لال شعلہ زیر زخمی گھمبیر مغلان، ٹھا کر کشمیر سنگھ، میر غلام قادر، حسام الدین بے تاب وغیرہ پہلی صف نے شاعر سن جیہڑے روایت کی زندہ رکھ کے اپنا شعری سفر جاری رکھے ہوئے سن۔

بک ہور کروٹ تعلیمی سفرتوں فارغ ہونے والیاں نی سی جیہڑے انگریزی زبان نے سکالرس، ورڈز ورٹھ، ٹینسی سن، جان کیٹ، رابرٹ فراسٹ، عذرا پاؤنڈ وغیرہ نے فکری شاگرد سن۔ دُوے پاسے اردو ادب و شاعری ور بانی، ناصر کاظمی، بشیر بدر، میر وغالب، ندا فاضلی، منیر نیازی، کمار پاشی، علیم الدین عالی، احمد فراز، اقبال، مومن، ذوق، فراق، فیض احمد فیض، ساحر لدھیانوی، شکیل بدایونی، ظفر اقبال وغیرہ نے شعری تجربات ہیئت تہ موضوع تہ دُوے فکری تقاضے پہاڑی زبان بچ شعوری تہ غیر شعوری طور پر داخل ہون لگے۔ اس طراں جدید شاعری نا تجربہ پہاڑی زبان بچ کو شروع ہون لگا۔

فنی اعتبار ناں پہاڑی شاعری کنگھی چوٹی، زلف پریشان، حسن پرستی، والہانہ عشق نا ناظہار وغیرہ نے اثرات تو باہر نکلی تہ فراس زبان بچ نویاں نویاں اصطلاحاں، رمز، کنائے، ترکیباں، طنز و طراقت وغیرہ نا سلسلہ شروع ہو یا فراس گذری صدی نے آخری دس سالہ دور بچ ملی ٹینسی نے جو کجھ اس سماج کی درہیڑ نے نا کم کیتا اوہ وی لکھاریاں نے قلم نی ساری سیاہی چٹ گئے تہ فراس قلم کی خون نی سیاہی دے

کے لکھنے نیاں ترکیبیاں اپنائیاں گئیں۔ ادھر صارفین کلچر نی یلغار وی سی۔ دراصل ہک نام ورنفا دتہ شاعر T.S.Eliot نے شاعری کو کوائف و حالات نادفتر بنانے نی روش کی مستر دکر دتا ہو ر شاعری نال شخصیت کی بے دخلی نی وکالت کیتی۔ ایو جیا ہی گجھ پہاڑی لکھاریاں نے کول جدید ادب نے مزاج نال جویا ہو یا نا لبھنا ہے۔ اس طراں پہاڑی شاعری نی اگر جدیدیت نے حوالے نال گل کیتی جُلے تہ فراس طراں محض انگلیاں پر گنے جانے والے ناں ہی ملسن۔ تاہم ہر ہک شاعر نی اپنی بساط نے مطابق ایہہ کوشش رہی کہ حالات نے کھیرے تہ در بدری نے نال جڑے نے جذبات شعری روپ بچ پیش کیتے جان۔ پرایہہ گل مشکل ہے کہ اس معیار نی کھری کسوٹی پر زیادہ شاعر پورے اتر سکے ہون۔

انسان نے کرب و بلا نا احساس اُس کی بے آرام کر کے رکھ دینا ہے۔ دن تدرات ہک نہ ختم ہونے والی پریشانی نی داستان بن جانے ہین۔ اسطراں نے ماحول تہ مزاج نا اظہار خورشید کرمانی اپنی ہک غزل بچ اسطراں کرنے ہین۔

درد کی لئی لئی لذتاں لکھساں
تھ بچ رکھ انگارے لکھساں
اندر ماہڑے کے گجھ ہو یا
ٹھٹھے کسٹراں ٹھارے لکھساں
تھپ بچ بدل کسراں برہیا
کچے سکے گارے لکھساں
خورشید گلاں نے ڈوہنگے پھٹ
کس نے کس کی مارے لکھساں

ایہہ اوہ کیفیت سی جیہڑی ہر حساس انسان نے اندر تازہ دہنی ہے تہ انسان رمزماں نے نال اپنے آس پاس نی جلن تہ تڑپ کی حرفاں نی زبان دینا ہے۔ فراوہ گلاں کرنا چاہنا ہے جیہڑیاں سچ تہ بے شک ہین۔ فراوہ گلاں جس نے بیان کرنے بچ تلخیاں نا شانہ بہرہنا ہے تہ اسکی چھپان نال دل نے بچنے اُدھر جانے ہین۔ ابھی ہی کیفیت جدید شعری مزاج نال رمز تہ ابہام نے لفافے بچ پھیلیٹی تہ شیخ

آزاد احمد آزادنی قلم توں برآمد ہونی ہے ۔

تھپ نی ڈاڈی موج نے اندر
ریت نا دریا پٹنا پیسی
زہر نا پیالہ سُر کی سُر کی
توپہ توپہ پینا پیسی
چار چوفیرے اگ نے پہنا نبھڑ
موم کی آخر گلنا پیسی

جدوں دل نا قرار رخصت ہونا ہے۔ آس پاس ڈرو خوف نا پہوت ڈیرہ جما کے بیٹھا ہوئے تہ
فرزندگی نی رونق آسائش قرار سارا بے بسی نے حوالے ہو جانا ہے۔ تدوں ہنسی خوشی نی سبیل سک جانی
ہے تہ ہر چیز پُر جبر نا تھکھنا تھوواں ظاہر ہونا ہے تہ لہجے ماحول بچ اس انسان نی کے حالت ہونی ہے۔
ذاکرفیاضی اس نی تصویر انہاں خوبصورت شعراں بچ اسطراں کرنے ہین ۔

تُخنا موسم دل وی تُخنا
اوہ چہرہ اوہ تل وی تُخنا
عاقل تہ کھکھور بنے سن
ماہڑا دل پاگل وی تُخنا
سٹرنے دن تہ بلدیاں راتاں
لمحہ ہک ہک پل وی تُخنا

کُجھ اوہ نفسیاتی حالات جیہڑے وقت نے مزاج نال انسان نی فطرت پرا اثر انداز ہوئے
نے ہین۔ انہاں نا اظہار پرندیاں نی زبان نال کر کے اپنا بوجھ ہکا کرنا ہے، اسے طراں نا تاثر جمال
دین جمال نی اس غزل بچ ہے ۔

نوچی کھاہدا ماس جُئے نا
ایہہ پنجر کیّاں تولیں کاگا

لگڑیاں نے بچے تکی
 ماریں چھٹ توں چھوہلیں کاگا
 ہُن تکی اپنا آہلنا خالی
 بک بک اتھروں ڈوہلیں کاگا

عصری آگاہی ناعذاب، بے چین زندگی نی تڑپ انسان کی دن نی مجلسی زندگی تہ
 بسر کرنے نا کجھ ہک موقعہ دینی ہے۔ پر رات نا گھپ انہیرا۔ ڈرنا منہ زور پھوت انسان
 کی رات نے سخت عذاب نے حوالے کر دینا ہے تہ فرانسان شعری روپ بچ لفظاں نے
 نال لڑچھکڑ کے اپنے احساسات نا اظہار کرنا رہنا اسنی فطرت ہے۔ اسطراں نے خیال
 اتیا نسیم نے اپنی لمبی بحر نی ہک غزل بچ دسنے ہین ے

ڈوہنگے شام نے منظر ماہڑا دل ڈولنا رہنا
 درتے درد نے پاگل ایویں ہی کھولنا رہنا
 ایہہ میں نیا سنگلاں ماہڑے ہتھ پیر بنھے وے
 قلم ماہڑا مگر تالے دلاں نے کھولنا رہنا
 ایہہ کالی رات شاہ کالی اندھیرا گھپ ہے ایویں میں
 ایہہ دیوا اکھ نے موتی ککھاں سنگ تولنا رہنا

موجودہ دور نے سارے تقاضے اس بات نی دلیل ہین کہ دل ناسکون جدوں نہ رہوئے تہ فر
 آس پاس ہونے والے واقعات تھیں انسان کتنا تنگ ہونا ہے کہ اس نی ہر پاسے رتو نے چھینٹے لبنے
 ہین۔ اس طراں نی کیفیت نا اظہار فضل کوثر اپنی ہک غزل بچ اسطراں کرنے ہین ے
 آسماناں تھیں تہ شعلے نکلن تارے رتے لال اتیراں
 لہونی کسیاں دریا بگنے پانی باہیا کال اتیراں
 لک خڑے سوچ گمائی پاگل خانے نانواں لکھیا
 کھر اپنے دا ہر جد کوئی مڑنا ٹھہلی مندی چال اتیراں

ملی ٹینسی نی وجہ تھیں بے چین روح پہلا کسٹراں سکون پاسی۔ جدوں کہ گولیاں نے دندنے
 نیاں آوازاں راتیں اگاں نے بگولے انسانی عظمتاں نی پامالی قتل و غارت گری، ہورایہہ جبر و زیادتی
 جدوں حالات ناحصہ ہووے تہ فراحساس پہنائی چارہ ہمدردی، سہمی سہمی نظر آونی ہے۔ ایہی جیسی
 کیفیت بشارت حسین خان نی ہک غزل تھیں مل رہی ہے۔

کندھاں چتر چتر ہونیاں
 گولیاں دی کد مٹر ہونیاں
 کالیاں گدھاں پھیرے باہے
 سٹکھ نیاں کونجاں تتر ہونیاں
 آس جتن گکھ حیلے کرساں
 میں جیندی جگ چچر ہونیاں

آجاں وی اعتبار نادامن ہتھ توں نہیہ چھٹیا۔ ابجیا ہونے پر انسان مایوسی نے گھڑے بچ
 چلا جانا ہے۔ پرایہہ اعتماد تہ یقین ہی نی دولت ہے۔ جیہڑی انسان کی زندہ رکھ رہی ہے۔ ثمنیہ سخر اپنی
 ہک غزل بچ اس طراں نا اظہار کرنی پین۔

چہڑ چڑھے برساتاں آیاں دل بچ ہے اعتبار اجیں
 دو کھڑیاں نہ برہیاں بدلا آوسی گا دلدار اجیں
 میں پھل کلیاں خوشبوواں نال رستے سب سجائے نی
 میلے پیر نہ ہوئی جاوون نہ رستے بچ ہوئے گار اجیں

کے ڈی مینی جدید غزل نیاں زلفاں سنوارنے تہ اس کی خوبصورتی نے لفظاں بچ ٹھہارنے نا
 بیڑا چایانا ہے۔ انہاں نے کول وی موجودہ دور نا سرمایہ اخباراں نے نال نال لوکاں نی
 معلومات بچ اضافہ کرنا لبنا ہے۔ مکی جی بخر بچ ہک غزل ملاحظہ ہوئے۔

قتل گناہواں ڈاکے پھر یا
 آج کل نا اخبار ہوئی گا

شام آسی گی چمکنے چمکنے
 صیاداں نا کہونکار ہوسی گا
 بارش برسی مابلی مابلی
 دل اندر شونکار ہوسی گا

جدوں انساناں نے ایچے اہتھ وقت نی نبض پر نہ ہون تہ فراس شخص نی ساری محنت لا حاصل
 ہونی ہے۔ اج نا المیہ ایچیا ہے کہ اج نا انسان بقول ٹینسی سن Sick, Huaay and divided
 aim مسلسل بے منزل سفر بچ ہے تہ اگر کامیاب ہو یا تہ بہواں چنگا، اگر نا کام ہو یا تہ فرمک نے ڈنڈ
 رے پہنور نے آلی گل شاہباز را جوری نی ہک غزل نا حصہ بنی گئی۔ ملاحظہ ہوئے۔

وقت نے سکے ڈنڈرے پہنوراں
 آس نا قاصد کس داہر ٹوراں
 بے ایمان سیاسی تھوکھا
 قطبی لہجی ایویں چوراں

فراوہی مایوسی، نامرادی، ناکامی نا وجود حرفاں نے اندر بند کیتا ملتا ہے۔ جدوں یونس
 ربائی اپنی غزل کی مزاج نے عین مطابق ڈھالنے نی کوشش کرنے ہین۔ اوہ آکھنے ہین۔

رُکھ چمکھڑاں نے ٹھہلے کھاسن
 پتر پتر پچے گر لاسن
 رنگاں نے موسم ایہہ سارے
 کہنرے نویں نویں بدلاسن

پرانی نسل نا اپنا رنگ سی پر نئی نسل اپنے آل دوالے حالات نا مشاہدہ کرنے پراوہ وی اس
 کیفیت توں فرار نیہہ اختیار کر سکے۔ جیہڑی انہاں نے بہڑے چوکڑی مار کے بیٹھی ہوئی ہے۔ ہک
 نوجوان شاعر ملک شفیق عارث ایچی کیفیت نا اظہار غزل نی خوبصورت زمین بچ اسطراں کرنے ہین۔

بچ دُنیا غم کھانا پیسی
 اتھروں سنگ نہانا پیسی

باغ بچ لائی پیار نے بوٹے

نفرت نا چہل ٹھانا پیسی

زندگی نے سفر پر نکلے ہوئے مسافر اپنے اوکھے سفر بچ کتنے تجریاں توں گذرنے ہیں۔ اس
نیاں یاداں دل بچ چھ جانیاں ہیں۔ پر اس فی لذت ناں احساس دُور تک یاداشت نے بوٹے بچ بند
کر کے دل نے کنڈے تنگ دتا جانا ہے۔ ایو چچی کیفیت رشید قمر کول کوئی اجنبی نیہ لفظاں پر پورا قابو
ہے تہ جدید رنگ فی آزمائش کافی عرصے توں کر رہے ہیں۔ جدید ادب نے تقاضیاں تو واقفیت نا اثاثہ
لے کے ایہہ اس سفر بچ لگے ہوئے ہیں۔ ملاحظہ ہوئے انہاں فی ہک غزل نے چند شعر ے

مسافر چھٹ کھڑیاں بیٹی گیا سی

زخم ڈوبنگے ہجر نے دیسی گیا سی

لکھاں تہ کے لکھاں برہیا نا قصہ

قلم لہو نا کوئی دیسی گیا سی

کوئی تصویر فر موڑی نہ پھچی

اوہ موسم رنگ سارے لئی گیا سی

قمر کوٹھے نیاں دپلاں کی تکیو

گئے ساون نال بدل کبھی گیا سی

امن سب دُنیا نے لوکاں فی چاہت ہے تہ بد امنی نے چہکھڑکی کوئی وی پسند نیہہ کرنا۔ اس
واسطے سارے لوگ امن فی تہنگ بچ اپنی اُمیداں نیاں دُوراں کس رہے ہیں تاکہ اس تڑا کے فی
تنلوں تھیں نجات مل سکے۔ مبارک علی نقوی ہک غزل نے حوالے نال اس طراں آکھ رہے ہیں ے

لگی اگ بجھانی پیسی

سڑدی جان بچانی پیسی

کہانی پیار محبت والی

سامنے بیٹھ سنانی پیسی

اسیچے ہی جذبات ظہور دین ٹھکرنے کول وی ہین۔ اوہ اپنی ہک غزل بچ آکھنے ہین۔

جند اپنی آزماساں کسراں
تہر کلیجے کھاساں کسراں
خوشیاں نے سب سنگی ساتھی
اوہکھا وقت لنگھاساں کسراں
ایہہ بستی اُجڑی چار چوفیری
تنگی کول بساں کسراں

کدے اسبجیا وقت وی آجانا ہے۔ جدوں سچ آکھنا بڑا مشکل ہو جانا ہے تہ انسان اپنے ضمیر کی نیلام کر کے چھوٹھ نے سہارے گلاں نافتر کھولنا ہے اسکی مذہب نی اصطلاح وجہ منافقت آکھنے ہین۔ پر جدوں تک اکھتئی ہے۔ زبان ہلسی تہ سچ آکھنا ہوسی۔ حالات نی ستم ظریفی سچ کی اُلٹا کے رکھ چھوڑنی ہے تہ فریق سوزا بچی کیفیت کی ہک خوبصورت غزل نے بچ پرونے ہین۔

سچو سچ سنانا اوہکھا
اپنا آپ بچانا اوہکھا
آکڑ تہ تنگ نظری سنگ
رُٹھا یار منانا اوہکھا
بچنا مشکل کوڑوں تھوڑوں
چٹے کپڑے لانا اوہکھا
خوشیاں نے بچ میلے لگن
غم نے بہڑے جانا اوہکھا

پوری دنیا سرد جنگ تہ گرم جنگ نیاں اصطلاحاں بچ سوچنی ہے۔ جدوں سرد جنگ نے تقاضے خاصے مشکل ہو جانے ہین تہ فراوہ ایٹمی بھٹی نی شکل بچ پھٹ کے انسانیت کی عاجز کر چھوڑنے ہین تہ ظالم نے ہتھوں کچلے جانے نے باوجود وی انسان اس ڈرنی نفسیات بچ گم ہو یار ہنا

ہے، تاہم آنے والے بھیانک تہ ڈراوے کل نا احساس اس کی تکلیف بچ بتلا رکھنا ہے۔ عارف جرال عارف اپنی ہک خوبصورت غزل کی ایہجیا ہی لباس پہنانے ہیں ۔

بلیں بلیں اگ تنہکھنی ہے ہک دن پہانمڑ بلسی گا
 اپنے دل نی اگ سنگ تکیو پہاڑ برف نا گلسی گا
 اتھرواں کی پمیاں ورکد تک لارے دیسو گے
 ہک کھڑی بچ گل مک جاسی جد کوئی پتر بلسی گا
 کریم چوہدری اپنی ہک خوبصورت غزل کی نویں تجریاں نال سنوارنے ہیں ۔

پھل کھلسن پھل کھیلی تکساں
 رُت نویں الیبلی تکساں
 اوہ جد آسی دل نے بوہے
 رونق فیر حویلی تکساں

انہاں آساں نے سہارے انسان تلخ دن تہ تاریک راتاں گزار رہیا ہے۔ پرایہہ دور اپنے
 اثر نے پٹھ دب کے سارے جذبات کی تلخیاں نے حوالے کرنا ہوسی۔ ملک مشتاق تبسم نی ہک
 خوبصورت غزل ۔

کالے بدل بہرنے جاسن
 آس نے پتھر کھرنے جاسن
 پروانے آج خوشی خوشی سنگ
 باری باری سٹرنے جاسن
 ایہہ پہنگیاڑاں نی بستی ہے
 ہتھ لہو سنگ پھرنے جاسن

اسطراں نیاں کوششاں آج نے لکھاریاں نے اس ماں بولی نے بناؤ سنگار واسطے شروع
 کیتیاں۔ ایہجا لگنا ہے کہ انہاں نے بدل دے حالات نے نال نویں نویں تجربے تہ تعلیمی سفر نی

رعایت نال کوئی چنگا، بمعنی، بامقصد تہ جدید حالات نیاں ضرورتاں نال جُویا ہو ر کم کسے حد تک کامیاب ہوسی۔ اجاں ایہہ کجھ صرف غزل نے حوالے نال ہو یا ہے، پر نظم پر وی تجربات ناسلسلہ جاری ہے۔ اس سلسلے پنج عبد المجید ماگرے فی آزاد نظم ہک نواں تہ خوبصورت تجربہ ہے۔ کرامت اللہ درودی اس سفر نے پنج پوری محنت نال شامل ہو رہے ہین۔

جتھے تک روایتی شاعری نا تعلق ہے، اس پنج سی حرفی، ”دوبیتے، پٹے، گیت“ بالوماہیا جئے تجربات بھر پور طور پر ہوئے ہین۔ انہاں لکھاریاں ناکدے تہ تعلق بزرگ نسل نال ہے تہ کدے ایہہ نویں نسل نیاں دلچسپیاں نا موضوع وی رہیا ہے۔ انہاں شعراء پنج شامل ہونے والیاں پنج محمد ایوب نعیم، بشارت علی خان راز، شیخ فضل احمد، گلاب دین جزا، ملک دولت حسین، قیوم شال ساحل، بشارت انقلابی، گلشن سنگھ گلشن، اقبال نسیم، محمد بشیر شاہ، محمد سرور ریحان، فیروز الدین بیگ، تنویر ملک، محمد عظیم خان، جہانگیر دانش، سید اکبر شاہ نمگین، ظہور احمد رضی، غلام نبی عثمانی، قیومہ بی ستی، سید انور شاہین، سردار احمد خان، ظفر اقبال خان، جنید حقانی، نعیم مرتضیٰ ہاشمی، پرویز ملک، نور محمد نور، لعل دین مظلوم، عبد المجید حسرت، جوگندر سنگھ شان، ریحانہ عزیز، عزیز مملد یال، تاج دین تاج، محمد افضل منہاس، ٹھاکر کشمیر سنگھ، خورشید بکمل، صادق شاہ، شان کشمیری، افتخار قریشی، ظہور الدین ٹھکر، غلام حنیف عارف، پردیپ کھنہ، محمد حسین بھٹی، بشارت حسین، بشارت، عبدالواحد منہاس، غلام ربانی اعوان، احمد الدین انور، نذیر حسین انس، شیخ ظہور الدین، حسام الدین بے تاب، خورشید جانم۔

جتھے تک افسانوی ادب نا تعلق ہے اس پر وی متا سارا کم ہو چکیا ہے۔ آج نا پہاڑی افسانہ کئی ہک جدید ضرورتاں ماحول تہ مزاج نال رغبت رکھ رہیا ہے۔ افسانے لکھنے آلیاں پنج کجھ لوک نویس ادبی رجحانات نال گہری دلچسپی رکھنے ہین تہ کجھ ہک علمی بصیرت نے باوجود روایتی اضافے نے خدو خال توں اگے نیہہ نکل سکے۔ افسانے تہ ناول نے درمیان کسے جگہ کوئی فرق نہ سمجھنے ہونیاں لکھاری کاغذ کالے کر رہے ہین۔ جدید افسانے پنج چند ہک ناں ہی ہین۔ جیہڑے معیاری افسانہ نگاری نے ذمرے پنج آندے جاسکے ہین۔ انہاں پنج اقبال شال نے افسانے، اقبال نازش، راجہ شجاعت، خورشید بکمل، ظفر اقبال خان، خورشید یو مینی، جہانگیر دانش، ناز نوشاد احمد، شہناز پروین پاکیزہ،

عبدالحمید ماگرے، اعظم حسرت، عبدالرزاق شمشی وغیرہ شامل ہیں۔

نویاں نویاں کوششاں نے سہارے ہو روی لکھنے فی روش پر سوار ہیں۔ دراصل جدید پہاڑی افسانہ اپنے سارے لوازمات نال اُبھر نہ سکیا۔ اس ناپلاٹ، اس ناکردار، ہیئت تہ بیانہ، اس نے Climax سے Anti Climax اس نال ماحول Local ایہہ ساریاں چیزاں افسانے فی صورت بنان تہ اسی خوبصورتی بچ اضا فہ کرن لئی ضروری ہیں۔ پر کجھ ہک اساہڑے افسانہ لکھنے آ لے لفظاں ناطوفان تہ وارد کر سکنے ہیں۔ پر کردار بچ کوئی جان نیہہ پیدا کر سکنے۔ اس واسطے افسانے فی کشش تہ دلچسپی نا وجود بے معنی بن جانا ہے۔ اسان نے افسانہ لکھن آ لے سب کسے ڈوہنگے مطالعے فی پیداوار نہ بن سکے۔ اس واسطے کہانی اپنی ساری جاذبیت تہ خوبصورتی چھوڑ دینی ہے۔ اسان کول اردو ادب نے نمائندہ افسانے وی موجود ہیں۔ پر اسان فی نظر انہاں پروں تلکی کے گذرنی ہے۔ اس واسطے اسیں تہ تہ کرشن چندر پیدا کر سکے ہاں نہ پریم چند نہ بلرام منرا کوئی پیدا ہو سکیا نہ منٹو۔ پر ایہہ سب کجھ تہ دوں ممکن ہے جدوں اسان نے لکھنے آ لے تواتر و تسلسل (Continuity) کی اپنا مقصد بنان گے۔ تاہم جدید افسانے نیاں ضرورتاں ہوو طراں نیاں ہیں جنہاں کی برتیا جاسکنا ہے۔ اس طراں افسانوی ادب بچ پہاڑی زبان نے حوالے نال کافی کجھ ہو چکیا ہے۔ پر اجاں کافی سفر باقی وی ہے جس کی طے کرنا ضروری ہے۔ فروی افسانہ لکھنے آلیاں فی فہرست چنگی بڑی ہے۔ انہاں بچ عبدالحمید میر، اعظم حسرت، ظفر اقبال، ملد یال، میر حسین کاظمی، راجہ خوشدل خان، شفیق مجتبیٰ، عبدالرزاق شمشی، شیخ شبیر احمد، اقبال نسیم، بشیر النساء، بشارت، غلام مصطفیٰ، پیچھی، آزاد احمد، آزاد، زینت، فرودس، زینت، نذر، بونیاری، سید مہر علی گیلانی، رگبیر چند، نام، مہر النساء، اچھو پال سنگھ، عبدالرحمن مغل، یوسف نسیم، شہباز راجوری، روبینہ بھٹی، بلال لودھی، مکلیش، مینی، فدار راجوری، عبد الہادی، پیر زادہ، لیاقت علی، عبدالرشید، غمگین، ظہور احمد خان، قاضی محبوب الہی، شہناز پاکیزہ، محمد سرور، ریحان، بیکم سنگھ، راہی، فاروق، انوار مرزا، مرزا شکیل شاہ، نور اللہ قریشی، عبدالحمید کرناہی، نسیم اکبر، کیول کرشن شرما، جاوید راہی، اشرف علی، اشرف، محمد شفیع صابر، شیخ منظور، محمد یونس خان، عطاء اللہ خان، سید انور سلیم، ملک، دولت حسین، اوم پرکاش، سہر وال، شیخ ظہور، مرحوم شاہ محمد خان، محمد اسلم خان، سرحدی، اسلم مرزا، راجوری، زلفریگم، نسیم احمد خان، لیاقت جعفری، محمد صادق میر، ماسٹر

محمد یونس، نور محمد بھٹی، ملک غلام قادر، مجاہد مسعودی وغیرہ شامل ہیں۔ انہاں افسانوی ادب بچ اپنے اپنے مزاج تہ ماحول نے اثر نے تحت خوب چنگام کیتا۔ ایہجا لگتا ہے کہ اگر رفتار ایو جیئی قائم رہی، تہ فر افسانوی ادب نے بچ پہاڑی زبان نے حوالے نال انہاں ناکم کافی زرخیز زمین مہیا کرسی تہ فر اس زبان نی خدمت بھر پور طور پر کیتی جاسکسی۔ جتھے تک پہاڑی ڈرامے نا تعلق ہے اس پر کوئی متاکم بیہہ ہو یا۔ خوشدیویتی نے ڈرامے لکھے تہ اوہ پہاڑی زبان نی ڈرامائی انداز بچ خدمت ناحق ادا کر رہے ہیں۔ رشید قمر نے ڈرامے ”حویلیاں نی اک“، ”برفاں نے ڈم“، ”اُلنے دہنہیاں نی تہپ“ کافی مشہور ہوئے، لیکن اس توں بعد اس راستے پراوہ بیہہ چل سکے۔ ماسٹر محمد مقبول خان تہ جہانگیر دانش وی اک ادھ ڈرامہ لکھنے نی محنت کر چکے ہیں۔ لیکن ڈرامے نے حوالے نال ماہری نظر بچ اس ویلے تکر دواں بندیاں بہوں متاکم کیتا ہے، اک ہیں خوش دیویتی تہ عبدالرشید لون غمگین۔ عبدالرشید لون غمگین ہوراں نی اٹھاراں پہاڑی زبان نے ڈرامیاں ور مشتمل اک مکمل کتاب وی چھاپے چڑھ چکی ہے، جیہڑی کہ 338 صفحیاں ور مشتمل ہے۔ ایہہ اک بہت ہی خوشی نی گل ہے۔ میں ذاتی طور ور جناب غمگین صاحب کی اس گل واسطے مبارکباد پیش کرناہاں۔



پہاڑی زبان و ادب

..... الے جائزہ

پہاڑی زبان و ادب نے حوالے نال متے سارے مقالے لکھے گئے۔ بڑا تحقیقی کم ہتھ بچ ہندا۔ نویں نویں تجربیاں نی لوہ بچ نویں نویں راہواں اختیار کیتیاں گیاں۔ قدیم تہ جدید نے سفری مزاج کی دکھیا، سنیا تہ برتیا گیا۔ روایتی تہ غیر روایتی ضرورتاں نے خدو خال پُر چرے کیتے گئے۔ پہاڑی زبان نا جغرافیہ تہ اسنی تاریخی حیثیت پری تبصرے لکھے گئے۔ تاہم ابہجاں وی گل مکمل میہ ہوئی۔ کسے وی زبان تہ اس نے ادب نے حوالے نال جدھر جدھر وی محتات تہ کھوجاں کیتیاں جان اس ناسرا ملنے ناچر چا کرنا انہاں صداقتاں کی جھٹلا نے نے مطابق سمجھیا جانا ہوسی۔ کیاں بے ادب تہ زبان نے سلسلے کسے ہک ہی زمانے نے یا کسے ہک ہی علاقے نے آس پاس ہی تصور میہ کیتے جاسکے بلکہ ایہہ ہک وسیع تہ عظیم تر تناظر نا حصہ شمار ہونے ہین۔

ماہرے اس مقالے نے حوالے نال ادب نی تعریف کرنی ضروری ہے۔ اس نی تعریف آکسفورڈ ڈکشنری نے حوالے نال Fiction, Drama, Poetry تصور کیتی جانی ہے۔ جدوں اس کی ہور وضاحت نال تکلنے ہاں تہ Fiction بچ اوہ تمام نثری تحریراں شمار ہونیاں ہین جیہڑیاں لکھاریاں نے قلم تھیں نکلیاں ہین۔ اس ضمن بچ افسانے، ناول تہ کہانیاں وغیرہ شامل ہین۔ انہاں نے نال نال نثری ڈرامہ، مضامین، انشائیہ، سفر نامے، خاکہ نویس، خطوط، مزاحیہ تہ طنزیہ ادب وی اسنے نال میل کھانا ہے۔ اس توں بعد ڈرامہ ہے، جیہڑا صرف ڈرامہ ہی ہے، البتہ جدوں شاعری نی تعریف کراں تہ شاعری بچ نظم (Poem) ہی آکھیا جانا ہے، لہذا نظم تو مراد اوہ تحریر ہے جیہڑی نثر (Prose) میہ اس کی نظم آکھاں گے، اس نظم بچ غزل نے نال نال دوے صنف سخن وی شامل ہین۔ جیاں کہ قصیدہ، مثنوی، رباعی، قطعہ، واسوخت، شہر آشوب، مسقط، ترکیب بند، ترجیع بند، مستزاد وغیرہ لیکن انہاں کی آزادانہ طور پر بکھرے بکھرے زمرے بچ شمار

کیتا جاسکدا ہے۔ نظم نی گل ہوئے تہ فر نظم نے نال معری نظم، آزاد نظم، نثری نظم وغیرہ شامل کیتیاں جلدیاں ہین۔ بقول شمس الرحمن فاروقی ”ہراوہ منظوم تحریر جو غزل نہیں اوہ نظم ہے۔“

لہذا ہن بحث اس بات پر ہے کہ جدید پہاڑی ادب پر تحقیق کیتی جُلے اس بچ قدیم Ancient، درمیانی دور Medieval یا جدید Modern پہاڑی ادب نال بحث ہے۔ جدوں اتھے جدید پہاڑی ادب نی گل شروع ہوئی تہ فرانگریزی زبان و ادب نے اثرات توں متاثر پہاڑی زبان کیاں رہ سکسی۔ اِج اُردو تہ انگریزی سلسلہ ادب بچ (Post Modernism) مابعد جدید فی صنف Term وی آچکی ہے تاہم میں اس مقالے کی بغیر کسی نفسیاتی، رومانی، سماجی، اقتصادی یا سیاسی پس منظر نال جوڑنے نی بحث نیہہ بلکہ سیدھا سادا جدید پہاڑی ادب کی سامنے رکھ کے ایہہ تکیا جاسکے کہ اس نے اندر پلنے آلیاں ساریاں قدراں کہڑے پاسے توں آیاں؟ کیاں آیاں تہ انہاں نامزاج کے سی؟

اس بچ وی شک نیہہ کہ پہاڑی زبان کول متاثر اسرامیہ قدیم مزاج کی اپنائے ہوئے ہے۔ فر درمیانی دور نا اثر وی اس نے وجود پر پر چھایاں سٹ رہیا ہے۔ اساں نے پہاڑی زبان و مزاج نے اثر توں متاثر ہونے آلیاں نے تہ بغیر کسے گہری تحقیق نے محض جذبات نے ترالے پر چڑھ کے یوپی توں لے کے دریائے اٹک اس زبان نا جغرافیہ دریافت کرنے نا ہو چھاجیا دعویٰ کردتا۔ انہاں کی اس گل نی صداقت بچ ذرا وی تامل نیہہ کہ انہاں کول شعری یا کوئی نثری سرامیہ جو گجھ وی ہے اوہ محض دو سو سال تو اگے نا بیہہ مل رہیا۔ اسے دو صدیاں نے آس پاس گجھ گجھ کم اس زبان نی شناخت یا اسنی پہچان کی محسوس کرن لئی اندازہ کیتا جاسکنا ہے۔ قدیم ادبی میراث آجاں بھر پور تحقیق نی محتاج نظر آرہی ہے۔ اس تھیں ہٹ کے درمیانی دور نا زمانہ ہیئت کتھوں شروع کیتا جُلے بحث طلب ہے۔ پر اس نا آخری سر 1970ء نے آس پاس ملنا ہے۔ اس دور نے بعد نے سارے دور کی اسیں موجودہ دور نے تحویل بچ دینے ہاں۔

اس طرح فی تخصیص فی ضرورت اس واسطے وی رہی، کیاں جے اساں معاشرے نی زیر و زبر تہ اس نے خدو خال جاننے واسطے اس دور نیاں سماجی، سیاسی اقتصادی تہ نفسیاتی ضرورتاں تہ تقاضے

سامنے رکھ کے اس پر کام کرنے کی ضرورت ہے۔ اتھے نئے دور نے آغاز توں پہلاں پُرانے دور نے خاتمے تہ اس نے نال ظاہر ہونے آ لے سارے تقاضے تہ قضیے ناعمل دخل دیکھیا جاسکے۔

پُرانے دور کی شاعری ناہک اپنا جُداگانہ مزاج سی تہ ہر ہک لکھاری اُس مزاج نے آل دوالے ہی سفر کرنا تہ انہاں متعین حد اں توں ادھر ادھر جانے کی ضرورت ہی نہیہ سی۔ اسطراں دی کہ جدوں سوچاں نے سارے تقاضے پورے ہونے نا ارمان مکمل ہو جانا سی۔ فر ادھر ادھر تکتنا گویا لکشمین ریکھا پار کرنے نے برابر سی۔ اسے وجہ توں کوئی پُرانیاں روایتاں تو ادھر ادھر ہٹنا نظر نہیہ آیا۔ ایسا وی ممکن ہے کہ ادب ہک مخصوص فکری سماجی تہ ثقافتی حالات نے زیر سایہ پروان چڑھنا ہے۔ انہاں حد اں توں باہر جانے کی کوئی نہ کوئی ضرورت محسوس ہونی ہے نہ ہی ایہہ مناسب تصور کہیتا جانا ہے۔ اسی ہک وجہ شاید ایہہ وی ہووے کہ مخصوص خطے یا جغرافیے بچ لکھنے آلیاں کی تربیت ہک بند ماحول بچ ہونی ہے۔ اوہ اپنے آل دوالے جو کجھ دکھ سکنا ہے۔ اسکی اوہ اُسے روپ بچ بیان کرنا ہے۔ جدوں باہر کی دُنیا نیاں نویاں قدراں نیاں ضرورتاں محسوس ہون گیاں تہ کسے نے عقل کی اوہلا کے رکھ دین گیاں تدوں بدلی ہوئیاں قدراں نا داخلہ ادبی ورثے بچ آنا شروع ہوئی لیکن بند ماحول بچ نہ تہ باہر کی ہوا اندر آنی سی نہ ہی کوئی ترسیل نا ذریعہ سی کہ مخلوط سماج نیاں ضرورتاں نے تحت نویاں ترکیباں تہ قدراں دوے تک پہنچ سکے نا وسیلہ مجلسی۔ جدید دور نیاں سائنسی ترقیاں ریڈیوئی وی تہ انٹرنیٹ نے اثرات بچ اخباراں کی اشاعت نے پرانے فرسودہ خیالات تہ نظریات ادھیڑوتے۔ فر سائنس نے عمل دخل نے لایعنی عقائد کی انساناں نے دماغاں بچوں اجاڑ دتا۔

ایہہ گل وی شاید توجہ طلب ہے کہ اسا ہڑے صاحب علم لوکاں کول ست سمندر پار کرنے نا تہ تجربہ سی نہ ہی وسائل تہ فر انہاں کی سوچ دُنیا نے محدود حلقے تک سفر کرنی رہی۔ انہاں نا ڈھنی اتج تہ اٹھان زیادہ دور تک نہ اُٹھ سکی سی۔ فر روایت پرستی نا جادو متا ڈھونگا اثر چھوڑنا رہیا۔ فر جہالت نے وی تہ انہاں بستیاں بچ ڈیرہ جمایا سی۔ جیہڑی وجہ توں لایعنی گلاں خلاف عقل رواجات و رسومات تہ دوے مفروضات اساں کی تمدنی زندگی بچ گھل مل گئے سن جہاں تو دامن بچا نا قدرے مشکل ہے۔ اس طراں نے رواجاں نے اساں نے مردہ ضمیر بچ کھر کر لیا سی انہاں چار دیواری نے اندر انسان جینے نا نصاب مقرر کر چکے سن۔

پہاڑی شاعری اچھے اثرات نے تحت شروع ہوئی ہو مر وجہ اصول وقاعدے نے نال اپنی نوک پلک سنواری رہی، پر بعد بچ نئے دور نے اپنے محرکات نال انساناں نے پنی دروازے کھٹکھٹائے۔ لہندے پاسے نیاں ہواواں ناداخلہ وی انہاں بستیاں پر ہویا۔ پرنٹ تہ الیکٹرانک میڈیا نے حیرت انگیز حد تک اس بچ تبدیلیاں آندیاں۔ سائنسی دریافتاں نے اسلوب بدلے تہ مفروضات نے سارے بوسیدہ ورقے تر وڑ چھوڑے تہ عقلی پرکھ پر اترنے والے نظریات نادور شروع ہویا۔ ایجیاں حالات بچ پہاڑی زبان نے کئی دور دکھے۔ انہاں نامزاج بلیں بلیں اپنے اندر جوڑیا۔ حصول آزادی تھیں پہلاں دور نے آزادی تھیں بعد نادور اس زبان ناک نقشہ سنوار نے نازمہ دار بن گیا۔

آزادی تھیں پہلاں دور قدیم پہاڑی تہ کلاسیکل ادب نی شکل بچ روایت پرستی نے جامد ماحول نے اندر چلیا۔ اس دور نے لکھاریاں اپنی مر وجہ روایت نی اتی نقل کیتی۔ دراصل ایہہ سیاسی طور پر آپ راجی نا دور سی۔ ہر پاسے انسانی عظمت نی پامالی سرمایہ داری وسود خواری نی ڈاڈی پکڑ تہ جبر نے بہار پیٹھ دم گٹھن آلا جیاماحول آس پاس سی۔ ایہہ وجہ ہے کہ امیر و غریب نے درمیان کھائیاں جے فاصلے بن چکے سن۔ انساناں نی زندگی سرمایہ داراں تہ راجے مہاراجیاں نے کتیاں تھیں وی کہت سمجھ رہے سن۔ اس دور بچ ستائی ہوئی انسانیت کول اس نے جُپے نی حفاظت تہ اس نے ضمیر نی آواز نارکھ رکھا، متا مشکل بن گیا سی۔ سرمایہ دار طبقہ اپنی چودھراہٹ پر مست سی تہ اس نے مقابلے بچ غریب، نادار لوک جینے نی آسائش نے طلبگار سن۔ انہاں دواں نے کول کوئی سانجھا پلیٹ فارم نیہہ سی، جتھے کھٹے ہو سکے ہون۔

ایسے نازک تہ امتحانی دور بچ گجھ ہک لکھاریاں عشق ناقابل اعتناء تہ قابل عمل چپڑ لے کے صفحے کالے کیتے۔ اس عشق نے حوالے نال اوہ اپنی گل اُچیاں کوٹھیاں بنگلیاں تہ ڈیوڈھیاں نے اندر پہنچانے نامقدس فرض انجام دتا۔ انہاں نے نظم نی صورت بچ دولت نی فراوانی، پیسے نی طلب تہ عیش و عشرت آلی زندگی کی محض تہو کھا، فریب تہ جہنم نی آگ نال جوڑ دتا۔ انہاں طریقیاں نال انہاں نی سماجی زندگی بچ امیر و غریب نے درمیان فاصلے گجھ ہک کہا لے، پر اسنے باوجود اس نظام نی پکڑ بڑی سخت سی۔ جس نی وجہ تھیں لکھاریاں نے قلم وی بندے گئے۔ گجھ قصیدے لکھ کے اپنی بوسیدہ زندگی بچ رونقناں نے تلے لوڑن لگے۔ تہ گجھ، دنیا مر دار ہے تہ اس نے چاہنے آ لے گئے ہین۔ ”اس قول نی

لوہ بچ اپنے راستے نے کھر درے پن کی صاف کر رہے سن۔ ایسے دور نے اندر شاعر لوکاں نے ہور
گلاں تھیں ذرا فرار اختیار کر کے عشق (مجازی یا حقیقی) نے افسانے الاپن لگے۔ کم علمی تہ خدا شناسی
نی کمی نی وجہ توں ایہہ عشق بازاری شکل بچ زیادہ تہ حقیقی رنگ بچ کہٹ گیا سی۔ تاہم مجازی عشق نے
پردے بچ عشق حقیقی ناچر چا خوب رہیا۔ دراصل عشق حقیقی علامہ اقبالؒ نے شاہین نے پراس بچ سی۔
جیہڑا کھلیاں فضاواں تہ فطرت نے گمانڈ ہی پرورش پاناسی۔ اوہ زمی پر چلنے آلیاں کی کدوں مل سکنا سی۔
اسواسطے کہ سوال پیٹ نی پھکھ ناسی جہڑا روٹی نا طلب گاری۔ اس پھکھے نے کسے کی کے روٹی کھانی ہے
جیہڑا اپنے پیٹ خالی زندگی نے تجربے کر رہیا سی۔

اسواسطے عشق حقیقی تہ مزاجی نے بشکار متی دوڑ لگی رہی پر حقیقی عشق نے دعویٰ در مجازی عشق نے
ذریعے زیادہ پریشان تہ اُلکھے ہوئے لبے۔

ایسے دور نیاں ساریاں لکھتاں خاص موضوع تہ ماحول نے اندر رہیاں، استھیں باہر نکلنے ناں
حوصلہ تہ دم کہٹ ہی سی۔ میاں محمد صاحب نی سیف الملوک تہ فرسی حرفیاں نے روپ بچ جیہڑا وی
کوئی کام ہو یا۔ اسنے اندر انساناں مغز و معنی ہک ہی سی۔ میاں محمد صاحب کول کم عشق حقیقی سی پر باقی
ماحول پر مجازی چادر ہر پاسے تنی نی دسی ہے۔ اسی طرح سائیں قادر بخش نابیانہ ہوے یا زمان چن
نے دکھڑے تہ ہاڑے۔

1947ء نے سرمایہ داری، سود خواری، جاگیر داری تہ شخصیت پرستی نا خاتمہ تہ کردتا پر ہک ہور
پکڑنے فراس انسان کی پھسانے تہ غلامانہ زندگی گزارنے نا ماحول پیدا کیتا۔ اس دور پر چوری چھپے
روس Communism کدے کدے اپنا وجود دسنے نی کوشش بچ دکھیا گیا۔ اس نظام کی پہلی پکڑ
روٹی، کپڑا تہ مکان نے جذباتی نعرے نال سامنے آئی۔ پر اس پہاڑی خطے بچ چھپچھپ نی خونی لکیر نے
اس پاسے ہور اُس پاسے نے پہاڑی لکھاریاں کی ہک دوے تھیں ثقافتی تہ ادبی طور پر بے گانہ کردتا۔ اس
لکیر نے اُس پار کے ادبی محرکات پلے۔ اسی تہ خبر میہ۔ پر اس پاسے نے پہاڑی لکھاریاں بنیادی
طور پر اردو زبان نے حوالے نال کہٹ کم کرنے رہے۔ عام طور پر شاعری نامزاج ہر قسم نے لوکاں بچ
کھڑ کرن لگا۔ اس شاعری نامزاج روایتی سی۔ اردو زبان نے استعمال تہ ترکیباں نی پہچان آلے

سارے لکھاری جدوں پہاڑی بچ لکھن لگے تہ اوہ سارے اُردو نے تجربے پہاڑی زبان نی طرف منتقل کر گئے۔ تقریباً اس گزشتہ صدی نے اٹھویں دہائی تک روایتی شعر گوئی تہ روایتی افسانے ہی پہاڑی زبان کی مل سکے۔ اس تھیں بعد جدوں پرانے نہ نویں ماحول نے بچ فاصلے بدھن لگے تہ کجھ ہک صاحب علم حضرات قدیم نے رنگ تھیں پھلاگی کے جدید نے رنگ کی اپنان لگے پر اس قبیل نے لوک کہٹ سن۔ کیاں جے نئے تجربات نی زمین راس نہیہ آئی۔

پرانے دور نے جہاں شعراء نے پہاڑی زبان بچ روایتی شاعری کیتی انہاں بچ پیر محمد شاہ پونچھی مولوی مہر الدین، قمر راجوری، مفتی ولایت شاہ صاحب، پیر حیدر شاہ صاحب سیم سمت، مولوی غلام رسول دودا سنوی، سائیں قادر بخش، زمان چن، مولوی عبدالستار بی بی پاک دامن، تیرتھ رام تھنہ منڈی، مرزا غلام رسول سیم سمت، مولوی فتح محمد درہالوی، غلام محی الدین عاصی راجوری، چونی لال شعلہ، زیر زخمی گھمبیر مغلاں، ٹھا کر کشمیر سنگھ، میر غلام قادر، حسام الدین بے تاب وغیرہ پہلی صف نے شاعر سن جیہڑے روایت کی زندہ رکھ کے اپنا شعری سفر جاری رکھے ہوئے سن۔

ہک ہور کروٹ تعلیمی سفرتوں فارغ ہونے والیاں نی سی، جیہڑے انگریزی زبان نے سکالرس، ورڈز ور تھ، ٹینسی سن، جان کیٹ، رابرٹ فراسٹ، عذرا پاؤنڈ وغیرہ نے فکری شاگرد سن۔ دوے پاسے اردو ادب و شاعری و ربانی، ناصر کاظمی، بشیر بدایین، میر وغالب، ندا فاضلی، منیر نیازی، کمار پاشی، علیم الدین عالی، احمد فراز، اقبال، مومن، ذوق، فراق، فیض احمد فیض، ساحر لدھیانوی، شکیل بدایونی، ظفر اقبال وغیرہ نے شعری تجربات، ہیئت و موضوع تہ دوے فکری تقاضے پہاڑی زبان بچ شعوری تہ غیر شعوری طور پر داخل ہون لگے۔ اس طراں جدید شاعری نا تجربہ پہاڑی زبان بچ وی شروع ہون لگا۔

فنی اعتبار ناں پہاڑی شاعری کنگھی چوٹی، زلف پریشان، حسن پرستی، والہانہ عشق نا اظہار وغیرہ نے اثرات تو باہر نکلی تہ فراس زبان بچ نویاں نویاں اصطلاحاں، رمز، کنائے، ترکیباں، طنز و طراقت وغیرہ نا سلسلہ شروع ہو یا فراس گذری صدی نے آخری دس سالہ دور بچ ملی ٹینسی نے جو کجھ اس سماج کی ہڈیڑے رکھنے نا کام کیتا اوہ وی لکھاریاں نے قلم نی ساری سیاہی چٹ گئے تہ فراس قلم کی خون نی

سیاہی دے کے لکھنے نیاں ترکیباں اپنائیاں گئیاں۔ ادھر صارفین کلچر فی یلغاروی سی۔ دراصل ہک نام ورنقاوتہ شاعر Tseliot نے شاعری کو کوائف و حالات نافتر بنانے فی روش کو مسترد کردتا ہوو شاعری نال شخصیت کی بے دخلی فی وکالت کیتی۔ ایو جیہا ہی گجھ پہاڑی لکھاریاں نے کول جدید ادب نے مزاج نال جویا ہو یا نال بنا ہے۔ اس طراں پہاڑی شاعری فی اگر جدیدیت نے حوالے نال گل کیتی جیلے تہ فراس طراں محض انگلیاں پر گنے جانے والے ناں ہی ملمس۔ تاہم ہر ہک شاعر فی اپنی بساط نے مطابق ایہہ کوشش رہی کہ حالات نے بکھیرے تہ در بدری نے نال جڑے نے جذبات شعری روپ بچ پیش کیتے جان۔ پر ایہہ گل مشکل ہے کہ اس معیار فی کھری کسوٹی پر زیادہ شاعر اتر سکے ہوں۔

انسان نے کرب و ہمتا نا احساس اُس کی بے آرام کر کے رکھ دینا ہے۔ دن تہ رات ہک نہ ختم ہونے والی پریشانی فی داستان بن جانے ہین۔ اسطراں نے ماحول تہ مزاج نا اظہار خورشید کرمانی اپنی ہک غزل بچ اسطراں کرنے ہین۔

درد کی لئی لئی لذتاں لکھساں
تھہ بچ رکھ انگارے لکھساں
اندر ماہڑے کے گجھ ہو یا
ٹھٹھے کسراں ٹھنارے لکھساں
تھپ بچ بدل کسراں بھریا
کچے سیکے گارے لکھساں
خورشید گلاں نے ڈوہنگے پھٹ
کس نے کس کی مارے لکھساں

ایہہ اوہ کیفیت سی جیہڑی ہر حساس انسان نے اندر تازہ دہنی ہے تہ انسان رمزاں نے نال اپنے آس پاس فی جلن تہ تڑپ کی حرفاں فی زبان دینا ہے۔ فراوہ گلاں کرنا چاہنا ہے جیہڑیاں سچ تہ بے شک ہین۔ فراوہ گلاں جس نے بیان کرنے بچ تلخیاں نا شانہ بہرہنا ہے تہ اسکی چھپان نال دل نے بچنے اُدھر جانے ہین۔ ابھی ہی کیفیت جدید شعری مزاج نال رمز تہ ابہام نے لفافے بچ پھیلیٹی تہ شیخ

آزاد احمد آزادنی قلم توں برآمد ہونی ہے ۔

تھپ نی ڈاڈی موج نے اندر
ریت نا دریا پٹنا پیسی
زہر نا پیالہ سُر کی سُر کی
توپہ توپہ پینا پیسی
چار چوفیرے اگ نے پہنار
موم کی آخر گلنا پیسی

جدوں دل نا قرار رخصت ہونا ہے۔ آس پاس ڈروخوف نا پھوت ڈیرہ جما کے بیٹھا ہوئے تہ
فرزندگی نی رونق، آسائش قرار سارا بے بسی نے حوالے ہو جانا ہے۔ تدوں ہنسی خوشی نی سبیل سکھ جانی
ہے تہ ہر چیز پر جبر نا تھکھنا تہواں ظاہر ہونا ہے تہ ایچے ماحول بچ اس انسان نی کے حالت ہونی ہے۔
ذاکریاضی اس نی تصویر انہاں خوبصورت شعراں بچ اسطراں کرنے ہین ۔

تھنا موسم دل وی تھنا
اوہ چہرہ اوہ تل وی تھنا
عقل تہ کھکھور بنے سن
ماہرا دل پاگل وی تھنا
سٹرنے دن تہ بلدیاں راتاں
لمحہ ہک ہک پل وی تھنا

کچھ اوہ نفسیاتی حالات جیہڑے وقت نے مزاج نال انسان نی فطرت پر اثر انداز ہوئے
نے ہین۔ انہاں نا اظہار پرندیاں نی زبان نال کر کے اپنا بوجھ ہکا کرنا ہے، اسے طراں نا تاثر جمال
دین جمال نی اس غزل بچ ہے ۔

نوچی کھادا ماس جُہنے نا
ایہہ پنجر کیاں تولیں کاگا

لگڑیاں نے بچے تکی
 ماریں چھٹ توں چھولیں کاگا
 ہُن تکی اپنا آلتاں خالی
 بک بک اتھروں ڈولیں کاگا

عصری آگاہی ناعذاب بے چین زندگی نی تڑپ انسان کی دن نی مجلسی زندگی تہ بسر کرنے نا
 گجھ ہک موقعہ دینی ہے۔ پر رات نا کھپ انہیرا۔ ڈرنا منہ زور پھوت انسان کی رات نے سخت
 عذاب نے حوالے کر دینا ہے تہ فر انسان شعری روپ بچ لفظاں نے نال لڑچھگو کے اپنے احساسات
 نا اظہار کرنا رہنا اتنی فطرت ہے۔ اسطراں نے خیال امتیاز نسیم نے اپنی لمبی بحر نی ہک غزل بچ دسنے
 ہین ے

ڈوہنگے شام نے منظر ماہرا دل ڈولنا رہنا
 درتچے درد نے پاگل ایویں ہی کھولنا رہنا
 ایہہ میں نیا سنگلاں ماہرے ہتھ پیر بنھے دے
 قلم ماہرا مگر تالے دلاں نے کھولنا رہنا
 ایہہ کالی رات شاہ کالی اندھیرا کھپ ہے ایویں میں
 ایہہ دیوا اکھ نے موتی ککھاں سنگ تولنا رہنا

موجودہ دور نے سارے تقاضے اس بات نی دلیل ہین کہ دل ناسکون جدوں نہ رہوئے تہ فر
 آس پاس ہونے والے واقعات تھیں انسان کتنا تنگ ہونا ہے کہ اس نی ہر پاسے رتو نے چھینٹے لبنے
 ہین۔ اس طراں نی کیفیت نا اظہار فضل کوثر اپنی ہک غزل بچ اسطراں کرنے ہین ے
 آسماناں تھیں تہ شعلے نکلن تارے رتے لال اتیراں
 لہونی کسیاں دریا بگنے پانی باہیا اکال اتیراں
 لک خڑے سوچ گمائی پاگل خانے نانواں لکھیا
 کھر اپنے دا ہر جد کوئی مڑنا ٹھیلی مندی چال اتیراں

ملی ٹینسی نی وجہ تھیں بے چین روح پہلا کسٹراں سکون پاسی۔ جدوں کہ گولیاں نے دندنے
 نیاں آوازاں راتیں اگاں نے بگولے انسانی عظمتاں نی پامالی قتل و غارت گری، ہورایہہ جبر و زیادتی
 جدوں حالات نا حصہ ہووے نہ فراحساس، پھنائی چارہ ہمدردی، سہمی سہمی نظر آونی ہے۔ ایہی جیسی
 کیفیت بشارت حسین خان نی بک غزل تھیں مل رہی ہے۔

کندھاں چتر چتر ہوئیاں
 گولیاں دی کد مٹر ہوئیاں
 کالیاں گدھاں پھیرے باہے
 سکھ نی کونجاں تتر ہوئیاں
 آس جتن گجھ حیلے کرساں
 میں جیندی جگ چچر ہوئیاں

آجاں وی اعتبار نا دامن ہتھ توں نیہہ چھوٹیا۔ ابھیا ہونے پر انسان مایوسی نے گھرے پنج
 چلا جانا ہے۔ پرایہہ اعتماد تہ یقین ہی نی دولت ہے۔ جیہڑی انسان کی زندہ رکھ رہی ہے۔ ثمنیہ سحر
 اپنی بک غزل پنج اس طراں نا اظہار کرنی ہین۔

چھڑ چڑھے برساتاں آیاں
 دل پنج ہے اعتبار اجییں
 دو کھڑیاں نہ بریاں بدلا
 آوسی گا دلدار اجییں
 میں پھل کلیاں خوشبوواں
 نال رستے سب سجائے نی
 میلے پیر نہ ہوئی جاوَن
 رستے پنج نہ ہووے گار اجییں

کے ڈی مینی جدید غزل نیاں زلفاں سنوارنے تہ اس کی خوبصورتی نے لفظاں پنج ٹھالنے نا

بیڑا چاہیانا ہے۔ انہاں نے کول وی موجودہ دور ناسرما یا اخباراں نے نال نال لوکاں نی معلومات بچ
اضافہ کرنا لبنا ہے۔ کئی جی بخر بچ ہک غزل ملاحظہ ہوئے۔

قتل گنا ہواں ڈاکے پہر یا
اَج کل نا اخبار ہوسی گا
شام آسی گی چھکنے چھکنے
سیاداں نا کہونکار ہوسی گا
بارش برسی مابلی مابلی
دل اندر شو نکار ہوسی گا

جدوں انساناں نے ایچیا ہتھ وقت نی نبض پر نہ ہون نہ فراس شخص نی ساری محنت لاحاصل
ہونی ہے۔ اَج نا المیہ ایچیا ہے کہ اَج نا انسان بقول ٹینسی سن Sick, Huaay and divided
aim مسلسل بے منزل سفر بچ ہے تہ اگر کامیاب ہو یا تہ بہواں چنگا، اگر ناکام ہو یا تہ فرمک نے
ڈنڈرے پھورے آلی گل شاہباز راجوری نی ہک غزل ناحصہ بنی گئی۔ ملاحظہ ہووئے۔

وقت نے سکے ڈنڈرے پہوراں
آس نا قاصد کس داہر ٹوراں
بے ایمان سیاسی سوکھا
قطبی لہھی ایویں چوراں

فراوی مایوسی نا مرادی ناکامی نا وجود حرفاں نے اندر بند کیتا ملنا ہے۔ جدوں یونس ربانی اپنی
غزل کی مزاج نے عین مطابق ڈھالنے نی کوشش کرنے پین۔ اوہ آکھنے پین۔
رُکھ چھکھڑاں نے ٹھہلے کھاسن
پتر پتر پئے کُر لاسن
رنگاں نے موسم ایہہ سارے
کہنرے نویں نویں بد لاسن

پرائی نسل نا اپنا رنگ سی، پر نئی نسل اپنے آل دوالے حالات نا مشاہدہ کرنے پراوہ وی اس
کیفیت توں فرار نیہہ اختیار کر سکے۔ جیہڑی انہاں نے بہڑے چوکڑی مار کے بیٹھی ہوئی ہے۔ ہک
نوجوان شاعر ملک شفیق عارشی ابھی کیفیت نا اظہار غزل نی خوبصورت زمین بچ اسطراں کرنے ہین۔

بچ دُنیا غم کھانا پیسی
اتھروں سنگ نہانا پیسی
باغ بچ لائی پیار نے بوٹے
نفرت نا چہل ٹھانا پیسی

زندگی نے سفر پر نکلے ہوئے مسافر اپنے اوکھے سفر بچ کتنے تجریاں توں گذرنے ہین۔ اس
نیاں یاداں دل بچ کچھ جانیاں ہین۔ پر اس نی لذت ناں احساس دُور تک یا داشت نے بوٹے بچ بند
کر کے دل نے کنڈے ٹنگ دتا جانا ہے۔ ایو جیہڑی کیفیت رشید قمر کوئی اجنبی نیہہ لفظاں پر پورا قابو
ہے تہ جدید رنگ نی آزمائش کافی عرصے توں کر رہے ہین۔ جدید ادب نے تقاضیاں تو واقفیت نا اثاثہ
لے کے ایہہ اس سفر بچ لگے ہوئے ہین۔ ملاحظہ ہوئے انہاں نی ہک غزل نے چند شعر۔

مسافر چھٹ کہڑیاں بھی گیا سی
زخم ڈوہنگے ہجر نے دئی گیا سی
لکھاں کے لکھاں بریا نا قصہ
قلم لہو نا کوئی دیسی گیا سی
کوئی تصویر فر موڑی نہ پہچی
اوہ موسم رنگ سارے لئی گیا سی
قمر کوٹھے نیاں دیلاں کی تکیو
گئے ساون نال بدل کہی گیا سی

امن سب دُنیا نے لوکاں نی چاہت ہے تہ بد امنی نے چمکھڑ کی کوئی وی پسند نیہہ کرنا۔ اس
واسطے سارے لوگ امن نی تہنگ بچ اپنی اُمیداں نیاں دُوراں کس رہے ہین تاکہ اس تڑہا کے نی

تتلوس تھیں نجات مل سکے۔ مبارک علی نقوی ہک غزل نے حوالے نال اس طراں آکھ رہے ہین ے

لگی اگ بجھانی پیسی
سٹردی جان بچانی پیسی
کہانی پیار محبت والی
سامنے بیٹھ سنانی پیسی

ایہجے ہی جذبات ظہور دین ٹھکرے کول دی ہین۔ اوہ اپنی ہک غزل بچ آکھنے ہین ے

جند اپنی کی آزماساں کسراں
اک تیر کلیجے کھاساں کسراں
خوشیاں نے سب سنگی ساتھی
اوہکھا وقت لنگھاساں کسراں
ایہہ بستی اُجڑی چار چوفیری
تنگی اپنے کول بساں کسراں

کدے ایہجیا وقت وی آجانا ہے۔ جدوں سچ آکھنا بڑا مشکل ہو جانا ہے تہ انسان اپنے ضمیر
کی نیلام کر کے چھوٹھ نے سہارے گلاں نادفتر کھولنا ہے، اسکی مذہب نی اصطلاح وجہ منافق آکھدے
ہین۔ پر جدوں تک اکھتئی ہے۔ زبان ہلسی تہ سچ آکھنا ہوسی۔ حالات نی ستم ظریفی سچ کی اُلٹا کے
رکھ چھوڑنی ہے تہ فر رفیق سوزا بھئی کیفیت کی ہک خوبصورت غزل نے بچ پرونے ہین ے

سچو سچ سنانا اوہکھا
اپنا آپ بچانا اوہکھا
آکڑ تہ تنگ نظری سنگ
رُٹھا یار منانا اوہکھا
بچنا مشکل کوڑوں تھوڑوں
چٹے کپڑے لانا اوہکھا

خوشیاں نے بچ میلے لگن

غم نے بہوے جانا اوکھا

پوری دُنیا سرد جنگ تہ گرم جنگ نیاں اصطلاحاں بچ سوچنی ہے۔ جدوں سرد جنگ نے تقاضے خاصے مشکل ہو جانے ہین تہ فراوہ ایٹمی بھٹی نی شکل بچ پھٹ کے انسانیت کی عاجز کر چھوڑنے ہین تہ ظالم نے ہتھوں کچلے جانے نے باوجود وی انسان اس ڈرنی نفسیات بچ گم ہو یا رہنا ہے تاہم آنے والے بھیانک تہ ڈراوے کل نا احساس اس کی تکلیف بچ بتلا رکھنا ہے۔ عارف جرال عارف اپنی ہک خوبصورت غزل کی ابھیجا ہی لباس پہنانے ہین ے

بلیں بلیں اگ تھکھنی ہے ہک دن پہانمہڑ بلسی گا

اپنے دل نی اگ سنگ تکیو پہاڑ برف نا گلوسی گا

اتھرواں کی پمیاں و رکد تک لارے دیسو گے

ہک کہڑی بچ گل مک جاسی جد کوئی پتر بلسی گا

کریم چوہدری اپنی ہک خوبصورت غزل نی نویں تجریاں نال سنوارنے ہین ے

پھل کھلسن پھل کھیلی تکساں

رُت نویں الیلی تکساں

اوہ جد آسی دل نے بوہے

رونق فر حویلی تکساں

انہاں آساں نے سہارے انسان تلخ دن تہ تاریک راتاں گزار رہیا ہے۔ پراہمہ دور اپنے

اثر نے پٹھ د ب کے سارے جذبات کی تلخیاں نے حوالے کرنا ہوسی۔ ملک مشتاق تبسم نی ہک

خوبصورت غزل ے

کالے بدل بہرنے جاسن

آس نے پتر کھرنے جاسن

پروانے آج خوشی خوشی سنگ

باری باری سٹرنے جاسن

ایہہ پہنکیاڑاں نی بستی ہے
تھ لہو سنگ پہر نے جاسن

اسطراں نیاں کوششاں اج نے لکھاریاں نے اس ماں بولی نے بناؤ سنگار واسطے شروع کیتیاں۔ ایہجا لگنا ہے کہ انہاں نے بدلے حالات نے نال نویں نویں تجربے تہ تعلیمی سفر نی رعایت نال کوئی چنگا، بمعنی، با مقصد تہ جدید حالات نیاں ضرورتاں نال جڑیا ہو ر کم کسے حد تک کامیاب ہوسی۔ اجہاں کجھ صرف غزل نے حوالے نال ہو یا ہے، پر نظم پروی تجربات ناسلسلہ جاری ہے۔ اس سلسلے نچ عبد المجید ماگرے نی آزاد نظم ہک نواں تہ خوبصورت تجربہ ہے۔ کرامت اللہ درد وی اس سفر نے نچ پوری محنت نال شامل ہو رہے ہین۔

جتھے تک روایتی شاعری نا تعلق ہے، اس نچ سی حرفی، ”دوبیتے، پئے، گیت“ بالوماہیا جئے تجربات بھر پور طور پر ہوئے ہین۔ انہاں لکھاریاں ناکدے تہ تعلق بزرگ نسل نال ہے تہ کدے ایہہ نویں نسل نیاں دلچسپیاں نا موضوع وی رہیا ہے۔ انہاں شعراء نچ شامل ہونے والیاں نچ بشارت علی خان راز، شیخ فضل احمد، گلاب دین، جزا، ملک دولت حسین، قیوم شال ساحل، بشارت انقلابی، گلشن سنگھ گلشن، اقبال نسیم، محمد بشیر شاد، محمد سرور ریحان، فیروز الدین، یگ، تنویر ملک، محمد عظیم خان، جہانگیر دانش، عبدالواحد، سید اکبر شاہ غمگین، ظہور احمد رضی، غلام نبی عثمانی، قیومہ بی سستی، سید انور شاہین، سردار احمد خان، ظفر اقبال منہاس، جنید حقانی، نعیم مرتضیٰ ہاشمی، پرویز ملک، نور محمد نور، لعل دین مظلوم، عبد المجید حسرت، جوگندر سنگھ شان، ریحانہ عزیز، عزیز مملد یال، تاج دین تاج، محمد افضل منہاس، ٹھاکر کشمیر سنگھ، خورشید بیکل، صادق شاد، شان کشمیری، افتخار قریشی، ظہور الدین، ٹھکر غلام حنیف، عارف، پردیپ کھنہ، محمد حسین بھٹی، بشارت حسین، بشارت، غلام ربانی اعوان، احمد الدین انور، نذیر حسین انس، شیخ ظہور الدین، حسام الدین بے تاب، خورشید جاتم، سردار جاوید خان جاوید، الطاف احمد نظامی، محمد اقبال شیخ، محمود طاہر، سلیم جاوید قریشی، جنت حسین سلیم، خواجہ پرویز دلبر، یاسمین اختر، رابعہ کوثر، محمد ضیاء الرحمن منہاس، محمد مشیر الحق منہاس، صدیق احمد صدیقی وغیرہ قابل ذکر ہین۔

جتھے تک افسانوی ادب نا تعلق ہے اس پروی متاسرا کم ہو چکا ہے۔ آج نا پہاڑی افسانہ کئی

ہک جدید ضرورتاں ماحول تہ مزاج نال رغبت رکھ رہیا ہے۔ افسانے لکھنے آلیاں بچ گجھ لوک نئی ادبی رجحانات نال گہری دلچسپی رکھنے ہین تہ گجھ ہک علمی بصیرت نے باوجود روایتی اضافے نے خدو خال توں اگے میہ نکل سکے۔ افسانے تہ ناول نے درمیان کسے جگہ کوئی فرق نہ سمجھے ہونیاں لکھاری کاغذ کالے کر رہے ہین۔ جدید افسانے بچ چند ہک ناں ہی ہین۔ جیہڑے معیاری افسانہ نگاری نے ذمہ بچ لائی جاسکے ہین۔ انہاں بچ اقبال شال نے افسانے اقبال نازش، راجہ شجاعت، خورشید بسمل، ظفر اقبال منہاس، خوشید یو مینی، جہانگیر دانش، ناز نوشاد احمد، شہناز پروین پاکیزہ، عبد الحمید ماگرے، اعظم حسرت، عبدالرزاق شمشعی وغیرہ شامل ہین۔

نویاں نویاں کوششاں نے سہارے ہو روی لکھنے فی روش پر سوار ہین۔ دراصل جدید پہاڑی افسانہ اپنے سارے لوازمات نال ابھر نہ سکیا۔ اس نا پلاٹ، اس نا کردار، ہیئت تہ بیانیہ اس نے Climax تہ Anti Climax اس نال ماحول Local ایہہ ساری چیزاں افسانے فی صورت بنان تہ اتنی خوبصورتی بچ اضافہ کرن لئی ضروری ہین۔ پر گجھ ہک اساہڑے افسانہ لکھنے آ لے لفظاں نا طوفان تہ وارد کر سکے ہین۔ پر کردار بچ کوئی جان میہ پیدا کر سکے۔ اس واسطے افسانے فی کشش تہ دلچسپی نا وجود بے معنی بن جانا ہے۔ اساں نے افسانہ لکھن آ لے سب کسے ڈونگے مطالعے فی پیداوار نہ بن سکے۔ اس واسطے کہانی اپنی ساری جاذبیت تہ خوبصورتی چھوڑ دینی ہے۔ اساں کول اردو ادب نے نمائندہ افسانے وی موجود ہین۔ پر اساں فی نظر انہاں پروں تکی کے گذرنی ہے۔ اس واسطے اسیں نہ تہ کرشن چندر پیدا کر سکے ہاں نہ پریم چند، نہ بلرام منرا کوئی پیدا ہو سکیا نہ منٹو۔ پر ایہہ سب گجھ تدوین ممکن ہے۔ جدوں اساں نے لکھنے آ لے تو اترو تسلسل (Continuity) کی اپنا مقصد بنان گے۔ تاہم جدید افسانے نیاں ضرورتاں ہوو طراں نیاں ہین جہاں کی برتیا جاسکنا ہے۔ اس طراں افسانوی ادب بچ پہاڑی زبان نے حوالے نال کافی گجھ ہو چکیا ہے۔ پر اجاں کافی سفر باقی وی ہے جس کی طے کرنا ضروری ہے۔ فروی افسانہ لکھنے آلیاں فی فہرست چنگی بڑی ہے۔ انہاں بچ عبد الحمید میر، اعظم حسرت، ظفر اقبال ملدیا، میر حسن کاظمی، راجہ خوشدل خان، شفیق مجتبیٰ، عبدالرزاق شمشعی، شیخ شبیر احمد، اقبال نسیم، بشیر النساء بشارت، غلام مصطفیٰ پنچھی، آزاد احمد آزاد، زینت فردوس زینت، نذر بونیاری، سید مہر علی گیلانی،

رگھبیر چند نام، مہر النساء، اچھوپال سنگھ، عبدالرحمن مغل، یوسف نسیم، شہباز راجوری، روبینہ بھٹی، بلال لودھی، مکیش مین، فدار راجوری، عبدالہادی، پیرزادہ لیاقت علی، عبدالرشید غمگین، ظہور احمد خان، قاضی محبوب الہی، شہناز پاکیزہ، محمد سرور ریحان، نیکم سنگھ راہی، فاروق انوار مرزا، مرزا ثکلیل شاہ، نور اللہ قریشی، عبدالحمید کرناہی، نسیم اکبر، کیول کرشن شرما، جاوید راہی، اشرف علی اشرف، محمد شفیع صابر، شیخ منظور، محمد یونس خان، عطاء اللہ خان، سید انور سلیم، ملک دولت حسین، اوم پرکاش سبھروال، شیخ ظہور مرحوم شاہ محمد خان، عبدالواحد منہاس، محمد ضیاء الرحمن، محمد اسلم خان سرحدی، اسلم مرزا راجوری، محترمہ زفر بیگم، نسیم احمد خان، لیاقت جعفری، محمد صادق میر، ماسٹر محمد یونس، نور محمد بھٹی، ملک غلام قادر شاہ مسعودی وغیرہ شامل ہیں۔ انہاں افسانوی ادب بچ اپنے اپنے مزاج تہ ماحول نے اثر نے تحت خوب چنگا کم کیتا۔ ابھال لگنا ہے کہ اگر رفتار ایو جیتی قائم رہی، تہ فرافسانوی ادب نے بچ کم پہاڑی زبان نے حوالے نال انہاں نا کم کافی زرخیز زمین مہیا کرسی تہ فراس زبان کی خدمت بھر پور طور پر کیتی جاسکسی۔ جتھے تک پہاڑی ڈرامے تعلق ہے، اس پر کوئی متاکم نہیہ ہویا۔ خوشدیو مینی نے ڈرامے لکھے تہ اوہ پہاڑی زبان نی ڈرامائی انداز بچ خدمت ناحق ادا کر رہے ہیں۔ رشید قمر ناڈرامہ حویلیاں نی اگ توں بعد اس راستے پر اوہ نہیہ چل سکے۔ جہانگیر دانش وی ہک اوہ ڈرامہ لکھنے نی محنت کر چکے ہیں۔ انہاں تھیں علاوہ سب تھیں متاکم ڈرامے نے حوالے نال عبدالرشید لون ہوراں کیتا ہے۔ لون صاحب ہوراں اپنے مختلف سٹیج ور پیش کیتے گئے ڈرامیاں کی باضابطہ کتابی شکل وی دتی ہے، جس کی جموں و کشمیر پہاڑی ایڈوائزی بورڈ چھوایا ہے تہ اس کتاب ناناں ”کہانی کمر کمر دی“ رکھیا گیا ہے۔ کرناہ تھیں ہی تعلق رکھنے والے ماسٹر محمد مقبول ہوراں وی اک دو ڈرامے تحریر کیتے ہیں۔ اک ہور نو جوان شاعر، فنکار تہ ڈرامہ نویس پرویز ملک ہوراں نے وی گجھ اک لکھے نے ڈرامے نظراں تھیں گزرے ہیں۔ لیکن ایہہ فروی آکھنا پیسی جے ڈرامے نے حوالے نال اجاں بہوں کم کرنا باقی ہے۔

پہاڑی زبان بچ محض گجھ ناولٹ یا ناولاں لکھیاں گئیاں ہیں۔ جنہاں بچ ”سراں نی تہی“، (مالک رام آنند) ”چٹی چادر پیارنی“ (زینت فردوس زینت) ”تتی چھاں“ (پرویز مانوس) وغیرہ شامل ہیں۔ اس تھیں علاوہ تقریباً ادھی درجن تھیں علاوہ ناولاں نے پہاڑی زبان بچ

ترجمے وی ہوئے ہیں جہاں بچ کرشن چندر نے ”شکست“ ویدراہی نے ”لل دید“ ”ارنٹ ہیمنگ
وے نے ”دی اولڈ مین اینڈ دی سی“ ولیم شکسپیر نے ”اوتھیلو“ نہ بنگالی ادیب سرت چندرنیاں ”دیوداس“ نہ
”سری کانت“ شامل ہیں۔



ضلع پونچھ نا ادبی منظر نامہ

پونچھ فی تہرتی بڑی زرخیز رہی ہے تہ اس کی ایہہ اعزاز وی حاصل ہے کہ اس تہرتی نے منفرد شخصیتاں کی جنم دتا۔ اس بچ سیاسی سماجی لسانی یا ادبی تہ مجلسی زندگی نے روشن مینارے دؤر دؤر تکر چکنے لہنے ہین۔ پیر پنچال نے سپنے پڑ ٹھہری ہوئی برف جاں جاں گلنی ہے تہ توں توں اس علاقے نے بسنچکاں کی راحت تہ آرام نصیب ہونا ہے۔ اس علاقے کی قدرت نے حسین خطے عطا کیتے جس بچ نیل سراں نا سلسلہ برف فی پگ بنھے پہاڑ خوبصورت وادیاں ٹھوٹاں ہٹاں تہ نیلے نیلے تلیاں فی سوغات سمہالے ہو یا ماحول تیز بگنے آ لے دریا اُچے چھم کہتے جنگل دکش وادیاں آباد بستیاں اس علاقے نا معتبر سرمایہ سی۔ پیر پنچال نے رستے گزرنے آلی مشہور مغل گزرگاہ وی اسے علاقے نے حصے بچ ہے۔ اس ضلع نا شمالی حصہ دریائی پانی فی بہتات فراہم کرنا ہے۔ جدوں کہ جنوب نے بچ پانی فی کمی علاقائی آب و ہوا کی متاثر کرنی ہے۔

کھنئی آبادی نا علاقہ زبردست زراعتی پیداوار نا ضامن رہیا ہے۔ موسم معتدل رہنا ہے پر سردی کشمیر ہاروں بہوں ہونی ہے۔ اس علاقے نے کئی نشیب و فراز تگلے ہین۔ راجوری فی نسبت پونچھ کشمیر نے بالکل نیڑے ہے۔ سماجی طور وی تہ ثقافتی لحاظ نال وی اس نا جغرافیہ کشمیر نیاں موسماں نال ملنا جلنا ہے۔ ایہہ علاقہ ہر لحاظ نال اپنی جداگانہ شناخت بنا کے فطرت نے نیڑے نیڑے آبادی نا پہنار سمہال کے قائم ہے۔ اس علاقے نے سیاسی طور ور شمس الدین ملد یال نور الدین ساگو گزاری لال نندہ چودھری غلام حسین لسانوی غلام قادر بانڈے جے ثبوت دتے جنہاں نے ماضی بچ تاریخ نے پنیاں وراپنے ڈوہنگے نشان چھوڑے۔ حالیہ دور بچ اس خطے نے حصے بچ سیاسی طور ور مرحوم خواجہ

محمد الدین بانڈے غلام محمد جان غلام احمد گنائی پیر جماعت علی شاہ چودھری عبدالغنی پیر مشتاق احمد بخاری شاہ محمد آزاد لعل محمد صابر نثار احمد خان رفیق حسین خان محمد شریف طارق چودھری محمد اسلم بشیر احمد ناز نے اپنا اپنا رول ادا کیا۔ انہاں نے کئی اک اطراف بچ اپنے لوکاں نی خدمت کیستی۔ انہاں نے سیاسی شعور دتا قوم نی بیچارگی تہ لاچارگی نانسہ تلاش کر کے اپنے لوکاں نی غربت پھنگھ، ان ساسی پڑھتا نے کھیرے توں باہر کڈھیا ہے۔ انہاں نے ہر قسم نی موقعہ پرستی، فرقہ پرستی، مذہبی منافرت، اعتقادی اختلاف تہ لسانی تنازعات کی دور کرنے نامقدس فرض انجام دتا۔ آپسی میل ملاپ، پہنائی چارے تہ رواداری ناسبق سکھایا۔ آزمائش نے موقعے پر قربانی نے جذبات پیدا کر کے ”جیوتہ جینے دیو“ ناعظیم درس دتا۔ ایہہ خطہ مشترکہ تہذیب ناگوارہ رہیا ہے۔ اتھے نے ہندو سکھ، مسلمان آپسی پہنائی چارے نی بہترین مثال ہیں۔ انہاں نیاں سماجی ضرورتاں تقریباً برابر ہی ہیں۔ پہناؤ، کھانا پینا اک جیا ہی ہے۔ ایہہ ترے لسانی اکائیاں ناگوارہ ہے۔ لسانی تقسیم نے سلسلے بچ اتھے کشمیری زبان بولنے آلیاں نی خاصی تعداد ہے۔ جتھے کشمیری بولنے آ لے اکثریت بچ ہیں اتھے بسنے آ لے گجر تہ دُوے پہاڑی بولنے آ لے کشمیری زبان نی ترسیل نا ذریعہ بنے ہوئے ہیں۔ اسی طراں جتھے گوجری بولنے آلیاں نی اکثریت ہے اتھے کشمیری تہ پہاڑی وی گوجری زبان بول تہ لکھ سکے ہیں تہ ایہی صورت پہاڑی بولن آلیاں نی اکثریت بچ وی ہے کہ اتھے گوجری ہور کشمیری بولن آ لے پہاڑی لکھ بول سکے ہیں۔ ایہی دلیل کسے سانجھے ثقافتی ماحول نی ہے۔ اس طراں نی سوچ نال انساناں نے بشکار لسانیاتی شاو نزم اپنی جگہ نیہہ بنا سکنا۔ اس نے نال ہی سوچاں نیاں سانجھاں وی لسانی نزدیکیاں نال قائم رہ سکلیاں ہیں، جیہڑی لٹریچر قدر کشمیری زبان نے سرمایے بچ ہے ہور شعوری طور پر پہاڑی تہ گوجری بچ جدوں داخل ہوئی تہ اوہ لٹریچر سانجھیاں کوششاں نا ذخیرہ ہوئی تہ اس نے نال نال کسے وی طراں نا فکری بن باس ہونے نے موقعہ بہت ہون۔ اک زبان بولن آلا جدوں دو یاں زباناں بچ لکھسی اوہ اس نی کسے حد توڑی حصہ داری ہوئی۔ ایہہ اپنا پنا اتفاق تہ اتحاد واسطے بہت ضروری ہے۔

پونچھ نے ہر لحاظ نال ثقافتی سفر بچ اپنی قدر بنا رکھی ہے۔ اس نی زندگی شعروادب نی روایت کی قائم رکھے ہوئے گزر رہی ہے۔ موسیقی وی اس علاقے بچ کافی اثر انداز ہے۔ پونچھ شہر کی مخصوص

ادبی روایت ناگوارہ آکھنا کوئی غیر واجب گل نہیں ہے۔ تہیازی فی تھکی زندگی کی سرود فی محفل نے نال تازگی مہیا کرنے کے سارے وسیلے اکتھے موجود رہے۔ مرحوم چراغ حسن حسرت فی قائم کمیتی فی روایت کرشن چندر نے اچھوتے بیانیہ نال جو کے مسعود الحسن مسعود نے قلم نال خورشید کرمانی خوش دیویتی امتیاز نسیم ہاشمی ڈاکٹر لیاقت جعفری ڈاکٹر جاوید راہی انور خان نے جدید غزل بچ اپنی اک بگھ جگہ بنائی ہے۔ انہاں نے اُردو پہاڑی، گوجری بچ بربر کم کیتا ہے۔ نویں نویں ڈکشن دتی، نویں لفظاں نا خوبصورت جوڑ مہیا کیتا۔ رمز و کنایہ نے نال واقعات کی ایمانت تہ دیانت نال استعمال کیتا۔ ہور گجھ شاعروی اس قبیل نال لکھنے آ لے بہترے ہین ور انہاں نے یا تہ کشمیری پہاڑی یا صرف گوجری زبان فی حد توڑی لکھیا۔ اک بزرگ شاعر خُدا بخش زار ساہیں فقر الدین، نور محمد نور، سرور چوہان، بشارت حسین، بشارت سید لیاقت تیر، چودھری بشر، خادم حسین قمر، لعل حسین مشتاق، نذیر بھٹی کسے طور کھٹ نیہ۔ انہاں نے وی ادبی سرمایے کی زندہ جاوید رکھنا فی ذمہ داری اپنے سر چھنگی رکھی فی ہے۔

شاعری تنثری اسلوب نے اس سفر بچ پونچھ اپنی انفرادیت بنائی رکھی فی ہے۔ کشمیری بولنے آ لے لوکاں فی چنگی خاصی آبادی ہے، جیہڑے تحصیل حویلی، منڈی، سر نکوٹ بچ تری بڑی اکائی نے طور ور ہین۔ البتہ مینڈھرتہ بالا کوٹ بچ ایہہ ٹاویں ٹاویں ہی ہین۔ مگر کشمیری زبان فی نشوونما واسطے سر نکوٹ بچ اک کشمیری ویلفیر فورم قائم ہوئی سی، جیہڑی سیاسی زیادہ سی تہ ثقافتی خدوخال بچ کھٹ۔ اس فورم نال کشمیری لوکاں نے ثقافتی احیاء ناخاب تکنا چا ہیا پر ایہہ اُس سماج نے دبا ویٹھ دے گیا تہ فر اوہ خاب وی تعبیر نے مرحلے توں نہ گزر سکیا۔

گوجر برادری تقریباً ضلع نے ہر پاسے پھیلی ہوئی ہے۔ ایہہ لسانی اکائی حویلی، منڈی، سر نکوٹ، مینڈھرتہ بالا کوٹ توڑی آباد ہے۔ ایہہ اسے سانجھے کلچر نا حصہ ہین، جیہڑے پونچھی سماج نے طور ور اپنی اک بگھ شناخت رکھنے ہین۔ اوئی پہناوا، اوئی شادی بیاہ نیاں رسماں، اوئی طور طریقے، اوئی رسم و رواج، اوئی زیور تہ اوئے کمر کوٹھے۔ اس نے نال نال اوئی مہمان نوازی نا دستور اس علاقے فی روایت بنائے ہوئے ہے۔ گوجری بولنے آ لے اپنے مزاج نے مطابق بڑی ٹھاٹھ باٹھ نال رہنے نیاں حداں ور

قائم ہیں۔ تعلیمی سفر نے ایہہ اس ویلے شہسوار ہیں۔ انہاں نے وی مشکلاں تکیاں، تکلیفاں برداشت کیتیاں، مگر ہمت تہ حوصلہ نیہہ چھوڑیا۔ انہاں نے وطن نی خوشیاں کی تجلیاتہ عرب ملکاں نے ناقابل برداشت موسم پنج محنت مزدوری کر کے بال بچیاں نی پرورش نافرض نبھارہے ہیں۔

انہاں نے شعر و ادب نے حوالے نال گوجری زبان کی ہی نیہہ بلکہ پہاڑی زبان کی وی متا سارا سرمایہ چھوڑیا۔ انہاں نے غزل، نظم، سی حرفی، دوہڑ، بیت، گہت، افسانے، نعتاں تہ ڈرامے لکھے جس نال انساناں نی بے لگام نفسیات نی تسکین ممکن ہونی ہے تہ ایہہ سرمایہ قوماں نی زندگی پنج میراث نی شکل پنج قائم رہی۔

اس ضلع پنج راجپوت برادری نی خاصی آبادی ہے جیہڑی منہاس، تھکیال، ڈومال، ٹھکر تہ پیرو جال یا گجھ ہوروی اس طراں نیاں ہور ذاتاں وی اس قبیل پنج شامل ہیں۔ انہاں نا گجھ اک حصہ دریاواں نے آس پاس رہن نال ذرا معمول یا بارسوخ رہیا۔ جدوں کہ انہاں نی اتسی فیصدی آبادی امیری نی حد اں تھیں باہر ہی رہی ہے۔ اسے نال ہی ایہہ طبقہ وی اسے سنجھی ثقافتی میراث نا حصہ رہے ہیں۔ انہاں نارہن سہن، انہاں نی ثقافت، انہاں نے رسم و رواج باقی پہاڑی یا گوجر خانداناں تھیں کسے طور وروی بکھ نیہہ۔ انقلاب نے وجود پنج آنے نال روایتاں ناعروج تہ زوال شروع ہونا ہے۔ پر ایہہ انقلاب کسے اک خاندان یا گروہ واسطے نیہہ۔ لیکن گجھ خاندان اس انقلاب توں کوئی سبق لے کے جاپان ہاروں تعمیر پنج لگ جانے ہیں تہ گجھ اک نفرتاں نی اک پنج سڑی کے ماضی نامرثیہ پڑھ کے زندگی گزار نے ہیں۔

ایہی گل ہے کہ راجپوت خانوادیاں بچوں گجھ اک تعلیم نے واکھ لگ گئے تہ اوہ زندگی نے مقصد تہ مفہوم کی سمجھنے پنج کامیاب ہوئے۔ لیکن مجموعی طور ورا ایہہ سانجھا سماج غریب امیر نے میل جول توں ہی بننا ہے۔

پونچھ سادات خاندان نی وی خاصی آبادی ہے، جیہڑی پونچھ، منڈی، سر نکوٹ تہ مینڈھر تحصیلاں پنج آباد ہیں۔ ایہہ آبادی نی چہارمی اکائی نے طور ورا ہے۔ انہاں توں علاوہ ہور گجھ پیشہ ور لوک وی پنجی اکائی نے طور ورا ہیں، جیہڑے رل میل کے پونچھی معاشرے کی وجود عطا کرنے ہیں۔

تعلیمی لحاظ نال ایہہ خطہ بڑا امیر ہے۔ ۱۹۴۷ء نے نیرٹمان اس علاقے ناک بزرگ شیخ عبداللہ جس نے ”عبداللہ ہال“ علی گڑھ یونیورسٹی بنا کے دتاسی، اُس نال تعلق ضلع پونچھ نال ہی رہیا ہے۔ سلیمان حیدر جس نے ۱۹۵۹ء بچ انڈین فارن سروس نال امتحان پاس کیتا، اُس نال نینال وی اک پونچھی سکھ خاندان ہے۔ ایہہ خارجہ سیکریٹری حکومت ہند نے عہدے تھیں ریٹائر ہوئے۔ ہنسی لعل شرما کھنیز علاقے نال سیکرٹری IAS پاس کیتا تہ آج دہلی بچ ہین۔ مینڈھرنے اک ڈاکٹر شکتی کمار جیہڑے آل انڈیا میڈیکل انسٹی ٹیوٹ بچ بہوں چنگے عہدے پڑ ہین تہ نامور ڈاکٹر ہین۔ پونچھ نے اک ہور سپوٹ ”یار محمد دی“ پاکستانی کشمیر بچ چیف جسٹس نے عہدے تھیں ریٹائر ہوئے۔ مسعود چودھری ایڈیشنل ڈی۔ جی پولیس نے عہدے تھیں ریٹائر ہو کے بابا غلام شاہ بادشاہ یونیورسٹی نے بانی وائس چانسلر بنے۔ ڈاکٹر برکت حسین انجینئرنگ کالج حضرت بل سرینگر نے پرنسپل رہے ہین۔ محمد امین انجم پولیس محکمہ بچ آئی۔ جی نے عہدے وروں ریٹائرڈ ہوئے ہین۔ ادب پروردہ ادب شناس ہین تہ انہاں ہی نے پھر عبدالقیوم منہاس وی پولیس محکمہ تھیں ہی ڈی۔ آئی۔ جی نے عہدے وروں ریٹائرڈ ہوئے ہین۔ ایہہ بڑے ادب پروردہ ادب شناس ہین۔ شیخ رفیق ڈی سی راجوری رہے ہین۔ مرحوم پھول صاحب پرنسپل سیشن جج بکی جی عمر بچ ہی اپنی خداداد قابلیت تہ لیاقت نال بن گئے سن۔ انہاں کی بے رحم ہتھیاں نے شہید کر دتا۔ اگر اوہ زندہ رہنے تہ سپریم کورٹ توڑی انہاں پھنسا سی، پرافسوس اوہ اپنی زندگی نے سفر نی پہلے تکمیل کر گئے۔ اس طراں کتنے ہی پونچھی تعلیم، پولیس، عدلیہ انتظامیہ ڈاکٹر، انجینئر نے اعلیٰ عہدیاں ورفائز ہین یا رہے ہین۔ جنہاں تھیں اس روایت کی قائم کیتا جاسکنا ہے کہ ایہہ لوک اپنی اعلیٰ شناخت کی قائم کیتے ہوئے ہین۔

پونچھ نیاں ادبی سرگرمیاں نا جدوں ذکر کیتا جائے تہ ایہہ مرحوم چراغ حسن حسرت توں ایہہ گل شروع ہونی ہے، جیہڑے بین الملکی درجے نے شاعر رہے ہین۔ کرشن چندر پہناویں پیدائشی طور و پونچھی نیہہ سن پر انہاں نا اس علاقے بچ قیام تہ اس علاقے نال پیار اس گل نی شہادت دینا ہے کہ ”گر جن کی ایک شام“ لکھ کے اس علاقے نا قرض نیہہ چکایا بلکہ انہاں کی اس محبت نی بنا و پونچھ نا ہی شہری تصور کیتا جانا ہے۔ جدوں اوہ ۱۹۸۰ء نی دہائی بچ پونچھ آئے تہ بقول کسے انہاں نے

پونچھ نے اک سپوت جناب ایوب شبنم کی آکھیا کہ اوہ سُرکھوٹ پنج باقی زندگی نے گُزرنے نی تاہنگ رکھنے ہن تہ انہاں واسطے مکانیت نامسلہ سنجیدگی نال تگلو۔

انہاں تھیں علاوہ ٹھا کر پونچھی پیر محمد شاہ رہبر جدید پرت پال سنگھ بے تاب حسام الدین قریشی، ایوب شبنم نذیر حسین قریشی، بابو نور محمد نور، خوشد یو مینی، ایڈوکیٹ بشارت حسین، بشارت اعظم حسرت، شیخ آزاد احمد آزاد، بخش زار سائیں فقر الدین، پیر جماعت علی شاہ چھجھلہ منکھوٹ، شیخ سجاد ڈاکٹر جاوید راہی، ڈاکٹر شہنواز، پیر ولایت شاہ بخاری، ڈاکٹر علمدار حسین، عدم سید امتیاز نسیم ہاشمی، پرویز مانوس، شیخ بشیر احمد، شیخ ظہور الدین، ماسٹر منیر منہاس، سید خادم حسین شاہ، عبدالغنی عارف، ڈاکٹر رفیق انجم، عبدالغنی جاگل، مولوی خلیل جوہر، محمد اعظم ساگر، نسیم پونچھی، نذیر حسین انس، مسعود الحسن، مسعود محمود الحسن، محمود ماسٹر عبدالغنی، لعل حسین گوہر، لعل حسین مشتاق، امین قمر، خادم حسین قمر، صادق واصل، سید لیاقت نیر، محمود احمد طاہر، مستور احمد شاد، ڈاکٹر سید امیر حسین شاد، عامر مجتبیٰ، نعیم مرتضیٰ ہاشمی، نذیر حسین بھٹی، خورشید کرمانی، ماسٹر جمال الدین جمال، ماسٹر میر محمد میر، گلشن سنگھ گلشن، شاہ محمد آزاد، بشارت جاذب وغیرہ نے اپنے اپنے مزاج نے مطابق شعر و شاعری، افسانے، گیت ڈرامے وغیرہ پنج پورا پورا حصہ لے کے پہاڑی، گوجری، کشمیری زبان کی سنوارنے تہ سنگارنے رہے۔ انہاں نے کس نہ کسے طراں ادبی روایات کی زندہ رکھیا تہ اس نے نال نال پونچھ نی ادبی زندگی پنج گلکاریاں کرنے رہے۔ انہاں نے کس نہ کسے طراں ادبی روایت کی زندہ رکھیا تہ نثری انداز پنج وی پونچھ کی اک خوبصورت شناخت دے کے اس کی زندگی نیاں ضرورتاں تہ قدراں نال جوڑیا۔ کسے نا قول ہے ”ادب اک کائناتی نظام نا حصہ ہے۔ ایہہ کسے اک گروہ یا قبیلے توڑی محدود بیہ۔“ اس طراں ضلع پونچھ نی خوبصورت ادبی روایت کی زندہ رکھنے نا سہرہ انہاں ادب پروراں نے سرور ہی سجا ہے۔

صحافت نے میدان پنج وی پونچھ نی کارکردگی باعث فخر ہے۔ خوشد یو مینی نا پہاڑی ہر پنج سنٹر، ٹرائبل سوسائٹی چندک، کرشن چندر میموریل بزم ادب سُرکھوٹ، کرشن چندر میموریل کلب پونچھ، کوہسار کلچرل کلب پونچھ، سرسوتی کلا کیندر پونچھ، سرسوتی سینٹر پنجابی ساہتہ سجا، میجر روہت میموریل کلچرل کلب منڈی اپنیاں حداں تہ مزاج نے مطابق ادبی سرگرمیاں پنج مصروف ہن۔ ماسٹر

کرتار چند پر دیپ کھنہ نیاں کوششاں نال سنگیت نی مٹھاس تقریباً ہر دوسرے تہیاڑے بندنی وئی ہے۔ جذباتی زندگی بچ خوبصورتی تہ تسلسل واسطے سنگیت نارول بڑا تھوس تہ مضبوط سی۔ صحافت نے میدان ور پونجی سپوت ایوب شبنم نے ”ستاروں سے آگے“ ہفت روزہ اخبار جاری کر کے اس علاقے نے مسائل کی ہوا دتی۔ مقامی قدراں کی احیاء بخشیا، ادبی سرگرمیاں نے فروغ بچ خوب رول ادا کیتیا۔ اس تھیں علاوہ حسام الدین بیتاب ہوراں اک ہفتہ واری اخبار خوبصورت زیبائش دے کے کڈھیا۔ پر خورے کجھ اک مشکلاں اس نے جاری رہنے بچ حائل ہوگیاں۔ تاہم انہاں کوششاں کی کسے وی طور کھٹ نیہہ سمجھنا چاہی نا۔

اس طراں پونجھ ضلع نے زباناں نے بناؤ تہ رکھ رکھاؤ بچ اپنا بہترین حصہ ادا کیتا۔ ادبی روایت کی ہر وقت زندہ رکھیا تہ اپنے مخلوط سماج بچ خوبصورت تصورات نے سہارے ہم آہنگی، پہنائی چارہ، باہمی روابط کی زندگی بخشی تہ اپنے ادبی شعور کی ہمیشہ گھلی کھڑکی فی تازہ ہوا نال سنواریا۔ نویں لکھاریاں کول پڑانے بزرگ لوکاں نے تجربے، گھلے ماحول نیاں خوشبوواں تہ بدلے دور نے تقاضے اک سرمایہ فی شکل بچ موجود ہین۔ اوہ انہاں تھیں پھر پور فائدہ ہنی سکسن گے۔ پونجھ نامستقبل اسی ماضی ہاروں تابناک رہسی تہ جیہڑیاں تحریکاں اسی تہرتی نال جُرسن اوہ ساحل مراد توڑی ضرور پہنچسن۔



ضلع راجوری نا ادبی منظر نامہ

خلیل جبران نا قول ہے ”ہر ایک شخص ہر ایک بادشاہ کی اولاد ہے اور ہر ایک غلام کی اولاد ہے جو ہو گزرے ہیں“۔

اس قول نے مطابق تاریخ نا طالب علم جدوں تحقیق فی نظر نا تاریخ اور اوراق کی اُلٹ پلٹ کرسی تہ اس کی زمی بچوں دفن ہڈیاں کی تالنا تہ کھنگالنا بیسی کہ ایہہ ہڈیاں اپنی پہچان کبھڑے قبیلے نا بناسن۔ انہاں بچ زمانے نیاں وسعتاں کس حد تکر موجود ہین۔ انہاں نے DNA ٹیسٹ صرف ایہہ دہس سکسی کہ ایہہ انسان فی اولاد سن۔ انہاں فی امیری انہاں فی غربی انہاں فی خوشحالی فی کھوج نیہہ ملن لگی۔ فر انہاں کھوجاں فی بنیاد پر حقیقی یا فرضی جو دی قصے کہانیاں جنم ہنس، اوہ فر تاریخ نے شواہد نے طور پر ضبط تحریر کیے مجلسن۔

راجوری نے ادبی سفر نامے فی شروعات کرنے تھیں پہلاں اس نے جغرافیہ تہ اس نا حدود اربعہ مقرر کرنا ضروری ہے۔ ۱۹۴۷ء توں پہلاں ایہہ ضلع ریاسی بچ شامل سی تہ اسنیاں صرف دو تحصیلاں سن، راجوری تہ نوشہرہ۔ راجوری تحصیل بچ بدھل، درہال تھنہ منڈی، منجا کوٹ نے علاقے شامل سن، جدوں کہ تحصیل نوشہرہ بچ سند ربنی، کالا کوٹ نے علاقے شامل رہے۔ ایہہ سلسلہ ۱۹۴۷ء توں بعد بدلنے ہوئیاں راجوری نوشہرہ کی ضلع پونچھ فی حد بچ شامل کر دتا تہ فر ۱۹۶۷ء تک راجوری ضلع پونچھ نے انتظامیہ نا رہیا۔ ۱۹۶۸ء بچ راجوری کی اک کئی ضلع بنا دتا گیا، جیہڑا بلیس بلیس اٹھ تحصیلاں تک بدھ گیا۔ اس وقت اس ضلع نیاں تحصیلاں بچ نوشہرہ، سند ربنی، کالا کوٹ، بدھل، درہال، تھنہ منڈی، منجا کوٹ تہ تحصیل راجوری ہے۔ ہن اسان نے انہاں اٹھ تحصیلاں بچ ہوئے ادبی کاروبار نا ذکر کرنا ہے۔

۱۹۴۷ء جدوں ایہہ مُلک انگریزاں نی غلامی توں آزاد ہويا، اس توں پہلاں اس علاقے پنج ادب نے حوالے نال کوئی خاص کم نبہہ سی۔ اسی بڑی وجہ اُن پڑھتا تہ سکولاں نی کمی سی۔ پڑھے لکھے لوکاں نا تناسب پنج فیصدی ہونے نال کوئی لکھنے پڑھنے ناکم زیادہ ذمہ دار حیثیت نال نبہہ سی۔ اس وقت اک روایت نے طور پر ادبی سرگرمیاں خال خال ہی سن۔ جیہڑا کوئی کم ہوناسی، اوہ سینہ بسینہ یادداشت نے سہارے ہی ممکن سی۔ لوکاں پنج تعلیم نی کمی نے باعث تقلید نی رسم قائم سی۔ ایہہ تقلید پہنائوئیں بہت کھٹ لوکاں نے کم کاج یا شعر گوئی نی حد تک ہووے یا سُننے والیاں نی روایتی انداز پنج یادداشت نے حوالے نال ہووے، ہمیشہ قائم سی۔ سیاسی طور انسان ظلم و بربریت نے کھٹے ہوئے قبضے پنج سی تہ غلامی نی طوق کی اُچے گلیاں نے پھر و سہ پنی نال جوڑ کے زندگی بسر کرنے پر مجبور کیتا گیا سی۔ ایہجے ماحول نے اندر لوکاں کی جینے ورجبور کیتا گیا سی۔ غربی وی اپنا ڈیرہ مکمل طور پر ڈا ہی کے انساناں نے سراں پر سواری۔ اسطراں نے ماحول پنج انساناں کی اپنی روایت کی نبھانا کافی دشواری۔ اپنے ماضی کی مستقبل نے نال جوڑنا محض یادداشت نی بنیاد پر ہی سی۔ دُوے پاسے ایہہ علاقہ پیراں تہ ریشیاں نی تبلیغی کوششاں نے اثر پٹھ مکمل طور سی۔ شادی پیارہ نا جوڑ ہووے یا ماتم، لوکاں نے اپنے حافظے نی بنا پر سیف الملوک یا قصص الانبیاء وغیرہ ساری رات پڑھنے تہ سنانے نا سلسلہ قائم رہنا۔ ایہہ ہر دو کتاباں نال لب و لہجہ محض ترک دُنیا، فکر آخرت، اسنے نال نال صبر تہ قناعت والی زندگی گزارنے نی ترغیب دلانے آلا سی۔ اسی اک وجہ ایہہ وی سی کہ اُس وقت نا غیر جمہوری دور ”بغاوت نی اک کی ہسالتے تہ متے جے نی تاہنگ نہ کرنے نے آس پاس سی۔ لوکاں نے پنج ایہجے جذبات پیدا کرنے جیہڑے محض خود سپردگی نی حد تک ہون، درویشی نے لباس پنج زندگی بسر کرنے کی اہمیت دینا، ایہجی حالت پنج جاگیر دار، بندھ دار، ذیلدار اپنی برتری نا تھوئیں جما کے حکومت کرنے نے گرا زمانے سن، فر ایہہ سرکار نے گماشتے جی حضوری نے نال اپنی موجودگی نا سکھ جما کے اپنے کاروبار کی چکانے رہے۔

میاں محمد صاحب نا کلام معرفت نے لفافیاں پنج پلیٹ کے اک خاص قسم نے نصاب نے نال پیش کیتا گیا سی۔ اس کی پڑھنے تہ برتنے والیاں اس کی عام کیتا تہ فر جس نے وی کجھ تھوڑا

بہت لکھیا، انہاں ہی حداں نے اندر اُسے نصاب نے حوالے نال لکھیا تہ اوئی پیغام (Message) عام کیتا تا کہ حکومت نے اداریاں تہ عوام نے درمیان مفاہمت رہوے، آپسی معاملات جوڑ مل کے بحال رہ سکے۔

لیٹریچر (Literature) اپنے دور نا نمائندہ ہونا ہے۔ منافقانہ لڑ بچر اوئی ہے جیہڑ اول نی گل کی تروڑ مروڑ کے پیش کرے، مگر سچ ایہہ ہے کہ دیانت دارانہ قلم واقعات کی زبان دینا ہے تہ مظلوماں نے رواں کی سہارا بخشنا ہے۔ جیہڑی معرفت نی بوئی میاں محمد صاحب نے شعری کاشت بچ لائی اُسنی خوشبو کسے نے تہ عشق حقیقی نال سوکھی تہ کدھرے عشق مجازی نے رپھڑ بچ اُجھ گئی۔ انہاں دواں (مجازی تہ حقیقی) نامیل ملاپ کتھے ہو یا، ایہہ قاری ہی فیصلہ کر سکے ہن۔ ایہہ وی حقیقت ہے کہ میاں صاحب نی اس مثنوی توں پہلاں شاعری بچ کوئی سرمایہ موجود نیہے سی، اس واسطے اس نا سارا رخ اُس نی نشاندہی نے نال جڑ نا قدرتی ہے، جیہڑ اقاری اپنے ذہن نے کواڑ کھول کے تنکے نی صلاحیت رکھنا ہے، فروی عام حالت بچ ایہہ رواج عام ہو گیا سی کہ عشق مجازی نیہہ بلکہ ایہہ اک تنگ جی کھڑکی ہے جس بچوں عشق حقیقی نی طرف راہ نکلی ہے۔

ضلع راجوری نے جغرافیہ بچ بسے لوکاں کی قدرتی طور منظوم شکل بچ عام فہم بلکہ ماء بولی بچ سیف الملوک اک مثالیہ سی۔ انہاں لوکاں نے اپنی ذہنی بلوغت تہ جواں مردی نے نال انہاں حداں نے اندر شاعری نا نصاب پڑھنا لکھنا شروع کیتا۔ انہاں بچ قدیم رنگ بچ رنگے ہوئے بزرگ لوکاں بچ مولوی ولایت شاہ، پیر حیدر شاہ تہ سائیں قادر بخش ہوراں نے ایہہ شروعات کیتی تہ انہاں نے نال نال سائیں غفوری، مولوی غلام رسول، غلام محی الدین عاصی ہوراں وی طبع آزمائی شروع کیتی۔ انہاں جو کچھ لکھیا ایہہ طباعت نے مرحلے توں نہ گزر سکيا۔ اس واسطے ایہہ لوکاں نے حافظے بچ کدے کدے رہیا، پر جدوں انہاں لوکاں موت نا ذائقہ چکھیا، فر انہاں نا کلام وی ابدی نیند نے ماحول بچ دفن ہو گیا۔

اک ہور بزرگ شاعر عبدالعزیز الائی نے وی شاعری نا مزاج پایا، پر انہاں نا کلام وی منظر پر نہ آ سکيا۔ تحصیل نوشہرہ تہ سند ربنی بچ کوئی خاص تحریک شعری روپ نہ اختیار کر سکی۔ اس نا

ایہہ مطلب نیہہ کہ ایہہ تہرتی بنجری بلکہ شاید انہاں نے جو کجھ لکھیا ہووے تہ اوہ کدے ڈوگری یا ہندی نے کھاتے بچ چلا گیا۔ اس طراں پہاڑی زبان نی کوئی حوصلہ افزاء خدمت نا حوالہ انہاں دواں تحصیلاں بچ نیہہ ملیا۔ کجھ اک کم کالا کوٹ تحصیل بچ ہو یا ہے جس نی داغ بیل ٹھا کر کشمیر اسنگھ ہوراں رکھی۔ انہاں نے تلوکی نویں نسل نے وی کجھ کم شروع کیتا۔ تاہم نوشہرہ تحصیل نے لمپیری گراں نے بسنیک مرحوم اسرائیل اثر ہوراں گوجری غزل تہ گوجری ادب پر بہت ہی خوبصورت کم کیتا۔ اسطراں اوہ اس مدان بچ کافی تاثر چھوڑنے تہ رہبری کرنے نی منزل حاصل کر سکے۔

تحصیل بدھل نے علاقے نے نال آباد اسماعیل ذبیح، اسرائیل مہجور نے نقل مکانی کر کے اردو تہ گوجری زبان بچ جیہڑا سرمایہ چھوڑیا، اوہ انہاں نی سرداری نا حصہ دار ہونے نا اعلان سی۔ اس طراں آزادی توں بعد ۱۹۶۵ء تک اس تہرتی پر کوئی ادبی چمک نیہہ پھلکا تہ مدہم مدہم جی زندگی لوک جینے رہے۔ کدے انہاں کول سیف الملوک سی، کدے سی حرفی بچ گنج محمد بوٹاسی، کدے قصص الانبیاء سی تہ کدے علاقائی معروف شعری مجموعے سن، جیہڑے عوامی وجدان کی راحت تہ سکون بخشے رہے۔

۱۹۶۵ء نے جنگی حالات نے اتھے نے لوکاں کی کھریڑ دتا تہ اوہ نقل مکانی کر کے پاکستانی کشمیر بچ آباد ہوئے، فر کسی وجہ توں اوہ امریکہ برطانیہ تہ یورپ نے دوے علاقیاں تک جا کے آباد ہوئے، البتہ انہاں اپنی ثقافت نا سارا لٹا کہ نکی نکی چوڑاں بچ بن کے نال لئی گے۔ اس طراں انہاں نیاں ادبی سرگرمیاں زیادہ حرارت توں فیضیاب ہونیاں رہیاں ہین۔ انہاں کی وطن نی دوری، سرائی، مرگاں، ٹھو کاں، دریاواں نی یادستان لگی تہ اس اندر نی تپش تہ ہاڑے شعری تہ نثری طور طریقیاں نال باندے آنے شروع ہوئے تہ کدے ایہہ ریڈیو اخباراں نی سُرخ نی طور پر ابھرے۔

ایہہ وی حقیقت ہے کہ پہاڑی لوک ورثہ (Folk Lore) نے اس زبان کی زندہ رکھیا۔ گوجری لوک ورثہ وی اس زبان کی سنبھالنے بچ برابر نا حصہ داری۔ اس طراں لوکاں نے حافظے بچ انہاں نی لیلی کیفیت تہ تازہ رتئی۔ اس لوک ادب بچ کہانیاں، اکھان، بھارتاں، آج انہاں دواں زباناں ہی نیہہ بلکہ کشمیری زبان ناوی گمنام سرمایہ رہیا ہے، جیہڑا بلیں بلیں کاغذی شکل بچ لکھاریاں تہ قاریاں نے کول اپنے شاندار ماضی نی نشانہ ہی کر رہیا ہے۔ اس بچ موقع تہ ماحول

نے نال جُوے ہوئے گیتاں نا خاصہ سرمایہ ہے جیہڑا بلا واسطہ تہ بلا واسطہ ادب نی تخلیقی روح کی زندہ رکھنے نی ذمہ داری سنبھالے ہوئے ہے۔

۱۹۷۰ء نی دہائی پنج کلچرل اکیڈمی پنج انہاں زباناں نے شعبے کھلن نال انہاں زباناں نے وارثاں کی گھلا موقع مل سکيا تہ لکھاریاں نے لسانی تعصبات نے پُر زے پُر زے اڑا کے اپنی تخلیقی صلاحیتاں کی چنگی طراں اُبھارنے نا بیڑہ چکيا۔ اس تھیں پہلاں گوجری، پہاڑی یا کشمیری لکھنے یا بولنے والے اپنی گل اُردو نے حوالے نال بیان کر رہے سن۔ مقامی اخباراں، رسالیاں تہ دووے وسیلیاں نال ایہہ سب لوک اُردو نے دسترخواں پر اپنے مزاج نی غذا چارہے سن، پر کلچرل اکیڈمی نے ایہہ موقعہ فراہم کیتا کہ ہُن ایہہ اپنی مادری زبان پنج اپنا آپ پیش کر سکن۔ ۱۹۶۰ء پنج تھہ منڈی پنج اک بزم ادب نا قیام ہويا، اس پنج لکھاریاں کی تحریک ملی تہ گجھ گجھ لٹریچر کا غذاں نی نذر ہويا۔ اس دور نے لکھنے والیاں پنج شاہباز را جوروئی، فد ارا جوروئی، خورشید نکل، احمد شناس، میر غلام قادر تہ فاروق مضطر سن۔ فاروق مضطر کی ایہہ اعزاز ملیا کہ انہاں نے اُردو زبان پنج جدید غزل نی خوب خدمت کیتی۔ اپنی لیاقت نی وجہ تھیں اوہ بڑی جلدی جموں نے اُستادہ تہ اُردو نے حلقے پنج متعارف ہوئی گئے۔ انہاں نے اک نواں شعور را جوروئی پنج وی پیدا کیتا۔ اسطراں اُردو شاعری کی شراب، شباب نے دندیاں توں باہر کڈھ کے حقیقتاں نے اظہار واسطے جہت دتی، جیہڑی بڑی کامیاب رہی۔ فاروق مضطر نا ایہہ دور انگریزی نے شاعر جان کیٹس (John Keats) ہاروں مختصر رہیا تہ انہاں شاعری کی ترک کر دتا۔ اگر اوہ اس سلسلے پر قائم رہنے، اوہ متا سارا عروج دیکھن آ۔ بعد پنج لکھنے والیاں پنج عبدالسلام بہار، زیر زخمی، صابر مرزا، رفیق سوز، شمینہ سحر، زلف بیگم، حاجی عبداللطیف مرحوم، رشید قمر، قاری محمد اشرف، دینا ناتھ شرما، فضل احمد شیخ، پروفیسر رفیق بھٹی، ظہور احمد رشتی، قیوم شال ساحل، ماسٹر عبدالغنی، ڈاکٹر عبدالحق نعیمی، ڈاکٹر مرزا فاروق انوار، عارف جرال عارف، کیول شرما، خورشید جاتم، مہاراجکر سنگھ ایشر، مرزا عبدالرشید، اقبال شال، اقبال ریہ، تنویر اقبال ملک، حاجی ایوب شاہ معتمد، فضل کوثر، فضل سوز، صادق شاد، ذاکر فیاضی، اقبال منجا کوٹی، ڈاکٹر رفیق اعجم، نارائیں دت، راجہ رام شرما، مرزا شکیل شاہ کر، شباب مرزا، نور محمد بھٹی، روبینہ

بھٹی، رابعہ کوثر، چونی لعل شعلہ، قیوم ناسک، اقبال نازش، بشیر شاد صاحب، روبینہ میر، ڈاکٹر زرینہ میر، پرویز ملک، ملک ذاکر خاکی وغیرہ۔

اس نے نال نال کشمیری زبان و ادب نے حوالے نال وی اس خطے بچ متاسار اکم ہو یا ہے۔ ایہہ گل اطمینان نی حد تک ہے کہ اس تہرتی نا ثبوت شہباز راجوری کی کشمیری تخلیقات کی کشمیری زبان تہ تعارف نے طور پر ایم۔ اے نے نصاب بچ شامل کیتا گیا ہے۔ کشمیری غزل، نظم تہ نثری سرمایے بچ وی متاسار اکم ہو یا ہے بلکہ اس خطے نے کشمیری زبان نے حوالے نال زبردست حصہ داری نبھائی ہے جیہڑی آبادی نے تناسب نال متاسار اسر مایہ ہے۔ کشمیری لکھاریاں بچ شہباز راجوری، فدار راجوری، قیوم ناسک، عبدالسلام بہار، خورشید بیکل، اقبال شال، اقبال رینہ، اقبال نازش، بشیر میر، غلام احمد میر، ڈاکٹر بشیر ماگرے، خورشید جاتم بین۔ انہاں نے اپنی ماء بولی کشمیری زبان کی خوبصورت سرمایہ دتا اس وجہ تھیں کشمیر نے جغرافیہ بچ کشمیری نے حوالے نال راجوری کی کشمیری زبان نی اکائی نے طور پر زبردست شناخت ملی (بقول ڈاکٹر مرغوب بانہالی)۔

اس علاقے بچ گوجری زبان نے حوالے نال وی قائدانہ رول دینے والے لوک وی آباد رہے بین، جہاں نے گوجری زبان کی ترقی نے اعلیٰ درجے تک متعارف کرایا۔ اس ضلع کی ایہہ امتیاز حاصل ہے کہ ایہہ ضلع گوجری بولنے یا لکھاریاں نے حساب نال جموں کشمیر بچ سب تھیں بڑا ضلع ہے، جس نے ادبی معیار، فنی مہارت تہ معنوی اسلوب کی اپنا کے زبان کی امیر ترین تہ جدید خیالاں توں مالا مال کیتا۔

ماہڑے اندازے نے مطابق اس ضلع نے گوجری زبان نے اک پوت اسرائیل اثر مرحوم نی غزل تہ دوئے گوجری کلام کی ایہہ امتیاز حاصل ہے کہ انہاں نے پوری گوجری شاعری کی اک جہت، اک نظریہ تہ اک وجدان عطا کیتا ہے، پہناویں موصوف ادبی مراکز نی گہما گہمی تھیں فاصلے پر رہے، پر انہاں نی کوشش، محبت نی لگن نے انہاں نی شخصیت کی گوجری زبان نے بسپکاں پراک تنبو نی حیثیت عطا کیتی۔ انہاں توں علاوہ ہور بچ سارے شاعر یا لکھاری اپنے اپنے مدان بچ مصروف بین۔ ایہہ خطہ شاعری توں ہٹ کے نثری سرمایہ مہیا کرن توں وی چکھے نیہہ ہے۔

گوجری زبان نے لکھاریاں بچ اسرائیل آثر توں علاوہ شاہباز راجوروی، منظور گلشن، خورشید بیکل، منشی کسانہ رفیق سوز، فضل کوثر، چونی لعل شعلہ، صادق ناز، پیر حاکم شاہ قمر فاروق پرواز، حسن پرواز، فرید پرواز، اقبال عظیم غلام احمد رضا، مولوی مہر الدین قمر چودھری دیوان علی رانا فضل حسین، قاسم بجران، فتح محمد درہالوی، سائیکس قادر بخش، ذبیح راجوروی، اسرائیل مجبور، لعل حسین پرواز، نذیر احمد نذیر، ڈاکٹر صابر مرزا، احمد شناس، سرور حسین طارق، اسحاق بجران، محمد علی بیتاب، منشا خاکی، پرویز ملک، پروفیسر رفیق بھٹی، اسحاق بجران، قاسم شمیم، طارق فہیم، ذاکر شبنم، ذاکر نواز، خالد وفا، شوکت نسیم، مرزا خان وقار، یاسین نازہین۔ انہاں نے گوجری ادب کی متنا سراسر مایہ دتاتہ اپنے اپنے تجربات توں اس زبان کی مالا مال کیتا۔ اسطراں راجوروی نے اس خطے نے نہ صرف پہاڑی زبان نی خدمت کیتی بلکہ اتنے ہی جذبے نے نال کشمیری زبان کی وی سرمایہ دتانا لے چنگی چوکی میراث کشمیری زبان نے حوالے کیتی۔ اس نے نال نال گوجری زبان تہ ادب بچ وی بچ سارا اضافہ ہی نیہہ بلکہ Direction دتی۔ ایہہ گل کرن بچ مگی خوشی مل رہی ہے کہ ضلع راجوروی نے ہر ترے زبانوں کی ترقی دینے واسطے نہ صرف نمائندگی کیتی بلکہ قیادت وی کیتی۔ ایہہ قیادت شعری روپ بچ وی سی تہ نثری اسلوب بچ وی۔ مایے، ٹپے، سی حرفی، گیت، افسانے، ڈرامے، انشائیے، باراں ماہ، سی حرفی وغیرہ اسلوب نال انہاں اپنا حصہ دتا۔

بہر حال مختصراً آج راجوروی ضلع نے لوکاں تہ لکھاریاں ناسر فخر نال اُچا ہے کہ ریاست نیاں دویاں اکائیاں نے نال اکھاں ملا کے اپنی فرضاں نی پٹاری کی سامی رکھیا۔ اخباراں، ڈرامے، مکالمے تہ دوئیاں سماجی ذمہ داریاں کی نبھائیاں ہوئیاں انہاں لکھاریاں بہت سارے مسائل نے حل واسطے جو رجتن کیتا۔ تھنہ منڈی نی بزم ادب، پڑھوٹ نا کوثر مرکز، درہال ناپا کیڑہ ڈرامینک کلب، جسنی دیکھ رکھ رشید قمر کر رہے سن، راجوروی نی بزم خدام ادب، جسنی ذمہ داری خورشید جاتم تہ انہاں نے ساتھی نبھارہے ہین۔ انہاں نا مرکزی نقطہ معاشرے بچ پنپ رہیاں بیماریاں نا علاج سی، قوم نی سوچ کی بدلنے نی ترغیب سی، داج جیاں لعنتاں کی ختم کرنے ناسبق سی، تاکہ ہزاراں بچیاں اپنے ترسنے ہتھوں پر مہندی لاسکن۔

تمباکو سگریٹ تہ نسوار جی شے توں بچن واسطے انہاں بیماریاں نی نشاندہی کیتی جاسکے تاکہ انسانیت قبل از مرگ بیماری نے درداں توں بچ سکے۔ اس کم واسطے جواہر نگر نی اک ٹیم نے وی خوب محنت تہ لگن نال سنگیت نی خدمت کی اپنا Concern بنایا، جس توں Entertainment نے نال نال لوکاں کی اندر ہی اندر اک سبق دتا جانا ہے۔

اس نال نال چند اک اخباراں نے وی اس ضلع نی نمائندگی کیتی، جیہڑے چھاپ خانے نی دوری نی وجہ توں زیادہ خوبصورت طور نہ تہ چھپ سکے تہ نہ ہی اوہ اپنی عمر بدھا سکے، جس نے نتیجے بچ اوہ بے موت مر گئے۔ انہاں بچ تھنہ منڈی توں نکلنے والا ماہوار جریدہ ”دھنک“ بڑے معیار نے نال اُبھریا پر اچانک وسائل نی تنگی نی وجہ تھیں مر گیا۔ ”راجوری ٹائمز“ وی کجھ دیر پندراں روزہ فرہفت روزہ چھپیا، پر اوہ وی اپنی مرض موت بچ نہڑک رہیا ہے۔ ”نوک قلم“ وی تھوڑا عرصہ چمکیا، پر اسکی وی اسے طراں نی بیماری لاحق ہوئی جیہڑی دویاں نال سی۔ ”آئینہ قلب“ بڑے معیاری انداز بچ چلیا، پر وسائل نی تنگی اسکی وی بند کرنے پر مجبور کر گئی۔ اسی طراں دہقان، آواز آدم تہ دستور وی اپنی ثقافتی ماحول بچ اُبھرے پر زیادہ دیر اقتصادی مشکلات نامقابلہ نہہ کر سکے۔ اسنے نال نال عرس تہ شادی بیاہ تہ فرما تم نے وقت جدوں خوب مجمع اکٹھا ہونا ہے، اسوقت نیاں تبلیغی کوششاں وی اس علاقے نے مزاج بچ بدلاؤ آنے ناموجب بنیاں ہیں۔ غرضیکہ اس خطے نے بسپکاں تہ لکھاریاں کی ایہہ امتیاز حاصل ہے کہ انہاں نے سیاست نے تقسیم کرن والے کلچر نے خلاف اپنی کوششاں ادبی سرمایے نی بڑھوتری بچ لگا دتیاں۔ انہاں نے اپنے قلم کی زیادہ معتبر تہ مقدس مشن نی طرف موڑ دتا۔ بلا لحاظ لسانی تعصبات نے انہاں نے مشترکہ کوشش نال انسانیت کی درپیش مسائل پر اپنے تجربات تہ تجویز دے کے اک ذمہ دار شہری ثابت دتا۔ ایچے ہی لوک ہیں جنہاں پر انسانیت فخر کرنی ہے، پہنانویں اوہ مدرٹریا جی کوشش نے مجبن ہوون یا کہ عیدی ٹرسٹ نے ذمہ دار ہوون، مارٹن لوتھر گنگ نے فلسفے کی اپنایا جائے یا ٹالسٹائی نی فکری کوششاں پر عمل پیرا ہوون۔ اس ناسارا مقصد انسانیت نی خدمت نابیڑا اٹھانا ہے۔

آج نی دُنیا بارود نے ٹہیری پڑ ہے، انفارمیشن ٹیکنالوجی تہ بے خبری نی دُنیا تھیں باہر کڈھ

کے انسان کی زندگی نے دورا ہے پر چھوڑیا ہے۔ اوہ خود فیصلہ کرے کہ اس کی صحت مند زندگی ضرورت ہے یا کہ اڈیاں رگڑ رگڑ کے موت کی بلانے نی۔ اس فیصلے تھیں بعد ضلع راجوری نے ادبی سفارت کاراں (Ambassadors) نا ایہہ دونافرض بن جانا ہے کہ اوہ یکے یکے فکری بن باس کی ترک کرن۔ انسانیت نی فلاح تہ بہبود واسطے سوچن، ماحول نے بگاڑتوں آگا ہی کران، آبی ذخائر نی کمی نا احساس دلاں، Global warming نا چیلنج، ایڈز تہ کینسر جے موذی بیماری پر روک لگان واسطے مثبت اقدامات نا اٹھانا، اسطراں نیاں کوششاں کی اپنی ساری توجہ نامرکز بنان تاکہ انسان اپنی پوری عظمت نے نال جی سکن۔

آج نی دُنیا بڑی مشکل Complex مسائل نال جو جھریہئی ہے، سامان جنگ جوڑنے نا خیال تہ انسانی عظمت کی رونے نامزاج عام ہوئی گیا ہے، جسنی طرف اہل قلم، اہل فکر و دانش نافرض ہے کہ اوہ اپنی پوری فہم و فراست نا رخ اسطرف موڑ دیون۔ اس فکری جہاد بچ جیہڑا قلم زیادہ روشنائی استعمال کرسی، اوئی لوکاں نیاں اکھاں نا نور بنسی، اوئی آج نا وارث ہوئی تہ اوئی آنے والے کل نا سہارا بنسی۔ اس واسطے شعراء حضرات یاد دے لکھاریاں کی وقت اپنیاں اپنیاں ذمہ داریاں سنبھالنے نی دعوت دے رہیا ہے۔



راجوری بچ پہاڑی افسانے ناک نقشہ

راجوری ضلع بچ افسانوی ادب کی عمر کوئی متنی لمبی نہیں۔ ایہہ بکھریا ہو یا سرمایہ کلچرل اکاڈمی بچ پہاڑی شعبے نے قائم ہونے سے نال نال ہی اکٹھا ہونے کی صورت بچ ہو یا۔ پہاڑی نثری ادب سے اس وقت تک نہ ہونے سے برابر سا۔ تا اگر گجھ سی تہ اوہ شعری روپ بچ ہی سینہ بسینہ یا کدے کتابی شکل بچ سی۔ دراصل شعری سرمایہ اکٹھا کر رکھنے سے متے سارے اسباب سن۔ کیاں جے شعر حافظے کی سلیٹ پر محفوظ ہو سکے ہین۔ پر نثری ادب نے حوالے نال کہانیاں قصے زیادہ دیر نالے زیادہ خوبصورتی، دگمئی تہ دلچسپی نال محفوظ نہیںہ کیتے جاسکے۔

زمانے نے جیاں جیاں کروٹاں بدلایاں پرانے سوچ طور طریقے وی بدل گئے تہ ہن لمیاں چوڑیاں فرصتاں رہیاں نہ ہی ہن ایہہ موقع نہ مزاج رہے کہ مشرقی سماج نیاں ضرورتاں نے پیش نظر کوئی لمحے میسر ہونے کہ لمیاں کہانیاں تہ قصے سنائے جاسکے۔ نویں تہذیب نادر آیا۔ Information Technology نے تمام فرسودہ قصے کہانیاں دیو پریاں نے طلسماتی ماحول نے نال جڑے ہوئے افسانے اعتقادی تہ نظریاتی سوچاں نے پردے سارے لیراں لیراں کردتے چن نے نال جڑیاں ہونیاں گلاں نے تسخیری عمل تھیں بعد محض ناقابل توجہ بن گیاں۔ بلکہ عقل کی کسوٹی پر ایہہ کھوٹے سیکے کی شکل اختیار کری گئے۔ ریڈیو، ٹی وی کمپیوٹر تہ ای میل ”E-mail“ نے ساری دنیاں نیاں مسافتاں کی کھٹھا کر کے اک Global Village کی شکل بچ کر چھوڑیا۔ آج نا انسان اپنے آس پاس نے ماحول نے سارے خدو خال نے نال عصری آگہی نے تعارف نے قریب تر ہے۔ آج کوئی گل غیب نے خول نے اندر بند نہیں رہی۔ بلکہ آج ہر چیز مشاہدے نے آس پاس پوری صلاحیت نے نال موجود ہے۔ آج شعور والا تر ادارک نادر ہے ہو ر لاشعوری نا سلسلہ ہن کمپیوٹر نے حوالے کر دتا گیا ہے۔ ایسے ماحول

تہ مزاج نے بچ افسانے وی متاثر ہوئے لمے لمے مضمون اوکھے اوکھے اندازے سارے حقیقتاں تہ واقعات نے نیڑے نیڑے گردش کرنے لہنے ہیں۔ اس طراں نال لمیاں کہانیاں کرنے نے وقت وی ہُن مختصر ہوئی گئے۔ عام فرصتاں تلاش روزی، روٹی نے نال ختم ہوئی گئیاں ترقی فی ڈور بچ لگے ہوئے انساناں نے دن تہ راتاں وی ہُن مختصر ہو گئیاں ہیں۔ دن نے جنجال راتاں نے آرام ہُن گڈ مڈھ ہوئی گئے ہیں۔ ہُن ہر انسان دن رات کی جغرافیہ فی تحویل نال نیہہ بلکہ اپنے نظام اوقات نے حساب نال شمار کرنا ہے۔ اس کی فرصت ہوئی تہ اس نادن نہ ہوئی تہ اوہ اسنی رات وی دن شمار بچ گزرنی ہے۔ اس طراں پرانے فرصتاں نے دور نا تصور جیہڑا رات نے ہنیرے نال جُویا ہونا سی تہ دادی اماں نی چھولی ہونی سی اوہ بلیں بلیں پرانے قصے بن گئے۔

اس قسم نے حالات نال جُویا ہو یا انسان ہُن لمے چوڑے ناول تہ بے معنی بوجھل افسانیاں فی ریت وی ختم کری بیٹھا ہے۔ مختصر جے وقت بچ اپنی گل مکمل کرنے نامزاج حالات نیاں ضرورتاں نال جڑ مل گیا۔

اسے قسم نے دور نے بچ ٹٹ نے نال نال پہاڑی زبان بچ افسانیاں فی شروعات ہوئی۔ اس زبان نے لکھنے والے پہلاں پہلاں اُردو زبان نے طور طریقیاں تھیں متاثر سن۔ ابھی گل سی کہ انہاں پہاڑی زبان بچ اک قسم نانواں تجربہ افسانے نے حوالے نال کیتا۔ پھر افسانے نے بوجھلے پن کی آہستہ آہستہ بدلنے دور نے تقاضیاں نال تبدیلی فی کسوٹی پر پورا کیتا۔ تہ آج نا پہاڑی افسانہ اپنے معیار کی قائم کرنے نے آس پاس ہی ہے۔

اس بچ شک بیہہ کہ پہاڑی افسانے بچ کافکا قسم فی کوشش بیہہ ہو سکی۔ نہ ہی منرائی ماچس تہ منٹو نے کھول دو یا ٹھنڈا گوشت جیا کوئی خالصتاً نفسیاتی یا سماجی معیار پیش کیتا جاسکیا۔ اتنی کوشش واسطے جس محنت لگن تہ خلوص فی ضرورت محسوس کیتی جاسکئی ہے اوہ فرصت یا Commitment اجاں پہاڑی لکھاریاں نے حصے بچ بیہہ آئی۔ اس فی بڑی وجہ انہاں نے آس پاس مطالعے فی کمی تہ بیرون ملک لکھنے والے سرمائے فی عدم فراہمی ہے۔ ابھی گل ہے کہ پہاڑی افسانوی ادب بچ خال خال ہی کوئی معیار ملنا ہے۔

راجوری ضلع نے افسانہ لکھنے والیاں فی گنتی کوئی زیادہ نہیں انہاں بچوں گھاس نامطالعہ ہے تہ گجھ اک محض روایات نے سہارے اپنا ادھورا جیاً سفر جاری رکھے ہوئے ہین۔ انہاں نے افسانے بچ جدید ادب نارنگ نہ ہونے نے برابر ہے۔ ہوراجاں وی ایہہ لوک عشق و محبت نے جال تھیں باہر نہیں نکل سکے۔ حالانکہ اج ادب برائے زندگی نا اصول اگر سمجھیا جاسکے تہ فر ایہہ گلاں اج نے معاشرے فی ضرورت بچ کسے طور شامل نہیں۔ اج فی ضرورت حالات نے نال اکھاں ملا کے تکلنے فی ہے نہ کہ حالات نا سامنا کرنے تھیں اکھاں بند کر کے عافیت تلاش کرنے بچ ہے۔ اس طراں راجوری ضلع نے افسانے لکھنے والیاں فی گنتی کوئی متی نہیں۔ انہاں بچ شامل ہین: شاہباز راجوری، نادر راجوری، اقبال شال، اقبال نازش، خورشید بسمل، زلفر بیگم، راقم الحروف، مرزا محمد اسلم، فاروق انوار مرزا، خورشید خانم، کیول کرشن شرما، مرزا عبدالرشید، غلام قادر ملک، ماسٹر نور محمد، بھٹی، روبینہ بھٹی، راجہ رام شرما مرحوم، اسلم ملک، شباب مرزا، محمد یعقوب خان، رابعہ کوثر، محمد طالب ملک وغیرہ۔

مرزا عبدالرشید ہوراں اک ہی افسانہ ماسٹر لکھیا۔ ۱۹۷۹ء نے شیرازے نے پہلے شمارے نے بچ چھاپیا گیا سی۔ اس افسانے کی اگر ”پوسٹ مین“ آکھیا جائے تہ گجھ خاص فرق یہہ ہین لگا۔ اوئی اک غریب کہرا نہ اوئی نوکری اوئی پوسٹ مین اوئی قسم فی ڈاک، اس بچ ماسٹری نا آڈر نمبر دار نا ظلم و جبر تہ ماؤ فی پہکھ تہ فر موت، اس طراں اس افسانے کی محض اک نویں کوشش آکھساں جیہڑی پہاڑی افسانے فی دنیا بچ کیتی گئی۔ اس فی زبان بالکل علاقائی ماحول نال جڑونی تہ اس نے Diction وی محض علاقائی مزاج نے نال برتی برتائی ہے۔

نمٹی، پوہریئے، ڈنڈ کرنا جے لفظ پہاڑی مزاج نے پیش کرنے نے نال ہی درہال نا اوہ خاص نویکلا لہجہ وی پیش کر کے اس کی واقعاتی تہ فر حقیقت پسندانہ بنایا۔ زبان نا اچھوتا اظہار اس علاقے لئی تہذیب و تمدن نا بیان ہے۔ اچھنا، گچھنا ایہہ لہجہ درہال کی ظاہر کرنا ہے۔ پلاٹ وی سادہ تہ مختصر جیاً ہے۔ جیہڑا افسانے فی اہمیت تہ مضمون نے اعتبار نال مکمل ہے۔ کہراٹ، آٹا، گارڈیا پلسیا ایہہ گجھ لفظ خاص درہال نے رنگ بچ رنگے ہوئے ہین۔

مطالعہ فی بنیاد رکھنے والیاں بچ شاہباز راجوروی ہوراں نے افسانے خاصے سارے ہن۔ جلالہ ماما، پھین رانی، درخاس، ڈہلی رت ناسوال، میلہ تئیاں تھپاں، وغیرہ انہاں نے لکھے ہوئے افسانے ہن۔ انہاں نے افسانیاں بچ انہاں نے لے چوڑے مطالعے فی چھاپ ہے۔ اپنے مضمون فی تاریخ نیاں لکیراں نال جوڑنے ناگر انہاں کول ہے۔

تئیاں تھپاں افسانے بچ شاہباز صاحب بیانہ انداز بچ اک کردار فرقان کی زمین داری کرن نے گر سکھائے ہن تہ فرلیو لائیاں علاقائی ریت نے پوری پوری دیکھ پہال کرنے ہن۔ اک واقعہ ہی اوہ بڑی خوبصورتی نال جوڑ کے اس کی ایمائی انداز بچ لے کے مکمل کرنے ہن۔ پر موجودہ دور فی تاریخی حقیقت کے پہر پور طور شامل کر کے افسانے کی زندگی نے متے سارے تقاضیاں نال جوڑنے بچ کامیاب ہوئی جانے۔ اسے افسانے نا اختتام ایہہ اس طراں کرنے ہن ”فرقان بہوں خوش سا۔ پتہ نیہہ کیّاں بیروت، اسرائیل، چلیچر، شٹل، روسی انقلاب، گلاس ناسٹ، پیرسٹرانگا، برلن فی دیوار، یوب بے بی افغانستان سارے معاملے ماہڑے حوالے کیے سن تہ میں سرہانیوں کھسکی فرانہاں دناں کی لوڑ نا ساجدوں میں تہ فرقان ایکو ہی ساں۔ ارج سچیں ہی تھپاں تئیاں سن تہ پینڈے دور، کچھو..... فرقان کی نیہہ..... گئی کچھو۔

ایہہ اوہ عصری آگہی ناڈم سی جیہڑا دوہاں دوستاں نے بچ مشترکہ سی۔ فرقان اپنے ماحول نے آس پاس سوچ رہیا سی۔ دوا انسان اپنے آپ تھیں بیگانہ وی سن پہانویں۔ اوہ اندر ہی اندر گلنا جاناسی۔ اس طراں نے کرب تہ احساس تھیں پہر پور انداز نا بیانہ شاہباز ہوراں نے افسانیاں فی روح ہے۔

اقبال نازش تہ اقبال شال دوئے چنگ تہ معیاری لکھنے ہن۔ انہاں نے افسانے معیار ہیئت تہ بناوٹ نے لحاظ نال معیاری ہن۔ جدید ادب نا چھاملہ انہاں نے افسانیاں فی روح ہے۔ علامتی افسانے لکھنے بچ ایہہ دوئے کامیاب ہن۔ اقبال نازش نے شیشے، ادھا کہنڈ، اڈیک، سزا، اعتراف، ایہہ لاش کس فی ہے۔ پتنگ، دروٹی تہ کچہری وغیرہ افسانے لکھے ہر افسانے بچ اسنے خدو خال تہ ضرورتاں کی ملحوظ رکھیا ہے۔ انہاں نے افسانے با مقصد وی ہن تہ با معنی وی۔ کہت

تھیں کہتے لفظاں بچ اپنا مدعا و مقصد کہہ جانے بچ کا میاب ہیں۔ علامتاں نا خوبصورت استعمال کیتا ہے۔ دل نی واردات علامت نے لفافیاں بچ پاپھیٹ کے کہہ دینے نی شناخت موجود ہے۔ خود پڑھے تہ تجربہ کار ہونے نی وجہ تھیں اک معیار دتا ہے۔ افسانے نے کردار کدے وی اوپرے بیہ لگنے۔ غرضیکہ اقبال نازش ہو راتھ تہ با مقصد لکھنے والیاں بچوں اک معتبر ناں ہے۔

اسی طراں اقبال شال نے وی متے سارے افسانے لکھنے۔ قحط، خون نیاں تندیراں، سفر، فساد، گیلے، فلائینگ لو، آخری دانہ، انتقام، بدلہ، اک نیس نی گل، عزت نا سوال، وغیرہ انہاں نی افسانوی تخلیق ہے۔ علامت نا چنگی طراں استعمال کیتا ہے۔ لفظاں نا استعمال صرفے نال کرنے ہیں۔ انہاں نے افسانیاں نا ماحول لوکل ہے۔ انہاں کول والہانہ محبت نی ذرا رعایت رکھنی ملنی ہے۔ افسانے نا آغاز تہ انجام اسی فنی ضرورتاں نے تحت سمجھداری نال کیتا گیا ہے۔ کہانی کی افسانہ بنائیاں بڑی احتیاط برتی وی ہے۔ انہاں نے اک افسانے ”انتقام بچ بیانیہ تہ فنکارانہ صلاحیت نا اندازہ کرو“۔

اسنیاں اتھرواں نیاں لڑیاں دورٹنی ورٹھیری ہوئی گئیاں۔ ماہڑے پیر ہوا بچ اڈن لگے، میں کون ہاں وحشی نہی..... اپنا وجود چنگی طراں توسیا۔ ٹھیک ٹھاک سی۔ مگر برے فی سل۔ ماہڑے وجود بچوں کوئی شے باہر نسنے نا جتن کرنی سی۔

لفظاں نی بناوٹ رمز یہ زبان علامتی لباس، ایہہ اقبال شال نی محنت تہ کوشش نی دلیل ہے۔ کیول شرما وی نو جوان افسانہ نگار ہیں۔ عمر نی رعایت نال انہاں نے افسانیاں بچ Romanticism زیادہ ہے۔ انہاں نے افسانے نے کردار لوکل تہ ماحول وی اپنا لگتا ہے۔ راجو تہ آشناں درمیان مٹھیاں مٹھیاں گلاں نی لڑی اوہ فطری جذبہ ہے۔ جیہڑا اس کائنات کی خوبصورت بنا رہیا ہے۔ اس افسانے بچ زلفاں نے کھلیار تہ سرمئی اکھاں نے بچوں پیار و محبت نی کہانی نا لکھت پڑھنے تہ سمجھنے نی گل لکھنی ہے۔ فر انہاں نی اس کہانی نا Anti climax شروع ہونا ہے۔ محبتاں نے نا کام قصے مایوسیاں، محرومیاں تہ کھوئے ہوئے احساس نا ماحول افسانے نے موڑ وراک اہم رول چھوڑ گیا۔ اس طراں اسنا انجام افسانے نی ضرورتاں تہ مزاج نے مطابق

سی۔ اچھی کوشش اک رومانی ماحول نی عکاسی کرنی ہے۔ پہانویں ایہہ جدید افسانہ نیہہ بن سکیا۔ پر اس بچہ اختصار تہ کہت تھیں کہت لفظاں بچہ اس کی مکمل کرنے ناطریقہ کار اس کی رومانی افسانے نی صنف بچہ پچا گیا۔

فاروق انوار مرزا اک ہور نوجوان قلمکار ہین۔ انہاں نی لفظاں نی پکڑ خاصی مضبوط ہے۔ مطالعے نی بنیاد پر لکھنے ہین۔ انہاں نے افسانے بچہ ”ایہہ چادر گس نی ہے“ جرمانہ ملاقات، دور وحاں نی، خاکہ وغیرہ شامل ہین۔ اُردو نے ماحول بچہ پرورش پانے تھیں بعد پہاڑی زبان نال جڑے۔ خاکہ انہاں ناک علامتی افسانہ ہے انہاں نے خاکہ بچہ رنگ پھرنے نی ذمہ داری اٹھائی۔ ایہہ پہلے پہلے انہاں خاکیاں بچہ رنگ پھرنے نی دوڑ بچہ مصروف ہین۔ پر مصوراں نے مزاج نے مطابق ہی ایہہ رنگ پھری سکسن۔ اس خاکہ بچہ ”رتو نارنگ“ حالات نی آگہی نی دلیل ہے۔ جیہڑی افسانوی ادب نی ضرورت ہے۔ انہاں خاکیاں نے پھرن آ لے برش اک دوئے نیاں اکھاں کی انھاں کرنے ناسلسلہ حالات ناوہ جبر ہے جیہڑا انہاں نے آس پاس پل رہیا ہے۔ اس تھیں اس ماحول نی بد نظمی نا اشارہ وی ملنا ہے۔

انہاں نی ایہہ کوشش وی کامیاب رہی کہ لوک کیّاں تکی تہ اُن تکیاں کرنین تہ سُنے کی ان سُنیاں کرنے نی مہارت رکھنن۔ اردو املاں ناسہارا کہت لینا چاہی ناسی۔ تاہم تجربے نا ایہہ سلسلہ قائم رہیا تہ اک کامیاب کہانی کار ثابت ہون گے۔

محمد اسلم ملک نا افسانہ آگ وی اک بیانیہ ہے۔ ایہہ اک قسم نا ترقی پسند افسانیاں نی صنف بچہ آنا ہے۔ روشن سیٹھ تہ حشمت علی میٹ اک پاسے تہ مزدور دوئے پاسے۔ اس افسانے نی بناوٹ ہے سیٹھ مزدوری دینے بچہ تکلیف محسوس کرنا ہے۔ تہ فراسے نال ہی کال پی جانا ہے۔ تہ ایہہ سارا غلہ خرید کے کٹھار پھری چھوڑنا ہے۔ پر جدوں اسے کٹھار پر ہلہ بولنے ناناں سُننا ہے تہ سیٹھ اُس گودام نے آس پاس بجلی نیاں تاراں لگو ا کے اس بچہ کرنٹ پاس کرنا ہے تاکہ ایہہ غلہ لٹیا نہ جاسکے۔ فراک دن سرکٹ شارٹ ہونا ہے تہ سارے ناسارا غلہ بجی تہ بھیر بچہ بدل جانا ہے۔ اس افسانے بچہ سلسلہ وار واقعات نا جوڑ نیہہ۔ تاہم افسانہ نگار بڑے پڑھے لکھے تہ اچھی فنکارانہ صلاحیت رکھنے ہین۔ ذرا ہور محنت کرن نالے موجودہ دور نے افسانیاں کی تکتن تہ ایہہ اس صنف بچہ چنگا ناں کما سکسن گے۔

ہو راک افسانہ نگار جیہڑے آج اسان پنج نیہہ ہین۔ اوہ اک معتبر ناں سی راجہ رام شرمانا، جیہڑے کالا کوت تحصیل نی سیالوئی گراں نے رہنے والے سن۔ راقم الحروف نی تحریک پر انہاں نے ایہہ پہلا افسانہ لکھیا۔ اس نے کردار بالکل نویکلے ہین۔ منکو ناک منڈا چھٹی جماعت پنج پڑھنا سی۔ اوہ جماعت نامانیٹری سی۔ اسنی ماء مرگئی۔ فراس نے دیکھ پہال ناسارا کم منکو کی ہی کرنا پیا۔ اس نے باپ کی اک دن خواب آیا کہ اس نالڑکا پو بڑا آدمی بنی گیا۔ کار پر سوار ہے تہ اسنے نال اسنی ماوی ہے۔ اس نی تعبیر شکل ایہہ ملی کہ پو بوٹے ور چڑھیا تہ بوٹے وروں تھلے ٹھٹھا سر پر گھر چوٹ کھاہدی تہ مر گیا۔ اس دن منکو کھر نیہہ سی۔ منکو کھر آیاتہ انساناں پو چتا ور جل رہیا سی۔

اس افسانے پنج مرحوم راجہ رام شرمانا سماج پنج رچیا بسیا ہو یا ذہنی سفر نا آغاز بڑے سوہنے ٹہنگ نال کیتا۔ افسانہ مختصر تہ لفظ چچے ٹکے۔ واقعات نا تسلسل وی قائم رکھیا۔ نال ہی معاشرے پنج سرایت ہوئے نظریات نا چنگی طراں احاطہ کیتا ہے۔ فنی اعتبار نے نال وی ایہہ اک کامیاب کوشش سی۔ افسانہ نگار اپنے تجربے تہ مطالعے نی بنیاد پر ایہہ خوبصورت پہل کرنے پنج کامیاب ہوئی گئے۔

اک ہور ناں نور محمد بھٹی ناں ہے جہاں کیپ ہوئی گی افسانہ لکھ کے اس صف پنج داخل ہو گئے۔ ”کاگ نابولنا“ اک معاشرتی افسانہ ہے اس پنج غریبی تہ امیری Contrast دھسیا گیا ہے۔ اللہ دین سکول ٹیچر ہے اسنی اولاد پنج چھ بچے ہین۔ اسنی بیوی مرجانی ہے۔ دوئی شادی کرنا ہے دوئی بیوی تھیں چار لڑکیاں ہوئیاں۔ سُن اللہ دین بیمار ہوئی گیا۔ اس نی دوئی بیوی نے نفسیاتی تقاضے نہ پورے ہو سکے۔ اسنا معاشقہ کسے نال ہونے نا تذکرہ ملنا ہے۔ اتھے اس معاشقہ نے وقت افسانے ناربط ٹٹ جانا ہے۔ ادھر کوئی پیر صاحب نی موت ہوئی جانی ہے پتہ نیہہ ایہہ موت کییاں ہوئی تہ انساناں اس افسانے نال کے رشتہ سی۔ اگلے حصے پنج کگڑاں نی چوگ ختم ہوئی جانی ہے۔ فرساجد کھر اٹ ور دلیہ کرانے واسطے جانا ہے۔ اس نے بعد انساناں انجام نا مکمل ہوئی جانا ہے۔

در اصل اس افسانے نے لوازم پورے نیہہ ہو سکے۔ پہانویں جیاں افسانہ نگار تعلیم یافتہ ہین۔ پر افسانے کی کوئی صحیح رُخ نہ دے سکے۔

اک ہورناں زلفریگیم ناہے۔ ایہہ اردو بچ وی لکھیاں رہیاں ہین۔ انہاں نا افسانہ ”سودا“ انگریزی فی اک اداکار EMMA نال ملنا ہے۔ جس نا کم انگریزی ادب بچ صرف شادیاں کی جوڑنا سی۔ اس طراں سلیمہ نارشہ شبیر نال ہونے نیاں گلاں شروع ہونیاں دوئے پاسے اسلم وی اس رشتے فی تاہنگ بچ آ لگنا ہے۔ سلیمان پھراء عارف سی۔ اس فی شادی بیاہ والدین فی مرضی نال اک سدھی سادھی لڑکی نال ہویا۔ اس فی ماء کی فالج ہوئی جانا ہے۔ سلیمہ فی شادی شبیر نال ہوئی۔ اس سماجی خاکے بچ والدین فی مرضی فی چھاپ معاشرے بچ رواج پائی ہوئی قدراں نال جونا ہے۔ افسانے نے اختتام کوئی اچھوتانہ نیہ لگنا۔ موصوفہ پڑھی لکھی ہین پر افسانے نیاں ضرورتاں نا احساس کہٹ رکھیا ہے۔ اس طراں افسانے نا تسلسل ٹٹ گیا تہ ایہہ اپنی دلچسپی کی کھو گیا۔

اک ہورناں اسلم مرزا ہے جہاں ”ملت لپکاں“ لکھ کے افسانے نیاں زلفاں سنواریاں ہین۔ اس نے کردار بچوں خورشید الماری بچ بے ترتیب کتاباں کی رکھنا ملنا ہے۔ انہاں کتاباں بچوں اس کی اک ڈائری ملی، اس نے بچ زندگی نے یاد رکھن والے واقعات درج سن۔ اس فی ملاقات اک لڑکی عطیہ نال ہوئی۔ لیکن بعد بچ خورشید عشقیہ سفر کی ترک کری چھوڑنا ہے۔ پتہ نیہ ایہہ کیاں ہویا۔ آستھیں بعد افسانے نا خاتمہ ہوئی جانا ہے۔ موصوف صاحب علم ہین پر شانہ مطالعہ فی کمی ہے یا وقت نیہ ملیا محنت کرنے نا۔ اس واسطے ایہہ افسانہ اپنے فطری انجام تک نیہ پہنچ پایا۔

اک ہورناں ملک محمد طالب ہے۔ انہاں نے اک افسانہ ”دشمن“ لکھیا۔ اسنا پلاٹ تللیل یا گریز فی چوکی ہے۔ جس پر کپٹن پرویز ہندوستانی چوکی پر ہے اسنادوست صوبیداری۔ پاکستانی چوکی پر حملہ کیتا جس بچ شکتی سنگھ کپٹن پرویز کی بچانیاں ہلاک ہوئی گیا۔ پر پاکستانی لفٹینٹ اشرف کی زخمی کری گیا۔ ایہہ پاکستانی لفٹینٹ اشرف قیدی بن گیا سی۔ دوئے دشمن گلاں کرنے کرنے اک دوئے نا تعارف چاہیا۔ تہ پاکستانی لفٹینٹ اشرف نے درہال علاقے نے اک بزرگ ناناں لیا جیہڑا انسان نانا سی تہ ہندوستانی کپٹن پرویز نا اوہ رشتے بچوں پھوپھیرا پھرا نکلیا! پر اشرف زخماں کی برداشت بیہہ کر سکیا تہ اسی موت ہوئی جانی ہے ہُن پرویز کول دولا شاں رہ گیاں۔ اک اس نے جگری دوست شکتی سنگھ فی تہ دوئی اس نے دشمن تہ پھوپھیرے پھرا لفٹینٹ اشرف فی۔

اسے دوران ہیڈ کوارٹر تھیں فون آنا ہے کہ کپٹن کے خبر ہے؟ کپٹن پرویز نے سامنے رکھی ہوئی لاش کی تکیا۔ جیہڑی اشرف نی لاش سی فرائقروں پی کے آکھیا۔

”دشمن مری گیا“ اسنے نال ہی ٹیلی فون اس نے ہتھ بچوں تھلے ٹہہ گیا۔“

اس طراں اک خوبصورت شروعات تھیں اک خوبصورت انجام لے جانے ناکم طالب صاحب کرنے بچ کا میاب ہوئی گئے۔

اس افسانے بچ ساریاں ضرورتاں نالحاظ رکھیا گیا۔ افسانہ مختصر سی ضروری لفظاں نا استعمال برمل سی۔ تہ واقعات نا تسلسل فطری سی۔ ایہہ اک خوبصورت افسانہ انہاں نی فنکارانہ صلاحیت نی واضح دلیل ہے۔

اک ہور ناں غلام قادر ملک جیہڑے درہال نال تعلق رکھنے ہین ”نواں مہیناں نا امتحان“ اک سماجی افسانہ لکھنے نی کوشش کیتی ہے۔ زبیر نی دوئی شادی زہرہ نال ہوئی ہے۔ دوئے حادثے نا شکار ہوئی جانے ہین۔ اس موقع پر طلاق شدہ نعیمہ نی طلاق کی نومہینے ہو چکے سن تہ اس نے جوڑے کی جنم دتا۔ افسانہ مختصر ہے اسنیاں ساریاں ضرورتاں افسانہ لکھن والے نے پوریاں کیتیاں ہین۔ البتہ افسانہ نگار طلاق نے عرصے کی صحیح طور پر واضح نہ کر پائے۔ صرف رشتیاں نے جنجال بچ الجھ کے غیر ضروری طوالت نا شکار ہوئی گئے۔ تہ کجھ ضروری گلاں کرنیاں پہلی گئے۔ تاہم افسانہ اچھا ہے ایہہ شاندا افسانہ نگار نی پہلی کوشش سی۔ اگر ہور محنت تہ لکھن نال کم کیتا تہ ایہہ اچھے افسانے کی تخلیق دین بچ کا میاب ہوئی جاسن۔

محمد یعقوب خان ”ساجھاں بوٹا“ ”تہ سٹ“ لکھ کے افسانے نی دنیا بچ داخل ہوئے۔ انہاں کول لفظاں نا کہنا ناہیہ۔ البتہ مطالعہ کہٹ ضرور لکھناں ہے۔ بڑا پرانا مضمون افسانے نی شکل بچ ہے کہ دوست اک ہند اک مسلم ہونے ہین بعد بچ اکدوے تھیں ناراض ہوئے جانے تہ مارکٹ تک نوبت بچ جانی ہے۔ اک دوست بیمار ہونا ہے تہ Negative گروپ نے خون نی ضرورت پینی ہے۔ تہ دوا آدمی ایہہ خون دے کے اسکی بچانا ہے۔ بہر حال موصوف کی ہور محنت نی ضرورت ہے۔ تہ نوئیاں نوئیاں ضرورتاں نا احساس رکھ کے انہاں کی لکھنا چاہی نا ہے۔ روایت تھیں اگر کہٹ کے لکھن گے تہ شاندا کوئی بہتر کم کر سکے گے۔

اس طراں اک ہور ناں خورشید بکلی جیہڑے ”پوڑ شیشہ“ لے کے افسانے نی دنیا بچ آئے۔ انہاں کی زبان تہ بیان و رقابو ہے تہ افسانے نیاں ضرورتاں تھیں وی ایہہ خوب واقف ہین گئے۔ مخنتی ہونے تہ اپنے مطالعے نی بنیاد پر ایہہ جو گچھ لکھ سکے کامیابی انہاں نا استقبال کرسی۔ اس طراں ایہہ مختصر جی رواد افسانے نے حوالے نال ضلع راجوری نی قسمت بچ لکھی جاسکی۔ نویں تجربیاں تہ نویاں قدراں نی موجودگی اس مدان بچ ہور کامیاب رہی سکسی تہ لکھاریاں نی ڈھنی سطح کی ہور اٹھان ملیسی۔ جس تیزی نال ایہہ علامتی، روایتی تہ بیانیہ انداز بچ افسانے لکھنے ناکم ہو یا ہے۔ اگر ایہہ رفتار، ایہہ دوڑ، ایہہ کوشش قائم رکھی گئی تہ ایہہ ضلع آنے والے وقت بچ شاندا افسانہ نگاری نی امانت نے فرائض ادا کرنے نے قابل ہو جاسی۔



نوٹ: اس مقالے بچ محمد اسلم ملک تہ محمد یعقوب خان ناڈو کر راجوری نے حوالے نال ہو یا ہے جدکہ انہاں دواں حضراتاں نا تعلق ٹنگمرگ کشمیر نال ہے۔ جدکہ بالکل انہاں ہی ناں نے دو پہاڑی قلم کار راجوری نے بسپک وی ہین۔ ایہی وجہ ہے جے مگی راجوری والے قلم کاراں نا گمان ہو یا ہے۔

راجوری پونچھ نے پہاڑی لوک گیت

راجوری پونچھ لسانی، جغرافیائی تہذیبی لحاظ نال اک ہی وحدت تہ اکائی ہے۔ اس علاقے پنج مشترکہ تہذیبی رَس بس تہ مشترکہ ثقافتی ماحول فطرت نے مزاج نال جُویا ملنا ہے۔ اس علاقے نے لہندے تہ دکھن آلے پاسے ”حقیقی لائن آف کنٹرول“ ہے جس نے اُس پار نے نویں نویں علاقے مزاج نی گرم تہ سرد ہوا کی اندر آن تھیں روک رکھیا ہے۔

پر بت آلے پاسے بڑا انگڑا پہاڑی سلسلہ پیر پنچال ہے جس نے کشمیر کی اس تھیں جدا کیتا ہے۔ اس طراں کشمیر آلے پاسے تھیں جدوں کوئی تاریخی یا لسانی بنیاداں ور کوئی پھانڈا پھر نارہیا، اوہ پیر پنچال نے اُسے ہی پاسے تھیں جانارہیا۔ چڑھدے پاسے تھوڑا جیاً علاقہ کجھ اک ثقافتی یا ہور کجھ اثر تھیں متاثر ہونا، پر اس مخصوص علاقے نی اپنی شناخت تہ اس علاقے پنج بسنے آلیاں نے اپنے اس مشترکہ ورثے نی چنگی طراں سمہال کیتی۔ اس طراں اس قدر ترقی خطے نے اپنی تہذیبی تہ ثقافتی وحدت نی دولت نی وجہ تھیں اپنا چنگا چوکھا سرمایہ نیڑے تریڑے نے اثرات تھیں بچائی رکھیا۔

اس علاقے نے آس پاس چٹنے وی تجارتی تہ ثقافتی مرکز سن، کاروباری لحاظ نال لوکاں نی انہاں نال جان پچھان ہونی قدرتی گل ہے۔ انہاں مرکز اس تھیں ذہنی تہ دماغی تربیہ نے کجھنے نا جتھے سامان ملیا، اُتھے اس نے ذریعے نویاں نویاں سوچاں تہ نویں نویں احساس نی نیکی نی پھوٹ وی بہر نی رہی۔ پڑوس نے رسم رواج، بہن اٹھن، سوچ تہ فکر نا کجھ اک سرمایہ اندر پُچیا، پر اس نا اثر اس علاقے نی تہذیب نے ڈوبنگے طور ور نیہہ قبول کیتا کیا نکہ جے اس علاقے نا مزاج اس نی آویزش Adultration کہٹ ہی برداشت کرنا رہیا۔ اس علاقے پنج بولی جانے آلی زبان پہاڑی یا گوجری رہی، پر انہاں دوواں پہنیاں نے مزاج تہ برتاؤ اک

جئے رہے۔ اس نے نال اس علاقے نے لوک پوشاک نے لحاظ ناک جئے لیجھے تہ کھانے پینے نے طور طریقیاں نال وی میل ملاپ، آپسی برتاؤ، ساجھی فکرنی دولت، انہاں بسنیکاں نا سرمایہ رہیا۔ جتھے میدانی علاقے پنج میاں محمد صاحبؒ نی مشہور مثنوی ”سیف الملوک“ کی بائبل نامقام دتا جانا سی اُتھے اس پہاڑی خطے پنج اس نی قدر کسے طراں کھٹ مہرہ سی۔ اس نے نال نال لیلیٰ مجنون، شیریں فرہاد سسی پٹوں، ہیرا رانجھا جئے قصے کہانیاں وی نثری یا منظوم شکل پنج انہاں نی مجلسی زندگی پنج داخل ہین۔

شادی بیاہ ناموقعہ ہووے یا ماتمی مجلس، کسے نہ کسے طراں قصیاں کہانیاں یا لوک گیتاں نا سلسلہ اس علاقے پنج موجود ہے۔

جتھے تک لوک گیتاں نا اس علاقے پنج تعلق ہے اس سلسلے پنج دویاں زباناں نی طراں پہاڑی زبان نے لوک گیتاں نی روایت زمانے تھیں چلی آرہی ہے۔ چین نے مشہور قلم کار کوسین نے بڑا چنگا آکھیا ہے ”لوک گیت انہاں ہیریاں نی طراں ہین، جیہڑے صدیاں تھیں تہرتی نے سینے پنج دفن ہین تہ اس تہیاڑے نی اڈیک پنج ہین، جدوں کوئی اہل نظر انہاں ہیریاں کی زمی پچوں کڈھسی“۔

اس طراں لوک گیت اوہ انسانی دستاویزاں ہین، جیہڑیاں ذہن نی سلیٹ ور لکھیاں جاناں رہیاں ہین تہ اک نسل اسکی سنبھال کے دوئی نسل نے حوالے کرنی ہے۔ اس طراں نسل در نسل تہ پیہڑی در پیہڑی احساسات نافطری سامایہ غیر شعوری طور منتقل ہونا رہیا ہے۔

اس علاقے پنج عوام کول متے سارے لوک گیت موقعے تہ مزاج نی مناسبت نال پنڈ پنڈ تہ گراں گراں پنج گائے جانے ہین۔ اس علاقے نے قدرتی حسن نے نال ملے جُلے قصے اس علاقے نی خوبصورتی کی ہور نکھارنے ہین۔ اُچے اُچے کوہستانی سلسلے، بھوکاں، کہنے جنگل، شور مچانیاں ندیاں نالے، اُچے اُچے چھم رنگ برنگے پھلاں نی پھل کیری، نیلے نیلے تلے فطرت نی اوہ دین ہین، جنہاں تھیں اس علاقے نے لوک متاثر ہوئے ہین تہ اس طراں اتنے ہی سوہنے گیت، جنہاں پنج زندگی نی لوچ تہ رس ہے۔ دکھ سکھ نے نہ ختم ہونے آ لے سلسلے، جنگ و جدل نیاں داستاناں، سرمایہ داری نے جبر جڈائی نے تذکرے اس علاقے نے پہاڑی بولن آ لے لوکاں پنج گائے جانے ہین۔

اتھے نے لوک گیت سیکولر ادبی روایت نے پہرے دار ہیں۔ ہندو مسلمان، سکھ سارے انہاں کی اپنا سانجھا ادبی سرمایہ سمجھنے ہیں۔ اس پاسے گائے جان آ لے لوک گیتاں بچ بلے، قینچی، چن، ٹھول، شپاہیا، تھو بن، باراں ماہ بیت، دو ہڑے، سی حرفیاں تہ شادی بیاہ فی نسبت نال سٹھنیاں، مہندی، ٹپے، بالو، ماہیا، نور او غیرہ بڑے مشہور ہیں۔
بلے :-

ایہہ اک جینا جا گنا کردار ہے، جیہڑا واقعات نے تسلسل نال جویا ہو یا ہے۔ عام طور وں جدوں تک شادی بیاہ یا خوشیاں نے موقعیاں وں بلے بیہہ سی گایا جانا اوہ تقریب مکمل بیہہ سی سمجھی جانی۔ ایہہ اک داندنا قصہ ہے جیہڑا کمزور ہوئی گیا سی تہ بل بیہہ سی باہنا۔ اُس کی مزاحیہ انداز نے روپ بچ پیش کیتا گیا۔

بلیا	قَدے	قَدے	قَدے	بلیا
بلیا	مجلیں	مجلیں	مجلیں	بلیا
	بلے	ماہڑے	کیتی	کمائی
	ٹہنائی	پا	مک	تہنیاڑی
	دیکری	ویلے	ڈھلے	بشکار
بلیا	مجلیں	مجلیں	مجلیں	بلیا
بلیا	قَدے	قَدے	قَدے	بلیا
	بلے	ماہڑے	نی	مانگی
	جس	جمیا	ایہہ	بچھا
	جاندی	واری	کہہ	گئی
	تتاں	نال	ٹھٹھنا	کہنلیا
بلیا	مجلیں	مجلیں	مجلیں	بلیا
بلیا	قَدے	قَدے	قَدے	بلیا

بلے نے مزمان آئے لُڈیاں تہ کاگ
 بلے نے سر ہانے چھیڑیا انہاں راگ
 دُور نیڑے تھیں ڈاکٹر بُلائے
 بلے کی مَتے سارے ٹیکے لوائے
 مرزے پھندنی بانڈی بچ تر یڈا کہنلیا
 مجلسیں مجلسیں مَجلیں مَجلیں
 قدمے قدمے مَجلیں مَجلیں

قینچی:-

ایہہ گیت مجلسی زندگی نے نصاب بچ خوب رچیا بسیا ہویا ہے۔ لوک خوش خوشی اِسناء دکر نے ہین ے
 درشی نے بناں بچ بولیاں گُہنلیاں
 گیا ماہڑا منشی معشوقاں رہیاں لُکیاں
 لگی قینچی دلاں دی ، دل بڑا تنگ
 آوے ماہڑا منشی ، رُب اُس نے سنگ

چن:-

ایہہ بڑا مشہور گیت ہے، جدوں گبرو جوان کڑی چھنکنن یا لکڑی آنن واسطے اکھٹے جانے
 ہین تہ اوہ سارے ملی گانے ہین ے
 چن ماہڑا بناں بچ بولنی ہے کاگنی
 سُنکھاں والی سُتی تہ دُکھاں آلی جاگنی
 چن ماہڑا کہڑا ویں توں کالے کوٹے آلیا
 صدقہ تو اہڑی ماؤ جس توئی جوانی چاہڑیا

شپاہی:-

جُدائی نے لمبے کی شعری روپ بچ قدیم زمانے تھیں پیش کیتا جان آلا ایہہ گیت وی اُج نے

لوک گیت نے نصاب پنج بڑا ڈوہنگا مقام رکھنا ہے۔ اس پنج جدائی نے سیک تہاڑے پروئے گئے ہیں:

جے توں چلیاں ایں نوکری تاں اتھے رہسی کبھڑا، نوکرا وے
میں تاں چلیاں آں نوکری چکھے بڑا پنہائی ماہڑا، گوریئے نی
مارساں بوہے کی جند راتہ ڈیرا لاساں پیکے، نوکرا وے
پیکے رہن کنواریاں اتھے کے کم تواہڑا، گوریئے نی
تھوساں میں بیراں نے کپڑے اتھے رَجک بہتیرا، نوکرا وے
تھوسیں توں بیراں نے کپڑے چیتا آوسی ماہڑا، گوریئے نی

ڈولی:-

شادی بیاہ نے موقعے ورساریاں گڑیاں کھٹھیاں ڈولی ٹورنے ویلے گانیاں ہیں ے

ماہڑی ڈولی نال نی زیرہ
میں قربان سکيا پیرا
ڈولی ہولیاں ہولیاں ٹور
ماہڑی ڈولی نال تیرا ماں
میں قربان سکيا ماما
ڈولی ہولیاں ہولیاں ٹور
ماہڑی ڈولی نال ہے لاچا
میں قربان سکيا چاچا
ڈولی ہولیاں ہولیاں ٹور
ماہڑی ڈولی نال نیہ گہنا
اساں کدوں مُر کے اینا
ڈولی ہولیاں ہولیاں ٹور
ٹھول:- ایہہ گیت گڑیاں ناگیت ہے، گراں پنج ایہہ مشہور ہے ے

ٹھول ماہڑا اوہ تہ دُٹھی نی تو

.....ٹھول ماہڑا.....

میں تاں پیکے چلی تچھے خطاں نا زور

.....ٹھول ماہڑا.....

بہڑے پکھیاں چہولنی آں جٹھانیاں مارن بول

.....ٹھول ماہڑا.....

چڑھیا ظالم غصہ بچ پکھی دتی مروڑ

.....ٹھول ماہڑا.....

سٹھنیاں:-

ایہہ گیت شادی بیاہ نے موقعے ورگائے جانے نارواج بڑا عام ہے ے

رنگ لایا اوہ رنگ لایا نکے مہرا جے رنگ لایا

رنگ لایا اوہ رنگ لایا کوئی اَمّاں بیچے رنگ لایا

چلدا آچلیدا آ مہراجا کھڑی دیا

گٹ مُسراں نی دال چونڈا سڑی دیا

اَساں اک ہی کڑچھی چاہڑی مانہہ چھولیاں نی دال

اس نے لیٹی لیٹی چٹی مانہہ چھولیاں نی دال

بیت:-

اس علاقے بچ بیت بولنے ناعام رواج ہے تہ انہاں بیتاں تھیں صرف خوشی کی مہمہ چُپیا

جانا بلکہ گجھ نصیحتاں وی اس تھیں لئی جانیاں ہین ے

ب: بامری ہو کے بول بیٹھی ' جے میں جاندی بولنا کاہنوں

جے میں جاندی یار نے لد جانا' کہنا یاردا موڑنا کاہنوں

جے میں جاندی بُت نے خاک ہونا، اس بُت نوں پالنا کاہنوں
بالو ماہیا:-

ایہہ صنف بہت ہی عام ہے تہ شادی بیاہ نے موقعے ور خاص طور پر گایا جانا ہے۔
کوٹھے اُپر اُڈ بٹھے
جہاں راہاں ماہیا آوے
اُنہاں راہاں میں صدقے

پانی پھرنی ہاں سرویلے
قسم خُدادی چتاں
یاد کرنی ہاں ہرویلے

باراں ماہ:-

اس صنف بچ کئی اک طریقے نال اکو مضمون کی بیان کیتا گیا ہے تہ لوک ہر موسم بچ
ایہہ گیت گا کے دل بوگٹنے پین۔
ساوَن:-

ساوَن مہینے تہنداں پیّاں
دُور دراہڈے تہماں پیّاں
رَل مل ہسن کھیڈن سیّاں
مہینے ساوَن
دُور جہاں نے جانی رہنے
تہر کلجے ہر دم سہنے
نیندراں مکیاں پھنگھاں گیاں
مہینے ساوَن

اک ہور تجربہ جدائی فی اضطراری کیفیت کی موسم نے نال جوڑ کے بیان کرنے نالوک
گیت بچ ملنا ہے، جیہڑ اپنی خوبصورتی فی بنیادور پرکھے جانے نے قابل ہے ۔

نہ منگنی لہیف تلائیاں
منگی ہاں چھا کاں چار
گرمی نے ساڑ سٹیا
مگی لے چل شملے پہاڑ
گرمی نے ساڑ سٹیا
نہ منگاں محل منارے
منگاں اُچے پہاڑ
گرمی نے ساڑ سٹیا
مگی لے چل ندیوں پار
گرمی نے ساڑ سٹیا
نہ منگاں میں کھوپے چھوہارے
منگنی ہاں شربت انار
گرمی نے ساڑ سٹیا
مگی لے چل پرہت پہاڑ
گرمی نے ساڑ سٹیا

اس علاقے نا پہاڑی گیتاں نا سلسلہ نہ ختم ہون والا ہے۔ ایہہ کسے پاسے ختم ہون والا
نیہہ۔ ہر موسم، مزاج تہ سوچ نے لوکاں واسطے ایہہ تفریح نا سرمایہ پڑھے لکھے خاندان تھیں ہٹ
کے ان پڑھ کُہراں بچ وی موجود ہے تہ ایہہ سینہ بسینہ اگے اگے سفر کر رہیا ہے۔



پہاڑی شاعری بچ لوک ادبی روایات

ہر زبان اپنے موجودہ آج یا اپنے گزرے کل تھیں متاثر ہونی ہے۔ گزرے کل جتنے ادبی کم رُکیا سی اُتھوں آج نی شروعات کیتی جانی ہے۔ گزرے کل نی شاعری ادبی لحاظ نال اک ورثہ چھوڑ دینی ہے تہ آج اُس ورثے کی سنبھال کے لکھاری اپنا ادبی تہ ثقافتی سفر شروع کرنے ہین۔ آج نی شاعری یا ماضی قریب نی شاعری کی اسیں جدید یا موجودہ دور نی شاعری نے کھاتے بچ رکھنے ہاں تہ ماضی بعید نی ساریاں ادبی کوششاں کی لوک ادب نے حصے بچ گئے ہاں۔ کوئی زبان اُس وقت تک میہ پل تہ بڑھ سکنی جدوں توڑی اوہ قدیم ادب یا لوک ادب موجودہ ادبی رجحانات یا جدید دور نے شاعرانہ مزاج نال اتفاق نہ کرسی۔ قدیم ادب اک سرمایہ ہونا ہے۔ اُس وقت نے حالات نا پھانویں اوہ سماجی ہون یا سیاسی معاشرتی ہون یا اقتصادی تہ انہاں قدراں تھیں فیضان حاصل کر کے موجودہ ادب ناسلسلہ شروع ہونا ہے۔ دراصل لوک ادب Folklore اک وسیع تہ ڈوہنگا موضوع ہے جس نی کئی رنگا بچ تعریف کیتی گئی ہے۔ لوک ادب یا فوک لور نی اصطلاح پہلی واری ۱۸۴۶ء بچ W.J. Thomson برقی سی تہ اُس نے اس نا تعارف اس طراں کرایا۔

"Superstitions of the uncultured classes in civilized nations"

”روایات“ رسم و رواج، توہم پرستی، غیر تہذیب یافتہ لوکاں بچ جو ہووے اُس نے لفظاں نا ذکر تہذیب یافتہ لوکاں بچ کرنا لوک ادب کہلانا ہے۔
اسطراں اس بچ لوک گیت، لوک کہانیاں، لوک شاعری، لوک ڈرامے، لوک سنگیت وغیرہ شامل کیتے گئے ہین، اس کی لوک رس وی آکھیا گیا ہے۔

اس بچ اُنہاں روایتاں نا تھوڑا بہت حصہ وی شامل ہے جیہڑا کسے تہذیبی دور نے اندر لکھیا چھاپیا گیا ہے۔ نثر نی صورت بچ جو ہووے یا نظم نی بہت سارے عالماں نی تحقیق نے مطابق

لوک ادب یا فوک لور، روایتیں، عادات، دیو مالائی قصے کہانیاں، توہم پرستی نے افسانیاں ناسارا مجموعہ ہیں۔ کچھ ہوراں کی مذہبی تمثیلاں نا حصہ گلنے ہیں تہ کچھ گرائیں سوچاں، تصوراں تہ روایتیاں نا حصہ بننے ہیں۔ ماہرین نفسیات اس کی سانجھے لاشعور نا خواب سمجھنے ہیں۔ تاہم ایہہ اک لمبا سلسلہ ہے۔ اک کشمیری دانشور اختر محی الدین نے بقول جدوں توڑی ایہہ علم نصاب نے طور پر پڑھایا نہ جاسی اسی تعریف کرنی ہنیرے پنج تیر مارنے نے برابر ہے۔

فوک لور یا لوک ادب پنج انسانی آسودگی، رشتے، جذبات، محرومیاں، ناکامیاں، نفسیاتی ضرورتاں، غم دوراں، غم عاشقی ناسارا ماجرا سادھی جی حالت پنج بیان کیتا گیا ہے۔

بیساکھ، گلو، قینچی، شپاہیا، شادی بیاہ نے گیت، بالو ماہیا، سیف الملوک وغیرہ اس گل نے ثبوت ہیں۔ تاریخ نے اُس دور پنج ادب وراثہ انداز ہون والے سارے معاملے محض وقتی نفسیات نے تابع نیہہ ہونے بلکہ اس نے کچھ اوہ سارا فکری تہ وجدانی سرمایہ ہونا ہے۔ جیہڑا کنیاں سالوں نی تہپ تہ چھاں، گرمی تہ سردی، بہار تہ خزاں نے جوڑ نال وجود پنج آنا ہے۔ لوک گیت انسانی تاریخ ہی نیہہ بلکہ تہذیب و ثقافتی دور نا نمائندہ ہونے ہیں۔

پہاڑی لوک اپنے مخصوص موقعہ و مزاج نے پیش نظر پہاڑاں نے سینے بسنے ہیں تہ اوہ محنتی تہ جفاکش ہونے ہیں۔ لوک گیت اُس ساری محنت نا حلیہ پیش کرنے ہیں۔ لوک گیت حالات نے اُپر وارد ہونے والے سارے مسلیاں نی سچی تہ سچی تصویر پیش کرنے ہیں۔ جدوں سابقہ دور نا جنگ نا نقشہ پیش کرنا ہووے تہ ”نورا“ نے انداز پنج واقعات نیاں زلفاں وغیرہ بڑی خوبصورتی نال جویاں ہوئیاں ملنیاں ہیں۔ اگر عشق نا فطری اظہار مقصود ہووے تہ بالو ماہیا، چن وغیرہ نی صورت پنج لکھنا ہے۔ اگر فراق یا جدائی نیاں لمیاں راتاں نا ذکر کرنا ہووے تہ قینچی، شپاہیا، باراں ماہ، فراق وغیرہ قسم نے تجربات اس لوک ادب پنج چاشنی تہ چٹنی نا کم کرنے ہیں۔ اس نے نال اگر خوشی تہ آرام نا ذکر کرنا ہووے یا فصل بچائی نا دور ہووے، لیتری یا لیب لانا ہووے، گشتیاں پہنا گلڑے تہ چھنچ جے موقعیاں و لوک گیت بڑھ چڑھ کے ماحول دہسنے ہیں۔ بقول راجہ نذر بونیاری ”پہاڑی شاعری نا 3/4 حصہ لوک گیتاں و مشتمل ہے جیہڑا قدرے معیاری وی ہے

نالے شعری آہنگ تھیں واقف وی ہے۔“

ماتم یا سوگ نے موقعیاں و رسیف الملوک یا دُویاں منظوم کتاباں تھیں گجھ حصے پڑھ کے رات کٹانے ہین پر پہاڑی لوک پہاڑاں ماہلیاں نکلیاں تہ کسیاں نے دندے رہنے والے فطرت نے گماہنڈ، مرغزاراں بچ اپنی صبح شام بسر کرنے ہین۔ نیز دوڑن والیاں ندیاں فی سُر تھیں متاثر ہو کے شعراں ناسلسلہ شروع کرنے ہین۔ ایہہ قدرت نے لنگر تھیں تازہ ہوا حاصل کر کے معرفت تہ روحانیت نے ڈوہنگے رازاں پُروں پردے کی ہٹانے ہین تہ اس طراں انہاں گیتاں تھیں اک پاسے تفریح ناسامان مہیا ہونا ہے دُوے پاسے ظلم تہ جبر نے دلدوز قصے رسم و رواج لباس تہ پوشاک طنز و مزاح نامتاسارا سرمایہ لکھنا ہے۔

موجودہ پہاڑی شاعری:-

پہانویں موجودہ دور فی شاعری اپنا نواں رنگ اپنایا ہے پر ایہہ بہت ہی کہنٹ حصے تک ہے۔ اصل بچ اس نارنگ مطلب تہ معنی نے لحاظ نال اوئی قدیم جیہا ہے۔ آج فی شاعری جدید انسان نے المیہ فی لمی کہانی ہے، جیہڑ اندورں تہ کھوکھلا ہوئی گیا ہے پر باہروں نویں نویں پوشاک پائی کے قدیم رنگ نیاں کدے کدے ٹاکیاں وی لکھنیاں ہین۔ جتھے آج نافن کاریا شاعر موجودہ دور نیاں ضرورتاں تہ اس نے تقاضیاں کی نال لئی کے سفر کر رہیا ہے، اُتھے اُس فی شاعری ماضی نے نال جُوے ہوئے رشتیاں نے بچ اپنے وجود کی چھپا رہی ہے۔ اگر اس دور بچ ماضی نیاں تلخ حقیقتاں ناسلسلہ نہ اپنایا جائے، فر ایہہ ”ادب برائے زندگی“ ناسلوب یا طور طریقہ بیہ اپنا سکنا۔ اس واسطے آج نافنکار جدید ضرورتاں تہ جدید فکری رجحانات نال سمجھوتہ نہ کرنا لکھنا ہے۔ آج نے اسطراں نے رنگ بچ زیادہ محنت کے ڈی مینی صابر مرزا، رشید قمر تہ رشید قدانے کہتی ہے۔

در اصل پہاڑی شاعری بڑی بڑی ترقی یافتہ زباناں بچ پیدا ہوئے حالات ناک نمونہ ہے۔ گویا موجودہ شاعری لفظاں نالیم ہے پر انہاں گلاں نے باوجود پہاڑی شاعری بچ اپنا جمالیاتی شعور ”Aesthetic taste“ تہ اُس اظہار واسطے لفظی موزونیت خال خال ہی کدے لکھنی ہے۔ مواد یا موضوع نے اعتبار نال استعمال بوداجیا لگنا ہے، ایہہ کوئی جچیا ٹلیا بیہہ ہے۔ اس بچ

کدے ترنم کی کمی، کدے علامتاں کی پہر مار، شعر کی عروض کی ترکڑی پڑ تو لانا تہ در کنار پر فنی لحاظ نال لفظاں ور قابو بڑا کھٹ لکھنا ہے۔ اسے نال طنزیہ شاعری، پیامی یا انقلابی شاعری ور کہنٹ توجہ دتی گئی ہے۔ جدید شاعری پنج قدیم ادبی سرگوشیاں وی نظر آوئیاں ہین۔ اس طراں اسیں نہ قدیم پردار و مدار رکھنے ہاں نہ ہی جدید فکرنا کھیل اوڑھی کے باہر فی فضا داہروں اکھاں بند کرنے ہاں۔ اس سلسلے پنج لوک ورشیا لوک ادبی روایات پہاڑی شاعری پنج مرکزی نقطے نے طور پر اُبھرنا ہے۔ موجودہ دور نے شاعر یا لکھاری کدے کدے بھکے بھکے انہاں ویرانیاں پنج وی جا بچے جتھے لوک ادب نی ڈونگی چھاپ ملنی ہے۔ انہاں نے لوک گیتاں تھیں ہور گچھ اک نظریے لے کے موجودہ شاعری نے سپرد کیہیے۔

در اصل کوئی وی ادب ہووے اوہ زندگی نے آرٹ کی زیادہ صحیح تہ درست طور ورا بھارنے ناناں ہے۔ اس طراں زندگی نیاں بنیادی ضرورتاں تھیں فرار ناناں ادب ہے۔ ایہی وجہ ہے سارے لکھاری اپنی چھوٹی پنج گچھ اک تازہ پھلاں نے نال نال مڑجھائے ہوئے پھلاں نیاں پیتاں وی شاعری نے روپ پنج کاغذاں ور بکھیرنے رہے۔

پہاڑی لوک شاعری ورشے تہ روایات تھیں مالا مال ہے۔ انسان اپنے کافی لمے تہ چوڑے تہذیبی سفر نے باوجود اپنے ماضی نے سکھ دکھ تھیں کنارہ کش نیہہ ہو سکیا، بلکہ متواتر ماضی اُس کی ہمت بدھانی رہی۔ آج نا لکھاری سماج پنج رسنے ہوئے ناسور، ظلم و زیادتیاں، عدم مساوات، غیر مساوی تقسیم دولت استحصالی معاشرے نیاں زیادتیاں تھیں تنگ آکے بغاوت ناچنڈا پکڑنا ہے۔ معاشرے نیاں زیادتیاں تھیں تنگ آکے بغاوت ناچنڈا پکڑنا ہے۔ ایہہ شاعری کوئی اقبال جیا آفاقی تصور یا ایلٹ جیا قدیم فلسفہ دان، حالی جیا اصلاحی سرمایہ نہ چھوڑ سکی۔ ہر پہاڑی شاعر مولانا روم نا تصوف، شیخ سعدی نا فکر ورڈ زور تھہ فی فطرت شناسی، ٹینیسن فی نزاکت، جان ملٹن نا ”جنت فی واپسی“ وغیرہ پیش کرنے پنج کدے کدے البتہ کامیاب نظر آنے ہین۔ اس طراں ناخاکہ اپنے اصلی روپ پنج قدیم تہ جدید نے میل تھیں بعددو ردو رتوڑی ملنا ہے۔

ہُن میں لوک ادب تہ موجودہ ادبی اثرات شاعراں تہ لکھاریاں نے درمیان اوہ قدیم تہ

جدید قدراں نے بارے بچ انہاں فی شاعری تھیں وضاحت کرناہاں۔

بھرنے بارے بچ لوک ادب:

اڈھی راتیں بلن تارے
جُدا ئی والے تیر کس مارے
نہ اسماں مارے نہ تُساں مارے
جُدا ئی والے تیر کس مارے

جدید شاعری بچ جاوید نعیم راجوروی ے

بھرنے توں نیڑے لائی دُربئی ہس نہ
آئیر اٹھنڈ باہ کیلجے دُور دیساں نس نہ
میں سمندر 'باغ' پہاڑاں 'جنگلاں' بچ تکتنا
راہ کری لمبے بھرنے دو ستا توں نس نہ

عبدالرشید شمیم:

رُت بہار تہ پُھل کھلے اَساں رَل کے دُکھ ہزار بندے
لگی ہوں جُدا ئی ہُن سجاں دی بگدے اُتھروں بے شمار بندے
لا کے تیر جُلے کیئاں پیاریاں کو آسا کون اوہ کس غمخوار بندے
تُساں لا پریت شمیم سٹیا کیہڑے نال آسے کیہڑے یار بندے
شیخ آزاد احمد آزاد:

باہجھ عشق فی اگ تھیں دھسو ہس کے سولی چڑھیا کون
تیشہ پکڑی کس نے دھسیا تہ دریا بچ دھس رُہڑیا کون
لیلی باہجھ نہ ہو کَلے چہچہ اسماں فی ور ہوو کوئی
ننگے پیراں ریت تتی ور ساری عمر رُہیا کون

محمد اسحاق مغل:-

تپ کے عشق دی اگ عاشق کدوں ڈردے چھوٹھیاں اگیاں تھیں
بنے لکھ جیہڑے سڑ کے عشق اندر واقف خوب ادہ رمزاں گجیاں تھیں
سیف الملوک:-

عشق مزاجی سر دی بازی جان سکے ڈر ڈر کے
عشق سکھلا کسے نہ پایا جس پایا سو مر کے
جدید یا قدیم یا لوک ادب تھیں جدید ادبی سرگرمیاں محض ساقی، محبوب، مے زندگی
یا حیاتی، چن تارے، بحر وصال، شکایت زمانہ اس طراں نے مضمون ہر جگہ اک ہی مزاج
نے تحت وارد ہوئے۔ سی حرفی، بارہ ماہ، بحر ہو رشکایت نی بہترین مثال ہے تہ اک قسم نی
بے صبری، بے قراری تہ بے بسی نار و ناتھو نا وغیرہ کوئی خاص فرق حالات نے بدلنے نے
باوجود وی پیدا نہ کر سکے۔ زمان چن نی شاعری ناچر بہ محمد افضل منہاس نے کس طراں
اُتار یا ہے ملاحظہ ہووے ے

سُرکھوٹ، پڑھوٹ، سہوٹ، بیلا باغ چھاؤنی ہنڈا کثیر سمجھو
پونچھ، ریاسی، کشتواڑ، کرناہ تہ لکھن پورہ پنج راوی دا نیر سمجھو
پیر پنجال پہاڑ نالے تر کئی نقشہ سامنے سب کشمیر سمجھو
گلاں پیار پھریاں آون یاد سیٹھے اوڑی کرناہ پنج کشمیر سمجھو
زمان:-

بنی بناہ در کوٹ بنڈل سیری کھو منجوال داراہ چھڈ دے
ٹائیں گاہ کہڑا تہ خان پورہ جانی لاہ جنکوٹ داراہ چھڈ دے
صبح شام زمان نہ آٹھیری تینوں آکھیا حرص بناہ چھڈ دے
وقت تہ اس نے مزاج تھیں ستائی ہوئی غیر محفوظ انسانیت اس تھیں زیادہ درد تہ کرب نی
کے تصویر پیش کرسی۔
لوک گیت ے

راجیا اکبر خاناں وے انہاں نوکراں کی سمجھا

چھپ چھپ ماروے چہاتیاں وے

ماہڑے لگدے نے سکے پہرا

گوریئے ماہڑے گلے دا ڈوریا وے

نبلی کھوڑی والیا ذرا باگاں ٹھلیاں چھوڑ

دُکھن کنّاں دیاں بالیاں وے

ماہڑی چھاتی لگدا زور

گوریئے ماہڑے گلے دا ڈوریا وے

صابر مرزا موجودہ شاعرانہ مزاج بچ گیت گانے ہیں۔

گڑیئے دراوے پئے، گپیئے شرابے پئے

تنگی کھوٹی کھوٹی سینے نال لاں سدھراں مکاں

نالے دلے کی پہلاں

گندلے گلابے پئے

لوک گیت نے ہاڑے صابر مرزا نے کول وی کھٹ نیہہ بلکہ ذرا متا حصہ نظر آسی انہاں نے

ہو بہو لوک ادب نی زمین بچ مکتے سارے ہاڑیاں ناذ کر اس طراں کیتا ہے۔

دس چھٹیاں ہور بدھاں

مندرا لگنا ہے نوکری جاں

تنگی پونچھے نا پانی پلاں

چھپیئے چنابے پئے

گڑیئے دراوے پئے

اس طراں ”قینچی“ بچ بے قراری ناذ کر معنیاں نے اعتبار نا تفصیل نال کیتا گیا ہے۔

لگی قینچی دلے دی دل ڈاڈا تنگ ہے

گولی مارو راکھیاں کی اللہ ماہڑے سنگ ہے
 درشی دے بنّاں بچ کپدی ہاں توت وے
 ٹُریا ماہڑا منشی موہنڈے تے بندوق وے
 رشید قمر درہالوی نے وی لوک ادب نے مزاج نے نال ”توہم پرستی“ ناسہارا لے کے
 اپنے سوہنے سوہنے گیت اس طراں گائے ہین ے

دل کیا کلیجہ ماہڑا ڈولیا
 رُب خیر کرے کاگ کھبے بولیا
 اس طراں کاگ ناکھبے بولنا، قدیم ادبی ورثے نے طور وراستعمال ہو یا ہے۔ اُدھر ملک
 دولت حسین آزاد نے ”سوہنے“ عنوان نے نال گیت بچ کافی متارنگ پُہریا۔ نمونہ ملاحظہ ہووے:

کیاں تکتے نی توہڑے در سب سوہنے
 توہڑیاں اکھیاں بچ بسنا ہے رُب سوہنے
 لگ توہڑا پتلا تہ ناگن جی چال وے
 بدلے دوپٹے نے لاچھاتی نال وے
 ہس جائے دلے نی اگ سوہنے
 توہڑیاں اکھیاں بچ بسنا ہے رُب سوہنے
 اسے طراں نی ساڑتہ ہاڑ لوک گیت بچ ممتی جگہ لہنّے ہین ے
 نہ میں منگدی محل منارے
 منگدی ہاں اُچے پہاڑ
 گرمی نے ساڑ سٹیا
 مگی لے چل شملہ پہاڑ
 گرمی نے ساڑ سٹیا

راجہ نذر بونیاری وی ”ٹھولا“ نے سہارے لوک ورثے نے دروازے تھیں اندر داخل

ہو کے اپنی غلطی نے بارے بچ چکھنے ہیں۔

ماہڑے دردِ جگا کے کدھر جلیں
 ماہڑے ہوشِ گُما کے کدھر جلیں
 مگو راہِ بچِ سٹ کے نہ نس ٹھولا
 ماہڑی کے غلطی ہے دہس ٹھولا

اس طراں لوک ورثے یا لوک روایات نا اثر قدیم شاعری یا جدید شاعری بچِ قد رتی ہے۔
 کسے جگہ لفظاں نے نال کسے کسے جگہ معنیاں نے نال کسے جگہ موضوع نے نال تہ کسے جگہ
 نظریے نے نال اس لوک ادب تہ پڑھے لکھے لوکاں نی تخلیق قریب قریب ہی ہے۔ اگر ہُن
 لکھنے والے اس طراں لکھنے رہے تہ Variety نا خیال نہ رکھیا تہ کافی ادبی تبدیلی آنے نے باوجود
 وی لوک ادبی رنگ تھیں جد انہیہ ہو سکیا جاناں۔ ایہہ ضرور کسے نہ کسے ٹہنگ نال جڑ یا ملنا رہسی تہ
 ادب ور چڑھے ہوئے رنگ کی قبول کیتا ہی جاسی۔



اسا ہڑے مقامی ادب اُپر سماجی اثرات

کسے وی زبان نا ادب اُسنی سماجی، سیاسی تہ اقتصادی حالت تھیں مُتاثر ہونا قدرتی ہے۔ جتئیاں وی اُج تکر تحریکاں اُٹھیاں ہین، انہاں نا تک نقشہ انہاں نے تاریخی اثرات ہی مل جُل کے کسے پاسے کوئی فکری غذا مہیا کرنے ہین۔ کسے وی دانشور نا قلم اپنے آس پاس نے تاریخی تہ جغرافیائی واقعات تھیں بے گانہ نہیہ رہ سکنا۔ ایہہ گل اس طراں وی آکھی جا سکنی ہے کہ قلم کار تہ حالات نا آپس بچ بڑا ڈوہنگامیل جول رہنا ہے۔ اک دو تھیں دو رہیہہ رہ سکے یا انہاں نا چولی دامن آلا سا تھ ہونا ہے۔ ہر لکھاری دُنیا نے کسے حصے ور ہونے والے واقعات تھیں بے گانہ رہوئے ایہہ ہو ہی نہیہ سکنا۔ دُنیا نے کسے حصے ور ہونے والے واقعات نا سب تھیں پہلا اثر لکھاری نے دل تہ دماغ ور ہونا ہے، فراوہ قلم نے سہارے کا غذاں کی کالا کرنا رہنا ہے۔ گویا حادثے، تحریکاں، واقعات جیہڑے پہانویں تاریخ نے نطن تھیں باہر آن یا سانسنی تباہ کاریاں تھیں پیدا ہون یا انہاں نا کوئی ہو رپس منظر ہووے، دراصل اُس برف نی مانی نی طراں ہین، جیہڑی اُچیاں پہاڑاں اُپر جمی وئی ہے تہ فر حالات نی ٹھہپ نی شدت نال آہستہ آہستہ گلی وئی ہے تاکہ اسنے پانی نی جتھے جتھے حاجت ہووئے اُتھے اُتھے ایہہ پہنچ کے اپنا فرض نبھائے۔ جووی عواہل جدوں وی قوماں نی زندگی بچ اُٹھے ہین انہاں نے صاحب قلم کی چھنجوڑ کے رکھ چھوڑیا ہے۔ اس نی نیندر حرام ہوئی جانی رہی۔ اس نے ضمیر تہ اُس نے دماغ و راہباڈوہنگا اثر باقی رہیا کہ اوہ چر تکر تہ دو ر تکر اُس نے صدمے تہ کرب تھیں نہیہ بچ سکیا۔

حالات نی آگاہی یا Contemporary Sensibility اک فطری تہ قدرتی عمل ہے۔ ایہہ کسے کہنلے بندے بچ نہیہ پیدا ہونا، بلکہ اس نے اثرات دو ردو ر نے فاصلیاں کی مٹا کے نیڑے نیڑے دُٹھانے نا کم کرنے ہین۔ فرجا کے ادبی نخلستان بن سکنا ہے۔ اس طراں اُساں نے نیڑے اُردو، ہندی، انگریزی ادب نا متاسر مایہ موجود ہے، جیہڑا اپنے اپنے وقت تہ حالات تھیں

کسے طور وی بچ نہیہ سکيا۔ گویا عالم وجود بچ جدوں کدے کوئی حادثہ ہویا، اوہ لکھاری نے قلم تھیں دؤر نہیہ رہ سکيا۔ اسی وجہ ہے کہ اسیں جدوں تاریخ نامطالعہ کرنا چاہاں تہ اسان کی اس دور نے ادب عالیہ نامطالعہ بہت سارے رازاں کی جانے بچ مدد دینا ہے۔ انقلاب فرانس اک نکاجیا معاملہ نہیہ سی، پر جدوں ایہہ وارد ہویا تہ اس نے حق بچ تمام اُسوقت نے لکھاریاں نے قلم مڑ گئے، پہانویں جے بعد بچ سارے لکھاریاں کی انقلاب نے نال آئی ہوئی آفتاں تھیں متاثر ہونا پیا تہ فر انہاں نے ایجئے انقلاب نے خلاف لکھنا شروع کیتا۔

اس انقلاب نے انگریزی ادب تھیں جمالیاتی ذوق گچھ چر توڑیں کھسی رکھیا۔ فر Words worth تہ اُس نے ہم عصر قلم کاراں نے جنگی تباہ کاریاں ناکھل کے پردہ فاش کیتا تہ اس نے نتیجے نے طور ورا انہاں قلم کاراں نے اپنے قلم توڑ چھوڑے۔ اُردو ادب نے بچ جمالیاتی ذوق تھیں ذرا انقلابی طرف سفر کیتا جائے تہ علامہ اقبالؒ حالیؒ فیض احمد فیضؒ جگر مراد آبادیؒ ناچر چاہونا ملنا ہے۔ انہاں نے قوم کی حالات تھیں آگاہی عطا کیتی۔ ہندی ادب بچ وی قلم کاراں نے اپنی ذہانت تہ لیاقت نا پھر پورا استعمال کیتا۔

۱۹۴۷ء نے بعد فی شاعری تہ اس تھیں قبل فی شاعری بچ اک حد فاصل موجود ہے۔ پہلاں اگر آزادی فی سویر فی تڑپ سی، ہوم رول نا پیغام سی تہ بعد فی شاعری اک طراں فی احساس ذمہ داری دلانے والی سی۔ اس نے نال ہی بعد فی شاعری یا ادبی سرمایہ جاگیر داری فی لعنت انسانی وقارتہ اس فی عظمت نا ابھار نے نا پیغام دینی رہی۔

اسے دور بچ روس ناسوشلزم بڑی تہماں نال آیا تہ ہندوستانی مشترکہ تہذیبی زندگی نے اس کی کم و بیش اسے حال بچ قبول کر لیا تہ ہندوستانی آئین بچ سوشلزم، سیکولرازم تہ جمہوریت نا تذکرہ سنگ سنگ ہی ملیا۔ اس طراں نال ہندوستانی ادب زندگی بچ مزدور، مزدور نا کرکیاں والا لباس، مزدور فی رُلی ہوئی بیٹی، اس نا اٹھنا شباب، سرمایہ داری نا بھوت، جابر نا جبر، ظالم نا ظلم جیاں اصطلاحات عام فہم ہونیاں گئیاں۔ اس ورہی بس نہیہ بلکہ ساحر لدھیانویؒ جیا رومان پرور شاعر تاج محل نے سامنے ایہہ سوال چھوڑ جانا۔

ایک شہنشاہ نے دولت کا سہارا لے کر

ہم غریبوں کی محبت کا اڑایا ہے مذاق

اس طراں نے ادب نے تاثرات تھیں تاج محل کی تکتے والی اکھاک ہور دُنیا نے تماشے
تکتے نی طرف مُڑ جانی ہے تہ تاج محل محض اک سنگ مرمر نا بے جان Structure ہی نظر آتا ہے۔
اس طراں کوئی اس نا جواب دیانت داری نال دینے نی جزا ت نہیہ کر سکن لگا۔ فروی لکھاریاں
نے ذہن تھیں اسیں دیانت نے حرف جُدا نہیہ کر سکنے۔ کیاں بے قلم کار کسے نی ذہنی تہ عقلی غلامی
قبول نہیں کر سکن۔

بدلنے حالات نے نال نال لکھاریاں نے اندروی حرف آگا ہی باقی رہئی۔ سٹھ نی دہائی پنج چین نی
دوستی تہ فراس نی دشمنی نا سارا ماحول قوم کی چھنجوڑ کے رکھ گیا۔ اس نے اثر تھیں قلم کار اتنے اک گئے کہ انہاں
نے چینی سوشلزم کی ہی نہ خیر آباد کیتا بلکہ اُس نی سیاست تھیں متاثر سارے سیاسی نظام نے بیچ اڈھر گئے۔
لوکاں نے دوبارہ اپنی سیاست نی دکان نی دیکھ پہال کیتی تہ ضرورت نے مطابق چنگ مال ہی چھوڑیا۔ باقی
سب گچھ نیلام کر دتا۔

۱۹۶۵ء نی ہند پاک جنگ نے قوم نے جذبہ حب الوطنی کی پورے طور تہ اُبھاریا۔ ہُن
تہ صرف Nationalism نا چر چا ہویا، بلکہ Patriotism تے زیادہ تھیں زیادہ زور دتا گیا۔
۱۹۸۰ء نی دہائی نے Romanticism کی تھوڑی جی جلا دتی، اک طراں نا ادب اُپر چھایا ہویا
جمود ٹٹا۔ جمہوریت نیاں پریاں اپنے پرستاراں کی سوالنے واسطے اپنے پر پھیلائے آہنچیاں۔
اجاں اس ماحول نی صبح تک ہی رہے ساں کہ کڑواؤ خون، قتل Militant, Caradon جیاں
نویاں نویاں اصطلاحاں سامنے آہنچیاں۔ ایچے ماحول پنج انسانی حقوق نی پامالی، انسانی عظمت نا
زوال ناحق، گولی، تشدد جس بے جا جیاں اصطلاحاں وی جنم رکھدا۔ بیرونی دُنیا پنج اسرائیل نی تو
سیج پسندی، سری لنکا نی بغاوت LTTE نازور پنجاب نا اگرواد تہ زور ناٹنا۔ امریکہ نا تھانداری نا
رعب ادب ور چھائی گیا تہ سارا مشرق امریکہ نا جھین بن گیا۔ دُنیا نی تہذیب تہ سیاسی زندگی سرد
جنگ Cold war نی پلیٹ پنج ہے۔ Have not تہ Have نے فلسفے نے لوکاں کی دو بلاک پنج

کس لیا ہے۔ سیاست وی اس نے آس پاس چکر لارہی ہے۔ عملی طور پر سارا معاشرہ اک طراں نی جذباتی تقسیم ناشکار ہو گیا۔ اندورنی خلفشاری بے روزگاری نے ادب کی بکھیر دتا ہے۔ اس قسم نے ماحول بچ، احمد ندیم قاسمی، ناصر کاظمی جے نویں نویں تجربات نال حالات نیاں زلفاں سنوارن واسطے لہہ آئے ہین۔ نویاں تحریکاں اٹھ اٹھ کے کدے کدے مر رہیاں ہین تہ کدے کدے موہوم (مدہم) اُمیدور ٹھوک رہیاں ہین۔ گویا اک طراں ناہڑ بونگ جیا نظر آرہیا ہے۔ ایچے مسائل نے سماجی زندگی نے سارے پیسے ادھیڑ دتے ہین۔ باہمی کدورتاں تہ نفرتاں نے سماج کی بیمار کر دتا ہے۔ پرانیاں قدر اُج نے تیز رفتار دور بچ Computer نے مقابلے بچ کچھڑ گیاں ہین۔ نویں دور نے کوئی Ideal کی جنم نہیہ دتا۔ اک خلاء جیا بنیا ہویا ہے جس نے پار تعصبات اپنے دند کھولے تک رہے ہین۔ ذرا جی فرقہ پرستی نے ماحول ورا انسان کی اس اک نا اہندھن بنا پینا ہے، جیہڑی اسان نے اپنے مفاد نی خاطر اپنے آس پاس بال رکھی ہے۔ قلم کار یا لکھاری ماحول ہو، معاشرے نی اکھ ہونا ہے۔ اسے اکھ نال ہندوستانی سماج پر ذات، گروہ تہ قبیلے نے ڈوہنگے بدل اوہ تک سکنا ہے۔ سارا سماج کٹ پھٹ گیا ہے۔ اک زخم اجاں جوی ہی نہیہ پانے کہ دوا گھاؤ کھلی جانا ہے۔ اسان کی اک متحدہ سماج نا تصور دواؤ رتکر نہیہ دسنا۔ اسان نا ادبی ورثہ اس زوال آمادہ ذہنیت نے اثرات کی محفوظ کر رہیا ہے۔ اس طراں Hawala نے روپ بچ اُبھرنے والا اک ہو، قضیہ ہندوستانی سیاست نے محلاں بچ دراڑاں بائی گیا ہے۔ اس ماحول بچ جیپال بھٹی اپنی ”حوالہ پارٹی“ بنانے نا اعلان کر کے ایہہ ثابت کرنا ہے کہ اہل قلم، فنکار یا لکھاری خارجی یا داخلی ماحول تھیں قوم کی ہمیشہ باخبر کرنے نا مقدس فرض نبھانا ہے۔ اسان نے آس پاس بولی جان والیاں زبانان وی انہاں سماجی اثرات تھیں دواؤ رہے کہ نہ جی سکیاں۔ گوجری زبان ہووے یا پہاڑی پوٹھوہاری ہوئے انہاں زبانان نے بولن والے وی سماجی دیکھ ریکھ تہ فکری اتار چڑھاؤ تھیں دواؤ نہیہ رہ سکے۔ نثری اسلوب بچ ہووے یا کہ شعری روپ بچ اسان نے مقامی حالات تھیں تہ فرسماجی تبدیلی نے اثرات تھیں اسان نی پہاڑی زبان پہر پورتہ مالا مال ہے۔

اس نے لکھاریاں نے ہر نویں وضع کی بڑی سوئی خوبصورتی نال زبان نا حصہ بنایا ہے تہ

اس زبان کی بولن والیاں واسطے اک نویں سمت دتی۔ جس تھیں ادب نامتاسارا بڑا سرمایہ محفوظ ہی نہ ہو سکيا بلکہ انہاں حد نے اندر جائز طور پر قوم نی تربیت وی کیتی۔

آج نی سماجی زندگی نارونا کوئی میہ رورہیا۔ ہر پاسے ڈر خوف تہ انسانی عظمت نی بر بادی نے چرچے عام ہون نال آزاد احمد آزاد اپنی غزل نے شعراں کی اُس اندر نے احساس نال خوبصورت بنانے ہوئیاں آکھنے ہین ے

چار پاسے ظلم نے تک کے ترہڑ بے شمار
گھنڈی اپنے دل نی پاٹھی آج چنڈانی پے گئی
عدم تحفظ نا احساس کون کتنی دیر توڑیں چھپاسی گا۔ جیہڑی محسوس ہونی لہھے ہور شعری لباس بچ آزاد ہوراں نے ہتھوں فر کا غذاں اُپر آجانی ہے ے

پوہریے کٹ کے بڑے سائیں جہاں کی پالیا
اپنی مجبوری انہاں تھیں آج چھپانی پے گی
اُساں نے معاشرے بچ سچ نیاں قدراں کہنٹ گیاں تہ چوٹھ چنگی طراں لوکاں
کی راس آئی گیا ہے۔ اقبال نازش انہاں گلاں نارونا اسطراں رونے سن ے

گنگے سارے پھانسی لگے
چھپھاں والے سچے ہوئے
کتلی ماہڑا حال مخترے
ماہڑے کہنر نے بٹے روئے
بشارت حسین بشارت ہوئیں خود سپردگی تہ بُدلی نا حالات تھیں نسنے نارادہ چھوڑ کے
مقابلے کرنے نے انداز بچ آکھنے ہین ے

آندھی پہانویں چھنکھو چھنکے
راہ نے بچ میں دیا تہرساں
منزل ساہڑی دُور دراہڈے

اپنا پیر اگیرے تہرساں
 تہیاڑنی ٹہپ بچ ہس کھیڈ کے وقت تہ گُور جانا ہے پر حالات نی چھائی ہوئی مایوسی کی
 کون ہٹا سی گا۔ ابھی اک سچائی بے تاب ہوراں نے قلم تھیں ٹپک گئی ہے ۔
 تہیاڑ اُس ساری ہس گزاری خوشیاں بچ
 رات انہیری ہس گُزارے تاں منیئے
 ڈاڈے لوکاں کولوں اُجنگ ہارے لوک
 لے کولوں جے کوئی ہارے تاں منیئے
 اُساں نے آس پاس نی تخریب تہ اس نے نتیجے بچ سکھ تہ آرام نیاں گلاں
 خاکیاں اُوپریاں لگنیاں ہین۔ خورشید بکھل ہوراں نے تجاہل عارفانہ برت کے اپنے کولوں سوال
 پچھے ہین۔ انہاں نا جواب شاید آنے والی نسل ہی دے سکے نی متحمل ہو سی ۔
 ہر اکھی بچ اتھروں ڈلکن
 شہرے بچ ایہہ اگ کس لائی
 پھلاں تھیں دل کسناں رَجیا
 کنڈیاں نی تھل کس نے راہی
 شیشہ پچیا چنگا ہویا
 اس شیشے سی جان ستائی
 فراوہ خوف نے جنگل انسانی جزیریاں نے آس پاس نکل رہے تک کے خورشید کرماتی
 ہو پچھنے ہین ۔

خوف نا جنگل دہس خورشید
 شہر تو اہڑے بسی کیہڑا
 ٹپ سمندر اچھسی کیہڑا
 باہی باہی نہ بجن سارے

فصل پتہ نیہہ کپسی کیہڑا

قوماں نی زندگی ور چھائے ہوئے سرد جنگ نے بدل خوشد یو مینی کی چھنجوڑ کے رکھ دینے
ہین تہ اوہ وی ایہہ آکھتے تھیں نیہہ رہ سکے۔

مشکل ہوئی جان بچانی
اندر اندر کوئی رڑ کے
سولی اُپر جند نمائی
ڈم کلجے والا اڑ کے

☆

اس بستی تھیں اکدن جانا پیسی گا
فر وی اُس ویلے کی ہر دم ٹالاں میں
دُنیا نے حادثے تکنے والا اک حساس دل کرب نے نال ٹھوکر یا ہو یا رات تہنیاڑی
انہیرے نا جال تکنے والے کی آنے آلی فجر نا سلامت ہونا نظر نیہہ آنا۔ رشید قمر ہوراں انہاں
حالاتاں تھیں لوکاں کی باخبر کرنے نافرض پورا کیتا۔

گھپ ہنیرا درد نیاں راتاں
لوکو پھٹنیاں فجراں لکھساں
توں پھلاں نے موسم لئی جا
میں کنڈیاں نیاں فصلاں لکھساں

☆

ظلماں نی ٹھپ کرڑکاں چا پے
شالیمار پھوہارے ٹھنکے
دریاواں نا درد نہ کہنڈیا
لہراں خون ، کنارے ٹھنکے

اُج نی سائنسی دور نے جتھے آرام تہ آسائش نے چوکھے مرحلے دتے، اُتھے اِس نیاں

خراپیاں کی وی کیائیں کوئی پہنل سکنہا ہے۔ آج ہوا پانی آوازنی کثافت (Pollution) نے ساری دُنیا کی اک لمحہ فکریہ تہ دتا ہے لیکن کوئی سنجیدگی نال نیہہ سوچ رہیا کہ اس طراں نے حالات نا انجام کے ہوسی۔ فر شہباز ہوراں اپنے فرض کی بھان واسطے آواز ضرور بکھیری اوہ لکھنے ہین ے۔

رُکھاں نے کالجے وی سئلے ہین موسماں
پھو کی گلاب تہرت ہے اگی نے لشکراں
بہریا نے چھل ٹھو گئے پتھرتہ ریت سب
اوہ اکھ سوچنی ہے کتگ نے پانیاں

اوئی سرد جنگ، اوئی کار بن موکسائیڈ نا غبار، سڑنے نا تہنواں ہر یالی کی نگلیاں
جار ہیاں ہے۔ اندر ہی اندر ڈرنا ناگ کئی کئی بار ڈنگ مار رہیا ہے۔ اس قسم نے سماجی، معاشرتی
مسائل تھیں شیخ ظہور الدین وی فکر مند بھر ہے ہین تہ اوہ آکھنے ہین ے۔

سک جاسی ایہہ پیار نا بڑا
پتر اس نے پیلے دِن
اک دوئے کی پکڑی لنگیو
رستے سب خطریلے دِن

دُنیا نے پہنل پہلکھے، خود غرضی نے رنگ بچ رنگی ہوئی آج نی انسانیت اپنے من بچ مگن
لوک لا پرواہی نا علم ایہہ کجھ گلاں تھیں سارے لوک جتھے دُکھی ہین، اُتھے صابر مرزا صاحب وی
کدوں بچ سکنے ہین ے۔

اپنی خوشی نے خاب سجاسی گا ہر کوئی
ہوراں نے غم خلوص سنگ کھاسی کیہڑا کیہڑا
طوفان لمی رات، سفر تہ رکاوٹاں
دھسیاں غماں نے پہار ایہہ چاسی کیہڑا کیہڑا

اس طراں نا حال عاف جرال عارف، صادق شاد فاروق انوار مرزا، فدا اراجوری، فصل

کوثر، قیوم ساحل، گر شرن سنگھ گلشن، مکیش مین، مجروح ملنگامی، محمد سرور ریحان وغیرہ تیاں ساریاں لکھاریاں نا انہاں نے کلام تھیں نظر آتا ہے۔ آج نے متے سارے لکھاری اک ہی موضوع جیہڑا سارے پاسے سانجھا سمجھیا جانا ہے اپناے ہوئے ہین تہ ہراک دکھ درد احساس کرب، تھواں، بدل، برف، آگ، ہنیرا وغیرہ ایہہ علامتاں ہین، جیہڑیاں اوہ سماجی خرابیاں نے دفتر بچ موجود ہونیاں ہین۔ ہر لکھاری نے اپنے شعری سرمائے نال یا نثری پیرائے بچ تاریخی حادثات تہ سماجی مسائل ور گھل کے قلم چکلیا ہے تہ اساں نی پہاڑی زبان اس قسم نے سرمائے تھیں مالا مال ہے۔



پہاڑی غزل تحقیقی تہ تفصیلی مطالعہ

پہاڑی غزل، پہاڑی زبان بچ کی گئی شاعری ناک حصہ ہے۔ اس زبان فی شاعری ناسرا بمشکل کوئی ڈیڑھ صدی تک چکھے جانا ہے۔ اس عرصے بچ جیہڑی شاعری فی کتابی شکل اسان کول موجود ہے، اُس بچ غزل ناکم بہت تھوڑا جیا ہے۔ اس گل بچ شک نیہہ کہ پہاڑی زبان نے اس خطے بچ قدرتی مناظر، تیز رفتاری نالے، ٹھو کاں، خوبصورت چھم، کہنتے جنگل، اُچے پہاڑ، سرسبز وادیاں، رنگارنگ پھل تہ حقیقی یا مجازی عشق کرن آلیاں ناکوئی کہنا ٹانیہ سی۔ اسے واسطے درویش خدا دوست انہاں علاقیاں بچ جگہ جگہ نیہہ کھائی کے رہ گئے تہ انہاں حالاتان بچ اودہ روح فی پاکیزہ غذا حاصل کرن واسطے مناسب جگہ یا مقام حاصل کر سکے۔

ایہہ آکھنا کسے طور وی غیر مناسب نہ ہوسی کہ قدرتی مناظر فی موجودگی نے باوجود نالے ایرانی کلچر تھیں متاثر ہون نے باوجود اتھے شاعری فی ذہنی کاشت کسے نہ کیٹی ہوئے بلا خوف تردید میں ایہہ آکھی سکنا کہ شاعری نایہجیا ماحول ہونے تھیں بعد شاعری ضرور ہوئی۔ پر ایہہ علاقہ تعلیمی پسماندگی فی وجہ تھیں، اس شاعری کی محفوظ نہ کر سکیا۔ البتہ گجھ اک شاعری سینہ بسینہ موجود رہی جیہڑی وقت نے گزرنے نے نال نال ختم ہو گئی۔ اگر ایہہ اُس وقت فی شاعری کتابی شکل بچ ہوئی تہ اودہ آج ادب نے طالب علم واسطے ماخذ ناکم دیٹی جائے ہے۔

ایہہ گل وی منن نے قابل ہے کہ ایہہ خطہ جس بچ پہاڑی زبان بولی جانی ہے، ہمیشہ جنگاں فی لپیٹ بچ رہیا ہے۔ اسی خوبصورتی تہ اس فی فطری پناہ گاہ تھیں ہر ویلے حملہ آوراں نے فائدہ اٹھان لئی جنگ وجدل ناسلسلہ جاری رکھیا۔ حتی کہ محمود غزنوی، محمد غوری ناقافلہ وی اسے پاسوں ہو کے آنا جانا رہیا ہے۔ راجیاں مہاراجیاں نے زور زبردستی نے سلسلے وی اسے علاقے ور رہے۔ مقامی راجے مہاراجے وی اپنی برتری فی نت نویں شرارت ناکم جاری رکھے رہے۔ مغلیہ دور وی اس علاقے فی سیاسی تقدیر وراپنا دبدبہ چھوڑ گیا۔ ماضی قریب فی تاریخ نے تہ کافی ظلم و تباہیاں نادر دہسیا۔ انہاں حالات بچ شعری

حیثیت ناسرما یہ کس طراں محفوظ رہ سکنا سی۔ ایہی گل ہے کہ اس زبان ناسرما یہ زیادہ دیر پُرانا بیہہ مل سکیا۔ بقول خوشدیو مینی ایہہ زبان محض بول چال تک ہی محدود رہی۔ نسلاں بدلیاں، صدیاں گزریاں، مذہب نہ عقائد بدلے پر زبان لوکاں کو لوں نہ چھٹ سکی۔

اس زبان والیاں کول لکھنے لکھانے نارواج کوئی بیہہ رہیا۔ منہہ زبانی ہی گیت، کہانیاں قصے وغیرہ سنانے نارواج رہیا۔ شادی بیاہ تہ ماتم نے موقعے و وقت گزارنے واسطے بیت، سی حرفی، گیت، سپاہیا، ٹھنوں وغیرہ ناخوب رواج سی۔ پہلی کتاب جیہڑی پہاڑی زبان نی بائبل سمجھی جانی ہے، اوہ میاں محمد بخش صاحبؒ نی مثنوی ”سیف الملوک“ ہے۔ پر میاں صاحبؒ نادور ۱۹۰۷ء تھیں پہلاں ناہے۔ اس تھیں علاوہ سائیں قادر بخشؒ، محمد بوٹا، نواب پونجھی تہ فقر الدین، زمان چن انہاں وی شاعری نیاں زلفاں سنواریاں، پر انہاں نا کلام کتابی شکل بچ بہت ہی کھٹ نظر آیا ہے۔ کدے کدے سی حرفیاں نا چرچا تہ ضرور ہويا۔ کیاں جے اس نے وسیلے نال شاعری شخصیت نا کوئی ڈیڑھ سو شعراں نال ہی متاسرا تعارف ہوئی جانا سی تہ فر ایہہ شعر عام حالت بچ زبانی وی یاد کیتے جاسکے سن تہ اس طراں شاعر ناخوب تعارف ہر موقعے ور ہو سکنا سی۔ اس قسم نی شاعری نارواج تہ چرچا خوب رہیا۔ دراصل ایہہ موسی شاعری نا اک حصہ بن جانی سی۔ کیاں جے باراں ماہ نے بچ موسم نے بدلنے نے نال نال طبیعتاں نا بدلنا فراسکی شعراں نا لباس پہننا عام گل سی۔ استھیں بعد مولوی دلپزیر نی ”تفسیر یوسف“، مولوی ہدایت اللہ نی ”گلزار یوسف“، سائیں فقر الدین نا کلام پیر محمد شاہ صاحب پونجھی نے وی شعر ادب نی خوب خدمت کیتی ہے۔

اردو نے نامور شاعر حسرت موہانی نے قول نے مطابق کہ شاعری نے ترے رنگ ہن (۱) فاسقانہ (۲) عاشقانہ (۳) عارفانہ۔ اسے قول نے موجب فاسقانہ شاعری جیہڑی نفسیاتی بیمار ذہنیت نی شاعری ہے۔ جس تھیں جمالیاتی ذوق Aesthetic Taste نی تسلی نے بجائے گھلا تہ نگا اظہار ہووے تہ معاشرے نے اخلاق خراب ہون۔ اتہی شاعری قابل توجہ بیہہ ہے۔ پہانویں جے غزل اتہی کیفیت نا اظہار ہے پرچھوٹھ، فریب کی ”Glorify“ کرنا شاعری نی صنف نی بے حرمتی تہ بے عزتی ہے۔

عاشقانہ تہ عارفانہ مزاج نی شاعری بچ پہاڑی بزرگ شعراں نا کافی سارا حصہ ہے وراہہ

سب کچھ جیہڑا پہاڑی شاعری نے ذریعہ پہاڑی بولنے والیاں کی ملیا، ایہہ نظم یادوے اسلوب پنج ہے۔ غزل نی زمین پنج شاعری پنج بزرگ نسل نے شاعراں نا کوئی حصہ میہ ہے۔

غزل نی صنف فارسی زبان تھیں ملی ہے۔ استھیں بعد اُردو زبان والیاں اس کی اپنایا تہ فر ایہہ صنف اُردو تھیں پہاڑی و دیگر علاقائی زبانوں پنج منتقل ہوئی ہے۔ اُردو زبان نے شعرا نے غزل پنج متا سارا کم کیتا۔ میر تقی میر، غالب، حالی، حسرت موہانی، اقبال وغیرہ نے غزل پنج بہت سارا کم کیتا۔ غزل نی ہیئت و مواد نے نال نال لفظاں نا خوبصورت استعمال وی دھیا۔ پہاڑی زبان نے آس پاس پلنے آلی اُردو زبان پنج نویں نویں تجربے وی ہوئے۔ کدے ایہہ شراب تہ شباب نے حوالے نال بیمار ذہنیت نا پیہ دینے یا ذہنی عیاشی نی مثال بنانے پر جدوں آس پڑوس نے اثر پنج پہاڑی زبان اُبھری تہ اسی زمی عشق آلی سی۔ اس پنج مستی شراب جی پر ہیئت یا سائل بالکل بکھی سی۔

میاں محمد بخش صاحب نی مثنوی پنج قدیم لمی بحراں آلیاں کچھ اک روایتی غزلاں ملنیاں ہین ور انہاں غزلاں تھیں انسان جتھے محفوظ ہو یا اُتھے اس نی رمز و ایما نے نال نال انتشاری ذہن نا عادی وی بنایا۔ اُردو نی عشقیہ شاعری جیہڑی ولی دکنی تہ انہاں نے ساتھیاں نے ہتھوں وجود پنج آئی، عام انسانی جذبات، جنسی تہ روحانی پہلوواں نے جوڑ نال تصوف نی مدہم مدہم پر مستی پنج ڈبی ہوئی کیفیت آلی سی۔ ایہہ سادہ تہ فطری شاعری سی۔ جدوں اُردو درباراں نی نذر ہوئی تہ اس پنج متا سارا انقلاب آیا۔ اُتھے شاعر نا رمزیہ محبوب ہُن در بار آ لے لوک ہوئی گئے تہ اسطراں اک بناوٹ، اک چھوٹھ جیا لکھن لگا۔ حالانکہ شاعر نا محبوب اُس نے اندر چھپیا ہو یا اوہ انسان ہے جس کی ساری عمر تلاش کرنے ہن، پراوہ نیہہ لکھنا۔

شاعر کول انداز بیان نی نفاست، نفسیاتی تجزیہ، عشق نی خلش تہ چھن ہے۔ اسی وجہ ہے کہ پہاڑی غزل گو شاعر حضرات جیہڑے اُردو زبان نے ماحول تھیں نکل کے آئے، انہاں کول ہور طراں نے تجربے ہین۔ قدیم نسل نے پہاڑی شاعر انہاں تجربیاں تھیں جتھے واقف نیہہ، اُتھے انہاں قدیم اصطلاحاں نا پھر پورا استعمال کیتا، پر روایت کی ہتھ بچوں نہیں بلن دتا۔ پہاڑی غزل پنج موجودہ نسل نے شاعراں نے بدلی ہوئیاں ساریاں ترکیباں تہ حالات ور چھائے ہوئے محرکات تھیں فائدہ چکلیا، بقول ”مار یو پائی“ جس زبان پنج تبدیلی نہ ہوئے اوہ زبان مردہ ہو جانی ہے تہ قول نے مطابق پہاڑی شعراء نی

آج فی غزل نیاں گچھ کٹیاں ہوئیاں زلفاں فی وجہ تھیں ہُن انہاں ناتذکرہ کرنے تھیں پرہیز ہو گیا ہے۔

پہاڑی زبان نے جغرافیہ پر سماجی تہ سیاسی تئیاں ساریاں تبدیلیاں ہوئیاں ہین۔ جیہڑیاں تاریخ نے طالب علم نے واسطے کافی مواد مہیا کر نیاں ہین۔ کدے ایہہ علاقہ راجیاں مہاراجیاں نے رحم و کرم وررہیا۔ کدے کدے جاگیر داری فی لعنت نے زیر اثر وی۔ اتھے سیاسی اُتھل پٹھل رہی ہے۔ ہر بڑی مچھی کمزور کی نگنی رہی ہے۔ ایسی غیر یقینی حالت بچ ڈہنی آسودگی کدوں لہھی، بے کوئی غزل نے پاسے منہہ موڑ سکے یا۔ اتنی وجہ ہے کہ پرانی نسل نے شاعراں کی مجبوراً شاعری نارنگ روپ جڈاگانہ ہور حالات نے شکستے بچ جکڑیا ہو یا ملیا۔ اسے واسطے انہاں فی شاعری ناصاب ”دنیا تنگی نماچر چاہے چاری لا چاری“ بے بسی انسانی قدراں فی بے حرمتی وغیرہ نال جڑیا ہو یا ملنا ہے۔

جس طراں غیر معمولی طور پر حساس قسم نے آلے ہزاراں میل فی دُری ورہون والے زلزلے نے چھٹکے ریکارڈ کر لینے ہین۔ اسے طراں فن کار قلم کار پرسکون فضا بچ ہجان یا عام حالات بچ پرورش پان آلا غیر معمولی میلان دیکھ لینے ہین۔ فرایہہ حساس انسان جس لفظاں نے بناؤ سنگار نال رشتے جوڑے ہونے ہین اوہ دنیا آلے لوکاں فی ڈہنی تنظیم بچ اپنا شعوری نالے غیر شعوری رول دینے رہنے ہین۔ اس واسطے شاعر نا پیغام سماج کی ایک حد توڑیں تعبیر و تفسیر بچ مدد دینے آلا ہونا ہے۔

فطرت تہ انسان فی کشمکش بچ لکھاری انسان آلے پاسے کھڑا ہے۔ ہُن اگر اسنی شاعری درست سمت بچ ہوئے اوہ ایمان دارانہ طور پر حالات کی زبان دینے نافرض نبھارہیا ہوئے تہ اوہ اپنی نسل اپنے سماج تہ اپنی قوم فی تربیت بچ Indirect لگا ہویا ہے۔

۱۹۴۷ء جتھے انگریزاں فی غلامی ناجنگلہ اُترنے نال سال سی، اتھے ہی انسانی تاریخ بچ خونی باب آلا سال وی سی۔ اک پاسے ملک آزاد ہو یا، دُوسرے پاسے اس اک ملک نے دو حصے ہوئی گئے۔ فر انسان پاگل ہوئی گیا۔ اس فی تربیہ صرف انساناں نے لہوناں بچھ رہی سی۔ ہر پاسے ظلم نیاں کہانیاں مشہور ہوئیاں۔ پر اوہ انسان مظلوم شکل بچ اپنا نکاجیا قتل کیے رہ گیا۔

۱۹۴۷ء تھیں بعد نے انقلابی دور نے حالات بچ گچھ اک ٹھہراؤ تہ آیا، جیہڑ ۱۹۶۲ء نے چین نے حملے تک ہی ایہہ دور رہیا۔ اس دور بچ پہاڑی شاعری اپنی ڈونگی نیندر تھیں ذرا جاگی۔ پر بچھوڑے

نے ہاڑیاں کی موضوع بنا کے روٹی تہ کرلانی رہتی۔ پہین پہرا واسطے ترقی سی تہ ماء بچے واسطے۔ پہرا پہراء واسطے بچی باپ واسطے اس تنلیاس نی شاعری ناچنگا خاصہ مواد مہیا کیتا۔ ۱۹۶۵ء نی ہند پاک جنگ نے پہاڑی زبان آلے علاقے کی دوپھاڑ کر کے اک خونی لکیر کی ہو رپکا کرنے نے اسباب بنا دتے۔ اُس پار نی شاعری نا کے حشری ایہہ ”شجر ممنوعہ“ بن چکا سی۔ البتہ ادھر نا انسان اُسے جذباتی جمودنی چکی بچ پھنسیا ہو یاسی۔ ایہہ سلسلہ ۱۹۷۵ء تک رہیا۔ دراصل جدوں شیر کشمیر مرحوم نی حکومت قائم ہوئی، تدوں تک ”پہاڑی زبان نے اپنا رنڈیپ“ کتیا۔ عدت نی لمی مدت گزاری۔ شیخ صاحب نے دور نے پہاڑی لوکاں نی آساں اُمیداں تہ آرزواں کی جگالیا، نکاجیا پہاڑی زبان نا شعبہ کلچر اکادمی بچ قائم ہونے نال پہاڑی شاعری اُس ذہنی آوارگی تہ پسماندگی نے دور نا چولا کئی پھینک کے باہر نکلے۔

چنانچہ ۱۹۷۵ء تھیں بعد نا دور پہاڑی زبان نا ”سنہری دور“ اگر آکھیا جائے تہ اس بچ کوئی بناوٹ نیہہ۔ اس دور بچ پہلی نسل نے لوک تہ روایتی ہی سن، اسطراں اوہ روایتی مزاج نی شعر و شاعری بچ رہے۔ پر نویں نسل نے سارے لوک جیہڑے اُردو ادب نے مواد تہ تجریاں نی زمی نی کاشنکاری کر چکے سن۔ اپنی ما بولی نے پاسے پوری ہمت جرات تہ حوصلیاں نال مڑے۔ فر پہاڑی شاعری ناسیلاب آنا شروع ہو یا، جیہڑا کجھ اک شیرازے نی شکل تہ کجھ اک ہو ر کتابی شکل بچ نظر آیا۔ ایہہ سب کجھ ہونے نے باوجود پہاڑی شاعران نے وقت نی آواز تہ اسنے مزاج کی اپنے ہتھوں دور نہ کیتا۔ اس دور بچ نظمماں نے نال نال ہو ر کم وی ہوئے۔ میاں محمد صاحب تھیں جیہڑا قافلہ پہاڑی زبان بچ شاعری کرنے سفر ورنکلیا سی اسنے نال نال زمان چن، سائیں قادر بخش، پیر محمد شاہ پوچھی، سائیں فقر الدین، مولوی دلپذیر، قمر راجوروی، ہر نام سنگھ دکھیا، پیر حیدر شاہ مینڈھرو، پیر حیدر شاہ راجوروی، مفتی ولایت شاہ راجوروی، مولوی ہدایت اللہ، مولوی عبدالستار، بی بی پاکداس، مولوی غلام رسول وغیرہ نے وی میاں صاحب نی قیادت بچ ایہہ روایتی شعری سفر اپنے اپنے جغرافیے نال لکرائیاں جاری رکھیا۔

ادھر اُردو شاعری بچ غزل بچ نویں نویں تجربے وی ہو چکے سن۔ انہاں تجریاں نے بانیاں بچوں بانی، ناصر کاظمی، منیر نیازی، احمد فراز، پروین شاکر، ظفر اقبال وغیرہ نے نویں نویلی غزل کی اک نئی Diction دتی۔ انسان نے اندرونی کرب تہ توڑ کی اک خوبصورت الفاظاں نی لڑی دتی۔ نویں قسم

نے مواد و ہیئت نے تجربے ہوئے۔ ایمائی تہ رمزیت نی زمین عطا کیتی، گویا کہ آج نی صحت مند ضرورت غزل کی عطا کیتی۔ اس ماحول نا ایہہ تقاضہ سی کہ پہاڑی شاعری پنجوی اوئی تجربے ہودن تہ اس طراں پہاڑی شاعری پنج اوئی مزاج آیا تہ آج نی پہاڑی غزل اپنی خوبصورتی رعنائی نے نال نال حالات تھیں آگاہی نافرض وی نبھارہی ہے۔

پہاڑی غزل گوشعراں نے اس فن پنج اپنی قلم کی خوب تہ پھر پڑ استعمال کیتا۔ بزرگ نسل نے شاعران پنج شاہباز راجوروی، قدرا راجوروی، کریم اللہ قریشی، شیخ آزاد احمد آزاد کے ڈی مینی، فضل سوز، فضل حسین کوثر، لال حسین مشتاق، خورشید کرمانی، مولوی محمد خلیل جوہر، حسام الدین بیتاب، نادم کوٹلوی، مکیش مینی، قیومہ بی ستی، عبدالحق لولائی، محمد سرور ریحان، صابر مرزا، رشید قمر، اقبال راجوروی، سردار یکم سنگھ راہی، مرزا فاروق انوار، صادق شاد، رتن سنگھ کنول، اقبال نسیم، ملک مشتاق، نسیم سید بشارت، جاذب، جاوید راہی، منیر منہاس، تنویر اقبال، ملک، قیوم شمال، ساحل، عارف، جلال عارف، شیخ ظہور الدین، بشارت حسین، نذیر حسین، نسیم، عزیز دھنوی، ڈاکٹر جہانگیر دانش، خورشید بک، بلال لودھی، محمد شفیق جتتی، مظفر پیامی، اعظم حسرت، مجروح ملنگامی، جاوید نعیم راجوروی، سید نسیم لاروی، عظیم خان وغیرہ۔

غزل گوشعراء نی فہرست خورے ہورلی ہوسی پر شاید انہاں نے اسمائے گرامی یا نمونہ کلام نہ ہون نی وجہ تھیں لکھ نیہہ سکیا۔ اسنے نال ایہہ گل وی آکھی تہ فرض نبھاساں کہ کجھ اک شعراء حضرات ناناں نہ لکھیا جانا اس گل نی وجہ تھیں کہ اوہ شاعر تہ ضرور ہین پر غزل نے شاعر نیہہ۔

پہاڑی غزل نیاں نویں نویں کروناں تھیں اس نی گونا گونیت نا احساس ہونا ہے۔ لا پرواہی نے احساس، وقت نازیاں تہ حالات نی بے قدرتی کی جدوں زبان دتی جائے۔ تہ فرشیخ آزاد احمد آزاد چھوٹی بحر پنج اس طراں مخاطب ہونے ہین ۔

منزل	توڑیں	چکُن	واسطے
خورے	کتنا	ٹُنا	پیشی
زہر	پیالہ	سُرکی	سُرکی

توپہ توپہ پینا پیسی

اک کسک، تڑپ تہ اس نے نال سوچاں نے تہے انگارے جدوں اکٹھے ہوں تہ اس نے
میل نے نال لفظاں کی جوڑنا تہ فرامیائی انداز پنج پرونا ظفر اقبال خان صاحب نام سہی جدوں اوہ
پریشانیوں گزرنے ہوئیاں غزل نے کول بہہ جانے ہین تہ فراپنے پہر پڑ رجببات نے رنگ پنج
رنگ کے غزل آکھنے ہین۔ غزل ملاحظہ ہے ۔

نس نس نے خواب میں لکھساں
زندگی نی کتاب میں لکھساں
گاٹے تیرے کی پھل نی پتی
نالے چہرہ گلاب میں لکھساں

وقت نی پکار بڑی شدت نال محسوس کیستی جانی ہے تہ فراوہ وی آج نی تہذیبی تیز رفتاری نے
دور پنج جتھے شہراں نے لوک مروت پہائی چارے ہمدردی تہ رواداری نی نعمت تھیں دوڑ رکھے رکھے
ہوئی جانے ہین تہ فر فدا را جوروی چپ کیاں رہوں۔ اوہ آکھنے ہین ۔
اکھاں پنج اپنے شہر نے منظر بسائی رکھ
ویلا اجیں ہے دل نیاں گلاں سنائی رکھ
منظر بہار نے ہین پرانے نویں ہے طرز
اپنی رتاں نے آپ تو منظر بنائی رکھ
درداں نی لذت گئے دور نے ہاڑے ہسٹریٹ کا بلی لئی کے خورشید کرمانی غزل آکھنے ہین ۔

چھٹیاں پنج دکھ سارے لکھساں
چتنے ٹٹے تارے لکھساں
درد کی لئی لئی لذتاں لکھساں
تھ پنج رکھ انگارے لکھساں

اک نوجوان شاعر جبر و ظلم نے اثرات پنج کھلا ایہہ محسوس کر رہیا ہے کہ خوشیاں نی عمر کھٹ

ہے تہ نغماتِ نی عمر کیاں لمی سمجھی جانی ہے تہ فرایہہ انسان کدوں توڑیں اس فکر نے شکنجے بچ رہسی۔ شیخ
ظہور الدین آکھنے ہین ے

کدوں تکر تُس ڈرنے رہسو
جینے رہسو مرنے رہسو
کچر دولت مندائے نے تُس
چھتر سر پُر تہڑنے رہسو

گجھ اک حالات نی تپش بچ سڑنے گلنے رہے۔ تہ لب ساحل نی طراں حالات نے
سرہانے کھلے فکر نی چادر تہ اُداس رستیاں کی تکی تکی کے سوال کرنے ہین۔ فضل حسین کوثر کی ملاحظہ
کرو ے

جس جس لائی پیاری چھاں
سب دُنیا تھیں نیاری چھاں
ہے اوہ شخص مقدر والا
قائم جس نی ساری چھاں

اک ہور نو جوان شاعر اپنے پہر پور تہ نو جوان جذبات نا اظہار کرنے ہوئیاں متی چنگی زمین
بچ غزل نے لفظ پرور ہے ہین۔ عارف جرال عارف ہور آکھنے ہین ے

کہہ کھنڈیا آج سارے پاسے
ماہڑے جگے ہاسے ہاسے
مرضی اپنی نیہہ غلامی
مناں کسراں ایہہ دلا سے

غزل نے انداز وی بڑے ہی نرالے ہین۔ محبوب حقیقی یا مجازی (ایہہ تہ نسبت پر دار و مدار ہونا
ہے) محبوب نی بے وفائی نارونا عبدالحفیظ مجاہد ہوراں کی رونا پئی گیا۔ اوہ آکھنے ہین کہ ے

ماہڑی اکھیاں دا تارہ نہ ہو یا

اُسدی نظر دا سہارہ نہ ہويا
 اوہ ایسی مڑے کہنر نہ معلوم آسا
 قسمت ماہری کہ نظارہ نہ ہويا
 اجاں محبوب نے واسطے ہاڑے نیہہ مئے، صادق شادی قول و قرار نے وعدہ بے وفائی نا
 نفسیاتی رونا رو رہے ہیں ے

کدے انکار کرنا سا، کدے اقرار کرنا سا
 ماہرا ہر فعل فر محبوب کی بے زار کرنا سا
 جدوں محبوب بے زار ہوئے، تہ عاشق یاداں نے زخم پھر لون واسطے چھٹیاں لکھنے نا سہارا لینا
 ہے۔ پراوہ چھٹی کسراں محبوب کول پنچنے فر اس کول حسنی چاہت گجھ اک کھٹاس آلی ہووے تہ فر منیر
 منہاس نی غزل نامواد کییاں بنیا ے

لکھ لکھ چھٹیاں اندر تہرساں
 ہجر تیرے پنج رو رو مرساں
 زخماں نا میں خون نچوڑی
 حرفاں نال میں گلاں کرساں
 ہاڑنی جھپ نے ہاڑے، فریفتگی نا ماحول تہ فر خورشید جاتم نا قلم تہ غزل نی زمین ملاحظہ ہو
 وے ے

ماہڑے دُکھ ہُن پھول نہ سبناں
 یاد نی ککھی چھول نہ سبناں
 میں اگے ہجراں نی ماری
 ہُن جندڑی کی رول نہ سبناں
 ”اپنے کہیتے نا ہی جواب ہوئی“ ایہہ کرم فلاسفی نے موجب گل بنی۔ اس واسطے کنڈیاں نے
 بیچ نے بجائے پھٹلاں نے بیچ بو نا ہی دانشمندی ہے۔ پر جاوید راہی نے اس کی خوب صورت غزل نے

لباس بچ پرویا، ملاحظہ ہووے۔

اوہ جدوں وی ماہری کتاب منکسی
تہ سمجھو خط نا جواب منکسی
توں ہوش کر کہ ایہہ وقت اک دن
گئے دناں نا حساب منکسی

خاتون شاعراں بچوں کملیش مینی چھوٹی بحر نی غزل بچ رمزہ اشاریاں نال گل کرنی ہین۔
فرقافیہ نی رعایت نال سوہنیاں سوہنیاں گلاں نے دفتر کھولی کے ستھری Diction بچ کے پتے نی گل
آکھنیاں ہین۔

ڈمسی پہانویں دگنا رہسی
دل اندر دل ٹھگنا رہسی
ایہہ دریا اڈپکاں آلا
آس نی وادی سکنا رہسی
دیسی جوف ہجر نا ڈاڈا
اتھروں اتھروں بکنا رہسی

آج نے انسان نی شک نی نفسیات تہ چہرے نے اُپر چہرے چڑھانے تہ منافقت نامزاج
کیاں ویدراہی کول پہنچیا۔

اندر نی گل اندر رکھیو، نہ لوڑو اس نال اتیراں
بندہ بندہ شکی ہویا، متھے سو سوبل اتیراں

شک وشبہ ناماحول انسان نے خون نا ڈھلنا، تباہی و بربادی نے حالات تھیں باخبر شاعر سید
بشارت حسین جاذب ہو غزل کی کیسا رنگ دینے ہین ملاحظہ کرو۔

دل میرا کجھ ڈول رہیا ہے
کدھرے اُلو بول رہیا ہے
کالی رات گپ ہنیرا

بوہا کیہڑا کھول رہیا ہے
موت نا کوئی بیوپاری بن کے
ساری تہرتی تول رہیا ہے

انتظار نے نہ ختم ہونے آ لے لمحے ملک دولت حسین درد کی وی دردنی سوغات دیتی گئے اوہ
وی بیڑے بچ آساں نے دیئے بالی کے محبوب نے رستے تکی تکی تھک گئے تہ اوہ آکھنے ہین ے

پھل سلو نے کلیاں تکدی آں
چن آویں گلیاں تکدی آں
گجھ آکھاں گجھ نہ آکھاں میں
کہہ آکھاں بلیاں تکدی آں

رتن سنگھ کنول وی اپنے اتھروں کی چھپا کے شریکاں نے ہاسیاں تھیں دؤرنسے ہین۔
پر شریکاں نے وار کدوں توڑیں انہاں وراثہ نہ کرن گے۔ اوہ آکھنے ہین ے
اکھیاں بچ تر دے اتھروں چھپاواں کس طراں
دا غ غم کو اسطراں میں پھلاواں کس طراں
اجاں اگلے زخم مولے ہی نیہ سن۔ ہور زخماں فی سوغات لئی کے ممتاز احمد ممتاز آئے تہ انہاں
فی کیفیت ملاحظہ ہووے ے

میں کدوں آساں توں وی آسیں
نسی گتھے توڑی جاسیں
دس بے دردا کچر توڑی
ڈم کلجے اُپر لاسیں

اک ہور خاتون شاعر نے جذبات غزل نے لوازم پورے کرنے ہوئیاں فراوہ وی نسوانی
انداز بچ شکایتاں تہ پچھوڑے نے ڈنگ لگے ہوئے حالات ناشعری روپ بچ اظہار ملاحظہ ہووے۔
ایہہ ہین قیومہ بیستی نے

کیہڑی گلوں چان گیاں نظراں تساہڑیاں
 کیاں میہ کہننے اوہ خبراں اساہڑیاں
 ملنے نی دے کی سی تانگ چروکئی
 اڈیکے بچ لنگھیاں نی عمراں اساہڑیاں

زندگی نے درد، ضرورتاں تہ حاجتاں تھیں ماریاں انسان ہر لمحے نا عذاب برداش نہ
 کرنیاں ہوئیاں شکانت نے جذبات لئی کے شاہباز راجوروی وی لمبی بحر نی غزل بچے
 زندگی ہے ندی درد نی لنگھنی ڈبیاں ڈبیاں، ترنیاں ترنیاں
 گھٹ پٹینن اس زہر نے ہی آساں، جینیاں جینیاں، مرناں مرناں
 پتہ میہ کیاں پہروسیاں نے نال مذاق ہونے رہے تہ فر اعتماد شکنی نے کفر تھیں گزرنا پینا
 ہے۔ ابھی جی گل عزیز دچھووی ہوراں نی غزل آکھنی ہے
 میں پہروسہ کر گیاں، اندھیر کر گیاں
 اس کو بنا کے اپنا ایہہ قہر کر گیاں
 بڑے اعتماد تہ پہروسے نال بلال لودھی (مرحوم) شکست خوردہ ذہنیت نے مالکاں کی آواز
 دینے ہین۔ اوہ غزل زمین بچ ملاحظہ ہووے۔

یارو ہسو ہسا کے دکھو
 اُجڑی بستی بسا کے دکھو
 ناسمجھی وی اک سمجھ ہے
 سمجھداراں کی سمجھا کے دکھو

پتہ میہ کیاں خورشید بیکل نے سب خواب ادھورے رہے تہ فر اوہ انہاں کی غلط ہون نا
 فتویٰ دیسی گئے۔ کتنے تھوکیاں تھیں ایہہ گزرے ہین۔ غزل نی زبان بچ ملاحظہ کرو۔
 خواب سارے غلط نکلے سبے تعبیراں غلط
 سارے اندازے غلط سن سبے تفسیراں غلط
 اوہ مگی لفظاں نے شیشے بچ کدے میہ ٹہال سی

اسنی تدبیراں غلط سن اسنی تقریراں غلط
 زمانہ کچھ سوچے وقت کچھ کرے پر نیاز احمد نیازی فی ہمت فی داد دینی پیسی جدوں اوہ آکھنے ہین ے
 گیت محبتاں نے گانا ہی رہساں
 ہر اک تھیں زخم چھپانا ہی رہساں
 اوہ بے وفا ہوئے لکھ واری
 پیار نی ڈفلی بجانا ہی رہساں
 پتہ نہیہ کس کولوں محمد شفیق مجتبیٰ مشورہ پچھنے رہن گے۔ غزل ملاحظہ ہووے ے
 اس کو ماہڑا خیال نہیہ میں کے کراں
 مگو وی کچھ ملال نہیہ میں کے کراں
 اک ہور نو جوان شاعر مرزا فاروق انوار شاعرانہ تہو کھا کھا کے سنبھلے تہ فراس ناکفارہ ادا
 کرنے ہوئیاں اپنی غلطی نا اعتراف وی کر رہے ہین تہ شاید گل انہاں کی سمجھ آئی ہے تہ اعتراف جرم نا
 اعلان غزل فی زمین بچ ملاحظہ ہووے ے

کنڈیاں کی گلاب لکھنا ساں
 پانیاں کی سراب لکھنا ساں
 دوستاں نی کرم نوازی کی
 جانے کیاں عتاب لکھنا ساں

وقت فی بے رحمی سیاست فی منافقت نے ستائے لوک تہذیب فی گہما گہمی بچ وی مایوسی
 نے شکار ہین۔ انساناں نے لہو فی فراوانی، نفرتاں نے تہورے فی شکایت جدوں پرویز مانوس
 کول آئی تہ انہاں کسٹراں اس کی غزل فی زمین و تی ملاحظہ ہووے ے
 کوئی نہیہ سُننا اتھے دلاں فی گل
 نفرتاں نے شہر کولوں دور چل
 رت ہے دُہلی جتھے انسان فی

کس طراں چلسی گا اس تہرتی پر ہل

بچ نفرتاں نے جتھے بیجے تھساں

زہر جمسی گا اس تہرتی ور کل

ستم پر ستم ہونے نے باوجود ستم کرنے والے تہ جس ور ستم ہوئے دوواں نے لشکارا ک رشتہ قائم رہنا
ہے۔ ایہی وجہ ہے کہ ملک کرامت اللہ درویشی، بحر بچ آکھی گئی خوبصورت غزل بچ آکھنے ہین ۔

مھلاں پر لشکارے ڈٹھے

رنگ نویں آج سارے ڈٹھے

چھولی اڈی تہ خیراں منگنے

درداں نے گجھ مارے ڈٹھے

غزل نے مواد کی پورا کرنا ہر شاعر نا فرض ہے۔ اقبال نسیم لوکاں نی اُس ”شجر ممنوعہ“ یعنی وفا
شعار پر سوچ نہ بنائی رکھنے نی ترغیب دینے ہین تہ اوہ آکھنن ۔

اس دور بچ راہ وفا کوئی نہ لوڑیو

کچی دلاں دی ڈور ایہہ ہر گز نہ جوڑیو

گل اتھے ہی بس ہونی تہ گل سی انہاں نی طبعیت نا ذائقہ بدلنے واسطے شراب کی پلاکے ڈھنی
عیاشی نا ثبوت دی دتا ۔

جام وصال پین دا ہے شوق بے شمار

ساقی در و دیوار تھیں خالی نہ موڑیو

فراوہ محبوب نی ”کنگی چوٹی“ نی شاعری جیہڑی روائتی غزل نی ضرورت ہونی سی۔ میر
عابد حسین اُس ور تکیہ لائی کے پرانے وقفاں کی آواز دینے ہین کہ جدوں اوہ آکھنن ۔

ہر خواب ماہڑے دی تعبیر توں ہیں

شیشہ دل بچ بسی تصویر توں ہیں

نظراں توں اوہلے ہٹی جینا ہے مشکل

انہاں پیراں دی زنجیر توں ہیں
 کئی جی جرخِ رمزیت نے لباسِ پنج امتیازِ نسیم بڑی سوئی تہ بر محلِ غزل لکھنے پنج اپنا مقام بنائی
 گئے ہیں۔

سپنے لگے سل اس برہیا
 ابھیا بھریا ہل اس برہیا
 کئی دُنیا دُوری دُنیا
 کس نال کرسو گل اس برہیا
 دلاں نا اوہ مندا نیہہ سا
 کس نے کیتا چھل اس برہیا

شریف زاہدوی عشق نے سیک تھیں تنگ لہے۔ تہ فرٹنے ہویاں کئی جرخِ غزل نے لوازم
 پورے کرنے ہیں۔

دل آکھے جے آسو تُس
 اتنا نہ تر فاسو تُس
 پھر بہار بنی ہے تکو
 شیشے کی آزما سو تُس

سورگواسی رگھیر چندرنامہ ہوراں نی غزل نصیحت نے نال نال حالات تھیں آگاہ وی کرنی ہے۔

ایہہ دنیا رنگ برنگی ہے نہ ماڑی ہے نہ چنگی ہے
 ایہہ وی تہمت اوہ وی تہمت ہر اک سوخانہ جنگی ہے

رفیق سوز نے سوئی Diction دے کے غزل لکھی ہے۔ نو جوان ہونے نے نال نال غزل

لکھنے نے فن تھیں خوب واقف ہیں۔ غزل نگار جرخِ پُر معنی ہے۔

پچو سچ گلانا او بکھا
 اپنا آپ بچانا او بکھا
 آکڑ تہ تنگ نظری نے سنگ

رُٹھا یار منانا اوکھا

غزل کی سمجھنا نہ فر لکھنا، قافیہ ردیف فی رعایت نے نال، نالے گجھ اک سچائیاں نے نال تہ
فر رشید قمر ہوراں فی Symbolic غزل ملاحظہ کرو ے

دلبر بے اعتبارا لگنا
فر وی ظالم پیارا لگنا
دور تکر ریتاں نی نگری
پانی بچ چہلکارا لگنا
یاداں نی چادر سنگ رکھیو
موسم پہارا پہارا لگنا

سرمایہ داری، حرص، لالچ فی ماری دُنیا بچ کس کی فرصت ہوئی کہ اوہ اخلاقی قدراں فی بحالی
واسطے گجھ اک پرانے تعلقات نا پہار چھنگسی فر آج نے انسان فی نفسیاتی تہ سیاسی سوچ نے اُس نا
خلیہ ہی بگاڑ دتا ہے۔ حسام الدین بیتاب ہوراں فی غزل ملاحظہ ہووے ے

آفر بیہئے رل اتیراں
پیار نی کریئے گل اتیراں
خبرے فر ایہہ کہنڑی نہ لھے
دُشمن ہے پل پل اتیراں
پُہلیاں دُکھاں کی کے روساں
لگے دوانے سل اتیراں

جہانگیر دانش ہوراں نے وی حالات فی نبض ور ہتھ تہری محسوس کیتا ہے کہ خود غرض لوکاں
انساناں فی ہستی کی جہنم بنا دتا۔ کلام ملاحظہ فر ہووے ے

بستیاں بچ فساد پہرکن لگے
کہنڑ شریفاں دے وی ہُن اُجڑن لگے
ہوگئی خواب نیندر راتاں دی

تہنیاڑے عجیب خوفناک گزرن لگے
 لعل دین مظلوم ہوروی حالات فی شکایت کرنے ہوئیاں آکھنے ہین ۛ
 میں پوجاں جس دیاں تصویراں
 ماہڑے دل دی کرگیا اوہ لہراں
 سید اقبال ملنگامی ہور ذہن فی کیفیت من فی بستی ناما حول ہجر نے غم نا تذکرہ لمی بحر فی
 غزل پنج کرنیاں ہوئیاں آکھنے ہین ۛ

دور دراہڈے بھلی بولے دل دیاں تاراں چھڑے کون
 اُجڑی اُجڑی من دی بستی آوے اسدے نیڑے کون
 ظہیر احمد کتبی وقت فی ڈونگی سازش پروں پردے اُٹھانیاں ہوئیاں آکھنے ہین کہ ۛ
 چہڑ ظلم نا قہر فی بارش، خون نا دریا چڑھسی گا
 نہ میں رہساں نہ توں رہسیں سار اعالم مرسی گا
 اس طراں غزل فی پرانی ضرورت عاشقی نے دور فی یاد، معشوق نے بے وفائی چنگی طراں بچکولے
 یعنی ملک مشتاق بھسم فی غزل نے شعر ملاحظہ کرو۔ جیہڑے روایتی انداز پنج ہین ۛ
 اپنے دل پنج بسائی گیا کوئی
 تہر اُلفت نا لائی گیا کوئی
 اوہ نہ اپنا نہ کوئی پرایا سی
 ستیاں یاداں جگائی گیا کوئی
 بالکل روایتی انداز تہ لمی بحر پنج لکھی گئی غزل وی اوہ ہاڑے تہ بیقراری نا اظہار کرشن کمار خاکی
 ہوراں فی زبانی سُو ۛ

جُہواں اُٹھنا ہر کوئی دکھے کوئی دکھے اساہڑا دل سڑیا
 اُساں جوگی کالی رات ہی سی اُس کسراں منیے دن چڑھیا
 جدید یا قدیم نے رنگ پنج رنگی ہوئی غزل فی جو خدمت کے دُئی مہنی نے کیتی ہے۔ اوہ سب تھیں

اک کچھ حیثیت رکھتی ہے۔ غزل نے لوازمِ نالِ خاطر کھدیاں ہوئیاں پہاڑی زبانِ ناما حولِ قائم رکھدیاں ہوئیاں خوبصورت لفظاں نا استعمال انہاں نا حصہ ہے۔ کدے کدے تہ انہاں نا ڈکشن نہ صرف پہاڑی زبانِ پنج دُورے شاعراں استعمال کیتا بلکہ دوئیاں زبانان نے شاعراں دی گچھ اک حصہ اتھوں لیا ہے۔ تھری ہوئی ہو غزل نی ساری روایت تازہ کرنیاں ہوئیاں کدے ڈی، مینی نیاں غزلاں اپنا اک جواب ہین۔ انہاں نے اپنی ماء بولی ناحق شعری، تاریخی، تہذیبی تہ نثری انداز پنج ادا کر دیتا ہے۔ غزل ملاحظہ ہووے۔

جُدائی نا جفر اپنے کلچے جھالسی کیہڑا
غماں نی رات کی نیناں نے اندر پالسی کیہڑا
چلو یاداں نی بستی چھوڑ کے کدھر چلے چلے
اتھے جُتے کی اپنے اتھروں اتھروں گالسی کیہڑا

غزل نے باغاں نی خوبصورتی، اُردو ادب نے چنگے چنگے لفظاں نال فر انہاں کی نگینے ہاروں جوڑنا، حرفاں نی رعایت نے نال کدے کدے رومانی انداز پنج سادہ من موہنا سلسلہ قائم کرنا ڈاکٹر صابر مرزا نام ہے۔ ہلکی پھلکی غزل جدید تہ قدیم رومانی انداز پنج آکھنا انہاں نا حصہ ہے۔ حرفاں نے نال انہاں نی کھیڈ ملاحظہ کرو۔

زور اپنا آزما یا اُس وی
پتھراں کی پتھرایا اُس وی
شیشے چکنا چور نے کیے
پھلاں کی زخماں اُس وی
لکیاں لیکاں دُور نسا نیاں
ہور اک لیکھ لکھایا اُس وی

غرضیکہ پہاڑی غزل قدیم تہ جدید نے سفر نے بشکار ہے۔ پہاڑی شاعر حضرات روایتی انداز کی متا سارا اپنا نے ہین، پر جدید دُور نیاں ضرورتاں تہ تقاضیاں کی سمجھنے تہ برتنے واسطے اجاں متے

سارے مطالعے کی ضرورت ہے۔ اس نے نال ہی غزل کی خوبصورتی لفظوں نے استعمال نال ہے کہ شاعر لوک نویں نویں تجربے کسراں کرنے ہیں۔ پہانویں جیاں اس ویلے اس شاعری نے اندر گھڑا اک الفاظ سب شاعراں کو لبرتاے گئے ہیں۔ آج وی برف، شیشے، آگ، لہو، پتھر، ریت، موسم، آنگن، شہر وغیرہ جے الفاظ پہاڑی شاعری نامعقول حصہ ہیں، پر انہاں تھیں اسیں جدید غزل نے قافلے نال شمار نبہہ کیتے جاسکے، یا تہ عمیق حنفی نے قول نے مطابق ”ہم کم کردہ راہوں کیلئے کیا ٹھیک نہ ہوگا کہ اپنا سفر از سر نو وہاں سے شروع کریں جہاں آدم پتھر کا مگدر تھا، کبھی اپنی بانیں پسلی کا تازہ زخم دیکھتا تھا“۔

فریا غزل کی شراب، شباب نیاں گلاں دوہرا کے ذہنی عیاشی نیاں اڈیاں ور بہہ جاو، ہرگز زرنے والے کی والہانہ عشق کی آواز دے کے دیدار ناگدا منگو لایا۔ آج نے حالات نال اکھاں ملا کے گل کرو تہ انسان نا اندرونی کرب، اسنی تفسیر کسے خوبصورت لفظوں نے ہارنچ پرو کے غزل نے لباس بچ اظہار کرو۔ انہاں دواں طریقیاں نال پہاڑی غزل نا نکھار ہو سکی گا۔ نبہہ تہ ریت نے بندھ نبھی کے ٹسا ہڑادریا کی ڈکنے نا جتن بالکل بے فائدہ وی رہسی نالے بے معنی وی۔

پہاڑی غزل گو حضرات کی گھسی پٹی شاعری کی خیر آباد کرنا ہووی۔ ہُن جاندار خوبصورت، با معنی تا با مقصد غزل کی ضرورت ہے۔ نری تنگ بندی تہ قافیہ آرائی کسے غزل نیاں ضرورتاں بچوں نبہہ۔ آج نے انسان کی اقتصادی، داخلی، نفسیاتی، سیاسی تہ سماجی ضرورتاں لتاڑ گئیاں ہیں تہ اگر اسیں دیانت داری نال اس انسانی حالت کی زبان نہ دے سکیاں تہ فراسیں کوئی خدمت اس زبان کی نبہہ کر سکن لگے۔ پہاڑی باشعور حضرات کی سنجیدگی نال اس پر سوچنا ہووی!



پہاڑی زبان بچ ظرافت نگاری

انسان قدیم دور تھیں رسماں تہ رواجاں نیاں چھمیلیاں بچ پھسیرہیا ہے۔ انہاں رسماں نے آدمی کی اصلی خوشی خورے دتی ہی ہوسی پر اس نے ڈم بڑی چرتک اُس کی احساس نادیا چنگان بچ مدد دینے ہوسن۔ اسے طراں اصلی خوشیاں نی متی ساری دولت پریشانیاں نے بدلے بچ دیتی دتی۔ خاص کری کے آج نا انسان متی ساری رونق بچ کھلمکھل ہوئی گیا۔ اس نے منہ بچ ہاسیاں نیاں گلاں بند ہو گیاں۔ آبادی نے بے تحاشہ سیلاب جنگلاں نی ہریالی کھائی گیا۔ روٹی کپڑا آج انسان کی اپنے کھر بچ بے کھر کری گیا۔ مہنگائی، دو نمبر نے مال ور پلنے والے سماں نی زور زبردستی انسان کی کھائی کے بنا ٹھکنا کری ہے۔

کشتافاں نیاں مسلیاں تہ اس تھیں پیدا ہون والے اثرات تھیں فرسائنس نے نویں نویں دریافت تھیں ”Black Hole“ نے امکانی نقصان تھیں پانی نے ذرائع نی کمی تہ فر ریڈیو، ٹی وی نے جتھے نویں تجربات تھیں انسان کی روشناس کرایا، اُتھے اس کی بے آرام تہ ڈونگے کھڈ بچ سٹی چھوڑیا۔ تہ آج ادب اس پریشان حال انسان کی ذرا چر آرام لین دینے بچ مددگار ہو یا۔ نہ سنگیت نا اتار چڑھاؤ اسی زخمی تہ دکھی روح کوئی دیرستان ناموقعہ دے سکی۔ فر مشکل ہے کہ اوہ اپنے چہرے ور بناوٹی ہاسے کی آنے۔ اسی وجہ تھیں آج نا انسان Thomas Hardy نے فلسفے کی اپنے گلے نال لائی رکھی پافانی بدایونی ہارں رونیاں تہو نیاں زندگی گزارسی گا۔ جدوں کدے اُس کی خوشی نا کوئی نکاجیا جزیرہ لہسی، اُس ورستانے واسطے اوہ سوچسی تہ سہی۔ وراسناں پھکھا پھڈ بال بچے نی پھکھ تہ تنگ اُس کی جیاں جگہاں تھیں بے کھر کری دیسی۔ انسان نے تہذیبی سفر بچ پہنایں بڑی ہی ترقی کیتی ہے۔ اور اوہ اپنے اندر خوشیاں نے کوئی لمحے نیہہ بنا سکیا۔ اسے طراں نی در بدری بچ تھکے، تھیلے کھانا ایہہ انسان اپنی کئی جی دنیا بچ گم ہوئی کے رہی گیا۔

اچھے حالات بچ پہاڑی زبان نے لکھاریاں نے ازلی پریشانی تھیں پل پہر ادھر ادھر

لے جان واسطے نثری ادب بچ کھٹ پر شاعری نے ذریعے تھوڑا جیاً کم کیتا۔ اس زبان نے شاعراں نے سیاست نے کباڑ خانے تھیں کجھ ہک لفظ چھنگی کے چچیاں، فی شکل بچ Satire نے انداز بچ عوام نے سامنے رکھے، کدے دور دراز پہاڑ ان نے بچ بگنے ہوئے دریاواں فی روانی تھیں فائدہ اٹھائی کے فطرت نے نال نال پلنے والے لُسن فی تعریف وی کیتی گئی ہے۔ کدے ”بلے“ نے انداز بچ قوم فی تھکاوٹ کھٹ کرنے نیاں نویاں نویاں ترکیاں وی سوچیاں۔ انہاں ادبی شاہپاریاں نے عوام نے دلاں بچ بڑا اثر پیدا کیتا۔ ایہی نیہہ بلکہ سماج بچ خوشامدی لوکاں نیاں چالاں کی وی پیش کرنے بچ فیاضی ناکم کیتا۔

اساں فی ہمہ رنگ سماجی زندگی ور بشیر مرانی نابلہ اکبر آبادی نامونہ پیش کری کے لوکاں نے منہ فی پیلاہٹ کی ذرا دور کرنے بچ کامیاب ہوئی گیا۔ پہانویں ایہہ واقعات نگاری فی صنف بچ ہی ہووے پر اُس ور رجائیت Optimistic View نا خاصہ مکمل رکھانے بچ کامیاب ہوئی گیتا۔ اس طراں بلے نا کر توت بیان کرنیاں ہوئیاں اوہ آکھنا:

بلے ماہڑے فی مانکی اماں جس جمیا ایہہ چھد نکما
جاندی واری کہہ گئی پے جائیں لماں بلے ڈلے بشکاری کھلیا
منجلیں منجلیں رُ بلیا
قدے قدے رُ بلیا
بلے ماہڑے نے کیتی کمائی ڈیڑھ پاکی ساری تہاڑی راہی
رُ نے فی بلے کی دتی تہائی، سرگی جگہ یا تہ دیگر ہُن آئی
بلے ماہڑے ٹھوکاڑی چلیا!

بدلے دور نے نال نال آج نا انسان وی گجھ ہک قدر اں کی اپنے نفس فی خاطر تار کے خوشامدی گلاں نے نال اپنے پیٹ فی اگ بھانے نے جتن کرنا ہے ہک انسان کیاں ہر روز ہر سیاسی دکان تھیں سودا خریدنے نے جتن کرنا ہے۔ پہانویں سودا اُدھارنا ہی ہووے۔ پر ہر روز چڑھنے دیہنہ کی سلاماں کرنا اسی فطرت بنی گئی ہے۔ اسی مثال اس آوارہ گاہ ہاروں ہے جیہڑی

بازار تھیں لنگھیناں ہونیاں ہر ایک بوری درمنہ مارنی ٹرنی ہے۔ تہ فر دکاندار اس نی پہانویں
مرمت وی کرنا ہے پراوہ اپنی عادت تھیں مجبور ہے۔ کچھ ایجیاں گلان بیتاب پونچھی نے چچے تھیں
طاہر نیاں ہین۔ اوہ اس دور نا نقشہ کتنی خوبصورتی نال چھکنے ہین۔

لکڑ جست سٹیل تانا، بیتل ہو

سو نے چاندی نے لوک بنان چچے

پہانویں ہووے حرام جھٹکا

ہر دیگ بچ منہ چلان چچے

گوشت کھیر وپلا روٹن جوش یخنی

کڑی دال بچ دُم ہلان چچے

اسے طراں شاعری نے بھید بھاؤ، اُتار و چڑھاؤ، جدید تہ قدیم فلسفہ غزل نظم نے
تہندے تہ جدید تہ قدیم غزل نے بکھیرے تھیں دور ہٹائی کے ہلکی پھلکی عوامی زبان بچ دریاواں
نے کندے، چناب نے شباب تے درابے نے جنگل نے سارے خوبصورت ماحول کی اُس
کا فرادہ جوانی نال جوڑ کے اس نے شباب کی شراب نال جوڑ نے بچ صابر مرزا ہوراں نے
گیت بو جھل دنیا بچ کتنا سکون دینے ہین۔ ملا خط کرو۔

گڑیئے درابے پے، گپے شرابے پے

تنگی گھٹی گھٹی سینے نال نالاں، لے سدھراں مکاں

گندے گلابے پے، گڑیئے درابے پے

ٹھا کر کشمیر سنگھ ہوراں نے وی اپنی شاعری بچ ایہہ رس نچوڑنے نی کوشش کیتی۔ پراوہ
سماجی خاکے پیش کرنے بچ ہی گم ہوئی گئے۔ تہ واضح طور و زلفا نا دروازہ نہ کھول سکے۔
پہانویں ”پتہ تگی غریبی نا لگ جانا“ جے شدت گلے اپنے نال رکھے وی تہ سڑنے وی رہے، پر پتہ
گسکی لگا، ایہہ راز وہی جانے ہین۔

شعلہ صاحب نے وی اس صنف بچ لکھنے نی کوشش کیتی۔ پراج پھڑکی یا گل پھڑکی تھیں

اگے نہ لنگھ سکے، اوہ فکر مند زیادہ رہے کہ اگر پہڑ کی گئی۔ تہ فائبر برگڈ والیاں کی خبر وی دینی ہے۔ اس واسطے اوہ Susense کی زیادہ بنائی رکھے، سچ کی نہ دسن بچ اوہ کامیاب ہوئے نہ ہی انہاں ایہہ کرنا سی۔

پہڑ کان تھیں بعد اوہ بچھانے نی فکر بچ زیادہ ہے۔ کچھ ہور لکھاریاں وی لکھنے نی کوشش کیتی۔ پر انہاں نا نمونہ کلام شیرازے کی قید بچ نہیہ ملیا۔ اس واسطے میں انہاں نے بارے بچ گل کرن واسطے ذرا خاموش ہی ہاں۔ تاہم محمد شفیع ظفر ہوراں نے کھر بچ کھڑ کھڑ پیدا کرن والے ”چوہے“ نی خوب خبر لئی ہے۔ جیہڑے ادھر اندھیر آیا، ادھر اوہ وار ہوئی گئے۔ سچی گل شائد انہاں چوہیاں نے حق بچ ہی آکھی ہووے، پر رمز شاید کدے انسانی شکل بچ انہاں چوہیاں نے پاسے نہ ہووے جہڑے دو نمبر نے مال بوڑ نے بچ چنگی مہارت رکھنے ہین۔ جیہڑے دوئے نے مال وراپے شیش محل بنانے ہین۔ اوہ آکھنے ہین۔

اس دنیا بچ کہہ دساں کم کردے نے لکھے ہزار چوہے

کدھرے چھت بچوں کدھرے کندھ بچوں کدھرے بچوں ڈیرے نمودار چوہے
نثری ادب بچ کوششاں جاری ہین کہ انسان نے چہرے ور پئی ہوئی حالات نی دوڑ چہمنے واسطے ظرافت نا کوئی پہلو پیدا کیتا جائے۔ پر ایہہ اجاں اپنی شیر خوارگی بچ ہے پر اس بچ پطرس بخاری یا شمیم احمد شمیم نا مزاج نا پیدا کیتا جاسکلیا، ہو سکنا ہے پہاڑی لکھاری اپنی ذمہ داریاں کی سمجھ کے اس طرف وی سفر کرن۔



سوشل میڈیا نا پہاڑی زبان اُپر اثرات

ابن خلدون نے آکھیا سی:

”انسانی تاریخ کے دھارے ایک تخلیقی رو میں مسلسل
بہہ رہے ہیں اور یہ بڑھتے ہی چلے جائیں گے۔ نہ تو ان کا راستہ
پہلے متعین ہے نہ ہی کہیں پر ٹھہرتے ہیں۔ نہ ہی ایک جگہ بھنور کی
طرح چکر لگاتے ہیں۔“

(اقبال کا نظریہ خودی صفحہ ۱۹۱)

اس قول نے حوالے نال کسے جگہ زیادہ چر توڑیں ٹھہرنا انسان فی فطرت نا خاصہ نیہہ
رہیا۔ تبدیلی نا تواتر نویاں قدر اں نا استقبال پُر انیاں سوچاں نا انتقال زندگی کو خوبصورت تہہ با معنی
بنانے اگڑ ہے فطرت نے فیصلے نے مطابق سارا تخلیقی عمل رکنے یا سستانے تک ہی محدود نیہہ بلکہ اسی
ساری توانائی اسے گل بچ ہے کہ اتھے تبدیلی نا مزاج ہر ویلے تہہ ہر حالت بچ اپنی دوڑ جاری رکھے۔

پشلیاں ست دبا کیاں بچ جس تیز رفتاری نال سائنس فی ترقی تہہ کمپیوٹر نا راج اپنا سکہ جما گیا
ہے ایہہ کمال حد تک حیرت انگیز ہے۔ نویں نویں تجربات ہوئے۔ سوچاں بچ وی اک قسم نا انقلاب پیدا
ہو یا۔ فرسودہ خیالات بلیں بلیں اپنا بستر گول کر کے رخصت ہو رہے ہیں۔ انہاں فی جگہ انسانی شعور
نے لے کے دُنیا اُپر ثابت کر دتا ہے کہ آج نا انسان حقیقتاں کی اُس فی ننگی حالت بچ تک کے اپنا
نظریے تہہ عقیدے فی تازگی حاصل کرنا ہے۔ کل تک جیہڑی گل راز بنی ہوئی سی آج باندے با چھڑنڈر
آ رہی ہے۔ نالے سب پڑھے لکھے یا اُن پڑھاں فی یادداشت نا حصہ بن چکی ہے۔ آج نا انسان تہرتی
نے سارے راز ممکنہ حد تک جاننے نا حصہ دار بن چکیا ہے۔ ہُن ایہہ تہرتی تُوں اگے خلاء بچ
نویاں نویاں کالونیاں بنانے نے منصوبیاں نے بارے بچ سوچ رہیا ہے۔ زندگی نے ہر مدان بچ کھوج
نا دفتر کھول دتا ہے۔ ایٹم یا خلیہ (Cells) تُوں لے کے چن تہہ مرتخ تک پچھنے تہہ اسکی مخزن کرنے نے

منصوبیاں اُپر کم کر رہا ہے۔ ایسے سارے اسباب انسانی شعور اُپر اپنا قبضہ جما کے آگے آگے بدھنے نے سلسلیاں نال جُڑ چکے ہیں۔

اس گل بچ کوئی مضائقہ نہ کہ آنے آ لے پنجہ سالوں بچ دریا فتاں نیاں ساریاں سرحدوں عبور کر جانے نی راہ اُپر آج انسان عمل پیرا ہے۔

انسانی سفر ناجدید دور اجاں پنجہ سالوں نے آس پاس ہے۔ جدوں ریڈیو نیاں نشریات شروع ہوئیاں، اس نے اثر انداز ہونے نال مذہب، ثقافت تہذیبی اُٹھان تہ اُڑان نال سلسلہ شروع ہويا۔ انسان کی ریڈیو نی ایجاد توں جتھے عالمی حالات تہ واقعات نی سدھ بدھ ہوئی اُتھے ہی فلماں نے اثرات تہ نویں سوچاں نے داخلے بھی شروع ہوئی گئے۔ پُرانی وضع قطع کی وی خاصہ متاثر کیتا۔ وہم پرستی نال جمود ٹٹیا تہ سچائیاں اِسی جگہ اپنا ڈیرہ سٹیا۔ دل تہ دماغ اُپر بنایاں ہوئیاں شکلاں نے قلابے بدلے نویں تہذیبی زندگی بچ بلوغت نے اثرات ملے۔

اسے نال ہی ٹیلی ویژن نی ایجاد نے انساناں کی ہور بچے کچھے جمود فتوتوں باہر نی طرف آندا۔ مشاہدیاں نی دولت ہتھ آئی۔ رہن سہن نے طور طریقے بدلے۔ غذائی ضرورتاں بچ تبدیلیاں آئیاں۔ اس طراں انسان نیڑے توں فطرت نے نال چلنے سمجھنے تہ سوچنے اُپر مجبور ہويا۔

گل اُتھے ہی بس نہیہ ہوئی۔ زباں و بیان اُپر بنی عمارت اک نھری ہوئی بچ دھج نال چمکی سفری سہولتاں بچ نزدیکیاں نی وجہ توں اک دُورے نال افہام و تفہیم آلا ذہن پیدا ہويا۔ اسطراں ساری دُنیا اک گلوبل گراں Global Village نی صورت بچ نیڑے نیڑے آگئی۔ ترقی نے سارے بوہے گھلے۔ خود انحصاری توں بدھ کے عالمی معیشت اُپر انحصار کرنا شروع ہويا۔ بڑی تیزی نال Whats App، فیس بک، Face book، وائی فائی، Wifi، کائیز، Kies، ٹویٹر، Twitter، یوٹیوب، UTube، بروزر، Browser، اوپیرا مینی، Opera Mini، انسٹاگرام، Insta gram جے سوشل میڈیا وجود بچ آئے۔ انہاں نے ذریعے ساری دُنیا نے لوک اک دُورے نال رابطے استوار کرنے بچ کہٹ توں کہٹ وقت بچ کامیاب ہوئی گئے۔ انہاں رابطیاں نے متے سارے فائدے تہ اتنے ہی نقصان وی ہوئے۔

ہر اک نکا بڑا اُتھاں سہولتاں نے ذریعے ہر قسم ناپروگرام تکنے تہ انہاں بچ شمولیت پیدا کرنے

اُپر قدرت حاصل کر چکیا ہے۔ دُنیا نے ہر خطے کی زبان، ثقافت تہ رہن سہن نال واقفیت حاصل کرنے بچ وقت نہیہ محسوس ہوئی۔ گلاں کی ترسیل ناذریعہ عجیب حد تک آسان ہوئی گیا۔ گلوب نے اک حصے توں دُوئے حصے بچ پیغامات، گلاں باتاں تبصرے، بحث و مباحثہ تہ ہور دُوئے طریقے کار نے اک بڑی تبدیلی نے بشکار انساناں کی آنی کھلا کیتا۔ خط و کتابت نے طریقے بدلے۔ ہُن میل جول نیاں سہولتاں آیاں۔ فاصلے کہنے وقت بچیا۔ جسمانی تھکاوٹ نے عذاب توں بچے سفری ضرورتاں مختصر ہوئیاں۔ پر اس طراں نیاں ساریاں سہولتاں نے سب توں زیادہ نقصان علاقائی زبانوں کی ہويا۔ جتھے موجودہ انٹرنیٹ نیاں سہولتاں نے دماغی طور اُپر انساناں کی مصروف ترین حالت بچ چھوڑیا۔ اُسے انٹرنیٹ نے انگریزی آلے پاسے ہر اک نارِ جان موڑ دتا۔ بقول ہک محقق فُدارا جو روی نے:

”اس منظر نامے بچ ایہہ گل یاد رکھنی پسی جے اک سروے نے مطابق دُنیا نیاں بہتر زبانوں بلیں ختم ہو رہیاں ہیں۔ گجھ نزع نے عالم بچ ہین، گجھ مہلتی بخاراں بچ۔ روز بدلن آلے سیاسی منظر نامے، سیاسی جبر، لسانی یلغار، عالمگیریت ہو رگلوبل ویلج نے بے اصول تصور نال ایہہ بد حالی تہ تبدیلی ہر جگہ ہر گراں ہر کُھر پچی ہے۔“

(شیرازہ پہاڑی ۲۰۱۲ء)

اس حوالے نال بحیثیت مجموعی سب علاقائی زبانوں نے نال نال پہاڑی زبان اُپروی زوال نیاں بدلایاں چھا کے اس نے اُگے بدھنے نے موقعے کہنے جارہے ہیں۔ اس طبقے کی زبانوں حالی بے روزگاری تہ مایوسی اپنی زبان آپ ہے۔ انگریزی زبان کی یلغار نے سامنے ساریاں زبانوں بے بس ہوئی گئیاں ہین۔ ہر رنگا بڑا متبادل لفظاں کی موجودگی نے باوجود انگریزی نے لفظاں نال اپنے مُنہ ناذائقہ بدل رہیا ہے۔

اُج پہاڑی بولنے آلے لوک اپنی زبان بچ گل بات کرنے بچ شرم محسوس کرنے ہین تہ لنگڑی جی انگریزی ناسہارا لے کے گل کرنے بچ لطف محسوس کرنے ہین۔ اُج نا پہاڑی نوجوان ہی بیہہ بلکہ

گو جری ہور کشمیری بولنے آ لے دی اسا ہڑے علاقے پنج انگریزی نے بودھے دسترخوان اُپروں ہڈیاں چبانے ناذائقہ محسوس کر رہے ہیں۔ آج نے سرکاری یا غیر سرکاری ادارے انگریزی نے حوالے نال زیادہ معروف تہ مشہور ہیں بہ نسبت ہور ثقافتی تہ تہذیبی سرگرمیاں نے۔

زبان ہمیشہ روزگار نال جُوی رہوے تہ اوہ زندہ رہ سکنی ہے۔ اس نے نال سرکاری سرپرستی نے حوالے نال کجھ دھڑکی پر اس ناعروج نہیہ نصیب ہونا۔ اک وقت پالی زبان ناچلن دریا گنگا ٹوں لے کے دریائے کاشغر تک سی۔ مشہور شاردا پیٹھ پنج اس زبان ناچلن سی۔ پر حکومتی تبدیلیاں نے اس نے اثر کی سنسکرت تہ فرہور علاقائی زبانان نی ترقی ملنے اُپر زائل کر دتا۔ آج پالی زبان اوپری لگتی ہے۔

اُردو زبان ناچلن بھی برصغیر پنج کھٹ گیا ہے۔ اسی جگہ علاقائی زبانان نارواج چلیا۔ پر اس قول نے مطابق ”کو اچلا ہنس کی چال اپنی چال بھی بھول گیا۔“

انگریزی نی یلغار نے ہندی کی وی متاثر کیتا، پر اُردو زیادہ نشانے اُپر رہی ہے۔ اُردو نی جلا وطنی علاقائی زبانان نال ہوئی۔ پر علاقائی زبانان روزگار نال نہیہ جُوسکیاں۔ اس واسطے ”دھوبی کا گھٹا نہ گھر کا نہ گھاٹ کا“ آلی گل ہو گئی۔

آج روزگار نا بوہا انگریزی نی گنجی نال کھلنا ہے۔ اس واسطے موجودہ نسل اُس سونے نی گنجی نی کھونج در بدر ہے۔ کارپوریٹ سیکٹر تہ عالمی منڈی پنج وی انہاں زبانان نا عمل دخل نہیہ۔ اس ٹوں بد بیک ایہہ گل وی ہے کہ زبان نے حوالے نال جیہڑے اپنی ثقافت نال جُونے سُن اوہ اپنے طور طریقیاں تہ اپنی روایات ٹوں دستبردار ہو چکے ہیں۔ اس طراں کئی اک قسم نیاں دراڑاں ترقی نے مدان پنج حائل ہو گئیاں ہیں۔

نئے دور نے تقاضے بھی نویں ہوئی گئے۔ جس مقصد تہ جس ماحول پنج سیف الملوک نا تخلیقی سفر ہو یا سی آج اسکی قائم رکھن نا کوئی دستور نظر نہیہ آنا۔ نہ اوہ ڈکشن Diction تہ ہی اُسنا اسلوب کسے نویں دور نے لکھاری کول آسکیا ہے۔

نویں دور نا چلیج اتنا مشکل ہے کہ اس اُپر کجھ سوچنا ہی اپنی جگہ دُشوار ہے۔ انگریزی ادب توں اُردو نے جدید ادب پنج چھال ماری، پر جدید ادب اُپر نہ ٹھہر یا گیا۔ فرنواں اسلوب لے کے مابعد جدید

بیت (Post modernism) تک سفر کیتا گیا۔ اس زمین اُپر جہاں لفظاں نی کاشت ہوئی، اُنہاں نے اضافی معنی کڈھنے اُپر جتن کیتے گئے نہ کہ لغت نے اعتبار نال معنی اخذ کیتے گئے۔ اس طراں اک ہور گورکھ تہند اپیدا ہو یا، جیہڑا علاقائی زبانناں سمجھنے تہ برتنے نا حوصلہ میہ رکھنیاں۔

اسطراں ایہہ زبانناں الیکٹرانک میڈیا نے خول بچ پچھنے تُوں پہلاں دُشوار گزار مرحلیاں بچ اُنگی کے کوئی آسان تہ عام فہم ذریعہ تلاش کرسن، پر ماحول اس بچ کسے حد تک ساتھ میہ دے سکے گا۔

ایہہ وی معاملہ توجہ طلب ہے کہ جیہڑا اسلوب انگریزی نے اُردو کی دُتا، اُس اُپر چرچے کیتے۔ اوہ ماحول اُردو یا ہور کسے حوالے نال پہاڑی زبان کی نہ مل سکسی۔ اساہڑی سوچ انگریزی تُوں اُدھاری پڑھائی اُردوئی..... تہ مادری زبانناں کیہڑے چور دروازے بچوں اندر داخل ہوئی تہ اُسکی اپنی اصلی شناخت مل پاسی؟

ایہہ گل بجاطور اُپر محسوس ہوئی ہے جے جس رفتار نال سوشل میڈیا اگے بدھ رہیا ہے، اسے رفتار نال اساہڑیاں مادری زبانناں متاثر ہو رہیاں ہیں۔ ایسا وی ہو سکنا ہے جے علاقائی زبان خورے زیادہ آسان نا ساتھ نہ دیتی سکے تہ مستقبل بچ انہاں اُپر زوال آنا نظر آرہیا ہے۔ اُسی بڑی وجہ نوں نسل اپنے سارے تجربات نے باوجود زبان دانی نے حوالے نال کوری بنی ہوئی ہے۔ پُرانی نسل نے خاتمے تُوں بعد ایہہ زبانناں اپنی موت مر جاسن تہ اس زوال اُپر کوئی اتھروں کڈھن آلا وی میہہ ملے گا۔



پہاڑی افسانے نے خدو خال

داستان گوئی، قصے کہانیاں کرنا انسان فی فطرت بچ داخل رہیا ہے۔ پہناویں کہانیاں کرنے والے پڑھنے لکھے ہوئے یا نہ، قوتِ حافظہ فی بدولت پہاڑی معاشرے بچ مخلوط سماج نے سہارے دادی اماں ناکردار ہی کہانیاں سننے یا کرنے نارہیا ہے۔ جدوں نویں تہذیب نے اپنی چھاپ نیمہ سی چھوڑی تدوں غیر تقسیم شدہ خاندانوں بچ ہک دادی اماں یا نانی اماں نا تصور اس گل فی دلیل سی کہ انہاں فی چھو لی بچ ہک بچہ سی، دوئی، بگل، پٹھ، دوا بچہ، سب تہ کھے پاسے وی کوئی بچہ دادی اماں فی چھو لی فی گرمی، نیندر نے انتظار بچ کہانیاں ناسر تہ تال جوڑ کے آسودگی پارہیا ہونا سی۔ فردادی اماں انہاں کی کوئی کہانی نا ٹوٹکا سُنانی، جدوں تک کہ ادہ سو جان تہ اسے دوران انہاں فی ماء چلھے چوکے نے کم توں فارغ ہونی۔

ایہہ گچھ واقعات انساناں فی زندگی بچ کہانیاں فی حوالے نال موجود رہے۔ فر تعلیم نارواج بستیاں بچ آیا تہ ایہہ لوک کہانیاں ہن باقاعدہ رواج پان لکیاں۔ پہاڑی زبان نے حوالے نال لوک کہانیاں موجودہ کہانیاں لکھنے نامنڈھ تصور کیتا جانا ہے۔ فر افسانے، لمیاں کہانیاں وغیرہ نا ذکر چھڑ جانا ہے۔ پہاڑی زبان بچ کہانیاں لکھن آ لے طبقے نا تعلق بنیادی طور اُردو زبان نے نال رہیا۔ یا تہ انہاں اُردو زبان نے مزاج structure توں متاثر ہو کے لکھنا شروع کیتا یا ذہنی آسودگی نے نال فنی صلاحیت کی اُجاگر کر کے لکھیا۔ بہر حال جووی ہو یا ایہہ سلسلہ کدے تہ اُردو نال جڑو یا کدے انگریزی دان طبقہ وی اُس ادب بچ ابھرے ہوئے شاہکار نے اثر توں متاثر ہو کے کہانیاں فی طرف نکلیا۔

انگریزی زبان بچ کہانیاں لکھنے نارواج بڑا پڑانا ہے۔ جیہڑا دماغ انہاں کہانیاں توں متاثر ہو یا، اُسے پہلاں پہلاں اُردو نا سہارا لے کے لکھیا، فر اُردو نے بعد ہک مخصوص جی ٹھیل نے انہاں کی پہاڑی زبان فی طرف موڑیا۔ طریقہ اظہار پہناویں پہاڑی لباس بچ سی، پر اسنا حولی یا چھاملہ اُردو نا یا انگریزی ناسی۔ گچھ اک ہی لوک انگریزی چھاپ کی اپنا چکے ہون گئے پر زیادہ لوک پہلاں

اُردو کی چھوٹی بچ بیٹھے، سستے، سستائے، فر انہاں ذائقیاں کی نال سمہال کے پہاڑی فی زمین پُر اُترے۔ اُنہاں نے تجریاں ور کدے سعادت حسن منٹوسی، کدے کرشن چندر، کدے پریم چند، کدے شیکسپیر، کدے پطرس بخاری، کدے ٹھاکر پونچھی وغیرہ سن، پر افسانوی ادب پر رومانس Romance منظوم قصہ ”منٹوی سیف الملوک“ نے حوالے نال پہاڑی مزاج تہ شعور بچ داخل ہونا ملنا ہے۔ لوکاں نے اپنے اپنے مزاج نال اس قصے فی کھوج کیتی کسے نے تہ اسکی روحانی وادیاں فی سیاحت نال جوڑ کے پرکھیا، گجھاں اسکی حس لذتیت فی طرف اک ”سُر کا“ سمجھ لیا۔ اسی تابعداری کیتی تہ فرسارے پہاڑی لکھاری اپنے اپنے لفظاں تہ استعاریاں نے لباس بچ لکھنے شروع ہو گئے۔ ایہہ گل وی حقیقت نے نیڑے نیڑے ہے کہ پہاڑی لکھاری موجود منظوم قصے کہانیاں فی ہی پیداوار ہین۔ کیاں جے انہاں نے قریب تر نا جغرافیہ ہی قصہ چہار درویش، توں کھسکنا، کھسکنا، قادریا، تک، فر بیان عشق، توں تلکناں تلکناں، یوسف زلیخا، تک، ہی ملنا ہے۔ جس نے وی اس حد نے اندر لکھنے نا ارادہ کیتا تہ اوہ اُس والہانہ عشق فی ادا توں کیاں بچ سکنا سی، جیہڑا کسے نہ کسے طراں انسان فی فطرت نا لازم حصہ بنیا رہنا ہے۔

پہاڑی افسانے فی شروعات روایتی طور طریقیاں نال ہوئی۔ ایہہ قصے کہانیاں نا کوئی ڈوہنگے مطالعے پُر دار و مدار نبیہ سی۔ بلکہ بالکل اوٹلا اوٹلا معاملہ سی۔ پہناویں اس نا کوئی پلاٹ Plot سی یا نبیہ سی، اس فی شروعات کوئی مفہوم Theme لے کے سی یا اوٹ پٹنگ سی، اس نال آغاز تہ انجام معنی خیزی ہور نتیجہ خیزی یا نبیہ، تاہم اوہ لکھاری بڑے بے پرواہی نال کہانی کار نا کھاتا اپنے حصے نال جوڑ رہیا سی۔ اس گل توں انکار نبیہ جے پہلی کہانی پہناویں کوئی نری ٹک بندی ہی ہوسی، لیکن اس صنف نا معراج بن واسطے اس کوشش فی سراہنا کرنی ضروری ہے۔ شروعات کرنا کسے حوصلہ ارادی تہ وجدان نا کم ہے، اس واسطے اُس کہانی کی اسی فی خوبیاں نال پرکھیا جائے۔ بلکہ اس کہانی لکھنے نے حوصلیاں فی داد دینی ضروری ہے۔

شروع شروع بچ کہانیاں اتنی دلچسپی نہ پیدا کر سکیاں، جتنی کے بعد نے وقت بچ کہانی کاراں فی محنت لگن تجریاں توں نکلی تہ نھری ہوئی کوشش نے کہانیاں فی خوبصورتی کی بحال ہی نبیہ

بلکہ اک مزاج دتا۔ اج نے پہاڑی لکھاری قدیم تہ جدید نے فرق کی جاچ کے روائتی، تجریدی، ایسائی، علامتی سہاریاں نال ادب فی خدمت بچ اپنی محنت ناندرا نہ پیش کر رہے ہین۔

ماہری بحث اس گل پڑیہ کہ پہلا پہاڑی افسانے کس نے لکھیا، بلکہ ایہہ ہے کہ افسانوی ادب بچ پہلی صف نے لوک کون سن تہ انہاں کے لکھیا؟ کیسا لکھیا؟ تہ انہاں پہاڑی ادب فی خدمت بچ، اپنی چھو لی کسٹراں ڈاہی؟

اس گل کی منا پیسی کہ پہاڑی افسانے لکھنے نارواج مربوط طور پر کلچر اکادمی نے پہاڑی شعبے فی پیدائش نال ہی ہو یا ہے۔ شروع شروع بچ لکھنے آلیاں بچوں گچھ اک لکھاریاں نے تہذیبی، سماج، معاشرتی تہ سیاسی عروج تہ زوال نے نال جوڑ کے سوچنیاں ہوئیاں افسانے لکھنے شروع کیتے جہاں ناسا نجھاجیا مفہوم تہ مقصد سرمایہ داری، مزدور فی زندگی، تنگی، کابلی جاگیر دار، بند دار، نمبر دار، ذیلدار نے اک جے سلوک تہ فرانسائی قدراں نال زوال، اخلاق فی پستی، اصولاں فی بے حرمتی جے معاملات اُپروی قلم چائے گئے۔ پہنکھ نے مارے لوکاں نے پنجر جے جئے اُپر انساناں نال ظلم، جبر تہ زیادتی انہاں افسانیاں Common مفہوم سی۔

اکادمی فی پہلی کوششاں نے طور اُپر جیہڑے افسانے شیرازے فی شکل بچ موجود ہوئے، انہاں توں میں انہاں افسانہ لکھنے آلیاں فی کم از کم پہاڑی ادب بچ سنیا رٹی مقرر کرنا ضروری سمجھنا، تاہم ایہہ کوئی فائنل سنیا رٹی نیہہ، بلکہ اس بچ کٹ چھٹ فی متی ساری گنجائش ہے۔

بہر حال 1980ء نے آس پاس لکھنے آلیاں بچ خوشد یو مینی نا ”پچھوڑا عمر اں نا“، راجہ نذر بونیاری نا ”چاچا بجیرا“، اقبال عظیم نا ”چنگی“، محمد مصائب خان نا ”دواتھروں“، اے۔ آر مغل نا ”دیانت داری نا پھل“، عبدالرشید غمگین نا ”بہڑا“، گورچرن سنگھ گلشن نا ”ہک ہی راہ“، یعقوب خان نا ”جر پرت“، پیرزادہ اشرف علی قریشی نا ”قسمت اپنی اپنی“، عبدالبہادی قریشی نا ”غریب دی عید“، ایم غلام رسول نا ”بنی اسرائیل دے ترے شخص“، پیر محمد شریف نازکی نا ”کویلیہ داسفر“، اچھو پال نا ”دویدار“۔

انہاں افسانیاں بچ کم از کم غربی تہ امیری فی جنگ تقریباً سبھی لڑی گئی، سدے پنہاویں امیر اک بڑا

آدمی سی تہ غریب اک نکاحیہ، فرانسائیاں نے قد کھٹے بدھنے نا جنجال، ہک قدر نازوال دوئی نا عروج، انداز سب ناروائی، کدے کدے پیار محبت نیاں گلاں بھی سنائی دینیاں رہیاں۔ کیاں جے انسان فطرت نے نال نیڑے توں جڑی ہوئی چیز ہے تہ ایہہ جذبا میر تہ غریب نی تمیز توں اپراٹھیا تہ اسکی وی غربت نال تول کے وزن کی برابری ناچھلکا روتا گیا ہے۔ فر منظور احمد عقاب نا ”فقیرا“، سید مہر علی گیلانی نا ”ٹھیکیدارنی حویلی، عبدالرشید ٹمگین نا ”نوری“ افسانے منظر پر آئے، پر انہاں بچ وی اوہی مفہوم غربتی تہ امیری رہیا۔ کدے محبت نے ناکام قصے، ہاڑے تہ افسوس نے منظر ابھارے گئے۔ اسطراں نے افسانے وی محض داستان گوئی نی حد تک رہے۔ فر نذیر اس نا افسانہ ”ماء نادل“، سردار بیکم سنگھ رائی نا ”پکی نوکری“، اعظم حسرت نا ”مرحوم نا قطب مینار“، شفیع صابر نا ”مندہ رستہ“، اسلم خان سرحدی نا ”تھند“، ملک دولت حسین نا ”خونی دریا“ جے تجربے وی ہوئے۔ انہاں افسانیاں بچ وی اوہی نمبر دار تہ ذیلدار نے کردار بین جیہڑے روایت نے کپڑے لائی کے لوکاں کی تھوکیاں فی سوغات دینے رہے۔ کدے پیار و محبت نے قصے وی اس نے منہ نے سواد کی بدلنے واسطے سنائے گئے۔ ایہہ کہانیاں اک گچھ ہی مفہوم ادا کر رہیاں ہیں۔

فر شیخ آزاد احمد آزاد نا ”وعدہ“، کریم اللہ قریشی نا ”بول کا گا ماہڑا آبا آوے“، ظفر اقبال منہاس نا ”ڈاکدار صاب“، نور اللہ قریشی نا ”ہڑتال“، مرتضیٰ احمد خان نا ”حسرت“ تہ گور بخش سنگھ انقلابی نا ”دکھ پہر یا نظارہ“۔

انہاں افسانیاں بچ وی روایت حاوی ریٹی۔ پہنا ویں اوہ ڈاکدر نے ناں نال سی یا کوئی ناکام محبت نے قصے سن۔ ایہہ چیزاں صرف آس پاس نے رواجاں کی ظاہر کر رہیاں سن۔ عام روایت تھیں ہٹ کے اجاں باہر جانے نا چاء متا میہ سی۔ اس واسطے انہاں کہانیاں کی روایت نے لفافیاں بچ لپیٹی کے پیش کیتا گیا۔ تاہم ”بول کا گا ماہڑا آبا آوے“ ایہہ کہانی روایتی تاریخ نے نال جوڑنی سی، جیہڑی دوسری جنگ عظیم نی یاد دہسنی سی۔ پر اجاں وی افسانیاں فی پیشکش بچ کوئی متی تبدیلی میہ آئی۔ فروی آزاد نا ”وعدہ“ اپنے بیانیے نے ناپ تول نال مکمل افسانہ ہے تہ اسنا ماحول بڑا Original دسنا ہے، پر اتھے وی روایت فی رسیاں اندر گھبیاں ہوئیاں ہین۔

بلال لودھی مرحوم نا افسانہ ”ٹائی“، اک بیانیہ ہے جیہڑا کوئی ادھا میٹر لیر نے آس پاس ہے

اس بچہ بناوٹی فخرنی نفسیات، اپنے بہتر ہونے کا انداز تہ کوڑیاں سوچاں نے تحت پلنے والی زندگی نا ذکر سی، غریب سنگھ بالی نے افسانے ”جدائی“ بچہ نا کام شادیاں، نا کام محبت نے روائتی ہاڑے، ہتھ ملنے واقعات نا بیانہ ہے۔ نور اللہ قریشی نا ”بہکے داسفر“ بالکل بہک نا سفر ہی سی۔ رچھاں نا معاملہ، ٹہنکی چڑھنا محض کہانی ہے تہ اسکی اگر قصہ بیانی کیتی جُلے تہ اُس بچہ کوئی فرق میہ۔ محمد اقبال نا ”پتنگ“ اس دورنی محض خوبصورت پیشکش ہے۔ جسکی اک موڑ یا Turning Point آکھیا جاسکنا ہے۔ ایہہ تجریدی کوشش ہے جیہڑی بڑی خوبصورت تہ کامیاب ریٹی۔ اس نا وجود امیری تہ غریبی، جنجال بچہ ہی رہیا پر انداز بالکل نواں نویلا سی۔ ہک ٹکڑا ملاحظہ ہووے:

”جلدی کر پتنگ اُڈی گیا، آج اُبا ماری، میں چھوٹ بٹی
دوڑنا ہاں، اوہ مگی تکتی رُنی ہے۔ پھانڈا تیز ہونا ہے تہ پتنگ وی
تیزی نال اُڈنا گیا۔ میں کدے اگے تہ کدے پچھے تکتا رہیاں۔
ماہڑے اندر پتہ نیہہ کیہڑا طوفان سی، آخر کار میں رسی پکڑ لئی
پتنگ نالوں ٹرٹی گیا۔ میں پچھے مڑی تکتا، اوہ واپس ٹری گیا
سی۔ ماہڑیاں اکھیاں بچہ ہمیرا ہوئی گیا۔ شاں..... شاں..... نہ
اگے رستہ نہ پچھے رستہ نہ پتنگ نہ ”شگفتہ“ تہ بچہ رسی نا ٹوٹا! میں
کدھر جاساں ہر پاسے جنگل تہ رات نا ہمیرا.....!“

ایہہ کامیاب کوشش سی جیہڑی اپنے ہم عصر Contemporary نے ماحول توں بکھ۔
ایہہ لگتا ہے کہ افسانے نے مزاج بچہ اک نویں ٹھوکر سامنے آئی ہے۔ اک ہور کوشش راجہ نذر بونیاری
نا افسانہ ”چٹھلی“ ہے، جس کی خوبصورت Diction ملی تہ علامت نے سہارے ”ٹوبہ ٹیک سنگھ نے
پاگل“ ہاروں اتھے وی چٹھلی کولوں چٹکیاں چٹکیاں گلاں کرا لیاں گئیاں ہین۔ فراسنی موت تہ اتنی
ثقافت نے حلیے بچہ سجا کے تاریخ نے ورقیاں نے حوالے کیتا۔ ایہہ وی اک نویں ”shift“ ہے
جیہڑی افسانیاں کی اُچی جائی دار موڑن نا قضیہ اُٹھایا گیا ہے۔

خوشد یو مینی نا ”تاجاں“ جیہڑی کسے طراں مینی نے کہنر پہنچی، کسٹر ان نواں سوٹ سوالیا

فرکسٹراں اک داغ چھوڑ گئی۔ اک اچھی خوبصورت کوشش ہے۔ ”پہنکھ“ سید شبیر گیلانی نا افسانہ واقعی مزدورنی زندگی نی تلخیاں کی اُبھارنا دسنا ہے۔ اس بچ زمیندار تہ مزدورنی ذہنی کشمکش نا تذکرہ ہے۔ فرڑئی کپڑا مکان نی علامتی دوڑناں مجرم ہونے نی مقام تک پُچپیا جانا اس افسانے نا روايتی انداز سی۔ پیرزادہ لیاقت علی خان نا ”حلالہ“ ماسٹر بشیر احمد آزاد نا ”پیار کہ کھید“ جو گندرسنگھ شان نا احساس زریں آرا معصوم نا ”نیلہ ناگ“ سمندر خان نا ”منگتے دی گاں“ ”رستم خان“ ظفر اقبال نا افسانہ ”چٹے زخم“ راجہ شاہد علی خان شجاعت ظفر ملد یال نا ”وفا“ تہ قدرا جورو ی نا ”تعصب“ جیاں کوششاں افسانے نی حصے بچ ہونیاں۔

اگلے دور بچ افسانہ لکھنے آلیاں نی تعداد بدھیک ہونی شروع ہوئی۔ ظفر اقبال نا ”نصیبیاں چٹکی“ اقبال شال نا ”سفر“ مہر انسا پروین نا ”خاموش محبت“ جماعت علی شاہین نا ”حویلی“ شہناز پاکیزہ نا ”کمر“ راجہ شجاعت نا ”حسرتاں دا جنازہ“ شیخ شبیر احمد نا ”ہمدرد“ تہ راجہ خوشدل خان نا ”حُسن دے دیوانے“ جے تجربے شروع ہوئے۔ انہاں افسانیاں بچ دیہاتی پہاڑی زندگی نی خدوخال سادہ زندگی نی سچے خاب فطرت نی گماہنڈ بہہ کے خوبصورت مشاہدے تہ ملاحظے حُسن نی چمک پیار نا اچھوتا پن سادگی شرافت تہ ہماہمی آلی زندگی توں دُوریاں اسطراں نا مزاج رہیا۔ پرہن ایہہ افسانے اپنے نرالے تہ جد اگانہ رنگ نال رنگے ہوئے سن۔

جہانگیر دانش نا ”پیو دامال“ اقبال شال نا ”فیصلہ“ محمد یونس خان نا ”نویں لوہ“ راجہ شاہد علی خان شجاعت نا ”احساس“ ڈاکٹر مرزا فاروق انوار نا ”زخمی ناگن“ شیخ شبیر احمد نا ”کالا پہاڑ“ میر حیدر ندیم نا ”دُکھ دے کھرند“ نا زونو شاد نا ”دلاں دے ساڑے“ محمد صادق میر نا ”قصور کس دا“ ظہور احمد منہاس نا ”عزت دی راکھی“ فاروق قریشی نا ”انصاف“ شہباز راجوروی نا ”تتیاں تپہاں“ ماسٹر شاہ محمد خان نا ”ریتے نی ٹھیری“ یعقوب خان نا ”سٹ“ راشد بیگ نا ”وعدہ“ طارق احمد خان نا ”فرض“ میر حسین کاظمی نا ”شرڈ“ وغیرہ نویاں نویاں کوششاں ہونیاں۔ ہُن ایہہ افسانے اپنے وجود اُپر خوب رونق بنائے ہوئے سن حالات نی نال اکھاں نال اکھ ملائی کے تکتے سن۔ مواد نی حد تک صورت کافی بدلی ہوئی سی۔ پلاٹ بندی نا خاص خیال رکھیا گیا سی تہ

لکھنے والیاں نے علمی تہ ادبی سفر نے نال نال انہاں نے تجریاں نی گرمی دؤ ردؤ رتک محسوس ہونی سی۔ ہُن افسانے محض قصے گوئی تک نیہہ سن بلکہ اپنے وجود اُپراوہ کسے طراں نی بے وجہ ناکی برداش نیہہ سی کر سکنا۔ اس واسطے ایہہ زمانہ ذرا ترقی یافتہ دور نے بچ دا خلے نا سمجھیا جانا ہے۔

اگلے دور بچ اقبال شال نا ”سجاہتھ“ بلال احمد خان نا ”لاڈلا“ راجہ نذر بونیاری نا ”اُلٹی رگتری“ شاہ محمد خان نا ”چوڑیاں“ خورشید بکس نا ”کوٹھا“ اقبال نازش نا ”کالی پڑی“ غلام مصطفیٰ پیچھی نا ”ترے کہنے“ محمد سرور ریحان نا ”نہ ملکن والا افسانہ“ شہناز پاکیزہ نا ”چچھتاوے دا رون“ بیکم سنگھ راہی نا ”پیڑ پرائی“ مہر انساء پروین نا ”سکون“ سامنے آئے۔

ایہہ علامتی افسانیاں نی اک کھیپ ہے جسکی تجریاں نی لوہ بچ بنایا تہ سنگھار یا گیا ہے۔ آج ایہہ افسانے اپنی بہترین محنت تہ شاہکار ملنے ہین۔ انہاں بچ احساس کی ادھیڑ نا تہ فربتا پلاٹ کی بنانا تہ انجام نی فکر بچ متیاں گلاں نا سواد چکھنے نا فیصلہ سی۔ کہت تھیں کہت لفظاں بچ افسانیاں نی ضرورتاں پوریاں کر کے لٹریچر نے سپر دکیتا گیا ایہہ سرمایہ ہے۔ آج پریم چند نا بیانیہ تہ کرشن چندر نی Diction برابر ملی جلی لکھنی ہے۔ ایہہ کامیاب کوششاں ادب نے حوالے نال اپنا منہ متھا سجا کے اک خوبصورت تصویر کی بنا کے دہس رہیاں ہین کہ محنت لگن تہ کامیابیاں تھو تھ ملسن گئیاں۔

شروع شروع افسانیاں نے حوالے نال کیتا گیا کم محض زمین نی ہمواری تہ ہل چلانے تک سی۔ فربتر پیاتہ دانے بیج گئے فرمختاں ہوئیاں تہ چنگے چنگے پھل سامنے آن لگے۔ 1990ء توں اگے نا دور اپنے اندر اک ہور احساس نی پیدائش نا ماحول سی تہ فر افسانوی ادب اس دور نیاں گلاں خون تاپ اگ قتل اغوا بے ستری جبر تہ تشدد نے تھوئیں نے اُبھرنے نا ماحول فر پکڑ دھکڑ بارود تہما کے وغیرہ Terminology نال شاعری تہ نثری کم کیتا گیا۔ جس توں پہاڑی لکھاریاں نی عصری آگا ہی نا اندازہ لگنا ہے۔ آج علامت نی حالت نال بڑیاں ڈوہنگیاں گلاں ادب نے حوالے ہوئیاں جنہاں نے ذریعہ ادب کی پروان وی چا ہڑیا تہ زبان کی رنگ برنگیاں لفظی تراشاں وی ملیاں۔ پوشیدہ گلاں کی لفظاں نے ہیر پھیر نال خوب بیان کیتا گیا ہے۔ ابھیا لگنا ہے کہ آج ”ٹھنڈا گوشت“ تہ ”کھول دو“ نا لکھنے آلا ہونا تہ اسکی دلی اطمینان ہو رسکون ملنا کہ آج نا پہاڑی لکھاری انہاں حد اں کی خوبصورتی نال

نہ صرف چھوڑ دیا ہے بلکہ برت دی رہا ہے۔

اس دور بچ گئے اک نوں لکھاری دی پھر پور تجربے فی میراث لے کے سامنے آئے۔ محترمہ زلفریگم تہ صاحب کتاب ہیں۔ انہاں نے افسانے معاشرتی زندگی بچ رسے بے ماحول فی عکاسی کرنے ہیں۔ فرپرویز مانوس، نور محمد بھٹی، روبینہ بھٹی، عبدالواحد منہاس، زیر قریشی، مولوی شبیر احمد خان شمس، محمد ضیاء الرحمن منہاس اپنے جاندار مواد نال افسانوی ادب کی لوہ دینی شروع کیلتی۔ اسلم مرزا صاحب بھی کافی گجھ لکھ چکے ہیں۔ انہاں وی سماج فی تہڑ کئی نبض اُپر تھ رکھیاتہ سماج کی نویاں گلاں دھسیاں۔ فداراجوروی، محمد سرور ریحان، نور اللہ قریشی، عبدالمجید کرناہی، کیول شرما، جاوید راہی، اشرف علی اشرف، شفیع صابر، محمد یونس خان، سید انور سلیم، نسیم احمد خان، لیاقت علی جعفری، محمد صادق میر، ماسٹر یونس، ملک غلام قادر، مجاہد مسعودی نے افسانوی ادب بچ ساریاں ضرورتاں کی سمجھ کے محنت کیلتی جس نال پہاڑی ادب نا ایہہ دور سُنہری دور تصور ہونا ہے۔



پہاڑی زبان: نویں جائزے تہ نویں چیلنج

اس موضوع پر بحث کرنے توں پہلاں اساں کی اس عنوان نے دوھیاں پُرکئی کئی تذکرہ کرنا مناسب لگتا ہے۔ پہاڑی زبان نا جائزہ وی اک مُستقل عنوان نے تحت آنا ہے۔ اس واسطے پہلاں اس زبان نی ترقی تہ اک بولی توں زبان نے سفر پُر گچھ لکھنا ضروری ہے۔

۱۹۴۷ء کی اج اک حد فاصل نے طور پر یاد کیتا جانا ہے۔ کیاں جے انقلاب کسی وی طراں نا ہووے، اوہ سماجی، سیاسی تہ ثقافتی کایا پلٹ ناناں ہے۔ جتھے اس سال قابض طاقتاں نازوال آیا ہے، اتھے نے عوام نے بچ اک نواں شعور پیدا ہو یا۔ غلامی نے چونے کی لیراں لیراں کر کے نویں عظم تہ نویں جذبیاں نے تحت آزادی نی سویرنا استقبال کیتا گیا۔ پورا برصغیر تاریخ نے زبردست فیصلے توں متعارف ہو چکا سی۔ جتھے دو قومیتاں نا جنم ہو یا، اتھے پہاڑی بولی بولن آ لے خطے کی وی اس سیاسی جبر نے نال دو پھاڑ ہونا پیا۔ اس زبان کی بولنے آ لے اُس دوئی طرف اک Compact area نے نال چلے گئے۔ جدوں کہ اس پاسے راجوری پونچھ نے پیر پنچال نی تقسیم نے نال اوڑی، کرناہ وغیرہ باقی رہے۔ ۱۹۴۷ء توں پہلاں اس خطے کی کوئی بڑی ثقافتی مرکزیت میسر نہ سی۔ اُس وقت نے ادبی مرکز لاہور تہ امرتسر، جیہڑے پہاڑی زبان بولنے آلیاں توں متے دُراہڈے سن تہ اتھے پنجابی زبان نا چلن ہی سی۔ لے دے کے اک غیر تقسیم شدہ ہندوستان نے میر پور آ لے پاسے اک صوفی شاعر میاں محمد بخش ہوراں نی تخلیق مثنوی ”سیف الملوک“، ”قصص الانبیاء“، مولوی محمد دلپزیر ہی طبع نے مرا حله توں گُور سکلیاں سن تہ ایہہ دوئے شعری انداز بچ سن۔

انہاں نی بُیا دُپُر اسکی پہاڑی زبان نیہہ بلکہ پہاڑی بولی نا درجہ ہی دے سکے ہاں۔ بولی

توں زبان تک ناسفر کافی لمبا تہ محنت طلب وی ہونا ہے۔ پر لے پاسے پوٹھواری ناں نے نال اس پہاڑی ناچلن سی۔ البتہ اس نال لب ولہجہ کوئی زیادہ مختلف میہ سی۔ ادھر ضلع ہزارہ مظفر آباد وغیرہ علاقے پنج ہند کو ناچلن سی۔ جس نے لب ولہجہ پنج تھوڑا فرق تہ قدرتی طور ہونا ہے۔ راجوری پونچھ پوٹھواری نے نیڑے سی اس واسطے پوٹھواری نا اثر اتھے موجود سی۔

ہند کو نا جغرافیہ کرناہ ٹیٹوال نال ملحق سی اُتھے ہند کو نا اثر غالب ہے۔ فراس طرف راجوری پونچھ تہ کرناہ اوڑی نے درمیان پیر پنچال کھلا سی۔ جس نے اُساں نے بشکار دوریاں بنائی رکھیاں تہ ایہہ دوئے لہجہ اپنی اپنی جگہ موجود رہے تہ اُنہاں نی اُسے طور طریقیاں نال پرورش وی ہونی رہی۔ اس بولی نے پنج تخلیقی کم ٹھپ رہیا۔ اس نانثری سرمایہ بالکل نہ ہونے نے برابر سی۔ چند اک سی حر فیاں سن جو کدے چھپ سکیاں۔ اوہ مخصوص لوکاں نے ہتھاں پنج جا کے زبانی یاد ہو جانیاں سن تہ اوہ بیاہ یا غم نے موقعیاں پُر گا کے وقت گزارنے نا نصاب بن گیاں سن۔ اس حد تک محض روایت نا سلسلہ ہی سی۔ سی حرفیاں بارں ماہ مسافر وغیرہ نے روہڑیے اک ہی مفہوم Theme لے کے چلنے سن۔ جس پنج رونا، کُر لانا، افسوس، دکھ، جدائی، تھکھنا پینڈا وغیرہ ہونا یا سینہ بسینہ بالو ماہیا، پُٹے، بخیلی نے سُراں پُر شعراں نی تہذیب نی حد تک محدود سی۔

۱۹۴۷ء نے بعد پہلاں جمود ٹپا، غلامی نی لعنت نے ذہنی تنگی وی پیدا کیتی ہوئی سی۔ سرمایہ داری، جاگیر داری، ذیل داری، نمبر داری، چوکیداری تہ تھانیداری ہی لوکاں نا نصیب سی تہ ایہہ نظام صرف شخصی آزادی کی لگام چاہڑنے نا کم کر رہیا سی۔ آزادانہ سوچ تہ آزادانہ خیال جبر تہ استحصال نے شکنجے پنج سی۔ فرنویں سویرے توں نویں مسائل نی طرف چلنے نی ترغیب ملی۔ اک جذبہ یگانگت، پہنائی چارے تہ مردم شناسی نا ابھریا۔ بقول علامہ اقبالؒ

غلامی میں گھٹ کے رہ جاتی ہے اک جوئے کم آب

اور آزادی میں بحر بیکراں ہے زندگی

نظام بدلایا، اس ناچھو لاوی بدلایا۔ فکر بدلی، نویں اسلوب آئے، پہلے قصے کہانیاں نے فرضی محل مُنہ موہندے ہوئے۔ لفظاں نے اسلوب بدلے، سوچاں نیاں حداں بدھ گئیاں۔ ترقی نے

منصوبیاں نے اک نویں سویر کی جنم دتا۔ ساریاں رواجی گلاں ہیں۔ سچائی نے موہنڈے چڑھ کے اپنی جگہ بنارہیاں سن۔

اس سب کچھ ہونے نے باوجود ایہہ پہاڑی بولی اپنے لوکاں کی زبان کی زینت نہ بنی رہی، پر اس پر لکھنے کا رواج دُردُ رتک نیہہ سی۔ ایہہ دور ۱۹۳۷ء توں ۱۹۸۰ء تک نہا ہے کہ کچھ اک تعلیم یافتہ لوک بے چارگی نے دور توں گذرنے ہوئیاں کچھ اک لکھنے کی طرف مڑے تہ اس وقت اُردو زبان اتھے اُنہاں نے دماغاں پُر راج کر رہی سی۔ اسطراں اُردو نے چولے کچھ نو جواناں یا بُزرگاں نے اپنے فکری بن باسی کی ختم کر کے اپنے اندر نے احساسات تہ جذبیاں کی تحریر نا وجود دینے کی کوشش کیتی۔ اس نے نتیجے کچ اُردو کی زمین تہ اُنہاں کی ملی تہ پہاڑی بولی محض کُہراں نے اندر ہی اپنی بے بسی تہ بے لباسی نامرثیہ پڑھنی رہی۔ پہاڑی فرزنداں نے اُردو نے حوالے نال نظماں، غزلاں تہ افسانے وانشائیہ لکھنے نے تجربے چو کھے سارے کیتے، پر ایہہ احساس نہ ہویا کہ ماء نے دودھ توں تھوئی ہوئی زبان ناحق ادا کیتا جلیے۔

ایہہ گل کافی حوصلہ افزاء رہی کہ جدوں نواں کشمیر تہ آئین بن رہی سی تہ اک درویش صفت دانشور مولانا مسعودی نے پہاڑی کی زبان نا درجہ دے کے اس آئین کچ درج کرا لیا سی، پر ۱۹۷۸ء تک ایہہ محض بولی ہی رہی۔

ستر نی دہائی کچ حکومت وقت نی سرپرستی نی وجہ توں اچھین چیت اس پہاڑی بولی پُر پھر پور جوانی نے دن آٹپکے۔ پہاڑی نے فرزنداں نے اُردو وغیرہ توں غذالے پہاڑی زمین پُر پھر پور حصہ داری کیتی، جیہڑیاں قدراں اُردو ادب کچ فارسی، عربی، انگریزی، ہندی یا سنسکرت توں منتقل ہوئیاں سن، اوہ پھر پور طور پہاڑی بولی نے کول آگئیاں تہ اُس زبان نے کچ جس جس نے جتنا کم کر کے اپنا تعارف بنایا سی، اوہ پہاڑی نے کھاتے کچ داخل ہو گیا تہ تھوڑے ہی وقفے کچ ایہہ بولی اک مالامال نی شکل کچ سامنے آئی۔ دراصل جو زبان سرکاری سرپرستی توں محروم ہونی ہے اوہ ملیں ملیں مر جانی ہے تہ ایہہ مثال لاطینی پر دینے کچ کوئی مضائقہ نیہہ، بڑی زبان ہونیاں ختم ہو گئی۔ دلی دربار کچ جدوں فارسی کی سرکاری زبان بنایا گیا تہ فارسی کچ بہت کچ لکھیا گیا تہ جدوں ایہہ پذیرائی ختم ہوئی تہ

اودہ زبان اس شہرتی توں غائب ہوگئی۔

ادب Literature نے طالب علم نے واسطے ایہہ سمجھنا ضروری ہے کہ بولی توں زبان نا سفر آسان نیہہ بلکہ وقت طلب وی ہے تہ صبر آزما وی۔ زبان نے لوازم نے طور اُس منظوم سرمایے توں علاوہ اُس نانثری حصہ وی بڑا اہم ہونا ہے۔ نثر بچ جتنے وی صنف ہیں، ناول، افسانے، تخلیقی کم، اُس زبان نی ڈکشنری شاعری بچ ساری صنف تہ فراہمہ سارا مواد چھپ کے کتابی شکل بچ کافی لمبا چوڑا ہونا ضروری ہے تہ آج آساں کول اس زبان نی ضرورت ہو راجت نا سارا سامان موجود ہے۔ گجھ اک شعری مجموعے جنہاں بچ میاں محمد بخش نی ”سیف الملوک“، مولوی عبدالستار نی ”قصص الانبیاء“ تہ گجھ اک سی حرفیاں قدیم ادب نے طور پر چھپائی نے مرحلے توں گذر کے محفوظ ہو گئیاں۔ فر اس علاقے نے رسم رواج نے طور پر شادی بیاہ ماتم وغیرہ یا عام اکٹھ ہونے نے وقت انہاں کی گانے نارواج سی۔ اس طراں اس سماجی زندگی بچ انہاں نی قدر و قیمت بڑی وزن داری۔ متا سارا سرمایہ چھپائی توں رہ گیا تہ اودہ ضائع ہوئی گیا۔ کہانی کرنا محض حافظے نے امتحان نے طور ور مشہوری۔ اودہ وی فرضی کہانیاں جنہاں بچ دیو پریاں نے قصے زیادہ ہونے نا عام چلن سی۔

ایہہ دور مذہبی بیزاری نا تہ بیہ سی تہ مذہبی ناواقفیت نا ضروری۔ دؤر دراز توں پیر ریشی دورہ کرنے تہ اودہ نکی جی تعلیم دے کے دعوت کھا کے رخصت ہو جانے۔ اسطراں انہاں نیاں فرصتاں نے لمحات گذرنے۔ اُدھر پیر صاحب ترک دُنیا نی تعلیم دے کے روح نے پالن کرن واسطے جتن کیتے جانے۔ نال ہی اس وقت شعری رنگ و روپ وی پڑھ جانا تہ سارا نظام اپنا بوریا سترہ بند کر کے رخصت ہو یا تہ نویں سوچاں نے بڑا خوبصورت کم کیتا۔ انسان پرستی نی جگہ خُدا پرستی آئی۔ علم نے کواڑ کھل گئے۔ انگریزی ادب توں متاثر ذہن ہُن فطرت شناسی پر زور دین لگے۔ اس زبان نے لکھنے نا بند و بست ہو یا۔ اسی گرا نیمہ اُردو نے حوالے نال ہی رائج ہوگئی۔

اس دؤرے دور نے پہاڑی بولی کی زبان بچ بدلیا تہ دو نیاں زبانان نے سرمایے نی ذہنی کاوشاں نال پہاڑی زبان بچ نظریات نے طور پر داخل ہو یا۔ اسی اپنی لغت بن ریئی ہے۔ قرآن نا ترجمہ پہاڑی زبان بچ ہو یا ہو رگجھ فارسی انگریزی تہ اُردو نے ادب عالیہ کی پہاڑی زبان بچ ترجمہ

نے نال منقل کیتا۔ سینکڑے کتاباں شاعری تہ نثر نے حوالے نال چھپائی نی منزل طے کر گئیاں۔ انہاں بچ نظمماں، مرثیے، ڈرامے، گیتاں، بیت، مثنویاں، دوہے، پٹے، ماہیے وغیرہ تہ چوکھا سارا کم کیتا گیا تہ اسطراں ایہہ زبان ہُن تنگی نے ماحول توں باہر نکل کے اپنے ذخیرہ الفاظ تہ اک مخصوص Diction توں مالا مال ہو گئی ہے تہ اجاں اسکی اپنے فن پاریاں نی دوامیت نے پاسے سفر کرنا ہوسی۔ سابقہ صورت نی موجودگی بچ حالیں تکر جتنا وی کم ہو یا اس بچ تیز رفتاری قابل قدر سی تہ متا سارا سر مایہ وی اس زندگی نی نویں جہت دیتی گیا تہ اجاں اس کی اپنے آڑوس پڑوس نے ثقافتی تہ فنی سرمایے نے مقام تک پچنے واسطے اس نے لکھاریاں کی متے سارے پا پڑیلے پسن۔

(۲) پہاڑی زبان تہ چلینج

پہاڑی زبان اک پاسے کشمیری نال بس ریٹی ہے۔ علاقائی مناسبت نے نال گوجری نے گماہنڈ بچ ہے۔ سانجھا رسم الخط ہونے نے نالے اسنے اسم، فعل، حرف یا اجزائے ترکیبی بالکل نیڑے نیڑے ہین۔ پر بقول (Roland Barthes):^۱

”زبان ناسکھ اُس نالسانی نشان ہے۔ جس پر اسنی قیمت بصورت معنی درج ہونی ہے لیکن جس ناؤ وے سکیاں نال اک رشتہ وی ہونا ہے۔“

تہ ہک ہور ماہر لسانیات چومسکی (Chomsky) نے قول نے مطابق:

”زبانان بچ کچھ صوتی، صرفی ہور نحوی اکائیاں

ایہجیاں وی ہین جیہڑیاں مشترکہ ہین۔“

اسے طراں گوجری تہ پہاڑی دوئے زبانان نیڑے نیڑے ہی ہین البتہ کچھ لہجے نافرق ہے۔ جتھے ایہہ دونیاں زبانان نے الفاظ اپنے اندر ضم کرسی جیہڑی وقت نی ضرورت وی ہے تہ زبان نی نشوونما واسطے ضروری وی ہے۔ اُتھے اسکی اپنا نک نقشہ ہر صورت بحال رکھنا ہوسی۔ تاں جے

۱..... بحوالہ ”اُردو دنیا“، نومبر ۲۰۱۰ء صفحہ ۲۶۔

اس نی حیثیت نا اعتراف ہووے تہ ایہہ زبان دونیاں زبانان نی باندی نہ بنی جائے۔ جدوں فارسی

عربی نے الفاظ اس نے ادبی سرمایے بچ اضافہ کر رہے ہیں۔ اُتھے اسکی ہندی، سنسکرت تہ دویاں ہند آرائی زبانان فی وی خبر گیری کرنی ہوئی۔ تاں جے اس نا ادبی جغرافیہ متاسرا اچھیل سکے۔

اس نے لکھاریاں کی ایہہ یاد رکھنا چاہی ناہے کہ جدھر کھٹ کم ہو یا، اُدھر رُخ موڑن تہ سرمایے بچا بد اکرن۔

اس پہاڑی زبان کی سب توں بڑا چلیج ہے کہ جتھے پچھلے ہزار سالوں توں جیہڑاں زبانان ترقی نے زینے پُر چڑھ ریہی ہے۔ اس نا اعلیٰ لٹریچر پہاڑی بچ مُنقل کرن لئی ہک ”دارا مصنفین“ فی طرز نا بورڈ بنا دتا جائے جیہڑا اتمام ماسٹر پیس کی پہاڑی بچ ترجمہ کر کے شامل کرنے نا بیڑہ چاون، تاں جے اس نے اس زبان بچ داخلے فی بنا پُر پہاڑی زبان و ادب ترقی نیاں بہاراں تک سکے نالے اک نواں شعور وی انہاں نے ذہن و شعور پُر اثر انداز ہو سکے۔ ابنِ خلدون، ابنِ سینا، خوارزمی، فارابی جے عالماں فی تخلیقات نا اگر جرمنی، انگریزی، فرانسیسی وغیرہ زبانان بچ ترجمہ کر کے انہاں نے قارئین نے پھر پور فائدہ چاہیا تہ پہاڑی بولنے آ لے لوک اس گراں قدر سرمایے توں کیاں نہ فائدہ چاہون۔ پہاڑی زبان کی مغربی تخلیقات نے حوالے نال اپنے ابنِ خلدون، ابنِ سینا تہ فارابی جے سرمایے توں مالا مال ہونا ضروری ہے۔ جدوں ڈرامے نے اجزائے ترکیبی فی حاجت ہووے تہ شکسپر، مارلو وغیرہ فی سطح تکر اُٹھنے واسطے انہاں نے شہہ پارے پہاڑی بچ ترجمہ کیستے ہوون۔ اس طراں کنگھی چوٹی تہ شباب و شراب فی زبان فی جگہ نیچرل شاعری فی ضرورت ہووے۔ ورڈز ورتھ، شیلے، کولرج، ٹی ایس ایلٹ، لانگ فیلو، بن جاسن، متھیو آرنلڈ، نینی سن وغیرہ پہاڑی نے سکالریا طالب علم فی رہبری کرن۔ ٹیگور فی ”گیتا نچلی“ اسان نے سرہانے بنگالی سماج نا نقشہ سمجھا ریہی ہووے، گاندھی جی فلسفہ عدم تشدد اس کٹے پھٹے سماج کی جوڑنے نا مزاج پیدا کرنے نا ذمہ چھنگ لیوے۔ اس نال ہی تمام مذاہب نیاں کتاباں نا ترجمہ افہام و تفہیم نے واسطے تہ قومی اکیلتا واسطے ضروری ہے۔ گر وگرنہ، بھگوت گیتا، انجیل و زبور کی وی پہاڑی زبان فی شناخت دتی جائے تاں جے کامن میننگ نا کوئی سبب بن سکے۔ اسلامی تعلیمات تہ تاریخ و فقہ و احادیث پُر وی پھر پور کم چاہی ناہے۔

گل ایہہ مُشکل بیہہ تہ اس واسطے مضبوط ارادے تہ منضبط اصول اپنانے ہون۔ اعلیٰ مواد نا

شعور پیدا کرنا ضروری ہے۔ حکومتی سطح اور ایہہ تجویز رکھنی ضروری سمجھنا کہ جتنے پہاڑی ترقیاتی بورڈ بنا کے صرف وظائف تقسیم کرنے ناکم اس نے حوالے کیٹا گیا یا گجھ اک ہوٹل نے فنڈ نے اجراء کرنے نی ذمہ داری دتی گئی ہے، ایہہ کام تہ مرکز نی اقلیتاں نی بہبود Minority Welfare نی وزارت جے کر رہی ہے۔ ضرورت اس امر نی ہے کہ اس بورڈ نا مقصد پہاڑی زبان کی ہر قیمت تہ ہر وقت ادبی سرمایے توں مالامال کرنے نا ہووے۔ لکھنؤ نے ”دارالمصنفین“ نی طرز نا اک بورڈ بنایا جائے، جیہڑا تخلیقی تہ اصلاحی لٹریچر تیار کر کے اسکی عام کرے۔ اک کمیٹی پہاڑی دانشوراں نی بنائی جائے جیہڑی پہاڑی انسائیکلو پیڈیا Encyclopedia نی تیاری کرے۔ سائنسی علوم نا پہاڑی زبان بچ ترجمہ کیتا جائے، تاں جے سوچاں نے نچنے اُدھر جان تہ نویں چیلنج نا مقابلہ کرنے نی صلاحیت پیدا ہووے۔

اس قسم نی انجمن ناکم محض روایتی نہ ہووے، بلکہ اعلیٰ پائے نا ادب جس بچ مشتر قین نے لکھے ہوئے مواد نا ترجمہ ہووے۔ سماجی، سیاسی، تمدنی علوم ور کم ہووے۔ علم کیما، فزیکس، نیچرل سائنس، ریاضی، معاشیات، تواریخ تہ دُورے جدید علوم نے تعارف واسطے اوہی بورڈ زبان کی زیادہ توں زیادہ ترقی نے دور بچ داخل کرنے نا جتن کرے، پہاڑی زبان نی تاریخ نی بڑی ضرورت ہے، جسنی وجہ توں پہاڑی زبان نے سکا لرتحقیقی منزلاں طے کر سکن۔ اسے نے نال نال پہاڑی لکھاریاں نے کم نے اعتراف نے طور ور رام بابو سکسینہ نی ”تاریخ زبان اُردو“ ہاروں پہاڑی زبان وادب ور پروجیکٹ نے طور ور کم کیتا جائے۔ ایہہ اس بورڈ نی نگرانی بچ ہونا چاہی ہے تاں جے ایہہ پروجیکٹ منصوبہ بند طریقے نال چلے۔ پہاڑی زبان سکولاں تہ یونیورسٹی نی سطح تک متعارف کرانے نے نال نال انسٹیاں نصابی ضرورتاں نے واسطے اک سلسلہ وادب NCERT نے نمونے طور ور تیار کیتا جائے، تاں جے ایہہ زبان اپنے جغرافیے بچ اپنی پھر پور حیثیت نا مقام حاصل کرے۔ اگر اک اندازے نے مطابق شاردو یونیورسٹی بچ دتی جان آلی اس وقت نی تعلیم پہاڑی زبان بچ سی تہ آج کیہڑی مشکل ہے جدوں کہ آج سائنس نے تعلیم نے دشوار ترین مرحلے آسان کر دتے۔ آج انٹرنیٹ نی جھپ بچ دُنیا نے سارے رازاں نے ہمیرے ختم ہوئی گئے۔ اس وقت اگر پہاڑی دانشور اس زبان

نی ترقی نا بیڑہ چان تہ رستے نیاں دشوار چٹاناں کھٹ تول کھٹ وقت بچ ملیا میٹ ہو جانیاں ہین۔
 آج سائنس نیاں سچائیاں ہر پاسے اپنا وجود قائم کر کے راج کر رہیا ہین تہ کدوں تک پہاڑی زبان کی
 جاننے تہ پچھاننے آلے احساس کمتری نا غلبہ اپنے اُپر چاڑھی رکھسن تہ یاس و نا مرادی کی اپنے
 نصیب نا حصہ جان کے بے چارگی نے کھندو لے پر زندگی نے گندے خاب تکنے نی عادت چھوڑسن



اے..... مگی کجھ چر پہلاں ہی عزیزم عبدالواحد منہاس ہوراں کولوں پتہ چلیا جے ”پہاڑی زبان و ادب دی تاریخ“
 ناں نے پروجیکٹ ور کم راجہ نذر بونیاری ہوراں کم مکمل کر کے باضابطہ اسے ناں نی اک کتاب چھاپے چاڑھی اے۔
 (مصنف)

پہاڑی زبان پنج نعت گوئی

..... اک جائزہ

پہاڑی زبان پنج لکھی جانے آلی پہلی کتاب خورے مثنوی سیف الملوک ہی ہے۔ اس فی تدوین پنج جیہڑا ٹہنگ اپنایا گیا اُسے کی ہی نہیں پتھر سمجھ کے پہاڑی شاعری نامزاج وضع ہو یا ہے۔ قصص الانبیاء خورے اتنی ہی پُرانی ہوئی جتنی سیف الملوک پُر اتھی وی اسے طراں نا نصاب رکھیا تہ برتیا گیا ہے۔ شروعات حمد باری تعالیٰ نے مقدّس ناں نال ہونی ہے۔ فریغیہ صلی اللہ علیہ وسلم فی شان پنج شعرو شاعری ہونی ہے جسکی متفقہ طور پر نعت نے ناں نال منسوب کیتا گیا ہے۔ فر منقبت چار یار رسول صلی اللہ علیہ وسلم فر پیر دستگیر فی شان پنج شعراں نا ہدیہ پیش کرنے توں بعد نفس مضمون یعنی مقصد شاعری نا آغاز کیتا جانارہیا۔ ایہہ ہی سلک بعد نے آنے آئے لکھاریاں فی سمت فی نشاندہی کرنی منسی ہے۔ عربی زبان نے پنج نعت نارواج زمانہ قدیم توں ملنا ہے جتھے حسان بن ثابتؓ فی خوش الحانی تہ مدح سرائی دُنیاے ادب پنج اک مثال چھوڑی مل ریئی ہے۔ عربی توں بعد فارسی نے اس سمت پنج پُہر پور تہ با مقصد خدمات انجام دتیاں ہین۔

فارسی ادب نا چوکھا سارا اثر پہاڑی زبان نے رنگ و روپ پُر ہر جگہ ہر مزاج تہ ہر علاقے پنج برابر ملنا ہے۔ اس ضمن پنج مولانا رومؒ جسکی برصغیر نے ادبی حلقیاں پنج مٹی ساری پذیرائی ملی تہ اسکی کسے حد تک پہاڑی لکھاریاں نے اپنا اُسے طراں امام سمجھیا جس طراں علامہ اقبالؒ نے انہاں کی اپنا ادبی پیر تھوڑ کر کے عوام نے اک بڑے سارے حلقے پنج انہاں کی متعارف کرا دتا۔ اسے جائی حافظ سعدی وغیرہ نے تخلیقی کم توں پورا برصغیر متاثر رہیا۔ بلکہ مجلسی زندگی پنج انہاں نا چرچا علم فی ڈوہنگیاں نا زاویہ سمجھیا گیا۔ جدوں فارسی ادب کی ہندوستان پنج پذیرائی ملی تہ ایہہ دلی فی درباری زبان نے طور پُر

متعارف ہوئی۔ اس نے اثرات تہ اس نادبی ورثہ اتھے نیاں مقامی زبانوں تہ بولیاں پڑوی پیا۔ بھگتی نی تحریک پنج صوفیانہ مزاج فارسی نے بوہے بچوں ہی داخل ہويا۔ فر مقامی زبانوں نے جوڑ میل نال امیر خسرو نی صوفیانہ زبان تہ میراث نی پیدائش ہوئی۔ ادھر بابا بکھے شاہ میاں میر بابا فرید جے شاعر ہی نیہہ بلکہ روحانی پیر اس پئے پنج ادبی دُنیا نے اُنق پُر چھا گئے تہ عوام و خواص انہاں نی ادبی تقلید پنج جھٹ گئے۔ اسے نے نال نال انگریزی ادب پنج اک نویں چگاری مھٹئی تہ انہاں نی روایتی شاعری پنج Puritanism نی کھڑکی دی گھل گئی تہ شاعری پنج اک نواں شعور پیدا ہويا۔ گویا ایچے حالات بنے جس پنج ہر پاسے نے لوک نویں نویلے مزاج کی اپنا نصاب سمجھ کے اپنے سفر کرنے رہے۔

پہاڑی زبان کیاں جے فارسی نے دسترخوان ناذائقہ چکھ چکی سی اس پنج وی صوفیانہ مزاج حمز نعت، منقبت نے نال داخل ہويا تہ ایہہ متاڈ و ہنگامہ اثر چھوڑ گیا۔ نعت گوئی پُر عام شاعری نی نسبت نال پہنایاں سرمایہ کھٹ چھوڑیا ہوئی ہر اک اپنے سفر کی انہاں حداں نے اندر ہی رکھ کے چلنے ناروادار رہیا۔ میاں محمد بخش توں لے کے مولوی عبدالستار تہ فر مقامی لوکاں تہ شاعراں نے وی اس صنف پُر خوب محنت کیتی تہ محبوب خدانی شان پنج متا سار سرمایہ چھوڑیا گیا۔

پہاڑی زبان نا جغرافیہ کیاں جے سیاسی تہ جغرافیائی حد بندیاں پنج ہی سمٹ گیا۔ اس واسطے حد متارکہ نے اس پار نیاں ہواواں ادھر آنے توں دُور ہوئی گئیاں تہ اس پاسے پہاڑی زبان اپنی مسیری پینین گوجری نے گماہنڈ ثقافتی لین دین نے سہارے ادبی سرمایے کی بدھانے پنج مصروف رہی۔ گوجری زبان پنج صوفیانہ شاعری اس زبان نامنڈھسی تہ اس پنج ابجہ مزاج ہی رس بس گیا سی کہ آنے آ لے سارے شاعر تہ ادیب اسے وضع قطع پُر سفر نا آغاز کرنے رہے۔ اس طراں پہاڑی زبان وی ”Common“ موروثی سرمایے پُر اپنا دفتر چلانے واسطے اس شاہراہ پُر نکل کے خدمات انجام دینے نابیرہ سمہالیا۔

پہاڑی زبان نے قدیم شاعراں نا کلام سوائے گجھ اک نے نہ تہ چھاپے چڑھ سکيا ہو نہ ہی کسے طراں اس کی محفوظ رکھیا جاسکيا۔ سپنہ بسپنہ حافظے نے سہارے ایہہ سلسلہ منتقل ہونا رہیا، پر اسنی چھاپ باقاعدہ طبع ہونے نی صورت پنج قائم نیہہ رہ سکی۔ تاہم سائیں فقر الدین سائیں قادر بخش پیر محمد شاہ

پونجھی ناکلام اس سمت بچ روایت فی نشاندہی کرنا ہے۔ انہاں بُزرگاں نے شاعری نے ذرا ہور تھلے مُرشد فی مدح سرائی تک لیاندا۔ بہر حال ایہہ شاعراں نے اپنے مزاج تک سی۔ پر موجودہ لکھنے آلیاں نعت گوئی بچ کوئی کسر نیہہ چھوڑی۔ انہاں روایت کی وی زندہ رکھیاتہ روایتی ماحول تہ مزاج ”Cultural milieu“ فی وی حفاظت کیتی۔ علماء حضرات نے وی اس صنف دا رخ راغب کرنے فی محنت بچ کوئی کسر نہ چھوڑی۔ اس بچ کوئی دورائے نیہہ کہ نعت نا تعلق حضورؐ فی تعریف بچ بیان کیتے گئے شعری لباس ناناں ہے جس بچ حضورؐ فی ذات تہ صفات نا باریک توں باریک معاملات پُر پینے آلے اثرات تک ناوی تذکرہ ملنا ہے۔ شاعر یا لکھاری کی حضورؐ فی کیہڑی ادا کیہڑی گل یا کیہڑا فرمان متا پسند آیا اس کی شعراں نے وسیلے نال خوبصورت لفظاں نے بندش نال بیان کرنے فی ذمہ داری نبھانے نا جتن شامل رہیا۔

نعت لکھنے آلیاں فی بچ ساری تعداد خطہ پیر پنچال بچ وی ہے تہ اوڑی کیرن کرناہ بارہمولہ کپورہ شوپیان بچ وی۔ انہاں بچ قدیم تہ جدید شاعر بروہر حصہ دار رہے ہین۔

موجودہ دور فی ”Diction“ بچ لفظاں فی ڈونگی پکڑی واقعات کی حرفاں فی جدوں زبان دینے فی حاجت ہوئی تہ رشید قمر آن بوہا کھولیا تہ حضورؐ فی شان بچ روایت توں ذرا ہٹ کے ایہہ عقیدت نامہ پیش کیتا جیہڑا اُس وقت فی تاریخی دلیل کی چنگی پکڑ نال سمہال رکھیاسی۔ ملاحظہ کرو۔

فلراں بچ گُفر بئیرے سن، ہر ذہن نا کمرہ کالا سی
نظراں ور دُڈڑ نے پوچے، سچ نا چہرہ ٹیالا سی
شرکاں نے سوچ سمندر بچ، ہر کشتی ڈوبے کھانی سی
اُس وقت گُفر نیاں لہراں بچ، توحید نا اک متوالا سی
الحاد نے جُہند لے موسم بچ، بے نوری نے اک عالم بچ
قرآن مجسم فی صورت اوہ ہادی کملی والا سی
عُمر اُن توں کے جس چُہگی بچ، خوشیاں فی لوہ تک نہ سُر کی
آقا سن، مائی حلیمہ سی، آج پل پل نور اُجالا سی
معصوم پھلاں جے سہنے ور ”اقـــــرا“، نیاں اوساں نے توپے

اَنج غارِ حرا ور رحمت نا ایہہ منظر دِکھنے والا سی
رشید قمر نی ہی اک ہور خوبصورت نعت نے کجھ شعر ملاحظہ کرو ے

سیاہ سحرا نے اندر حق نے دِیے بالنے والا
اوہ سچ نے رستیاں چوں کالے کنڈے تالنے والا
حرف بہ حرف سپنے بچ سمہالی رکھیا جس نے
اوہ قرآنِ مجسم ، آیتاں کی پالنے والا
شعوری طور جد انسان شرکاں نا ہمالہ سی
ہتھیاں ور دینہہ تھری آیا اوہ برفاں گالنے والا
اوہ اک بڈھی نی پہہ ری چوڑ منزل ور پہجائی تہ
محبت نال نفرت نے لمبے ساہنے والا
سفر ور نکلیا تہ عرش توں وی پار جا پہنچا
پرندہ نور نا کے سی کھجوری آہلنے والا
قمر تیرا پیغمبر ساقی کوثر وی ہوسی گا
غریباں تھمنے والا ، ضعیفاں ٹھالنے والا

نعت نا نذرانہ اک ہور پیرائے بچ محمد عظیم خان کہن کے آئے تہ مدینے نی تعریف اُسے
طراں کیتی جس طراں انہاں نے وجدان نے لفظاں کی نعت نی تسبیح بچ پرویا ے

دُنیا میہہ پھُلا سکنی خدمات مدینے نی
توحید نا جوہر ہے سوغات مدینے نی
جس ذات مبارک نے صدقے ہے جہاں سارا
رحمت نا خزانہ ہے اوہ ذات مدینے نی
جنت اوہ ٹوٹا ہے مسکن اوہ محمد نا
نا چیز نا نذرانہ ایہہ نعت مدینے نی

شیخ آزاد احمد آزاد جدوں نعت شریف لے کے دربار رسالت مآب بچ پیش کرنے پین تہ اوہ

اک کیفیت کی گویا جنم دینے ہیں تہ اپنی عقیدت نا نذرانہ خوبصورت پیرائے بچ پیش کر نیاں ہوئیاں
آکھنے ہیں ۔

عرب فی زمی فی فضیلت نے صدقہ
آمنہ نے دُلا رے فی عظمت نے صدقہ
حلیمہ فی لوری تہ قسمت نے صدقہ
حُدا یا توں اپنی قُدرت نے صدقہ

عطا کر بصیرت وسیع ماہڑے مولا

بنی جاں نبیؐ نا مطیع ماہڑے مولا

ڈاکٹر مرزا فاروق انوار اک بصیرت فی دولت توں فیضیاب ہیں۔ شاعری پُر چنگی چو کھی پکڑ
رکھنے ہیں تہ اک سُلکھے ہوئے انداز بچ شاعری کرنے ہیں۔ پر انہاں فی نعت نویسی پُر وی پکڑ اسے
طراں فی ہے جیاں کے اوہ غزل نے مدان بچ اپنا قد بنا رکھنے ہیں۔

نعت نا جغرافیہ گجھاں حد اں نے اندر ہی اندر رہنا ہے۔ ایہہ کوئی تصنع یا بناوٹ نا سلسلہ
بیہ ادب نیاں حد اں کی ملحوظ رکھنا اولین شرط ہے۔ اسے واسطے نعت گوئی بچ جیہڑی خوبصورتی
پہری جانی ہے، اوہ پھلاں توں سچی تہ خوشبو اں فی لطافت توں تہوئی ہوئی ہونی ہے۔ ڈاکٹر فاروق
ہو ر انہاں قدراں کی سمہال کے تہ شعور نے زاویاں کی پرکھ کے نعت گوئی دار آئے۔ انہاں فی
تخلیقات بصورت نعت گوئی ملاحظہ کرو ۔

حرا نے جس نورِ میں نال روشن

دن رات نالے مہ و سال روشن

انسانیت نے خد و خال روشن

ماضی پُہلایا ہو یا حال روشن

ایہہ سب کچھ محمدؐ نے دم نال اے حاصل

خلاصی ہوئی کالسریاں کی حاصل

مٹیا بہر حال دُنیا تھیں باطل
 شرمندہ اپنے ہی کیتے ار قاتل
 نہ شاہ رہیا کوئی نہ کوئی وائل
 ایہہ سب گجھ محمدؐ نے دم نال اے حاصل
 پیہماں نے درواں نی کاری میسر
 اخوت نی فر اک خماری میسر
 محبت نی لذت کراری میسر
 ادھوری نیہہ سارے نی ساری میسر
 ایہہ سب گجھ محمدؐ نے دم نال اے حاصل
 ملی فیر انسانیت کی ہدایت
 کر گئی ہر جا محبت سرایت
 خداوند کیستی بڑی ایہہ عنایت
 کسے کی کسے نی نہ رہیئی شکایت
 ایہہ سب گجھ محمدؐ نے دم نال اے حاصل

جدید ادب نے سارے تقاضیاں نال رنگیا البیلا شاعر پروین مانوس نعتِ پاک ناندرانہ
 کیہڑے لفظاں نی سوغات لے کے پیش کرنا ہے ملاحظہ کرو ے

رحمت بہر نی رُخی روز مدینے نچ
 تلساں میں وی شوق بڑا ہے سپنے نچ
 گہمن کیہر کرے جو مرضی نیہہ دُلی
 آقاؐ نی رحمت ہے نال سفینے نچ
 جس وی ذکر محمدؐ کیتا ہر ویلے
 اوہ کدے نہ پھسّی بُغض تہ کینے نچ

محمد مقبول ساحل اک ہور معتبر ناں ہے جہاں شاعری کی مٹے ڈوہنگے انداز نال سمجھیا تہ برتیا وی۔

یہوں ساریاں تحریریاں انہاں نے ہتھوں کاغذاں پر اُبھریاں۔ غزل، نظم، افسانے وغیرہ چوکھے سارے انہاں فی تخلیقات پنج شامل ہیں تا انہاں نے لکھنے نا انداز وی انہاں فی انفرادیت نا مثالیہ ہے۔ انہاں فی نعتیہ شاعری نا اک انداز ملاحظہ کرو۔

عنایت ' رہبری ہور راہداری یا رسول اللہ
ایہہ عرضی کردی ہے اُمت بے چاری یا رسول اللہ
تُساں کو سب پتہ ہے جاندے ہو دردِ دل سارا
کراں میں کس اُگے میں آہ و زاری یا رسول اللہ
مٹا چھوڑو حُدا دے واسطے اُج ماہری قسمت تھیں
غربی ' بے نوائی ' خاکساری یا رسول اللہ
محمد مقبول ساحل ہوراں فی ہی اک ہور نعت پاک ملاحظہ کرو۔

رسول اللہ دی چوکھٹ ' نور دی برسات کے آکھاں
ایہہ دامن ریزہ ریزہ درد دی سوغات کے آکھاں
دُعا منگدے روز و شب جس دی جناب اندر
میں اس محبوبِ سبحانی دی حمد و نعت کے آکھاں
مستور احمد شاد نعت فی سوغات لئی کے حضور پاکؐ نے دربار پر اس طراں حاضری دینے ہیں ۔

سفر منگاں مدینے نا مدینے فی ہوا منگاں
وطن منگاں میں آقاؐ نا میں طیبہ فی ہوا منگاں
منگاں رب تھیں ہمیشہ میں زیارت سبز گنبد فی
شہر منگاں مدینے نا میں رب تھیں بارہا منگاں
محمد زمان اختر میر پوری اپنا ہدیہ عقیدت سرور کوئیں نے دربار پنج اس طراں پیش کرنے ہیں ۔
صدیاں نے ٹھٹھے لوکاں کی چایا حضورؐ نے
لیاں نا مان ہور بدھایا حضورؐ نے
ہر پاسے لوہ کھلری اسلام فی تلو

ہنیرا جہالتاں نا مکایا حضورؐ نے
اک مرحوم بزرگ شاعر مولوی غلام رسولؒ نی عقیدت پُہری پیش کش دربارِ نبوت بچ کس
پیرائے بچ ہے ملاحظہ کرو ۛ

زبان تے اے خوشا صلی علی ایہہ کس دا ناں آیا
کہ میرے ناں بھی روح الامین لے کے سلام آیا
محمدؐ مصطفیٰؐ بھی ہے اوہ احمد مجتبیٰؐ بھی ہے
اوہ مطلوبِ خلائق بھی اوہ محبوبِ خدا بھی ہے
محمدؐ مصطفیٰؐ بن کے رحم آیا کریم آیا
امام الانبیاءؑ صاحبِ خلقِ عظیم آیا
نعت نے لباس بچ عقیدت نے ٹہیر سارے پھل سید امجد حسینؑ کاظمیؑ کہن کے دربار رسالت
بچ کجھ اس طراں پیش کرنے ہین ۛ

اُس رہبر دے دربار جے پھیرا لگ جائے
کراں رو رو عرض گزار جے پھیرا لگ جائے
امجد حسینؑ کاظمیؑ نی اک ہو نعت نے دوشعر ملاحظہ کرو ۛ
آئے بن کے جگ نے نورِ کملی والا جی
کر گئے ہنیرے دُورِ کملی والا جی
کردار ہے لاثانی ، اخلاق بھی اعلیٰ ہین
ماہرے پاک نبی حضورؐ کملی والا جی
حافظ محمد حسینؑ فاقہ نعت پاک نا نذرانہ کجھ اس طراں پیش کرنے ہین جے مدینے نی نسبت نال گل
مدینے نی پر عقیدت نے ٹہیر سارے پھل مدینے آلے آقا واسطے۔ ملاحظہ کرو ۛ

تاں ایہہ دل نا شیشہ صاف ہوسی کدے کرسو ذکرِ مدینے نا
سارا دل فر نور و نور ہوسی نالے دُور ہوسی زنگ سپنے نا
چینا مرنا چنگا لکسی گا سرکار نے ہجر نے غم اندر

جے ایہہ غم ہے سلامت دل اندر مزہ تاں فر مرنے چنے نا
 حافظ محمد حسین فاقرہوراں نی اک ہور نعت ناک شعر تلو ے
 کرم ہوسی خُدا نا بیہڑے آقا نے میں جاساں گا
 ماہڑا سُنّا مقدر ہے میں اِسی وی جگاساں گا
 عبدالمجید حسرت نعت پاک نانذرانہ اِس ادا تہ انہاں لفظاں نال کرنے ہین۔ جہاں تھیں
 روایت نے نِخیئے ادھیڑ کے غیر روایتی انداز پنج رسالت مآب نے دربار پنج لفظاں نانذرانہ کُہن کے
 حاضر ہونے ہین ے

عرش تھیں فرش تک ہک خوشی چھا گئی
 سبز گنبد کو چُم کے ہوا آگئی
 جد تصور سمندراں تھیں پار ہو گیا
 اِس ہنیرے دِلے پنج ضیاء آگئی
 دانش اشفاق ترک نعت پاک نانذرانہ لے کے اِس طراں حاضر ہونے ہین ے
 مدینے تھیں میں رہواں دُور ایہہ ہر گز گوارہ میہہ
 اے شافعی ماہڑے جینے دا باقی کوئی سہارا میہہ
 بلائیو در تے عاصی کو پُکاراں یا رسول اللہ
 ماہڑا خود غرض دُنیا پنج ہُن کوئی گزارہ میہہ
 حاجی فیروز الدین بیگ اپنے پھر پور جذبات کی حرفاں نے سہارے اظہار کَرنیاں ہوئیاں
 دربار نبوت پنج اِس طراں نذرانہ پیش کرنے ہین ے

سوہنا ناں رسول خُدا دا لگدا مَچُ پیارا جی
 جس دے نور تھیں روشن ہويا مشرق مغرب سارا جی
 سر تے سجدا تاج سُنہرا مَتھے اُپر نور دا سہرا

جس تہرتی تے پاؤن پھیرا لگدا کے لشکارا جی
نعیم کرنا ہی اپنی عقیدت نے پھل مُنفر دانداز بچ پیش کرنے ہن ے

ایہہ حقیقت ہے کوئی خاب نہیہ

ماہڑے آقا دا بھی جواب نہیہ

جس کو روضے دی دید نہیہ حاصل

اوہ زمانے بچ کامیاب نہیہ

امتی ہے تِساں دا ایہہ عاصی

بدھ کے اِس تھیں کوئی خطاب نہیہ

محمد خورشید مٹورا پناعت ناندرا نہ اِس طراں پیش کرنے ہن۔ تلوے

مکو بھی مدینے بلا میرے آقا

ایہہ دُوریاں سب مٹا میرے آقا

مقدراں والے جاگے سویرے

ماہڑا بھی مقدر جگا میرے آقا

عنایت اللہ خان براہی اپنا نذرانہ بحضور رسالت مآب اِس طراں پیش کرنے ہن۔ ملاحظہ کرو ے

اے دو جہاں دے بادشاہ صلی اعلیٰ صلی اعلیٰ

توہڑا نور ہے نورِ خدا صلی اعلیٰ صلی اعلیٰ

تُسیں ہو شفیع المذنبین ، تُسیں ہو رحمت للعلمین

اِس ناں تھیں میں ہوواں فدا صلی اعلیٰ صلی اعلیٰ

نصیر دلجانی نعت شریف ناندرا نہ انہاں لفظاں بچ پیش کرنے ہن۔ ملاحظہ کرو ے

ولا چل مدینے دا دیدار کرساں

دُعا رب کعبہ دے دربار کرساں

اوہ مسجد نبوی تہ کعبہ دے صدقے

پیارے محمدؐ اصحابہ دے صدقے

میں ہتھ بندھ غلامی دا اظہار کرساں

دلا چل مدینے دا دیدار کرساں

ملک ذکر خاکی: درہال نی سرزمین کی ایہہ شرف ہے کہ اجاں تک اس نے جغرافیہ پنجابہروں
کوئی ادبی یلغارنا سلسلہ نہ آسکیا۔ اک مخصوص قلعہ بند ماحول اک مخصوص مزاج ہوو زبان نی پاسداری نا
مزاج موجود رہیا ہے۔ اتھے اجاں وی روایت پرستی ناشعور موجود ہے۔ اسے نے نال نال اس خطے نے
مقدربچ خوش الحانی، شعر گوئی نہ معرفت نے نال جُوے ملے قصے موجود ہین۔ ملک ذکر خاکی اپنی ہدیہ
نعت گچھ اس انداز بچ پیش کرنے ہین۔

ماہڑی پگڑی بنائی تہ کدوں در در بِلَاسو گے

ماہڑی اجڑی نی بستی کی کدے تئیں فر بسا سو گے

کدوں آسی گا اوہ منظر میں دِکھساں گُنبدِ خضرئی

میں عاصی آس بچ بیٹھا کدے مِگی دہسا سو گے

محمد سرور ریحان: اک ہوو بُزرگ نسل نے پختہ کار شاعر محمد سرور ریحان ہوو اپنی عقیدت نے
پھل بھور سرور کائنات نی خدمت کس انداز نے نال پیش کرنے ہین۔ اس توں انہاں نی جذباتی
کیفیت یہ عقیدت نامزاج متا سارا خوبصورت انداز بچ اُبھرنا نظر آونا ہے۔ نعت شریف ملاحظہ ہووے۔

مجبذب نہ سمجھے جگ یارو دیوانہ میں کملی والے دا

بس خاک مدینہ چُم لیواں مستانہ میں کملی والے دا

کیوں دُور ہٹاؤن نظراں تھیں بے کار سمجھ کے لوک مِگی

ہے خوف دلا بچ ماہڑے کیوں بیگانہ میں کملی والے دا

محترمہ قیومہ بی سنی: اک نسوانی آواز اپنے شعری سوغات لے کے دربار رسالت مآب ﷺ بچ

تخیلاتی طور حاضری دے رہی ہین۔

شفاعت کرنے کی ماہڑی کدوں پیارا سامنے ہوئی

کدوں تک ماہری بخشش نا اشارہ سامنے ہوئی
 جہالت فی ندی بچ میں کیاں دُہنی تہ ترنی ہاں
 جدوں آقا کرم کرسن کنارہ سامنے ہوئی
 محمد شفیع خان صابر: صابر صاحب نے شعری جذبات کی وی نعتیہ انداز بچ ٹس ملاحظہ کرو:
 جس تے نگاہ مہر و کرم جناب دی ہوئی
 حاصل اسکو حیات بچ ہر خوشی ہوئی
 معراج شاہ دو جہاں ایہہ ہی پیغام دے گئی
 اوّل ہر ہک رسول تھیں ذات نبی ہوئی
 محمد امین قمر: قمر ہوراں وی محبوب خدائے پاک فی شان بچ کجھ اک موتی پرونے فی کوشش کیتی
 ہے۔ ملاحظہ ہووے۔

کیا شان تساہری صلے علی محبوب رب بنایا ہے
 ہوئے دُور ہنیرے جگ بچوں ابھجا چانن ٹساں لایا ہے
 اوہ شان محبوبی کے آکھاں دو جگ نا سارا ٹور ٹسیں
 ٹساں لئی بنایا جو کجھ ہے اللہ سُن ایہہ فرمایا ہے
 مولوی محمد خلیل جوہر: جوہر نال مرحوم لکھنیاں ہوئیاں اک ضرب جی لگتی ہے۔ متے سارے
 اوصاف نے ایہہ مالک سن تہ سیف المملوک کی گانے نے نال سامعین کی وجد فی کیفیت پیدا کرنا
 انہاں نا حصہ سی۔ علی معیار نے روایتی شاعری سن تہ متیاں ساریاں صفاں بچ طبع آزمائی وی کرنے
 سن۔ آج ایہہ اساں فی صف بچ اک جگہ خالی چھوڑی گئے ہین۔ پر انہاں فی لچک دار تہ خوبصورت آواز
 ناجادوا جاں سماعتاں نے اندر گنار ہنا ہے۔ انہاں نے نعتیہ اشعار ملاحظہ ہوون۔
 ماہری قسمت نا ستارہ جگاسی گا ضرور
 ہے یقین مولا مگی وی جج کراسی گا ضرور
 پہلیں آقا فی محبت نا طریقہ سکھو ٹسیں

فر مدینے تھیں بلادائیں اس کی آسی کا ضرور

نعت پاک نا احاطہ ممکن، تاہم ایہہ گل و شوق نال آکھساں کہ پہاڑی زبان نے قدیم تہ
جدید ساریاں شاعراں نے اس صنف پنج طبع آزمائی کیتی ہے تہ اپنے اپنے اندازے تہ اپنے اپنے
تجربیاں نے سہارے حضور پاک نی خدمت پنج شعری نذرانہ پیش کرنے رہے۔ پراک گل بحوالہ مولانا
شاہ احمد رضا خان بریلوی نے آکھساں:

حقیقت پنج نعت شریف لکھنا بڑا اوکھا کم ہے جس کو لوک سکھلا سمجھدے ہین۔ اس پنج تلوار دی
تہنارتوں ٹرنا ہوندا ہے۔ اگر شاعر حدوں پار ہو گیا تاں نبی اکرمؐ کو خدائی دے مقام تے پہنچا چھوڑی تہ اگر
کمی کر چھوڑی تاں العیاذ باللہ نبی اکرمؐ دی شان مبارک پنج گستاخی ہو گئیسی۔ البتہ اللہ پاک دی حمد کرنا
آسان ہے کیاں کہ اس پنج رستہ صاف ہے جتنا چاہوے آگے بدھ سکدا ہے۔“
اس حوالے نال نعت پاک لکھنے آ لے ہر لکھاری کی متی احتیاط تہ حرفاں نامعقول انتخاب کرنا
ہوسی۔ تاں جے حضور پاکؐ نی شان پنج کوئی گستاخی نہ ہووے۔

اس طراں نعت گوئی نامزاج ہر پہاڑی شاعر ہو ر لکھاری نا بنیادی نصاب ہے جس کی سامنے
رکھ کے ہو ر اپنا شعری سفر پُر آگے بدھنا جاسی۔ حمد توں بعد نعت تہ فر منقبت نی لڑی کی ملحوظ رکھیا جانا
ہے۔ ایہہ گل کرنی وی ضروری ہے کہ ہر اک شاعر کی حمد، نعت، منقبت نے اظہار پنج متی احتیاط برتنی
ہوسی۔ کدے عقیدتاں نے جوش پنج درجات کی اُپر تھلے نہ کری چھوڑن تہ اس نے نتیجے نے طور اپنیاں حد
پار نہ کری چھوڑن، کدے عذاب نے قابل نہ ہو جاوے۔ نعت نی صنف پنج حتی کہ لفظاں نے برتنے
پنج وی بہوں احتیاط نی لوڑ ہے۔ بہر حال اس صنف پُر ہو یا کم حوصلہ افزا ہے۔



پہاڑی غزلیہ شاعری بچ رومانیت:

اک جائزہ

جد تھیں حضرت انسان اس دنیا بچ اکھ کھولی، دنیا کی تکیا، سننے آل دوالے کھنڈے ہوئے رنگ ہو روفنقاں نال اپنیاں اکھیاں کی سرشار کیتا۔ زبان غوغاں جی اظہاریت نا آغاز ہویا۔ زندگی نے آداب کی ملحوظ رکھی تہ بستیاں بسائیاں گئیاں۔ گنیاں ہو رقبیلیاں نی پشیاں ہوئی۔ اجمالی احساساں نیاں حساں اپنا اثر دہنا شروع کیتا۔ حسن ہو ر عشق نیاں جذبیاں بے پناہ چاہتاں، خواہشاں ہو ر رنگینیاں کھنڈانیاں شروع کیتیاں۔ حقیقی زندگی نال جڑے ہوئے واقعات ہو ر غیر متعلق واقعات، جہاں بچ فرضی داستاناں، من گھڑت ہو ر حیرت انگیز واقعات، عشق و محبت کی پیش کرنے بچ حضرت انسان کوئی کسرباقی میہ رکھی۔ عشق ہو ر محبت، خوشی ہو ر غم نے ملے جلے حالات و مختلف وقتاں بچ انسانی جذبات، دل نے اندر نی ترف شعراں نی صورت بچ باہر نکلی ریٹی۔ جس نے بچ وجدانی کیفیت نا بہوں بڑا ہتھ رہیا۔ شعر تخلیق کرنے آ لے ایہہ لوک جہاں نی زبان و ر بے ساختہ اظہاریت نی چھاپ ریٹی، ایہہ لوک شاعر آ کھوائے۔

شعری ادب رومانیت نا اک عالم گیر عنصر ہے، جسکی ہر زبان و ادب بچ مرکزی حیثیت حاصل ہے۔ بالخصوص زبان و ادب بچ رومانیت نی بہوں ڈونگی چھاپ ہے۔ انگریزی تھیں علاوہ دویاں زبانوں جہاں بچ عربی، فارسی ہو ر اردو زبانوں شامل ہین، انہاں زبانوں بچ وی رومانیت نے عنصر کی مرکزی حیثیت حاصل ہے۔ کیاں جے کوئی وی شعری تخلیق یا ادبی پارہ رومانی عنصر نے عمل دخل نے بغیر نہ ہی باعث کشش ہوئی سکنا ہے ہو ر نہ ہی جاذب نظر۔ مثال نے طور وراک کہانی یا اک غزل یا مثنوی۔ جد توڑیں کہانی کی عشق نی رفق تاب میہ ہون لگی کہانی بچ کوئی Attraction پیدا میہ ہون لگی ہو ر قاری واسطے ایہہ کہانی کسے کم نی نہ ہوسی ہو ر غزل بچ جد توڑیں عشق نا انداز میہ ہون لگا، غزل محض

خشک لفظاں نافضول پیڑ سمجھا جانا ہے ہور اسے طراں مثنوی بچ اگر کہانی عشق تہ حسن نے عناصر نال سجا ئی گئی ہوسی تہ تقاری واسطے باعث کشش من وسلوی ہوسی گا۔

وراصلاً دُنیا بچ رومانیت اک تحریک نے طور ورا بُھری جس نی ابتداء جرمنی بچ شینگل نی کتاب ڈاس انتھیم (Dass Antheuacum) ۱۸۰۰-۱۸۷۸ء ہور انگلستان بچ کالرج ہور وڈز ورتھ نیاں اکہٹھیاں کوششاں نال اک مشترکہ کتاب 'Lyrical Blades' نال شروعات ہونی ہے ہور اسے کی رومانی تحریک نا منشور وی آکھیا جانا ہے۔ فرانس بچ اس تحریک نا آغاز کرمویل نے متعلق ہوگو (Hugo) کباب نے دیباچے نال ہونا ہے۔ اٹلی بچ کلاسیکی ہور رومانی تحریک ۱۸۱۶ء بچ شروع ہوئی ہور ۱۸۲۳ء اسان کی اٹلی ہی بچ ادبیاں تہ شاعراں نے ایچے ٹولے لہنے ہین جیہڑے رومانیت نے علم بردار سن۔ انگریزی ادب نی تاریخ نے مطالعے تھیں ایہہ گل باندے آئی جانی ہے جے ستاری صدی عیسوی نے نصف بچ انہاں ملکاں بچ رومانیت نال لفظ اُس ادب واسطے استعمال کیتا گیا جیہڑا ادب فرضی، من گھڑت ہور مقبولیت نی حد پٹی گیا ناسا۔ ور جس ویلے نقاداں اس ادب نا باغور مطالعہ کیتا تہ انہاں کی اس بچ کجھ خوبیاں وی نظر آئیاں تہ انہاں اس ادب کی بدنامی نی موت تھیں پچانے واسطے اس نے مفہوم بچ رد و بدل کرنا شروع کیتا۔ اسراں تقریباً اک سو سال تکر لفظ رومانٹک یا رومانیت فرضی، من گھڑت ادب نا مفہوم رد و بدل ہور ترمیم نے سلسلیاں تھیں گزرنا رہیا۔ جتھے توڑیں رومانیت نا تعلق ہے اس نے بارے بچ کجھ لوکاں نا خیال ہے جے رومانیت نی تحریک کی باندے آنے نا سہرا روسو نے سر جانا ہے۔ اس بچ کوئی شک نیہہ جے روسو رومانیت نے دائرہ فکر انسانی کی اُسے بُیادی حقوق دوانے نے حق بچ ہے ہور اس مفہوم نے نال نال سماجی روایتاں تہ رسماں کی جیہڑیاں انسان کی گناہواں نے سمندر آ لے پاسے ہئی جانیاں ہین انہاں توں پرہیز کرنے نی تلقین دینا ہے۔ اوہ ضرور خیال کرنا ہے جے انسان نی شخصیت نی ہمہ پہلو نشوونما ضروری ہے۔ اس کی سماجی ہور خارجی بندشاں تھیں آزاد کیتا جائے۔ اس خیال رومانی تحریک کی بہوں تقویت دتی ہور اس خیال ساری دُنیا کی اپنی لپیٹ بچ ہئی ہندا۔ ور روسو تھیں پہلاں وی انگلستان نے مفکر ہور سکا لرمیلٹن وی اسراں نے خیالات نا اظہار کیتا سا۔

ادب نی ایہہ صنف رد و بدل ہور ترمیم نے نال نال ارتقاء نیاں برابر منزلان طے کرنی ریئی

ہو اس صنف ادب پنج دویاں زبانوں نے ادبیاں جتھے رومانی ادب پنج دُغم کی محبوب نی جُدائی کدے ظالم آسمان نی فتنہ خیزی کدھرے دہر نی ناسازگاری کدھرے سماج نی ستم سازی کدے صحرا ہور کدے دارورسن کدے طوفان نوح کدے منصور کدے ابراہیم کدے بلبل تہ کدے صیاد کدے منزل تہ کدے کارواں کدے رار تہ کدے پار کدے لغہ تہ کدے نالہ یعنی رونا تھو نا جے ناواں نے تحت باندے آونا ہے تہ انہاں ادبیاں تہ شاعراں اپنے دُغم نے اظہار واسطے روایتی اصطلاحاں ناسہارا ہند اور ایہہ اتھے ہی توڑیں نیہہ ریٹی۔ انہاں شاعراں تہ ادبیاں نیاں تخلیقاں نے معنی ہور مطلب رویتی نیہہ رہے بلکہ ایہہ معنی تہ مفہوم وقت نیاں ضرورتاں نے نال نال بدلے ہور انہاں پنج ارتقائی صورت وی شامل ریٹی۔ جس نے نتیجے پنج روایت نے رجحاناں پنج تجدید ہونی ریٹی ہور رومانیت نے انداز بدلی تہ آج نی شعری تہ ادبی صورت اختیار کری آساں نے باندے ہین۔ اُردو غزل پنج رومانیت نے عناصر نی غالب چھاپ ہے۔ میر غالب، فیض، فراز، فراق تھیں ہنی تہ عزیز لکھنوی، جوش ملیانی، جوش ملیح آبادی، اثر صہبائی، غرض ہر اُردو غزل گو نے کلام پنج موجود ہے۔ انہاں شاعراں نہ صرف رومانیت نے عناصر کی اپنی غزلاں پنج ٹھنایا بلکہ اسنے نال نال احتجاج ہور مزاحمتی عناصر معنویت ہو حق وانصاف نیاں اعلیٰ قدراں کی وی بڑی ہوش مندی نال پیش کیتا ہے۔ عین اسے طراں پہاڑی زبان نا ادب وی رومانیت نے تانے بانے ہی نیہہ بلکہ اسنے سارے حسی عناصر کی اپنے اندر جذب کری تہ ارتقاء واخ بڑی سرعت ہور ہوش مندی نال آگے بدھے کرنا ہے۔ حتیٰ کہ پہاڑی غزل جیہڑی کہ اس ویلے ماہڑے زیر بحث ہے اسنے داخلی ہور خارجی انداز ور رومانیت نی ڈونگی چھاپ ہے۔ اتھے ایہہ آکھنا قطعی طور غلط نیہہ ہون لگا جے ماضی پنج جتھے اُردو غزل اپنے اپنے ناز و انداز دہسنے اپنے شعری مضامین و فخر کرنے ناحق رکھنی سی اتھے اُسے طراں آج نیاں دویاں زبانوں وی اسی فخر نال سرفراز ہین جنہاں پنج پہاڑی زبان وی با اسم مستملی موجود ہے۔

پہاڑی زبان لوک ادب تھیں ہنی تہ اپنی آخری صنف ادب تکر رومانیت نے رنگاں پنج رنگیاں نے ادب نا اعلیٰ نمونہ پیش کرنی ہے۔ جس پنج سی حرنی باراں ماہ، چن، بالو ماہیا، ٹپے، لگو، شوپیا، سٹھیاں، درشی، ٹھول، قینچی، کنگھی، مہینڈھی وغیرہ تخلیق کیتا گیا شعری ادب عشق تہ محبت ناوالہانہ انداز پیش کرنا ہے

ہور فر پہاڑی زبان نے گیت وی اپنی مٹھاس تہ دل دوزی داهروں احساس نی داستان ہنی تہ اس زبان ہور اس نے ادب کی اچھوتا بنانے بچ اہم رول ادا کرے کرنے ہین۔

’سیف الملوک‘ پہاڑی زبان نے شعری ادب بچ اک زندہ پائیدہ ہور بے مثال مثنوی ہے، جیہڑی برصغیر نے اس پہاڑی خطے نے رومانی ادب نی ماء ہے ہور میاں محمد بخش ہوراں پہاڑی زبان نے شعری احساس کی ایہہ مثنوی دیہنی تہ اسے شعری ادب کی لازوال بنائی چھوڑیا ہے۔ میاں ہوراں رومانیت نے انداز بچ ’سیف الملوک‘ نے شعراں کی نویں انداز نویاں فکراں درد و الم، عشق و محبت نے بے بہاہ عناصر دتے رمز و کنایہ انسانی زندگی نے فلسفے نے نال نال زمانے نیاں ستم ظریفیاں سماجی نابرابریاں تھیں علاوہ ہوں ہور متے تہ اتھاہ فلسفے باندے آنی تہ انسانی سماج واسطے اک بے مثل آگہی دتی۔

اسے طراں پہاڑی لوک ادب جس بچ شامل شاعری ہور جہاں ناف کرا پر کیتا گیا سپہہ بسپہہ ٹر نار ہیا ہور اپنے رومانیت نے انداز نال لوکاں نے دلاں نی کشش ناباعث بنار ہیا۔

پہاڑی غزل اردو غزل پروں مہینڈھی چوٹی، کنگھی، شمع پروں پھل تہ ٹیلے، عشق و محبت بچ پھسی رہی و زمانے نے بدلے ہوئے حالات نال وی ٹری ہے۔ پہاڑیوں اسنی عمر نکلی ہے ور اس زمانے نی ٹر ہور شرکی بڑے کولوں ہوئی تکیا ہور پیشانی ہند ہے۔ ساریاں سماجی بُرائیاں ہور قتل و غارت، ظلم و جبر نیاں وارداتاں نے خلاف اسے شعری انداز ہمت افزا ہین۔ پہاڑی غزل بچ ڈھنی بیداری نیاں عملی کوششاں موجود ہین۔

پہاڑی غزل رمز و کنایہ ہور نویاں اصطلاحاں ترکیباں طنز تہ ظرافت نامنہہ بولنا شاہکار ہے۔ جبر و ظلم کرنے والیاں نے سراں ور ہتھ جیا موٹا سوتاوی ہے۔ رومانیت نے انداز بچ پہاڑی غزل نے اندر جتھے نویاں فکراں ہین اُتھے ہی نویں بکھیرے حالات نی چھکوتانی، انسانی کرب و بلا، احساس دے رات نیاں نہ ختم ہون آلیاں پریشانیاں سماجی تہ معاشی زندگی نیاں مجبوریاں سیاست دانوں نے ظلم تہ ستم، خوف تہ ڈر نفسیاتی الجھناں بے اطمینانی، ملٹنسی فی وجہ تھیں پیدا ہوئیاں نیاں بے چہیاں، گولیاں فی تڑتڑ آوازاں عصری آگہی ناعذاب، موجودہ دور نے تقاضے انسانی عظمت نیاں پامالیاں، غرض ایہہ سارے ہی المیے ہنی تہ پہاڑی غزل رومانیت نے رنگ ہور روپ دہسنی ہے۔

لوک ادب نے شعری جھٹے کی اک پاسے رکھی تہ جس ویلے اُس تھوڑا اگاں داہر قدم چانے

ہاں تہ اُساں کی ماضی قریب ہو رہی ہے۔ انہاں شاعراں نا قافلہ لکھنا ہے۔ جنہاں میاں محمد بخش ہوراں نی روایت کی سامنے رکھی تہ پہاڑی غزل کی آگے بدھانے نیاں کوششاں کیتیاں ہین۔ اس صنفِ سخن بچ رنگاں نے رومانیت نے نال نال غزل بچ مُنفر دہور متفرق مضمون برتے۔ انہاں شاعراں بچ پیر محمد شاہ پوچھی، مولوی مہر الدین قمر، مفتی ولایت شاہ بخاری، پیر حیدر شاہ سیم سمت، مولوی غلام رسول دودا سنوئی، سائیں قادر بخش، زمان چن، مولوی عبدالستار بی بی پاکدامن، تیرتھ رام تھنہ منڈی، مرزا غلام رسول سیم سمت، مولوی فتح محمد درہالوی، زیر زنجی گھمبیر مغلّاں، ٹھا کر کشمیر سنگھ، کامریڈ غلام قادر وغیرہ۔

آج نی پہاڑی غزل رومانیت نا اندازِ فکر ہئی تہ جتھے سُن یہ عشق نی ہمدی ہو رہی کرنیاں ہوئیاں آگے بدھ کرے کرنے نے جتن کرے کرنی ہے، اُتھے ہی پہاڑی غزل نے غزل گو شاعر اسکی نو نیاں رنگاں بچ چھانلے نی کوشش بچ اک جُٹ ہوئی تہ تخلیقی سرگرمیاں بچ مصروف ہین ہو راج نی تازہ ہوانی طراں تازگی دینے آلی پہاڑی غزل انساناں نیاں محرومیاں، بد حالیاں، ظلم و جبر ہو ر مطلق انسانی نی عکاس بنی ہے۔ پہاڑی غزل بچ رومانیت بچ ڈُبے ہوئے ہمہ جہت رنگ تہ آہنگ نا اک شعری منظر نامہ پیش خدمت ہے، جیہڑ پہاڑی غزل بچ رومانی انداز نیاں نرمیاں ہو ر گرمیاں نے نال نال تغیراتِ زمانہ، جبر و ظلم نے خلاف جہاد نا رنگ دی نمایاں کرنا ہے۔ پہاڑی غزل عمر نے لحاظ نال بہوں کم سن ہے وراسے لکھنے ہو ر اسکی پسند کرنے والیاں نی تعداد بہوں متی ہے۔ اسے طراں پہاڑی غزل نے لہجے دی بکھرے بکھرے ہین۔ رومانی لوازمات نال پُہریاں غزلاں بچوں اک اک دودو شعر تِساں نی ضیافت طبع واسطے پیش ہین، جنہاں بچ گروپ پیش بچ کھنڈے ہوئے سُند لکے حالات نی نا مساعدت اک دردناک کرب ہر شعر اپنی نمائندگی کرنیاں ہوئیاں اک کسک ہو ر اک ٹپس دینا لکھنا ہے۔ اُتھوں ایہہ گل واضح ہوئی جانی ہے جے جس آرزو خواہش یا مقام و منزل کی حاصل کرنے نی خواہش شاعر نے دل و دماغ بچ ہے اُس تکرار اسکی رسائی حاصل کرنا آسان نہیہ۔ اس واسطے اوہ بعض دفعہ بے ساختہ خود ہی آکھی پینا ہے۔

چلِ چلِ چلِ دینہہ بکنا سا

سک اجاں وی اوہ چھلنا سا

جسنی لوڑے جعفر جالے

اندری اپنے اوہ پلنا سا

دیہہ نی چلملی کیفیت بچ شاہباز زندگی نے اتھاہ کرب کی دیہہ نے بنے ہوئے سینگ بچ
اُجاگر کیتا ہے ہوئے حسنی تلاش بچ اُسکی بہوں جعفر جانے پے اوہ اُسکی اُسے دل تھیں سویر کدھرے نیہ
لیٹھا۔

بعض دفعہ زندگی نے پہنار پہنارے ہوئی جانے ہین۔ اسے کیفیت کی شیخ آزاد احمد آزاد ہو
اسراں پیش کرنے ہین جے زندگی نا پہنار خاصا پہنار ہے۔ ماہری جان کھنکی ہے، میں اس کی کسراں
چائی سکنا ہاں۔ تو اہری نگری جانے نا ماہرا ارمان ہے ور اتھے جائی تہ بہلا نیہ مڑی سکنا۔ اے محبوب
ماہرے دل نا شوق تو اہرے دیدار واسطے تڑپے کرنا ہے جس نا میں مدت تھیں اڈیکوان ہاں۔ ور
ماہرے سامنے سارے راہ رستے ہو راہکھیاں منزلاں ہین جس نے پیش نظر میں پار نیہہ جاسکنا۔

ہے خیرا پہنار کھنکی جاں چاواں کسٹراں
تیری نگری جا کے بہلا مڑ کے آواں کسٹراں
شوق دل بچ، ہے تڑپ دیدار نی، ڈاڈی اڈیک
اوہکھیاں ایہہ منزلاں تہ پار جاواں کسٹراں

رشید قمر اک خوبصورت شعری منظر پیش کرنیاں ہونیاں ایہہ آکھنے ہین جے جہاں رستیاں
محبوب اپنے نرم و نازک پیراں کی مہندی لائی تے چلیا ہوئی اُسکی تنکے واسطے تارے گہلاں بچ اُتھے
ہون ہو رہن بیہڑے بچ کھلتا ہوئی ہو رہن مستی بچ ڈبے ہوئے رنگ لہراں ور ڈہلے ہون۔ جہلم نے
کنڈے جس ویلے اوہ پتھراں وراپنے بال سکانے واسطے کھلتا ہوئی۔ ایہہ شعر ملاحظہ فرماؤ۔

جس رستے وی نازک پیراں مہندی لائی اوہ چلیا ہوئی
تارے گہلاں اُتھے ہون، چن بیہڑے بچ ٹھنکيا ہوئی
لہراں ور مستی بچ ڈبے رنگ حُسن نے ڈہلے ہون
جہلم کنڈے بال سکاون جے پتھراں ور کھلیا ہوئی

رات نی دردیلی کیفیت ہو رہن موسم نا سودائی جیا انداز ٹاہلی ٹاہلی ور زخم ہو رہن پھلاں نیاں اُمیداں نا

پرایا ہوئی جانائے رشید فدائی سوچ ناک بہوں پر دردمنظر ہے ۔

رُت دردیلی ایہہ جیئی آئی
موسم سارا پھرے سودائی
ٹاہلی ٹاہلی زخم پھیرے
پھلاں پھلاں تانگ سودائی

رومانیت ناک ہور خوبصورت امتزاج ملاحظہ کرو۔

نویں رُت نیاں نویاں سر دردیاں سر دردیاں نیہہ سن بلکہ ایہہ کسے بے پر ہور بے سہارا پرندے
واسطے ہمدردیاں ہنی تہ آئی ہے جسراں خزاں پھل نے لباس کی لہر و لہر کیتا وراسے نے بھیس بچ بہار
چناراں واسطے وردیاں ہنی تہ آئی ہے۔ ڈاکٹر مرزا فاروق انوار نے ایہہ دو شعر اسے حوالے نال ملاحظہ کرو۔

نویں رُت مُڑ کے آئی ہے، نویں سر دردیاں رکھن کے
کسے بے پر پرندے جوگیاں ہمدردیاں رکھن کے
خزاں سن تہ قبائے گل ہی لہر و لہر کیتی ور
بہار آئی چناراں واسطے وی وردیاں رکھن کے

غزل بچ رومانیت نے اندازِ فکر نی اک ہو چٹک 'توں ہور میں نی گل'، محبوب ہور عاشق نے
بشکار ناک منظر امتیاز سیم ہاشمی اس طراں پیش کرنے ہن ۔

'توں' تہ 'میں' نی گل نہ رہوے
ساری رٹ مکا وے سائیں
چم سگا ہڈ ماس نہ کوئی
ہُن تہ میل کرا وے سائیں
نفس نا دریا ٹھاٹھاں مارے
کشتی پار لگا وے سائیں

خورشید کرمانی احساس تہ کرب نی اک بچ سڑی تہ تانی ہور پیٹے نا ذکر ہور اُس عاقل بالغ ہور

سیانے نی گل نی داد دینے ہین جے اوہ بندہ جیہڑا پیٹا پیٹا ہور تانی تانی کرنا سا اوہ ایویں بیہودہ ذکر نہیہ کرنا
سا بلکہ اوہ سیانا سا ہور سیانیاں گلاں کرنا سا۔ دوئی جگہ آکھنا ہے جے ماہڑا محبوب ماہڑے اندر رہنا ہور
بسنا سا۔ اسکی رہنے بسنے نے سارے امکانات حاصل سن وراوہ بے امکانی نی ضرب کاری لانا سا۔

پیٹا پیٹا تانی تانی کرنا سا
اوہ سیانا سا گل سیانی کرنا سا
ماہڑے اندر رہنا سا اوہ بسنا سا
امکاناں نی بے امکانی کرنا سا

مبارک شاہ نقوی رومانیت نے انداز پنج اک خوبصورت پیشکش کرنے ہین۔

ہیر نا عشق رانجھے اندر
رگ رگ پنج سمانی گیا
پنج پردیاں نکلی چھڈ کے
داغ ہجر نا لائی گیا
عشق نی خاطر شاہ منصور
پٹھی کھل لوئی گیا

اک نواں انداز فکر دینے والے بہوں چنگے شاعر جہاں محبوب تہ محبوب ٹالاں پتراں نی وی
حصار بندی کری چھوڑی ہے۔ ڈاکٹر لیاقت نیر ہوراں نے نویں انداز ٹھالاں ہور تہراں نی حصار بندی
ناپہنلیکھا کھائے کرنے ہین۔ آکھنے ہین جے ہور چیزاں تہ ہور جس ویلے ٹھالاں تہ تہراں نی حصار
بندی ہونی ہے می تو اہڑا پھنلیکھا لگنا ہے۔ میں اسے عالم پنج لکھ لکھ واری دیئے بالناہاں ورتو اہڑے بغیر
مگی لکھ ہنیر لگنا ہے۔ انہاں نے ایہہ دوشعر تلو۔

ٹالیں پتر کیرا لگنا
روز پہنلا وہ تیرا لگنا
لکھ لکھ واری دیئے بالے

سجناں باجج ہنیرا لگنا

ڈاکٹر علمدار حسین عدم وی رومانیت فی فکری منزلاں کی طے کرنیاں آکھنے ہین ۛ

چہڑاں نے انگار نہیں سن

اوہ سب ماہڑے یار نہیں سن

کچے کھڑیاں جے نہ ترنے

ڈُبے اَدھ بشار نہیں سن

جے سرمد منصور نہ جانے

فر سولی فر دار نہیں سن

رومانیت پہاڑی غزل فی جان ہے۔ مقبول ساحل کسراں بندے ہو رُخدا نے بشار فرضاں

فی ادا یگی نے بارے آکھنے ہین۔ جے اے انسان تُو اک پیلے فی طراں اپنی روزی رزق کی موہنڈے

اُپر چائی نہ پھرنا تو اہڑا کم ہوئی گیا ہے۔ کہہ تگی ایہہ پتہ نیہہ ہے جے دُنیا ناپالنے والا کون ہے؟ ایہہ

کیہڑی ہستی ہے؟ توں سمجھ ہو رُسے ناں ناذ کروی کریا کر۔ کریاں جے مومن اپنے نفس نا حاکم ہونا ہے

ہو رُچپ یا خاموشی اُسنا زیور ہو رسنگار ہونی ہے۔ اسنے برعکس شور ہو رُشرابہ کرنا کتیاں ناکم ہونا ہے ہو رُ

کہناہ چرنا ڈنگراں چوپائیاں ناکم۔

پیلے ہاروں اپنی روزی موہنڈے چاء کے پھر دا ہین

دُنیا دے پالن ہارے دا ناں وی چپیا کر پیارے

مومن اپنے نفس دا حاکم خاموشی اسدا زیور

کُتے کردے شور شرابہ، چردے مچ ڈنگر پیارے

انہاں دی ہی اک ہو رُمثال ۛ

عاقِل تہ نادان بنائے اللہ نے

رنگ رنگ دے انسان بنائے اللہ نے

ابو جہل، نمرود کدے، فرعون کدے

کتنے نافرمان بنائے اللہ نے

ایہہ دُنیا ہے اس اندر ہر چیز ممکن ہے۔ مختلف حالات ہو رہی ہیں کی تکی تہ اگرچہ میں اسنا
مقابلہ میہہ کری سکں لگا، وراہہ گل ضرور ہوسی جے ماہڑا ضمیر بار بار نا انصافی نی واردات کی تکی تہ اپنے آپ کی
قتل کری چھوڑی۔ اسراں نے حالات در کسے ناوی کوئی اختیار میہہ ہوں لگا۔ آخر بچ جس ویلے پھلاں نا
باغ پھلتی تہ تیار ہوسی گا، بجائے داد تہ تحسین نے مالی ہو رہی پھل نیاں کیاریاں واسطے ذلت ہو رہی خواری نے
سوائے کچھ میہہ ہوں لگا۔

رومانیت نا ایہہ انداز وی اپنی پھر پور فکری جہت نال قاری کی اپنے واخ بڑی سرعت ہو رہی
قوت نال کچھنا ہے۔ ضمیر کی چھٹیوڑ نے ہو رہی انسان کی اپنے باطن واخ رجوع کرنے ہو رہی پائمالی تھیں
بچنے نا احساس دلانا ہے۔ ملاحظہ کرو شیخ ظہور ہوراں نے ایہہ دو شعر۔

ضمیر قتل پہناویں بار بار ہوسی گا
کسے کی وی میہہ اختیار ہوسی گا
چمن پھلاں نا جس دم تیار ہوسی گا
سے کیاریاں مالی خوار ہوسی گا

ایہہ محبوب تو اہڑیاں یاداں نے پئیے بچوں چھاتی بائی تہ کوئی درد مگی روز ستا نا میہہ ہے بلکہ اگ
الہیہ بنی تہ ماہڑے دلے کی کھانیاں ہین۔ خوشی ہو رہی بہار نے موسم بچ ہر کوئی دوستی ہو رہی سنگ نبھانے نی
کوشش کرنا ہے۔ مشکل وقت بچ کوئی گسے نے رونے دل کی ہنسی میہہ سکنا۔ پیش ہین اسے حوالے
نال مجروح ملنگامی ہوراں نے ایہہ دو شعر۔

یاداں دے دروازے بچوں چھاتی مار ستاندا ہے
کوئی درد الہیہ بنی کے دل کو ماہڑے کھاندا ہے
خوشیاں، موج بہاراں اندر ہر کوئی سنگ نبھاندا ہے
اوکھے ویلے کون کسے دا روندل ہساندا ہے
محمد عبداللہ ناطق دے دو شعر ملاحظہ کرو، جیہڑے رومانیت نارنگ دہسنے ہین۔

اپنے آپ تھیں وی جدا رکھنا
 پڑ دل دی چھپا چھپا رکھنا
 اگ تھکھنے پُر تھواں دبا رکھنا
 خود تہ ایہہ ظلم وی روا رکھنا
 عشق تہ محبت رومانیت کی ہوروی رومانی بنانے ہوئیاں عبدالمجید حسرت ہورگلانے ہین جے ۔

اپنی کوئی نشانی دے گکھ
 دے گکھ غم کہانی دے گکھ
 ماہری جوانی بدلے کہن جل
 بدلے رت سہانی دے گکھ

سجاد پوچھی ۔

گل بزرگاں نی جس ٹالی ہوسی گی
 کچھ اندر اُس سپنی پالی ہوسی گی
 سوچے جیکر دُدھ پلاواں نہ دُکسی
 ایہہ تہ اُسنی خام خیالی ہوسی گی
 رومانیت نادائزہ بہوں وسعت خیز ہے۔ اس نے اندر پنپنے والی شعری صفت اپنی ہمہ گیری
 کی ہستی تہ ٹرنی ہے۔ مضامین شعری ادائیگی نا صحیح ہونا لازمی ہے۔

ماسٹر میر محمد میراک ہور رنگ دہسنے ہین ۔

اَساں نے شہر جے آسو میں ہر اک رنگ دکھاساں گا
 جی نی ظالماں نے بیہڑے بچ پھنگ دہاساں گا
 پُتر ہور تھواں پٹھکاں بچ ٹیویاں تلن
 بڈھا ہور بڈھی ننگے پھنگھے تہ تنگ دہاساں گا
 ماہڑا محبوب کوئی اونا پونا بیہہ سی۔ اوہ مگی خوشبو چین تہ کدے پاگل ہواوی آکھی چھوڑنا ساہور

کدے مگی اپنے سامنے بہنالی تہ ماہڑی خفگی یعنی ناراضگی کی وی اک ادا آکھی چھوڑنا سا۔ رومانیت کتنی
اوج رہنا ہے ہو شعری انداز کچ ہک چیمنے آلی کسک وی۔ ڈاکٹر جہانگیر دانش اسراں ہمکلام ہونے ہین ے

خوشبو ، چن ادا آکھدا رہیا
اوہ مگو پاگل ہوا آکھدا رہیا
بہنال کا اوہ مگو سامنے اپنے
خفگی کو اوہ ہک ادا آکھدا رہیا

مخلص وجدانی عشق نی پہنکھ ہو رنگ نے نال نال محبوب نے کولوں کلسر وی لنگھتھیں خوف
زدہ دسنے ہین۔ کیاں جے انہاں نے محبوب نی گل یا کلام تلخی تہ تختی نال پھر یا ہونا ہے۔ اسی مثال بری
نے ڈنڈے یا ڈھنے نی طراں ہے ہو مخلص محض نال کچ نی بنگ ہاروں ہے۔ ایہہ دو شعر ملاحظہ
فرماؤ ے

ہک عشق دی پہنکھ تہ لنگ آسی
دوے لانگے والی چہنگ آسی
گل اسدی ڈمنہ بری دا
دل ماہڑا کچ دی بنگ آسی

حیدر ندیم ہو وی قدرت نیاں مہربانیاں ہو رجناں نیاں بدگمانیاں نا ذکر نیاں ہوئیاں غزلیہ
انداز کچ اسراں فرمانے ہین ے

قدرت دی ہر مہربانی وی دکھی
جناں دی اوہ بدگمانی وی دکھی
سپنے دے اندر لگا داغ ڈوہنگا
محبت دی ابھی نشانی وی دکھی

پرویز مانوس اپنے قلم بچوں حرفاں نے ہار بہوں خوبصورت انداز نال کڈھنے ہین وراوہ ہارتہ ہار
دل نے غبار کی وی کڈھی تہ اپنے ہنر ہو فن نے دریانا تذکرہ وی کری جانے ہین۔ آجاں میں اپنے فن

بچ صرف کھویا نافرمانی ہی نہیں، میں اک دریائی طراں ہاں۔ تئس ماہڑے فن کی آزماؤتہ سہی۔ جس ویلے
میں ٹرن لگاتہ ہزار طراں نے رستے کڈھی ہنساں گا۔ ے

میں اپنے قلم چوں حرفاں نے ہار کڈھساں گا
تساہڑے سامنے دل نا غبار کڈھساں گا
ماہڑے ہنر کی نہ آزماؤتہ میں تہ دریا ہاں
جدھر وی ٹرساں گا رستے ہزار کڈھساں گا
فضل حسین کوثر ہوراں نا انداز وی ملاحظہ کرو۔

پھلاں نا بازار سجاساں
چنی چنی تہ ہار بناساں
پیار نے پکے پتھر لائی
ڈاڈی جی دیوار بناساں
ہک ہو رسو ہنا لکھنے والا شاعر مرحوم اقبال نسیم رومانیت بچ ڈبی تہ کہہ آکھنا ہے، تلو۔ ے
دکھن، تاڑن، خوب ٹولن ایہہ اکھیاں
پل پل پرکھن، تاڑن، تولن ایہہ اکھیاں
چپ چپتے گلاں ایہہ کھڑکار کرن
بولن نہ پر سب کجھ بولن ایہہ اکھیاں
مرحوم قیوم شال ساحل وی پچکھے نہیں رہے۔ اوہ اس انداز نال محبوب کی چین ماہی آکھی، ایہہ
آکھنے ہین ے

چن ماہی چل ٹھوکاں چلے
یار نے اُجڑے ٹہارے چلے
نیلے تلے کھیڈ کھیڈونے
سجن بیلی یاراں ملیے
وقت وقت نی گل ہونی ہے۔ بعض دفعہ موسم نی چھام، کھر نے چین آرام تھیں وی ڈر لگن لگنا

ہے ہور ٹھپ تہ جنگل کنڈے چنگے لگن لگی پینے ہین۔ خوشبوواں نی چھام تھیں وی انسان ڈرنا ہے۔ ایہہ خیال رومانیت نی رنگینی لگنا ہے۔

اس حوالے نال یونس ربائی آکھنے ہین ے

اس موسم نی چھام تھیں ڈر لگنا ہے
کھر بچ چین آرام تھیں ڈر لگنا ہے
ٹھپاں، جنگل، کنڈے سب چنگے لگن
خوشبوواں نی چھام تھیں ڈر لگنا ہے

توں جو کجھ وی چاہنا ہین اے محبوب، توں منگ، میں تگی اپنی جان کہہ چن تارے ہور آسمان وی دیساں۔ چادر، گرتی نے نال نال ہر طراں ناکپڑا ٹلا ہور تہیاں والا سارا لتاں نابنپا نا گریباں ہور سب دا ج پٹھا تو اہڑے واسطے موجود ہے ورتوں مگی اپنا سمجھ اپنا بنائی رکھ تہ ماہڑا سب کجھ تو اہڑے واسطے ہے۔ نعیم کرنا ہی فرمانے ہین ے

منگ، کھن توں ایہہ جان وی دیساں
چن، تارے، آسمان وی دیساں
گرتی، چادر لہراں لہراں
تہیاں دا گریباں وی دیساں

نذیرا نس رومانیت نے انداز بچ مجنوں بنی تہ سوہنیاں نے شہر بچ، کس طراں عشق سمندر بچ غرق ہو گئے ہین ملاحظہ کرو ے

میں تہ مجنوں ہو گیاں سوہنیاں نے شہر بچ
ہو گیا ساں گم جدوں عشق سمندر لہر بچ
اسے طراں بشارت علی خان راز قطر از ہین ے

دپد تساہڑی نا دلے بچ ارمان رہی گیا
گئی رت بہار نی چمن ویران رہی گیا

دپد نے ارمان کدوں پورے ہونے ہین۔ ایہہ ارمان کدے کدے دلے بچ ہی دم تر وڑی

چھوڑنے ہیں تڑپتاں بہارنیاں ہنسی جانیاں ہیں ہو چمن بچ ویرانی آئی جانی ہے۔
 ارشدناز خوف نے موسمِ ناتذکرہ کرنے ہیں۔ اجاں خوفِ ناموسم چار چوفیری ہے ہو رِ دل نے
 اندر خوف نے ڈیرے لگے ہوئے ہیں۔ اُس محبوب نے جانے تھیں بعد کوئی سَکھ نصیبِ نیہہ ہویا۔ بلکہ
 دُکھاں ہو دردِ داں نال ہی نبھا کر ناپیّا ہے۔

موسمِ خوفِ نا چار چوفیری کہہ آکھاں
 ہر دِل اندر درد نے ڈیرے کہہ آکھاں
 اسنے جان تھیں بعد نیہہ تلتے سَکھ
 دِل کی لگے دُکھ بہتیرے کہہ آکھاں
 قاری محمد اشرف وی استغہامیہ انداز بچ اسراں ہمکلام ہیں۔

دَہس رکیّاں نیہہ بَہرنا بَدَل
 نخرے رکیّاں کرنا بَدَل
 اک زمانے اِسے تہیاڑے
 اک پل نیہہ سی جرنّا بَدَل
 آؤ سارے کراں دُعاواں
 آؤسی چینا مرنا بَدَل
 نذیر حسین بھٹی ہوراں نارومانی انداز تلو۔

دِل بچ غم چھپائی رکھیاں
 تانگ ملن نی لائی رکھیاں
 جد تکر ایہہ یاری رہی
 تیج پُھل بچھائی رکھیاں

حاجی فیروز الدین بیگ اپنی حق بات نے نال نال رومانیت نارنگ پیش کرنیاں ہوئیاں آکھنے

ہین ے

ہر دل بچ میں بسدا رہیاں
 سدھے راہ دہسدا رہیاں
 دل بچ گجھ پُچھا مہمہ رکھیا
 حال وطن دا لکھدا رہیاں
 زندگی ہو رموت نے تصور بچ شمینہ سحر مرزا اسطراں آکھنیاں ہین ے

ربا کیاں پیدا کرنا ایں، کیاں توں ایں مارنا
 موت نیاں توں دیہئی سوچاں جگر کی ایں ساڑنا
 توں ایں مالک، مرضی تیری، جو گجھ کرنا توں ہی کرنا
 کنیاں کی بشکار ڈبویں کنیاں کی ایں تارنا
 ملک ذکر فیاضی آکھنے ہین ے

آج تکر گلزاراں سامی رکھیاں میں
 اکھاں بچ بہاراں سامی رکھیاں میں
 انہاں کی تہ گیاں زمانے ہوئی گئے
 یاد نیاں گجھ لاراں سامی رکھیاں میں

محمد عظیم خان ظلم و جبر ہو رامیری غریبی نے منظر نے نال نال حق تلفیاں نے معاملات ورا نہاں
 نے ڈوہنگی نظر رہی ہے۔ ایہہ اسراں ہمکلام ہونے ہین ے

ایہہ آکھو امیراں کی کہ آج توڑیں کسے کی دی
 حق مال غریباں نا نہ پچنا ہے نہ چکن لکيا
 محبوب نا دیوانہ کچھنا پھرے ویرانے
 اوہ عشق نے رستے بچ تھکيا ہے نہ تھکن لگا

رومانیت، روایت ہو رجدیدیت ناسنگم واحد ہوراں نی شاعراں بچ بدجہ اتم موجود ہے۔ انہاں نی

شاعری جتنے جدیدیت سے روایت کی گئی ہے اُتنے ہی رومانیت ناک خوبصورت سے نمایاں رنگ
حقیقت طرازی پیش کرنا ہے۔ انہاں نے کلام بچوں دو شعر ملاحظہ کرو۔

لگنیاں لگنیاں عشق بیماری لگ گئی ہے
دل کی تیری چاہ پیاری لگ گئی ہے
ہولی اٹی نال خرید کراں کسراں
بجناں نی تہ قیمت پہناری لگ گئی ہے

آخر بچ راقم الحروف نے گجھ اک اشعاروی شامل مقالہ ہین۔ میں انہاں شعراں نے حرفاں
بچ گجھ اک حقیقت نے رنگ پہر نے ہور انہاں نی روح کی تازہ کرنے نی اک حقیر جیئی کوشش کیتی ہے۔
ہوئی سکنا ہے تاساں کی انہاں لفظاں نی منہ کن بچوں گجھ حسی کیفیت لہی سکے۔

لہو موسم نا ہر اک منظر لکھ رکھساں
ہر شیشے نے ناں اک پتھر لکھ رکھساں
اس راہ فر تریہن آسن ہوئی سکنا
میں صحرا ور فر اک ساگر لکھ رکھساں
پل پہر بھئی بسونی کڈھی تڑ جاسن
بے کمر لوکاں جوگا اک کمر لکھ رکھساں

مقالے نی طولت نے ڈرنی وجہ تھیں میں اس مقالے کی اتھے ہی ختم کرنا ہاں ہور بزرگ ہور
نوجوان شعراء حضرات تھیں معذرت خواہ ہاں جنہاں ناکلام حوالے نے طور ور پیش نہیہ کری سکیا۔
مختصر پہاڑی غزل وی دویاں زباناں نی غزل نی طراں رومانیت بچ رنگی ہوئی ہے ہور آج نی
تاریخ نہن تہ مستقبل واخ بڑی سرعت ہور ہوشمندی نال آگے بدھے کرنی ہے جس ور اس زبان نے
ادب کی بے حد ناز ہے۔



ماسٹر شاہ محمد خان بحیثیت افسانہ نگار

اک جائزہ

پونچھ نی تہرتی پر علم و ادب نی روایت بڑی بُرائی ہے۔ اس علاقے بچ چنگے چنگے لوک پیدا ہوئے جہاں نے ادبی سماجی تہ سیاسی زندگی نی اک چھاپ چھوڑی۔ چراغ حسن حسرت توں علم و ادب نے جیہڑے سلسلے شروع ہوئے انہاں نا اثر نہ صرف پونچھ نی تہرتی ور پیا بلکہ اوہ ستارے دُنیاے ادب ور بہت دُور تہ بہت دیر تک چمکے۔ انہاں بچ ٹھا کر پونچھی اپنی نویں نویلی روش کی لے کے اپنا بکھرا مقام بنان بچ کامیاب رہے۔ کرشن چندر نے اس تہرتی کی نہ صرف شناخت دتی بلکہ اس نے تحریر بچ اس علاقے نی خوبصورتی کی چنگے لفظاں نال بیان کیتا گیا ہے تہ انہاں نے ممبئی نی تہرتی توں ہٹ کے پورے ہندوستان بچ اس علاقے نے خوبصورت نظاریاں نی پہچان دتی۔ اس نے نال ہی خوبصورت Dictation دے کے زبان کی متعارف بھی کرایا۔ اس روایت کی قائم رکھن والے پیرسید محمد شاہ سائیں فقر دین، خدا بخش زار جے باکمال شاعر بھی اپنا مقام بنا کے اس پونچھ نی خوبصورتی بچ رنگ پھر نے رہے۔

۱۹۴۷ء نے انقلاب توں بعد جس ادب نی ضرورت سی اس بچ دینا ناتھ رفیق، رہبر جدید، شام سرن آفتاب بھی اپنے رنگ نال اس تصویر کی رونق بخشنے رہے۔ فر پہاڑی زبان آ لے پاسے جدوں نظر کیتی تہ کے ڈی مینی، خورشید کرمانی، لیاقت جعفری، پرویز مانوس، امتیاز نسیم ہاشمی، حسام الدین بے تاب، محمد خلیل جوہر، شیخ ظہور، ایوب شبنم، شیخ آزاد احمد آزاد جے مرد میدان تجربیاں نیاں پنڈاں سمہال کے باندے آئے تہ انہاں نے ادب نے شاہکار پیش کیتے۔

اسے قبیل نے لکھاریاں بچوں ماسٹر شاہ محمد خان مرحوم ہک ناں ہے۔ انہاں شاعری بھی کیتی تہ

کہانیاں بھی لکھیں۔ انہاں فی پکڑ شاعری توں بدھ کے افسانوی ادب داری۔ انہاں کہانیاں ناکہ
ہچھا خاصہ سرمایہ آنے والی نسل نے حوالے کیتا۔

ماہری انہاں نال پہلی ملاقات غالباً جموں پہاڑی کانفرنس بچ ہوئی۔ انہاں اُتھے کوئی کہانی
پڑھی، جیہڑی مکی روایتی جی لگی۔ انہاں نے مزاج بچ انتہائی سنجیدگی ملی۔ ڈوبنگے دریا باروں سنجیدہ سوچ
نے مالک دکھے گئے۔ پہاڑی انہاں کی سیاست راس نہ آئی ہووے، پر سیاست نے ابجد نال انہاں فی
واقفیت پرانی سی۔ میں بھی انہاں فی اعلیٰ ظرفی نا قائل ساں۔ انہاں نے چھوٹھ نے سہارے سیاست
کاری داہر کوئی خاص رغبت نہ سی، پر سیاست فی آوارہ گردی بچ اپنا قیمتی اثاثہ ”وقت“ بہت حد تک ضائع
کر چکے سن۔ اس پر شائد انہاں کی ملال بھی ہے سی۔ اگر اپنیاں صلاحیتاں کی وقت فی پابندی نال
برتنے تہ خورے ایہہ اپنی ماء بولی فی چوکی ساری خدمت کر سکے۔ انہاں کول صبر استقلال تہ کم گوئی فی
صلاحیت موجود سی۔ ایہی وجہ ہے کہ انہاں نے درویشانہ زندگی کی دنیا داری پُر ترجیح دتی۔

انہاں نا ادبی سرمایہ متا سارا ہے۔ کہانیاں لکھنا انہاں فی پسند فی زمین سی، جس پر ذہنی کاشت
کرنے نا سلسلہ قائم رہیا۔ کہانیاں نا پلاٹ کوئی مافوق الفطرت (Super Natural) رہا۔ تنہا گیاں نال
گنڈ نا بیہ لہا۔ کہانیاں نے کردار شکسپر ہاروں بڑے original ملے ہین، جہاں بچ بچھڑے سماج فی
بویاس چنگی طراں ملنی ہے۔ کہانیاں نا مرکزی کردار ہو، ہوا اپنا سی۔ کدے نمبر دار بندھ دار یا ہور کسے
بڑے آدمی نا روایتی مزاج تہ اس نے باندے باچھڑ غریب مظلوم تہ بے بس زندگی فی تصویر ٹنگی ہوئی،
ایہہ برداش بیہہ کر سکے۔ کیاں جے اُس دور نے جبر پٹھ ترفنی انسانیت پر تماشہ تکلنے نا مزاج موجود سی۔
ایہہ بھی سی کہ کسے سماج نے بے اصولے پن فی داستان کی لفظاں فی زبان دے کے واقعات
پر تبصرہ ہونا، اُتھے تشدد فی پرورش نے طور پر وقتی جدائی نے ڈم دینے بچ سماج نے مردہ جے ضمیر کی سکون
ملنا سی۔ اس طراں نے واقعات کی لے کے خان صاحب ہک روداد کی جنم دینے ہین۔ اپنی کہانی آکھنے
ہک بکھراجیا رنگ و روپ پیش کرنے تہ چنگے چو کھے سرمائے کی محفوظ کرن لئی اپنے قلم کی حرکت بچ
رکھنے۔

سماج فی تعمیر کوئی اٹ گارے فی مرہون بیہہ ہونی بلکہ اُس بستی بچ موجود شخصیات فی مرہون

ہونی ہے۔ گراں فی زندگی بچ بڑے آدمی نا تصور اچ بھی او ہی پڑا نا ہے، او ہی نمبر دار چوکیدار می دار ذیلدار بندھ دار تہ آج فی لغت بچ سر بچ ہونا ہے۔ لوکاں کول ہک ہور مزاج فی نشاندہی بھی ملتی ہے، جس بچ آپ راجی نا خاصہ داخل ہونا ہے۔ حالانکہ زمانہ بدل گیا۔ پڑانیاں گلاں فی ٹکسال بوڈھی ہوئی گئی۔ پڑانی گلاں نا سکھ ہن کھوٹا ہوئی گیا ہے۔ پراجاں بھی معاشرے بچ کوئی جبر تہ جورر سنا بسنا ہے۔ ایہہ گلاں موجودہ جمہوری دور نے نصاب نال میل نیہہ کھانیاں۔ جمہوریت تک پچھنے ہوئیاں متے سارے پا پڑ بیلنے پئے۔ پھناویں ایہہ طریقہ کار ساں کول دویاں قوماں تہ ملکاں فی نسبت بڑے چرسنگ پچھا ہے پڑ اس نا برتاؤ بالکل کنی جیا ہے۔ پہلا مزاج جاگیر داری تہ سرمایہ داری ناسی۔ اس فی بغاوت نے طور پر جمہوریت نے اسی جگہ ملی۔ جمہوریت نے تقاضے بکھ جئے ہین۔ جدوں کہ پہلے دور نے ضابطے ہور سن۔

افسوس ایہہ ہے کہ آج نے جمہوری دور بچ لکھاری ماضی نے واقعات کی اپنے حافظے فی سلیٹ پروں صاف نیہہ کر رہے ہین۔ اسطراں ایہہ لگتا ہے کہ آج نے لکھاری کول کہنے واسطے کجھ نیہہ ہے۔ بہر حال خان صاحب اپنی روایت نے سہارے لکھنے ہین۔ آج انہاں نے نفسیاتی چیمبلیاں کی زیادہ برتیا ہے تہ اس آسائش نے دور بچ نفسیاتی بیماریاں ستیاں ساریاں پیدا ہو گیاں ہین۔ کدے خان صاحب اس کی ”انتظار“ نے حوالے کرنے ہین۔ گڑیاں تہ منڈیاں نے میل ملاپ بچ موبائل فون نا عمل دخل بے راہ روی تہ معاشرے بچ ہور خرابیاں گن گن کے کہانی نے سلسلے چلنے تکے ہین۔ فرقہ کار اپنی ماضی فی سادہ زندگی نے نال جدوں جوڑ کے اس کی تکتے ہین۔ اُس ویلے انہاں کول صدے توں بدھ کے کوئی چیز نیہہ ملتی۔ کیاں آج جنگ وجدل مار تہناڑ، گولہ باری ساریاں سوچاں نے اُپر سوار ہو کے اپنی برتری دہس رہیا ہے۔ اسطراں نے فکری معاملات متواتر تجربات نے نال ٹکراں مارنے رہنے ہین۔

ہک ہور کہانی ”بڑے کم بڑے نتیجے“ نا سلسلہ شروع ہونا ہے۔ ایہہ کہانی معاشرے بچ سوکھاپن تہ پیسے فی فراوانی نال اس نے نتیجے بچ ہور برائیاں فی صورت بچ آج پل رہی ہے۔ مکی عمر نیاں کڑیاں تہ پکی عمر نے سرمایے دار نال شادی فی جھنجھٹ نال جڑی ہے، جس فی وجہ توں معاشرتی مسائل نا جنم ہونا ہے۔ ایسا مضمون پھناویں متی دلچسپی نا باعث نہ سہی، پر سماج بچ برائی پیدا ہونے نا باعث تہ ضرور ہے۔ آج بھی عرب ملکاں نے شیخ اپنے پٹرو ڈالر نے سہارے دولت فی

ریل پیل بچ مست ہو کے غریب سماج نیاں نو جوان لڑکیاں نے گاہک نے طور پر آ موجود ہونے
ہیں۔ سستے یا مہنگے نرخ پر خرید کر کے جنسی ہوس فی تسکین پا کے کسمپرسی فی حالت بچ چھوڑ جانے
ہیں تفرانہاں لڑکیاں فی پاکیزہ زندگی داغدار کری کے انہاں کی طوائف بننے پر مجبور ہونا پینا ہے۔
اس طراں اس کہانی نا کردار گچھ ترے بیاہ نال ہے۔ اس توں بعد دو کڑیاں پیدا
ہوئیاں ہیں۔ اس عمر نے فرق کی جدوں زبانی ملنی ہے تہ خان صاحب اس کی اسطراں ادا
کرنے ہیں۔

”ناظماں اپنی ماؤ نا پیار تہ چھو لی فی تنگ چنگی طراں تکی فی سی۔ انہاں
فی ماء فقیرے نے چوٹھی بیوی سی۔ اے ہوراں فی عمر اس بیاہ ویلے کوئی پنچاہ
سال سی تہ انہاں فی اماں فی عمر سولہ ستاراں سال۔ ایہہ بیاہ دولت تہ پیسیاں
فی لالچ پر ہو یا سی۔ فقیرے کی پہلیاں زانیاں بچوں کوئی تہی پتر نیہہ سی۔
بس اوہی دو تہیاں سن۔ ناظمہ فی اماں کی اپنے ماء پیو پر بڑا دکھ سی جے
انہاں پیسیاں تہ دولتی فی لالچ بچ اُس نا بیاہ ہک بڈھے نال کرائی چھوڑیا۔“

ایہہ واقعات اس بات فی دلیل ہیں کہ سماج اجاں بھی پرانی سوچ نے اندر ہی چل رہیا ہے۔
دولت فی ہوس انسان کی کسطراں اٹھا کری چھوڑی ہے۔ ایہہ آج نے معاشرے پر سخت قسم فی چوٹ
ہے جیہڑی خان صاحب نے قلم توں نکل کے اعلانیہ طور پر انہاں بیماریاں پروں پردہ چک رہی ہے۔
اسطراں نے انداز بچ خان صاحب روایتی ہونے ہوئے انداز بچ اپنے آس پاس نے
حالات فی تصویر کشی کرنے رہے تہ سماج فی خدمت نا بیڑہ اٹھا کے اوہ اسکی عام طور پر سنوارنے فی
طرف متوجہ کرنے ہی رہے۔ اسطراں نے موضوع پر انہاں نا قلم متی ساری سیاہی نا استعمال کر چکا
ہے تہ جبر آلی دنیا نے دستور کی جمہوریت فی قدراں نے بچ تبدیل کر کے دکھنے نا جتن کرنے بچ
کوئی کسر نیہہ چھوڑے۔

خان صاحب ایچئے حالات نے جبر بچ بھی اپنے ماضی نے خواب کی یکنے فی کوشش کرنے ہیں۔
اس طور نے واقعات کی بیان کرنے واسطے انہاں نا بیانیہ اسطراں نا ہے:

”ماحول فی اس ہولنا کی تھیں اوہ بے بہرہ سی۔ ایہہ ہٹل شہر نے
 بڑے چوک نے کونے بچ سا۔ ایہہ گولہ باری اُسے چوک نے آلے
 دوالے رہائشی مکانات نیاں گلیاں بچ ہونی سی۔ ایہہ محلہ صدیاں نے پہنائی
 چارے پیار، خلوص تہہ سانبھیاں خوشیاں، غماں نے نفعیاں نقصاناں فی ہک
 مثال سی۔ اتھے ہر قسم نے لوک بسنے سن۔ اس محلے نے بڑیاں اچیاں تہہ
 سچیاں روایتاں سماج کی دتیاں سن۔ نہایت بزرگ تہہ سنجیدہ شخصیتاں نامحلہ سی
 اقتصادی تہہ معاشی آسودگی سی، خلوص سا، ایثار و محبت فی جوانی سی۔“

اس طراں نے دُکھ پُھرے تاثرات کی لکھاری پیش کرنیاں شاید عراق یا افغانستان فی سماج
 آرام دہ زندگی فی تصویر کشی کیتی ہووے، جس بُش جے تہہ فراوہ بامہ جے کردار نے ظلم فی چکی چلا کے اپنی
 بدترین چوہدر اہٹ نامونہ دہسیا ہے۔

ہک ہور افسانہ ”ریتے فی ٹھیری“ بھی ہک جبر فی کہانی ہے۔ دریا چڑھنا ہے، دریا بچ
 سیلاب ناریلہ آنا ہے، جتھے زمیاں رُہڑیاں ہین۔ اُتھے ریت بجزی دریا نے کندھے لگنی ہے۔ لوک
 ریت اکٹھی کر کے فروخت کرنے ہین تہہ روزی روٹی کمانے ہین، پرا تھے بھی بٹ یا ہٹل ہاروں ہک
 کردار غلام رسول نے سامنے آنا ہے، جیہڑا تعلیم یافتہ بھی ہے، پرنوکری فی تلاش بچ سرگرداں رہنا
 ہے تہہ آخر نفس فی اگ بچھان واسطے ریت اکٹھی کر کے سادھی روٹی تہہ کمانے نابند و بست کرنا ہے۔
 پرا تھے ذیلدار اپنا لشکر لے کے آٹکنا ہے تہہ تھونس جما کے اس ریت فی ٹھیری پرحق جتا کے غلام
 رسول فی پڑھائی نے طعنے دے کے اپنے بڑے پن فی نمائش کرنا ہے۔ غلام رسول نامقابلہ ذیلدار
 نے منڈے نال جیہڑا پہناویں نالائق ہے پرنپدرم سلطان بوڈے جے فتور کی دماغ پرسوار کر کے تیک
 رہیاسی۔ فرسفاشی دور ناتذکرہ جیہڑا سیاسی لوکاں کول ہک ہتھکنڈے نے طور پر استعمال بچ سی۔
 ایہہ کہانی بچ سیاست کی بطور مہرہ پیش کر کے اپنا تھونس جمانا دکھایا جانا ہے۔

ہک ہور کہانی ”میں سپاہی ہاں“ بچ دو کردار انا ذکر ہے۔ ہک گڑی روشنی تہہ دُوا کردار فیروزا۔
 ایہہ بچپن نے ساتھی سن، دو ہے اکٹھے پڑھنے سن، سکول آنا جانا اکٹھا سا، دواں نے دل نے بچ ہک

دوے نیاں یاداں فی مدہم جی لوہ بگنی سی۔ فراپنے اپنے راہ کئی کئی ہوئی گے۔ ایہہ رونا زمانے نارونا رہیا۔ کوئی کسے ناکچر تک ساتھی رہنا ہے۔ جدوں منزلاں کچھ کچھ ہوں تہ یاداں نے سہارے انہاں نی پٹی دوہرائی جانی ہے۔ پر ایہہ کم سوکھلا میہ۔ وقت جدوں بدلنا ہے تہ ذمہ داریاں مجبوریاں نے بھیس بچ رکاوٹ بن جانیاں ہین۔ جدوں فیروز اڈاکٹر بنی آنا ہے تہ اس کی اس نیاں ماضی نیاں یاداں مجبور کرنیاں ہین۔ فراوہ اُسے پرائمری سکول نے درود یوار تکن آنا ہے۔ رستے بچ اتفاق نال روشنی کی پانی ناکہڑا چھٹکلیا ہو یا تکنا ہے۔ اس کی روشنی فی سادگی لاچارگی تہ مجبوری باندے باچھٹ لکھنی ہے۔ جدوں کالج پارلے ناڑے پروں تہو کے سکول جانی سی تہ اس تھیں بعد اسنی صورت چن ہاروں چمکنی سی۔ انہاں ہی جذبیاں پٹھ اوہ اپنے پیار ناخمار تکنے ہین۔ جدوں فیروز فی ملاقات ہونی ہے تہ اوہ سارے تاثرات قلمکار نے کس طراں بیان کیے ملاحظہ کرو:

”پانی ناکہڑا چاہیا نا چھنی سی۔ میں چھیا تو روشنی ہین۔ اوہ ٹھاٹھاں ماری کے ہسی۔ بولی روشنی..... روشنی، گتھے فی روشنی۔ میں تہ سیاہی آں۔ تو فیروز ہین۔ ڈاکٹر فیروز تو ماہڑے نکلیاں ہونیاں نا فیروز ا۔ میں اس داخ تکنا ساں اوہ ماہڑے داخ تکنی سی۔ اوہ ماضی نے ڈوہنگے سمندر بچ غوطہ لائی گئی سی۔ میں بھی انہاں سویریاں تہ شماں بچ گم ہوئی رہیا۔ جہاں بچ اُس دوے بڑے تہ خاصے خاصے ہوئے۔ میں تکیا روشنی نے منہہ اُپروں اتھروں فی موٹی موٹی لہراں اسنے چہرے پر بکھائی کھائی ٹپ ٹپ ٹہنیاں سن۔“

ایہہ چند ہک افسانے خان صاحب نے ماضی الضمیر فی علامت ہین۔ اوہ دنیا کی کس طراں تکنے رہے یا انہاں کول انہاں نے پڑوسی ماحول بچ کیہڑی گل انہاں کی چنگی لگنی ہے تہ کیہڑی مندی..... پر اس حقیقت توں اکھ بیہ نہوٹی سکے کہ لکھاری نا حالات کی تکنے اس کی تولنے تہ اس کی سمجھنے نا اپنا کئی کئی ٹہنگ ہونا ہے۔ خان صاحب نے اپنے رویے نال حالات نا جائزہ لیا، اس کی برتیا تہ فر اس فی چنگی گل کی لوکاں تک پہچایا تہ مندی گل نے اثرات توں واقف بھی کرایا۔

دراصل ماسٹر صاحب نے مطالعے فی حداد کوئی لمیاں تہ چھڑیاں بیہ نظر آنیاں۔ اس واسطے

اوہ اپنی روایت توں ہٹ تہ نہ سکے ورنہ زمانہ قیامت نی چال چل کے متا سارا فاصلہ کٹ چکاسی۔ اوہ علامتی افسانیاں تک ہی نیہہ بلکہ جدید افسانیاں نیاں نوئیاں ضرورتاں کی بھی پورا کر کے منی افسانے تک پہنچ جانے پنج کوئی رکاوٹ کی نیہہ محسوس کیتی۔ ماسٹر صاحب کی اگر زندگی ہو رُمہلت دینی تہ خورے اوہ اس سفر کی بھی کامیابی نال کر گزرنے پر افسوس ایہہ ہے کہ اوہ جلدی ہی اساں نی صف پنج ہک خلا چھوڑ گئے۔ بہر حال انہاں جو لکھیا جتنا لکھیا ”زمانے نی قید“ نی کسوٹی پر حوصلہ افزاء تہ آنے آلی نسلاں کی ہک وجدان مہیا کرنا رہسی۔ اس شناخت پر نوجوان نسل اپنے راہ ہموار کر کے اگے بدھنے نی چال مستقل طور پر جاری رکھسن۔

ایہہ گل بھی حوصلہ افزاء ہے کہ ماسٹر صاحب (افسانوی ادب نی تاریخ جدوں لکھی جاسی) پنج اپنا ہک روشن نام تہ مقام حاصل کرنے پنج کامیاب ہوئی گئے ہین۔ ایہہ نہ صرف راجوری پونچھ نے افسانہ لکھنے آلیاں پنج شعرا ہون بلکہ پہاڑی زبان نا جتھے جتھے چلن ہے اُتھے انہاں نی پہچان پھر پور طور پر رہسی۔



ڈاکٹر صابر مرزانی شاعری

اک جائیزہ

اک ہشاش بشاش طبیعت نامالک جوان ارادیاں نوارث شاعری فی ابجد ناواقف جذبات تہ احساسات نے پہنگوڑیاں پُرسوار ہوں آلا تہ وقت نیاں نبھان کی پرکھن آلا شاعر صرف ڈاکٹر صابر مرزا ہی ہو سکتا ہے جس اُردو پہاڑی تہ گوجری زبانان پنج شاعری کیتی۔ جہاں گیت گائے روہڑیے کیتے تہ لوکان نے دلاں پنج ذرا تھ ہی میہہ بلکہ مٹی ساری جگہ بنائی۔ جہاں ہسٹیاں کھیڈنیاں اک دن دُنیا توں مُنہہ موڑ دتا تہ اپنے سنگیاں ساتھیاں کی ایہہ صدمہ برداش کرنے نے امتحان پنج چھوڑ دتا۔ آج انہاں نے ناں نال مرحوم لکھنے نی باری آئی۔

صابر مرزا صاحب متیاں خوبیاں نے مالک سن۔ زندگی نیاں تلخیاں کی شاعری فی نسبت نال کھٹ کرنے رہے۔ ہر ویلے قلم تہ کاغذ نال دوستی سی۔ لکھنا انہاں ناپسندیدہ شغل سی۔ اپنے پیشے فی ذمہ داریاں تھیں بعد انہاں نے اپنی ساری توجہ معیاری ادب فی تیاری پُر لا دتی۔ بشیر بدر ہاروں رومانی انداز فی وی شاعری کیتی گیت لکھے تہ مُنہہ نافذ اُفقہ بدلنے واسطے اک زبان فی سرحد تھیں ہجرت کر کے دوئی زبان نے جنغرافیہ پنج اپنی جگہ بنان پنج کامیابی انہاں نا حصہ ریٹی ہے۔

پہناویں پہاڑی زبان نے ماحول پنج اکھکھولی پُر انہاں شاعری فی بسم اللہ اُردو زبان پنج کیتی یا اس طراں اکھنا مناسب ہوسی جے اُردو زبان انہاں نے بیہڑے پنج پئی۔ انہاں نے اس فی زیب و زیبائش کیتی۔ نویں نویں تجربے کیتے۔ ایہہ کجھ ہیئت نے اعتبار وی سن تہ لغت نے حوالے نال وی سن۔ اس طراں انہاں فی شاعری پنج خوشبوواں نے ہر کاروی سن۔ پھل پھلواڑی ناماحول وی سی گلاب تہ چنیلی فی خوشبو نا تذکرہ وی سی۔

مطالعہ کرنے نامزاج بڑا ڈوہنگاسی۔ رسالے جریدے تہ ہور دلچسپی نیاں کتاباں نے ور قے

پرتنے رہنے۔ انہاں فی مطالعہ فی لکن انہاں کی ہر ویلے مصروف رکھنی بیہوں ہی کھٹ اوہ سیر و تفریح کی اہمیت دینے۔

بحیثیت ایہہ اُردو زبان تہ ادب نے طالب علم ہونے نے، اس زبان فی ڈاڈی خدمت کرنے رہے۔ ”بزم ادب“ نا قیام ہی اک ویلے صرف اُردو فی خدمت نے موقعے فراہم کرنے واسطے سی تہ ایہہ دور اُجاں دویاں علاقائی زبانان فی شناخت نا بیہ سی۔ تدوں صرف اُردو زبان پُر ہی انحصار کرنا سی۔ ایہہ گل تشریح طلب ہے کہ کدوں انہاں نے اُردو زبان توں پہاڑی زبان تک نا سفر شروع کیتا۔ اتھے ہی بس بیہ سگوں اس سفر کی گوجری زبان و ادب نیاں سرحدان بچ داخل کیتا۔ انہاں نے کمپیوٹر ہاروں اک کھڑکی بند کرنے پہناویں اُردو نے حوالے نال سی یا گوجری زبان نے حوالے نال سی، دوئی کھڑکی کھول دینے تہ لکھنے نا تو اتر برقرار رکھنے ہویاں مواد تہ ہیئت بچ کوئی فرق بیہہ آن دینے۔

گل اتنی ہی بیہہ کہ انہاں رَج کے شاعری کیتی، سگوں انہاں نے زندگی نے سفر کی مکمل ہونے نے نال ہی ساڑھے پنج ہزار صفحیاں آلی مثنوی مولانا روم نا پہاڑی زبان بچ ترجمہ کر دتاسی۔ اس عظیم تہ ضخیم کم کی دکھ کے تعجب ہونا سی کہ انہاں کس طراں اتنی بڑی فرصت کڈھ کے اتنا بڑا کم کیتا، جدوں کہ ایہہ گوجری شعری مجموعے ”سوک کلبج کیں“ وی مکمل کر چکے سن۔ صابر مرزا صاحب ایہہ آکھنے سن جے اوہ جدوں مثنوی نا ترجمہ کر رہے سن، پہلاں وضو کر کے نفل ادا کرنے سن تہ فر اس کم فی کبھی اپنی توجہ موڑنے سن۔ اس طراں اُدھر انہاں ایہہ کم مکمل کیتا تہ اُدھر انہاں کی زندگی نے نال جڑے رشتے نا سنگ تروڑنے نا سنیہا آچھیا تہ اوہ اس دُنیا کی چھوڑ بیٹھے۔

اُردو زبان نے حوالے نال انہاں نیاں غزلاں، نظماں وغیرہ اپنی نوعیت نیاں مثالی چیزاں سن۔ البتہ انہاں فی غزل بڑی جاندار با معنی تہ ہمہ ہی نے زیور توں آراستہ ہونی سی۔ اسطراں لگنا سی جے انہاں نے دُنیا کی اپنی نگلی اکھ نال ای بیہہ بلکہ وجدانی شعور نال پرکھیا۔ انہاں نے حرفاں فی پرکھ وی کیتی تہ ادائیگی بچ جدّت پسندی نا استعمال وی کیتا۔ جمود تہ چگلانے پن نے بخیریاں توں اپنا آپ بچا کے چلے۔ اُنہاں فی زبان پُر پکڑ بڑی ستھری تہ جاندار سی۔

اُردو فی چنگی چوکی خدمت انہاں نے ابتدائی دور توں سمہالی سی، کیاں جے جدوں توڑیں

کلچرل اکیڈمی پنج پہاڑی تہ گوجری زبان کی انہاں فی شناخت نیہہ سی ملی، تدوں توڑیں پہاڑی تہ گوجری نے شاعر اُردو زبان کی اپنے ماضی الضمیر نے اظہار نا ذریعہ بنانے سن، پر انہاں ہر دوزبانان نا کلچرل اکیڈمی پنج شعبہ گھلنا ہی سی جے انہاں زبانان نے لکھاری، شاعر، ادیب وغیرہ سب اپنی زبان فی تحویل پنج آئیچھے تہ پھر پور نظم و نثر وغیرہ نا کم شروع ہو یا۔ اس طراں صابر مرزا صاحب کدوں ہنکے بہہ کے وقت گزار نے، انہاں پہاڑی فی چھو لی پکڑی لکھنا شروع کیتا، اُتھے ہی نے ہو کے نیہہ رہے بلکہ گوجری زبان پنج وی ایہہ پھر پور لکھنے رہے۔

اُردو زبان نے پہناویں ایہہ صاحب دیوان شاعر سن، پر پہاڑی تہ گوجری انہاں فی ڈونگی توجہ نا مرکز بنی ریٹی۔ پہاڑی زبان پنج شاعری نیاں تمام صنفان پر انہاں نے قلم نا کھوڑا دروڑ نا رہیا، جیاں حمد، نعت، منقبت، نظم، غزل، قطعہ، رباعی تہ لا جواب قسم نے گیت انہاں فی پہچان بن گئے۔ انہاں فی فطرت جتھاں جدت پسندی اُتھاں ہی معنی آفرینی فی دولت وی نال رکھی ہوئی سی۔ احباب نال میل جول انہاں فی فطرت سی، پراتنی فرصت انہاں کی کدوں ملی؟ ایہہ عجیب گل سی جے روزانہ بکھرے بکھرے موضوعاتی ماحول نے پنج انہاں فی شاعری نکھر فی وی سی تہ متواتر بلندیاں کی تکنے نا مزاج وی سی۔

انہاں نے برتیوے پنج تنوع سی حرفان نے چنام ہونے نا بیڑا چائی کے سنیا ریاں ہاروں موزوں جگہ پر نصب کرنے تہ شاعری فی خوبصورتی برقرار رکھنے، زیادہ تر خاب، گلاب، رنگ، خوشبو جیاں علامتاں نے سہارے شاعری نیاں زلفاں سنورا نے تہ اندرو اندر اسنے معنی تہ مطلب واضح کرنے نا سلسلہ جاری رکھنے۔ تقریباً متواتر ایہجیاں علامتاں نال شعری خوبصورتی کی بحال رکھنے پنج انہاں کامیابی تہ راز پائے ہین۔ خاب نے استعمال انہاں فی شاعری نے حوالے نال ملاحظہ کرو۔

اُکھاں نے محلاں پنج صابر
خاب رُتاں تہ سب رنگ رکھیا



سنگ زمیناں ہوو زمانے اُکھیں باہ

موسم آئے خاب سہانے اکھیں باہ



زندگی نے خاب ادھرے رہی گئے
سدھرے دل کتنے بے سدھرے رہی گئے



ہر علامت کی جس وضع نے نال جوڑ کے شعر فی خوبصورتی کی بڑھاوا دینے، ایہہ لگنا کہ ایہہ لفظ
اسی مقصد واسطے چیاں جے پیدا ہو یا سی تہ انہاں فی صنعت گری واسطے پیدا ہو یا سی۔
صابر صاحب فی پلڑ ہر لفظ پراتنی سی جے اس نے سارے بھینے ادھیڑ کے اپنی گل مکمل کرنے نا
فن انہاں فی روزمرہ فی زندگی ناک اصول سی۔ شعر ملاحظہ کرو۔

جگر کلچے جگے ، کونلا ہوئے روز
غم اگاں نے کیڑے پنہاڑ ساہلے میں



جسی ظالم نے ظلماں جوراں جبراں آج تکر گٹھا
اوہ عاجز غمزہ مجبور فریادی کدھر جاسی
غلامی ور اُسی بھوں شوکیاں نالے موڑے سن
ڈکیٹ ہوئی بنی قاتل ایہہ آزادی کدھر جاسی
کد گہلاں تہ گلپاں رستیاں تہ روہڑیاں رُسی
ہُنی جُل نال صابر رات ایہہ سادھی کدھر جاسی



ڈل دریاواں ، جنگلاں جاڑاں لوڑی تہ
ہُن کونجاں نے ڈار بہتیرے میں رکھساں
بقول پرویز مانوس، صابر مرزا نے جدید شعراں نے تناظر پنج ایہہ گل پوری طراں صاف ہوئی

جانی ہے جے صابر مرزا نا فکری کینو اس کافی وسیع تہ اسلوب بالکل جد ہے۔ انہاں فی شاعری بچ تازگی فی جیہڑی لہر ہے اس تعلق جدید پہاڑی شاعری بچ ہون آلیاں رنگ برنگی تبدیلیاں نال ہے۔

فی الواقعہ انہاں نے قلم توں نکلن آلا ہر لفظ اپنے اندر بے شمار معنی رکھنا ہے۔ انہاں نے کلام بچ نزم و نازک پیتیاں جنیا اچھوتا پن تہ نزاکت، گلاب ہاروں بھینی بھینی خوشبو نا اعتراف تہ فضاواں فی دکشی، فطرت نا لازوال حسن، جذبیاں فی آگ تہ حالات نامد و جز رالا و مارنا لہنا ہے۔

شام ہووے تہ بولن آساں
درد دلاں نے کھولن آساں
پھل بستی نے آل دوالے
تکھے کنڈے پھولن آساں



پھل دتے خوشبو وی دیئی جا
پیار فی رت نا چھو وی دیئی جا
راز نیازوں واقف کر آں
بے تھویا آں تھو وی دیئی جا

انہاں فی شاعری نامزاج حالات نے جبر تہ تشدد نے خلاف اک بغاوت نا پیغام سی۔ انہاں کول انساناں فی عظمت تہ وقار افضلیت نا درجہ رکھنے سن تہ ظلم نے سرگھل کھوڑے کی سماج تہ امن پسند منظر نامے توں دُور نسا کے اک نویں سویر فی دلیل بنے رہے۔ ستم برداش وی کیے پر انہاں نال سمجھوتہ تہ بیہرہ کیے۔ سچ چھپانا تہ چھوٹھ فی پیروی کرنا ایہہ علمی خیانت سی جو انہاں نے ماحول بچ نہ پل سکی۔ اس طراں نے جذبات کی شعری روپ بچ ملاحظہ کرو۔

اوہ اڈار چوایاں نے اڈے نہ فر آئے موی
ہواواں آبلے کجھ اس طراں کھنڈیرے فی
ایہہ چپ موت فی کھنڈری ہے بستیاں اُپر

کہ حال و حال ہی گزرے اتھوں لُٹیرے نی



ماہڑے گراں وی آئے نے درداں نے کئی قافلے
پُھٹاں ہے لائی ماہڑے کُہر نویں بہار دوستا
تُہنداں ہے مَلّی ہر گلی ، نَکے ، پہاڑ چوٹیاں
عصمت آمان شہر نی ہے تار و تار دوستا
تلے تہ بیلے وادیاں گر لائیاں نے آج پیاں
ہے خونی کانگ جہلمانچ آر پار دوستا

صابر مرزا رنگ خوشبو نے شاعر سن۔ انہاں بیاں لکھناں بچ متے سارے حوالے اس گل نی
دلیل دینے ہین کہ اوہ اپنے دماغ کی پاکیزہ سوچ نال جوڑی رکھنے سن تہ حساسیت نے سرمایے نال اُس
بستی بچ سکون تہ آرام کی ٹھونڈ نے رہنے سن ۔

اکھیں خوشبو خاب نہ دیسی
ایہہ رُت یار گلاب نہ دیسی



پُھل ، خوشبو ، گلزار نی ہئی
سوہنے رنگ بہار نی ہئی
خوشبو نے ہبکار نے جتھے
اوہ ہے یار عطار نی ہئی



تہرتی پُھل کھلارے چٹاں
سجن راہ گلزار ادھر وی
خاب سہانے خوشبو لکھیاں اکھیاں ور

خوشیاں نے بیوں دل تہ دلبر آج وی



سانجھ رُتاں نی آس نہ آئی
چھلاں نی بُو باس نہ آئی
کاغذ ہر تحریر کسے نی
رنگ بہنی فر خاص نہ آئی

صاحب نادور کئی اک قسم نیاں تبدیلیاں نادور سی۔ جدوں اکھ کھولی تہ مُلک دو پھاڑ ہو چکیا
سی اس نے اثرات دُور توڑیں سامنے آئے، نقل مکانی ہوئی، تعلیم توں فارغ ہوئے تہ اک بڑی جنگ نا
سلسلہ تکیا، فریج ٹٹ ہوئی، لوک کُہر بار چھوڑ کے بے وطن ہوئے، فر صاحب کی کُجھ قدراں نا
زوال ملیا تہ ایہہ ہی وقت سی جدوں صاحب فی شاعری اپنے جو بن پُرسی۔ عقل نی متی ساری پختگی
سی لفظاں پُر قابوسی تہ شعور نی سطح بلندیاں کی چھوڑ ہی سی۔ اس دور نے تقاضے کھجے سن۔ نویں
ڈیکشن آئی۔ اگ، طوفان، لہو ویرانیاں جے لفظاں نے استعمال نال علامتاں کی برتنے ناموقعہ ملیا۔
انہاں فی حساسیت اس ماحول توں کجھ کدے وی نہ سوچ سکی۔ ایہہ ہی وجہ ہے کہ اس دور فی شاعری
اپنا نواں مزاج تہ نویں تجربات نال وارد ہوئی تہ ایہہ فر شعری رُپ بچ اک قسم نا در دُہو لا تڑپ
مشکلات، تنگی، جبر نے دور نا اظہار کرنا شروع ہو یا۔ اس طراں صاحب فی شخصیت کیہڑے لفاظی
سرمایے کی برت کے اپنے ضمیر فی چٹھن تہ ڈوہنگے زخماں فی نشاندہی کرنے فچ کسے طور پچکا ہٹ نیہہ
کرنے سکے۔ انہاں ناگل و پلبل توں Paradigm Shift ملاحظہ کرو۔

اک محشر سی چار چو فیری تہرتی تھر تھر کمنی سی
سر کی تہرتھیں کجھ کرنے ور شمشیراں بے چین بہت سن
اکھاں اُپر لہو لکھیا سا صابر اسنے ہتھاں فر
تقدیراں نے موسم دکھی تدبیراں بے چین بہت سن

دہشت گردی تہ ڈرنا جدوں ماحول ہووے تہ فر خوشیاں فی گل واسطے لوک ترس جانے ہین تہ ایہہ

ماحول ہی ایسا بجا ڈراؤ ناسی کہ زندگی تہ موت دوائے سنگ سنگ ٹر رہے سن۔ موت تہ حیات بڑی نزدیکی کشمکش بچ سن۔ حیاتی پُراویں وی جدوں جبر ہونا ہے تہ اوہ موت توں بدتر ماحول بچ تبدیل ہونا ہے تہ موت بڑی بے رحمی نال ہر کھی چھے چاہڑ ریٹی سی۔ ایسا گجھ تک کے صابر صاحب نا قلم کہہ آکھنا ہے تکی ہوں۔

قہر نے موسم نے ہتھاں شہر بچ
بہوں گتتاں رلیاں بہتیرے گل دو پٹے ریٹی گئے
فر محبت قہر تہ نفرت نا اک حصہ بنی
فر سراں ور دھشاں نے کٹ کر لے ریٹی گئے



ہوئی جاسی اندازہ کتنے لوک مرے
اس موسم جے سب اخباراں تکیاں توں



بے مٹی چھت رہسی گا اس برہیا وی
کہنل مکہلا کہہ پھے جاری لاساں میں
کیہڑا موسم آسی صابر ماہڑا فر
کیہڑے موسم اُچی ڈاری لاساں میں

صابر صاحب تشدد نے اس ماحول بچ وی منفرتاں نے بہوں پکے سودیاں نے باوجود وی رواداری
پیار تہ پہنائی چارے نی روایت نا حصہ بن کے اس طراں پیغام دے رہے ہین کہ اوہ اس تکلیف نے باوجود
اس دور نے جبر توں کئی اپنی امن چین فی دنیا بسان نا جتن کرنے نظر آنے ہین تہ روایتی پہنائی چارے فی
سلک کی قائم رکھن لئی اک نویں امید نویں حوصلے تہ نویں موسم نا پیغام دے رہے ہین۔

ہر بوٹے ہر ٹاہلی ور سا ماہڑا نا
رنگ، روتاں ایہہ سارے منظر ماہڑے سن
یار جہاں ور لکھاں واری وار ہوئے

اوہ شیشے اوہ سارے پتھر ماہڑے سن

میں آدم ساں اللہ نی اس تہرتی ور

مسجد، مندر سارے صابر ماہڑے سن

اک اُن ہونی چاہنچ، اک ڈوہنگے سیک توں چٹھلی ہوئے سوچ تہ ترسائے ہوئے شوق کی حوصلے ہمت
تہ جُرات ناسہارا دے کے اس بانسری ہاروں صابر صاحب نغمہ ریزی کر کے محبت پیار، وفاتہ بہتر وناں نی سوغات
آنے لئی متے پُر اُمید شعراں بچ اپنے جذبیاں کی رلا کے آکھنے ے

سجن سانجھ ہنی کھر مُڑسی خوشبو چار چو فیوری ڈہلیسی

البیلی رت میہو دے کھلیسی فر چن چڑھسی ڈیکاں رکھیاں

آس اُمید کی سو کے کھادا سوواں نے سر بیٹھے سپ

من موہنے منجھار نے کنڈے میں تہر یا نیاں چھیکاں رکھیاں

نفرت نی پتھراڑ توں دتی میں سر متھے اُپر رکھی

لوکاں آل دوالے صابر پُہلیاں پریم پریتاں رکھیاں

صابر صاحب اپنے شعراں نے حوالے نال کیہڑی گل ہو رکس ویلے کہہ گئے، ایہہ تہ اس
طراں نی گل ہے جے شعر تہ انہاں نے ہن تہ گلاں وی اوہ کرنے ہن پر ایہہ سب پس منظر بچ ہی جیاں
جے ہوون۔ بے باک، بر محل تہ خوبصورت لفظاں نی پھلکاری انہاں نی شاعری نامزاج سی۔ ایہہ غزل
تک ہی نیہہ، بلکہ انہاں نے گیت ہو ر خوبصورت ہو ر اچھوتے تہ ہو ر با معنی لہنے ہن۔ اگر ایہہ مومن نے
اک شعر نے عوض غالب اپنا دیوان دینے آلی پیشکش کی دوہرایا جائے تہ صابر صاحب اپنا اک ہی اوہ
گیت گا کے بس کر دینے تہ فروی انہاں کی شاعراں نی اگلی صف بچ جگہ ملنی۔ انہاں نا گیت ریڈیو،
ٹی۔وی تہ مجلساں نی رونق بنیار ہیا۔ ملاحظہ کرو ے

گڑیے درابے پئے، گپئے شرابے پئے

تنگی کھوٹی کھوٹی سینے نال لاں

گندلے گلابے پئے

اسے طراں صابر صاحب ناک ہو ر گیت جیہڑا گو جری زبان بچ ہے بہت ہی مشہور ہے ے

اُٹھ سام چُھو اگِ بآل میں پیکے جانو ہے
 تیں کھیڈ چھوڑیں مچُ چال میں پیکے جانو ہے
 اسے پُر ہی بس میہ، صابر صاحب اُردو نے صاحبِ دیوان فی صنفِ پنج ”خوشبوئِ نما“ تہ ”حدِ
 فراز“ جے شعری مجموعے لکھ کے شامل ہوئے۔ گوجری زبان پنج چوکھا سرمایہ چھوڑیا تہ اس پنج دی
 شعری مجموعہ ”کوک کایجہ کیس“ کی لکھی تہ اپنا ناں گوجری نے صاحبِ کتاب لکھاریاں پنج شامل کیتا۔
 اس طراں انہاں نے مُنہ توں آخری غزل ہمالین کالج آف ایجوکیشن پنج پنجابی زبان پنج سنی تہ اس
 توں چار دن بعد ایہہ نغمہ خواں بلبل متاں مٹی نے پٹھ پناہ لے کے سو گیا تہ اپنے چکھے اپنا عیال اپنے
 احباب اپنے ساتھی تہ ہور کئی نمکسار چھوڑ گیا۔
 حق مغفرت کرے عجیب مرد تھا!



پہاڑی زبان بچ انشائیہ

اک جائزہ

پہاڑی زبان بچ انشائیہ لکھنے نارواج کوئی پرانا نہیں ہے۔ ایسی وجہ ہے کہ اس نے لکھنے نا کوئی متا سرمایہ کسی جگہ نہیں ملنا۔ کدے کدے اگر کچھ لکھیا گیا ہے تو صرف اوہ محض کسے صاحب علم نے قلم تو غیر ارادی طور پر کچھ لکھنے کی کوشش نیا جائی سکنا۔ اس صنف کی طرف زیادہ گہرائی نال کوئی کم نہیں ہو سکيا۔ انشائیہ لکھنے کی پہلی کوشش چودھویں صدی عیسوی بچ انگریزی زبان بچ فرانس بیکن Francis Bacon نے کی تھی۔ اس نے بیوں سوہنے ڈھنگ نال اشاریاں تہ کنایاں نے سہارا اپنے بیانیہ کی سنواریا۔ زبان کی خوبصورت Diction دتی۔ مختصر لفظاں نے نال سمندر کی کوزے بچ بند کرنے ناعمل چایا۔ اس تھیں بعد انگریزی زبان بچ لکھنے آلیاں نے بیوں سارا لکھیا۔ اتھے تکر کہ اس نارواج ہندوستان بچ وی پچھا پنڈت نہرو نے خط اندرانے نال پہنا ہوئیں اوہ تاریخ نا حصہ بنے پراملانی خوبصورتی لفظاں کی بناوٹ تہ بیان کی ادائیگی نے اس نثری انگریزی تحریر کی جان باہ چھوڑی۔

اُردو بچ مولانا ابوالکلام فی غبار خاطر محمد حسین آزاد کی ”آب حیات“ سرسید فی تہذیب و اخلاق۔ رتن ناتھ سرشار نیاں مشکل زمین بچ لکھیاں گئیاں تحریاں پطرس بخاری۔ شوکت تھانویں تھیں کچھے بعد سعادت حسن منٹو ممتاز مفتی، مولانا حالی، امام غزالی فی کیمیائے سعادت شاہ ولی اللہ دہلوی جتہ البالغہ، کرشن چندر، پریم چند وغیرہ نے نثری انداز بچ قابل قدر سرمایہ چھوڑ کے نویں نسل واسطے رستے ہموار کیے۔ جد کہ پہاڑی نثر بچ سارے لکھنے آ لے یا تہ اُردو نے دستر خوان پر موجود پکوان کھانے نے عادی سن یا انگریزی ادب نے لافانی لکھاری شیکسپیر، آرنلڈ، کالرج، ٹی ایس ایلیٹ وغیرہ نے مزاج فی خوشہ چینی کری اپنے ذہنی سرمایے کی بیوں سارے اُچے مقام تک پہنچایا۔

پہاڑی شاعری فی عمریۃ معلوم حد توڑیں کوئی سو سال توں لمی میہ سمجھ آئی۔ اس قبیل بچ سیف الملوک اس نا اولین مربوط کم نظر آنا ہے۔ اس توں بعد پہاڑی شاعری بچ کئی ہک شاعر عشق نے ہاڑے الاپنے تے رونے تھونے رہے۔ پرنٹر لکھنے نا کوئی رواج میہ سی۔ صاحب علم مروجہ تعلیم نیاں حداں توں گزرنیاں شاعری نے چھاڑ بچ سستانے رہے۔ شاعری فی صنف کی جیہڑی ترقی ملی۔ اوہ صرف اس واسطے سی۔ کہ ایہہ سرمایہ حافظے نے حوالے کیتا جاسکنا سی۔ اسطراں زبانی زبانی کم چلنا رہیا۔ اگر کدے کوئی لکھنے والا ہونا تہ اوہ نثر لکھ کے محفوظ کر سکنا سی پر حالات نے جبر تہ وقت نے مزاج معاشرے کی علم فی روشنی تو دور رکھ دتا سی۔ ہک خط پتر لکھنے یا پڑھنے والے میلاں تک میہ سن۔ ایسی صورت بچ نثر نا کوئی کم ممکن میہ سی۔

اساں نے اس دور نے پڑھے لکھے طبقے نے ”ادب عالیہ“ فی سر خداں بچ بڑی اس مزاج توں متاثر ہوئی پہاڑی جغرافیہ فی شناخت شروع کیتی اس بچ جیہڑا گجھ کم کیتا گیا۔ اوہ صرف انہاں لوکاں فی محنت سی جنہاں تہذیبی زندگی بچ نویاں نویاں کوششاں کرنے پر لک بنھ لیا۔ ماہرے اندازے نے مطابق پہاڑی زبان بچ انشائیہ ”افسانیاں“ نے لباس بچ داخل ہو یا۔ نرا انشائیہ اہجاں اپنے دس سالہ زندگی میہ پاسکیا۔ ماہرے اندازے بچ شاہباز راجوروی نا ”جلالہ ماما“ پہلی کوشش سی۔ فر راجہ نذر بونیاری۔ فدا راجوروی، محترمہ زلفریگم مرزا اسلم، اقبال رینہ، اقبال شال۔ کے ڈی مینی آزاد احمد آزاد، ایوب شبنم، حسام دین بے تاب، ماسٹر دینا تھ شرم، کیول شرم، راجہ رام شرم، نور محمد بھٹی، خورشید بسمل، شباب مرزا، ڈاکٹر مرزا فاروق انوار، عبدالرشید غمگین، محمد سرور ریحان، مصطفیٰ پیچھی، راجہ شجاعت، مقبول ساحل، پرویز مانوس تہ کئی ہور لکھاریاں اس طرف توجہ کیتی۔ انہاں نے سچے یا فرضی جو بھی حالات سن۔ انہاں پر اپنا قلم چایا پہنا نویں اوہ خالصتہ انشائیہ لکھ رہے ہوں یا افسانے یا نثری نظمیں وغیرہ اس مضمون نے حوالے نال انہاں سمجھناں لکھاریاں فی تحریر فی خوبصورتی، حسن، بلاغت، بناوٹ ادائیگی، تصنع، استعارے، کنائے، مراعات لفظی، جامع تحریراں بچوں انشائیہ فی پیدائش بارے رائے قائم کیتی گئی ہے۔

شاعری کیتاں جے گجھ ہک قافیہ ردیف، اوزان، مبالغہ آمیزی نے بستر بچ ہی جمی پلی

ہے۔ کدے کدے ہن آزاد شاعری نے نطن بچوں بھی انشائیہ نا انداز اُبھر کے اپنی جگہ بنا رہا ہے۔ جد کہ انشائیہ اُس بیانیہ نا ہک حصہ ہے جیہڑا انسان نے ماقی الضمیر نی تخلیق ہے۔ شاعری نی غنائیت ساری جذباتی وابستگی نال طلے تہ سرگی نے سرچوسا منے آئی ہے۔ پر نثری سرمایہ کھاجنیا بیاہ ٹلڑا ہے۔ جیہڑا جدوں کھانے نے دسترخوان تھیں بچ جائے تہ فروہ دوئیاں حاجتاں تہ ضرورتاں واسطے استعمال ہونا ہے جدوں غنائیت تُوں دوریاں بن گئیاں تدوں ہی نثری سرمایہ سامنے آتا ہے۔ اُس وجہ تھیں انشائیہ کی برتنے والیاں نی تہ کوئی تاریخ پُرانی ہے۔ نہ ہی انہاں نی کوئی معقول ذہنی وابستگی نا دورانیہ لہماں ہے۔ اس واسطے جیہڑا کوئی کم غیر ارادی تہ غیر مربوط ٹھنگ نال ہو یا ہے۔ اس بچوں لڑیچر نا طالب علم کجھ ہک تاثرات بنا کے انہاں کی کاغذ نے حوالے کرسن گے۔

انشائیہ دراصل لکھاری نے تجریاں نی لوءیا اس نے علم نی وسعت تے اسی سوچ نی گہرائی نی نشاندہی کرنا ہے۔ اس توں ایہہ اندازہ حاصل کیتا جاسکنا ہے کہ لکھاری ہک بیان نے بچ کتئیاں گلاں نے تنہا گے پر و سکنا ہے کتنے رنگ پھر سکنا ہے تہ کتئیاں جہتاں نا احاطہ کری سکنا ہے۔ اس ضمن بچ ذہنی وسعت تہ متاسار مطالعہ بنیادی چیز ہے۔ اس طراں پہاڑی لکھاریاں کول کوئی ڈوہنگے فلسفے نیاں پر چھائیاں بھی نیہہ تہ کجھ زیادہ علمی دوڑ بھی نیہہ۔ کجھ ہک لکھاری ہی انشائیہ نی بنیادی ضرورتاں کی پورا کرن نا ملکہ رکھنیں مگر بچ سارے محض روایتی حدال نے اندر ہی اپنی گذر بسر کرنے بچ لگے رہنے ہین۔ جس نا سبب ایہہ ہونا ہے کہ اسیں ادب عالیہ نے کالے کولے جانے نیاں صلاحیتاں اپنے اندر محسوس میہہ کرنے۔ بچے تلے ہوئے لفظاں سوہنیاں سوہنیاں بندشاں۔ خوبصورت لفاظی تہ نثر بچ استعارے تہ کنائے کی برتنے پر کوئی خاطر خواہ محنت نیہہ ملنی۔ تاہم پہاڑی لکھاریاں نی ہک جماعت ذہنی آسودگی تہ بالیدگی نے احساس توں واقف ہے۔

ایہہ کم اتنا آسان نیہہ جیہڑا تک بندی نال نبھایا جاسکے اس بچ مکمل قابور کھنے نی ضرورت ہے۔ تاں جا کے دوئیاں زباناں نے ادبی سرمائے نال ایہہ کجھ بھی اکھیاں ملا سکے نی قابل ہو سکے۔

راجندر بونیاری نی ہک کوشش ملاحظہ ہووے:

”بجلی ناں دی کوئی چیز نہ آسی۔ اکثر لوک دیہنی بال کا چلھے نے ڈھلاتے
 تھہرے، متوسط طبقے دے لوک کھانے دا تیل مٹی دے دیئے بچ بال دے، امیر لوک
 لالٹین ہور چمنیاں بالئے، چندا تھو اں ناساں بچوں کڈھنا۔ ماہڑے کھرا بچ یا فر میں
 جندے کھرا بچ رہندا آساں۔ ماہڑے ابو جہاں کو اسیں ”جیاا“ آکھدے
 آسیاں ماہڑے دادا جان ”بابا“ یا بڑا پاپا ماہڑی نانی جسکو اسیں سارے نانی اماں
 آکھدے آسیاں، ہک رشتے دا پھراء ”پاپا جی کا کا“ اسدی زنانی کو اسیں پہنابی ہک
 خادم جس کو اسیں ”کا کا“ نہ اسدی زنانی کو دیدی آکھدے آسیاں.....“

اس ٹکڑے بچ کسٹراں ہک ماحول نا تذکرہ ہور ہیا سی۔ اس ماحول بچ ضرورتاں
 مجبوریاں۔ تنگیاں وغیرہ نا تذکرہ ملنا تہ اس ٹکڑے کی پڑھن والا قدرتی طور پر اس ماحول نا ہک حصہ
 بن جاسی تہ اس وقت تہ مزاج نیاں ساریاں ضرورتاں خوبصورت انداز بچ بیان کر کے اس انشائیے کی
 زندگی نے رنگ روپ بچ پائیٹ دتا۔

اسی طراں فدا راجوروی ناں ”ہتھ“ محض پنجائیاں تک محدود میہ رہیا۔ بلکہ اس نے
 گوشت پوست اس نیاں لکیراں، مقدرنیاں علامتاں سارے خوبصورت طور طریقے نال بیان کیتاں
 گئیاں ہین۔ انہاں نا لکھیا ہک ٹکڑا ملاحظہ کرو:

”بانہ تہ گلوے تھیں اگلا ایہہ حصہ جیہڑا کم کاج کسب یا ہنر برتان ویلے استعمال
 ہونا ہے۔ اسے کی ہتھ آکھنیں۔ انگوٹھا چنگلی بشکار نیاں دوا انگلاں۔ کلمے والی انگلی تہ انہاں
 نے منڈھتی پوٹے، گنڈاں ہتھ نے اُپر والا چم، گوشت چربی تہ سکڑے جلیاں ہڈیاں ایہہ
 ساریاں چیزاں رلی ہتھ تہ چارے جالے ہتھ کی بچے نی صورت دینے ہین۔“

اس بیانہ بچ ہتھ نے بارے بچ کئی گلاں دوہرائیاں گئیاں ہین۔ جہاں کی پڑھن نال
 قاری کی لکھاری نے عرفان تہ ادراک نا قدرتی طور پر احاطہ ہو یا لکھسی۔

ہک ہور انشائیہ محترمہ زلفربگم نا ”بے ایمان“ ملاحظہ کرو:

”ایہہ ساریاں گلاں سنی تہ نال ہی اپنیاں ہلنیاں جلنیاں تصویراں تکی تہ

اسکی ایہہ سچھنیاں ذراوی دیر نہ لگی کہ کھلواڑ اُسے آدمی نے کیتا ہے جس ماہری وجہ نال حکومت کولوں لکھاں نافاندہ چایا ہے تہ جیہڑا اپنے آپ کی ”بے ضرر انسان“ آکھنا سی“ بے ایمان کسے پاسے نا“ اُس نے اس کی ہک زوردار گال کڈھی۔ مگر ایہہ کیمرہ آخر اس نے پلے کیہڑی جگہ سی ”اوہ سوچن لگ پیا۔ ایہہ کیمرہ ہے کہ شیطان ہے۔ اس نے اندر تھیں ہک سوال اُبھرایا ہوو فر اگلے ہی لمحے اپنے اندر تھیں اُس کی اُس نا جواب لکھی گیا۔“ ایہہ اکیسویں صدی نا انسان ہے۔“

انشائیہ پنج نویں نویں انداز کی اپنایا جانا۔ اُس نے بیانیہ کی تشبیہاں استعاریاں بُجھارتاں نال جوڑ کر خوبصورت عبارت نے حوالے کرنا پہاڑی لکھاریاں نا علمی تے ادبی بڑا پن دسنا۔ کے ڈی مینی ہک افسانے ”چم گیدڑ“ پنج اپنی تحریر کی خوبصورتی کی بحال رکھنیاں ہویاں آکھنے ہین:

”اس ویلے خولجہ صاحب نی حویلی پنج ٹٹا مانا ہو یا دیاوی کدے نا کجھی گیا سا۔ اوہ کمٹ وریا حیاتی نے اخیر لے ساہ لینا پیا سا۔ اذیت ناک درد سنگ چھڑکی چھڑکی اس نی اس نی زبان ورسکڑے جی گئے سن اسراں لگنا سا کہ گراں ناسا را سوکا تہ روڑا اس نے منہہ پنج آئی پیا ہووے۔“

اس بیانیہ پنج تحریر نی روانی تہ واقعات نے تسلسل فر استعاریاں نی مدد نال خوبصورتی پیدا کرنا قلم کار نی قابلیت نی نشاندہی ہے اسی طراں ہک روز افسانہ ”سزا“ پنج اقبال نازش نا بیانیہ ملاحظہ کرو:

”نکا جنیا کمرہ ہبگی نی کھٹوتی، ٹڑٹی نی بندری، کھیڑیاں نی جوڑی، دوکھنڈیاں پتیلیاں ہک چہ کٹورا، ہک ادھ منہاں چچہ۔ پُرانا کھتہ تہ ہک میں، بس ایہہ سب کجھ ماہری وراثت ہین۔“

اس بیانیہ پنج بھی مثنی پریم چند نے چھالے لکھنے ہین اس طراں نا لکھنا ایہہ دہسنا ہے کہ لکھاری نی حالت نا مطالعہ ہوو فر اس نے بیان نی روانی تہ سچائی نی ترغیب ایہہ دہسنی ہے کہ اس بیانیہ پنج Originality کتنی ہے تہ عام کُھر پنج کتنا کجھ عام طور پر ہونا ہے۔

اسی طراں اقبال شال نابیانہ یک افسانے ”کیٹے“ نے حوالے نال ملاحظہ کرو۔

”لوک آکھنے اوہ پاگل سی۔ پر سچ کے ہے گئے کی نیہہ پتہ اتنی گل ضرور ہے جے

حلیہ اُس نا پاگلاں والا سی۔ کائی ہاروں لے مٹی بچ گئے نے بال جگہوں جگہوں تک پئی نی

سُنڈے دار داڑھی، میلے ناں لپ کیتے نے دند، قادران شاموشام حویلی نے بڑے دروازے

تھیں باہر آئی جانا، بٹیاں نی چھول پھری ٹکری اُپر چڑھی اوہ چنیں کی ڈیکن لگنا سی۔“

اس تحریر بچ بھی بالکل ہو بہو کسے واقعہ کی زبان دینے واسطے جیہڑے حرفاں نی ضرورت

سی۔ اوہ اسے طراں موجود بھی ہے تہ دلچسپ بھی۔

شیخ ظہور دین نا یک بلا عنوان افسانہ ماہڑے مضمون کی متا سارا مواد دینے ہوئیاں اُس نا

بیانیہ تگو۔

”ہزاروں نیہہ کروڑاں سال گذری گئے ہوسن۔ میں اپنی ایہہ مٹی عمر تعصب بے

بلنے تنورا ندر چکھنے انگار ہاروں ہزاراں فتنے کرائے۔ آدم نی اسے نسل کی نیک تہ سچیاں رستیاں

تھیں ہٹائی، نفرت تہ پاپ نے رستیاں پر لان نی کوشک کیتی گو اس کم بچ میں تچھلے وقعاں بچ

اتنا کامیاب نہ رہی سکیاں۔ مگر فروی میں ہمت نہ ہاری کیاں جے میں اللہ تعالیٰ کولوں ایہہ

وعدہ ہندا سا جے مگی انسان کی بہکان تہ ورغلان نی اجازت دتی جاوے۔“

ایہہ بیانیہ شائد انگریزی ادب نے Dr. Faustus نے مضمون نے نال ملنا جُلنا تہ اس نا پلاٹ بھی

اوہی ”شیطانی چالاں“ ہو سکتا ہے۔ بہر حال انسان نی نفسیاتی کیفیت تہ عقیدیاں بچ آئے ہوئے بدلاؤ نا

تذکرہ ہے۔ اس نال موجودہ انسان نا المیہ جُویا ہے۔ اسی طراں یک ہو ر قلم کار راجہ شجاعت ہوراں نا یک

انشائیہ وکیل صاحب نا اقتباس تگو۔

”اپروں گراں دے گدرے گدریاں حنیفہ کو چھیڑ دے آسے..... حنیفہ

بُنہاں داہر دکھ تو ہڑا ہیر و آیا، پیراں شرڈاں دیاں پولوں تہ موہنڈے باوے آدماں

دے ویلے دی لوئی، سنیا نکا بچ انگریزی بولد ا ہے۔“ بس کے آسا گڑی صاف ہٹ

گئی، مگو کپ چھوڑ و میں اس نال نہ گیندی۔“

اس ادبی تہ علمی ٹکڑے بچ بھی قلمکار نے مسلسل تہ روانی نال واقعات دہسے تہ انساناں دی نفسیاتی کیفیت دا اظہار بھی مل رہیا ہے۔

شہباز راجوری ناہک افسانہ ”تتیاں تہپاں“ نا تحریری سفر ملاحظہ کرو جس بچ انہاں نے زبان نے وقار کی اپنی علمی اٹھان کی کسراں قائم رکھیا۔

”پتہ نیہہ ایہہ زمی کتنی عمراں تھوں بنی آئی۔ پر اہجاں بھی بنی نیہہ۔
شاند قیامت نے پہلے پہر توڑیں بنی رہی۔ فر بھی بھاگلپور نی رت ڈہلسی، گنگار
نگے جاسی۔ کھواں بچوں چن جے متھے بے گناہی نیاں تہا نیاں دے سن۔ فلسطین
نیاں نکلیاں گوریاں اکھاں گولی نال ٹھنڈیاں ہوئی بے نور ہونیاں رہس۔ میں رکیاں
سوچن لگا۔“

ایہہ ادبی ٹوٹا انشائیہ واسطے ہک مثالی روپ ہے پہناویں ایہہ ہک افسانہ نارو پ ہی
سہی۔ پر انساناں بیانہ ہو بہو ہک واقعاتی تسلسل نے نال گند یا ہو یا ہے۔ فر اس بچ تاریخ کے متے
سارے حوالے دے کے ایہہ ادبی فی خدمت ہی نیہہ بلکہ "The wasteland" جس کی T.S.
Eliot فی عالمانہ فکر فی شاعری فی روپ بچ پیش کیتا سی۔ اسے طراں نا چھاملہ اس ادبی ٹکڑے بچ
چہلکنا ہے۔

اسے طراں نا شیخ آزاد احمد آزاد نا ہک افسانہ ”عملاں فی مار“ نا ہک اقتباس سنو:
”ساون نا مہینہ تہ کلکھ رات کالی۔ بدل گجنا تہ برہنا ساکیاں نا شو نکار پیا
ناسی۔ کہنا بدھے نے سن مگاں نسر یاں نیاں سن ساری بستی نے لوک سٹے نے سن تہ
آج گلزار کی قدرت فی دتی ذہانت نا احساس ہون لگا۔ چنٹو شراب تہ جوئے فی مستی بچ
کہر آنا ہی نیہہ۔ اک بنٹو ہے جیہڑا کہر نے کم کاج فی وجہ نال سکول چھوڑی گیا ہے۔“
اس افسانے نے ہک حصے بچ تحریر کیتا گیا حوالہ دیہا فی زندگی فی معقول تصویر کشی کر رہیا ہے
تہ اس بچ سارے کردار دیہا فی مزاج نال جڑے ہوئے ہن۔ شاہ محمد خان مرحوم نا ہک افسانہ
”وعدہ“ نا ہک ٹوٹا پیش کرنا ہاں۔ ملاحظہ کرو۔

”تھپ تھپ تیز سی اوہ پر سے نال گوچھڑ ہو یا نا اپنے کمرے بچ بڑیا۔ منجی اُپر
میہنی پکھا پھلن لگا۔ سر ہانے تھری نی کتاب نے ور تے پرتن لگا۔ کجھ حیران تہ
پریشان جینا لگنا سی۔ الویں کا ہلی تہ ہسڑ دل کسے گلے ورنہ بہوئے اسنادل تہک تہک
کرن لگا‘ ایہہ کس ناخط ہوئی سکنا ہے۔“

اس طراں نے اقتباس تو ماہڑا مقصد نیہہ کہ پہاڑی زبان بچ انشائیہ لکھنے نارواج ہے۔ بلکہ
انشائیہ اس زبان بچ اہجاں متا سارا او پر او پر اے۔ اس طرف کوئی بھی توجہ نہ کیتی گئی ہے۔ ہو سکنا کہ
میں اس ضمن بچ کجھ ہو رکلڑے بھی شامل کرنا۔ پرگی ایہہ لگنا ہے۔ کہ انشائیہ نیاں بنیادی ضرورتاں
اہجاں پوریاں نیہہ ہوئی سکیاں۔ اس واسطے ذرا اختصار نال ہی کم لینیاں ہوئیاں ایہہ کجھ نمونے پیش
کیتے گئے ہن۔

خورشید بیکل ناہک انشائیہ نما تحریر ”کوٹھا“ تو ماخذ ہے اس ناہک ٹوٹا تھو:
”کل شاند پتہ نیہہ ماہڑے جھے بچ جیہڑا پہاڑ آیا ہے سی میں اُس کی ٹکراں
ماری ماری پہنی چور کری رکھیا ہے کجھ ہک سلاں نکلیاں ہن کجھ ہک پتھر تہ کجھ چرنا
ٹے اپنیاں تہ پرائیاں نیاں قبراں تہ کوٹھیاں واسطے اوہ تک ماہڑا کوٹھا بنی گیا۔ کجھ دن
میں اس بچ رہساں۔“



حضرت بابا غلام شاہ بادشاہ

راجوری نی تہرتی پُر دویاں علاقیاں نی طراں لہندے پاسے تھیں خُدا دوست تہ درویش
صفت بُرگ آکے علم و عرفان نی جوت جلاکے اِس بستی کی روشنی دے کے اپنا اک مقام بنا گئے۔
جہاں کی اِنج عقیدت منداپنی اکھیں نے بانپھڑاں بچ بسا کے اپنے دل کی سکون و آرام پُچانے
ہین۔ انہاں تیاں ساریاں بُرگاں نے بچ اک ایہہ عارف با اللہ حضرت بابا غلام شاہ وی سن
جیہڑے راجوری قصبے تھیں کوئی ۲۹ کلومیٹر پربت نی طرف شاہدرہ نی بستی کی اپنی موجودگی نال
ہزاراں لوکاں نی توجہ نامرکز بنایا ہے۔ اتھے ہر فرقے تہ مذہب نے لوک اپنی عقیدت نے پھل
نذر کرن واسطے آنے رہے ہین۔ اتھے ہر قسم نی خوراک تھیں زائرین کی نوازا جانا ہے۔ اس قسم نا
لنگر شاہد ہی کسی جگہ ہووے۔

انہاں نے ناں بچ اختلاف رہیا ہے۔ گلاب نامہ بچ انہاں ناناں سید خیر اللہ درج ہے۔
لیکن دراصل بابا غلام شاہ نے ناں نال ہی ایہہ اتھے مشہور ہوئے۔ ہو سکتا ہے کہ خیر اللہ شاہ انہاں
نا کوئی مُرید انہاں نے نال ہووے یا ایہہ کتابت نی غلطی نے نال لکھ چھوڑیا ہووے۔ انہاں نے
خاص چیلیاں نی اولاد جیہڑی انہاں نے نال رہی ہے اوہ سیدہ بسینہ واقعات نی کڑی کی جوڑنیاں
ہوئیاں انہاں کی بابا غلام شاہ بادشاہ نے ناں نال پکارنے ہین۔

حسب و نسب ابتدائی حالات:

ایہہ سادات خاندان مشہدی نسبت نے چشم و چراغ سن۔ انہاں نی سن پیدائش بحوالہ
کتاب مؤلف میر غلام قادر ۱۱۵۶ھ ہے۔ ایہہ راولپنڈی ضلع نے اک گراں سید اں کسراواں بچ
پیدا ہوئے۔ ایہہ اک متوسط کُہرا نے نال تعلق رکھنے سن۔ انہاں نے والد صاحب زراعت پیشہ وی

سن تہ ڈنگر بچھے وی پالنے سن۔ انہاں ڈنگر بچھیاں نی دیکھ پہال نکلیاں ہی اُس وقت نے ماحول نے مطابق انہاں کی وی کرنی پئی۔ ایہہ ہی وجہ ہوئی کہ ایہہ کسے حرفاں یا اکھراں کی سکھنے واسطے باقاعدہ مکتب یا درس گاہ بچ نہ جاسکے۔

بچپن تھیں انہاں کی محبوب حقیقی نی تلاش محسوس ہوئی۔ آخر اک دن ایہہ اپنے کنبہ کوٹھے کی خیر آباد آکھی کے پر بت نی طرف اک مقام پُر چلے گئے۔ ایہہ مقام بری شاہ لطیفؒ نی خانقاہ والا سی تہ اُتھے جا کے انہاں نے ریاضت شروع کیتی ہور اتنی محنت انہاں نے دو سال نے عرصے بچ کیتی کہ انہاں نے مُرشد حضرت امام لطیف بریؒ نے انہاں کی قبول کر کے طریقت تہ تصوف نارستہ دہس دتا ہور حکم فرمایا کہ شینہہ درہ جا کے بچ بالو۔

مُرشد پاک نے حکم نی تعمیل بچ آپ منزل بمنزل ٹرنیاں ٹرنیاں موضع لسانہ تحصیل سُر نکوٹ بچ تشریف لیائے۔ حضرت بابا صاحبؒ نی عظمت و جلال ناچر چا عام لوکاں تک پھیل چکیا سی کہ اک مرد نیک سیرت اتھے بیٹھا ہویا ہے۔ دُروں تہ نیڑے تھیں لوک اکٹھے ہو کے دیدار نا شرف حاصل کرنے رہے۔

اسے دوران اُس وقت نا پونچھ ناراجہ رستم خان وی انہاں نی بُرگی نے چرے چے سُن سُن کے انہاں نا معتقد ہو گیا تہ اوہ انہاں کول حاضری دینا رہیا۔

راجوری نا سفر:

پونچھ نے راجے نا اک پہنڑ یا آیا خان انہاں نا نہایت ہی گرویدہ ہو چکیا سی۔ اوہ انہاں نے دربار بچ حاضری دینا رہنا سی۔ حسد تہ کدورت نی ماری دُنیا بچ گندے لوک وی پلنے رہنے ہین تہ لوکاں نے راجہ رستم خان کول آیا خان نے خلاف سازش چلائی۔ ادھر رستم خان نی وہمی طبیعت اس سازش کی سمجھ نہ سکی۔ لوکاں نے اُس نے کَن پہرے کہ آیا خان اس فقیر خدا مست نے کول ہمیشہ جانا وی ہے ہور اپنے حق بچ راجہ بننے نی دُعا وی کروانا ہے۔ اوہ راجہ تدوں بنسی جدوں کہ حضرت بابا صاحب راجہ رستم خان نے خلاف بد دُعا کرن گے۔ اس واسطے آیا خان تُساں نے حق بچ فرعون و موسیٰ والی بات بنسی گی۔

راجہ رستم انہاں چو پڑیاں چڑیاں گلاں بچ آئی گیتا تہ اس نے فوج نے سپہ سالار کی حکم دتا کہ آیا خان کی حضرت بابا صاحب کول جان تھیں باز رکھیا جائے تہ آیا خان راتیں سفر کرنا شروع کیتا کہ کسی کی پتہ نہ چل سکے۔ ایہہ گل وی راز نہ رہ سکی تہ راجہ رستم خان نے حکم دتا کہ اگر رات نے وقت آیا خان سفر کرنا ملے تہ اُسکی قتل کیتا جائے۔

اک دن آیا خان دربار حضرت بابا اور حاضری دے کے رات ہنیرے بچ واپس پونچھ جا رہیا سی تہ رستے بچ اُس ورنفوج حملہ آور ہو گئی۔ بابا صاحب کی کشف ہو گیا کہ آیا خان ورنحملہ ہو گیا تہ اوہ ست بار فرمان لگے ”مار آیا مار“۔ اسطراں ست آدمی آیا نے ہتھوں مارے گئے ہور اسنے بعد آیا خان وی قتل ہو گیا۔ حضرت بابا صاحب اس قتل ناحق ورن سخت رنجیدہ ہو گئے تہ اوہ پونچھ راجوڑہ کی چھوڑ کے درابہ دونائیں ہونیاں ہونیاں دیہرہ گلی ہور فر پھنگائی بچ تشریف ہئی آئے۔

پھنگائی نیاں لوکاں جیہڑے کہ گجر ذات نال تعلق رکھنے سن نے حضرت بابا صاحب نی کافی قدر ورن منزلت فرمائی۔ انہاں نے سلوک تھیں خوش ہو کے حضرت بابا نے پھنگائی نے لوکاں کی دودھ نی زیادتی نی دُعا دتی۔ اوہ دُعا آج وی اپنا اثر دہسانی ہے کہ اس علاقے بچ دودھ نی کمی کدے وی محسوس نیہہ ہوئی۔ حضرت بابا صاحب نے پھنگائی نے قیام نے دوران لوکاں شکایت کیتی کہ نال نے جنگل بچ شیر انہاں نیاں بکریاں کی کافی نقصان پُچانا ہے۔ اک روز حضرت بابا صاحب اک بکرے کی نال لے کے اُس جنگل بچ گئے۔ اُتھے اوہ چھوڑ کے تماشہ تیکنے لگے کہ شیر نال نے جنگل تھیں آیا ہو اوہ بکرے نے ارد گرد دست چکر لائی کے کھیدن لگا۔ اُسے پُ حضرت بابا صاحب کی اپنے مرشدنا حکم یاد آیا کہ ایہی اوہ جگہ ہے جس شینہہ درہ واسطے انہاں نے مرشد پاک نے ارشاد فرمایا۔ خُدائی قدرت کہ اُتھے اک روشنی نمودار ہوئی جیہڑی لنگر نے شکل بچ آج وی موجود ہے۔

حضرت بابا صاحب نی راجوڑ بچ آمد:

تاریخی طور ورا یہہ پتہ نیہہ لگ سکیا کہ حضرت بابا صاحب شینہہ درہ یا شاہ درہ کدوں تشریف لیائے۔ البتہ اک اندازے تھیں ایہہ پتہ لگنا ہے کہ ایہہ کوئی ۱۲۱۰ء نے نیڑے اُتھے

تشریف لے آئے۔ کیاں جے ۱۲۲۵ء کی ایہہ علاقہ بابا صاحبؒ کی جکیر نے طور و رملیا ہو ر اُس ویلے راجوری ناراجہ کرم اللہ خان انہاں نامعتقد خاص ہو چکیا سی۔ جدوں بابا صاحبؒ شاہ درہ تشریف لے آئے تہ انہاں نے آنے نی خبر راجوری نے راجہ کی ہوئی۔ راجوری ورجال خاندان ناراجہ کرم اللہ خان حکومت کر رہیاسی اُس نے پاکی پیچ کے بابا صاحبؒ کی راجوری آنے نی دعوت دتی۔ بابا صاحبؒ راجوری تشریف لے گئے۔ دربار پیچ حضرت بابا صاحبؒ نی بڑی قدر کیتی گئی حتیٰ کے راجہ انہاں نامرید ہو گیا۔ عقیدت نے طور و رراجہ نے ۱۲۲۵ء کو شاہ درہ حضرت بابا صاحبؒ کی جاگیر کے طور و روتا ہو ر اُس ورمہاراجہ رنجیت سنگھ والئی لاہور نی تصدیق کرائی گئی، جیہڑی آج وی پٹہ نی شکل پیچ دربار ورموجود ہے۔

شاہ درہ پچنے ورمبابا صاحبؒ زیادہ عرصہ جنگل نے گماہنڈ و ر قدرت نے سائے نے پیٹھ بہہ کے عبادت وریاضت کرنے رہنے سن۔ زیادہ وقت تنہائی پیچ کڈھنے سن ہو ر چلے پیچ یاد خدا کرنے رہنے سن۔ جدوں کدے لوکاں ناہجوم ہو جانا سی تہ اُس ویلے بابا صاحبؒ چلے پیچ تشریف لے جانے سن۔

بابا صاحبؒ وطریق فقیر:

حضرت بابا صاحبؒ نقشبندی طریقہ رکھنے سن۔ ساری عمر تجرد پن نال گزاری۔ عورت ذات نے درمیان ایہہ بہنا پسند نہیہ فرمانے سن۔ انہاں نال شغل صرف صحبت مُرشد تھیں عارف باللہ ہوناسی۔ انہاں نا حجرہ آج وی ہزاراں راہ بھٹکے ہوئیاں واسطے راہ دہسنا ہے۔ شرط ایہہ ہے کہ سچے دل نال کوئی مطلب رکھنا ہووے۔ انہاں نے دربار تھیں جناب بابا لارویؒ و حضرت نانگا باجیؒ وی فیضیاب ہوئے ہین۔

بابا صاحبؒ نیا کرامتاں:

۱۔ نکی عمر پیچ بابا صاحبؒ جدوں ڈنگر بچھے چرانے سن اک روز انہاں وروجہانی کیفیت طاری ہو گئی تہ انہاں کی اپنے ڈنگراں کی تکتے ناہوش نہ رہیا تہ اوہ جا کے اپنے پڑوسی نی ساری کنک نی فصل کھائی گئے۔ لوکاں نے فصل نی خراب حالت دکھی تہ اوہ بابا صاحبؒ نے والد صاحبؒ کول

معاوضہ وصول کرن گئے۔ ایہہ گل سُن کے بابا صاحب نے والد صاحب سخت دُکھی ہوئے کہ اِس غربت بچ ایہہ معاوضہ کس طراں چکا سن گے۔ جدوں کہ ایہہ کچہری ہو رہی سی بابا صاحب نے لوکاں کی آکھیا کہ معاوضہ بنانے واسطے سارے نقصان تلن چلو۔ جدوں ایہہ سارے لوک اُتھے گئے تہ اُتھے ذرا پُہر وی نقصان نہ دکھیا، بلکہ فصل اِسے طراں سی بھڑاں کہ کدے کھاہدی ہوئی نہ ہووے۔

۲۔ ڈوگرہ حکومت نے بانی مہاراجہ گلاب سنگھ اک معمولی سپاہی فی حیثیت نال مہاراجہ رنجیت سنگھ فی فوج بچ سن، اوہ کشمیر وچڑھائی فی غرض نال فوج نے نال آیا۔ شاہ درہ شریف پُہنچیا تہ اس نے حضرت بابا صاحب نانائ سُنیا، حاضر دربار ہويا۔ حضرت بابا صاحب نے اس کی راجہ بننے فی خوشخبری سنائی۔ گلاب سنگھ اس گل ورحیران ہويا۔ اوہ آکھن لگا کہ اگر میں راجہ بن گیا اُس تہ سوڑے تھیں اُپر جاگیر دیساں۔ گلاب نامے بچ ایہہ واقعہ درج ملنا ہے۔ چنانچہ اُس فی جوانمردی ہو رہا دری تھیں خوش ہو کے مہاراجہ رنجیت سنگھ نے بیچنا مہ امرتسر ۱۹۳۶ء نے تحت جموں و کشمیر گلاب سنگھ نے تھ بچ دتا ہو رہا راجہ گلاب سنگھ نے حضرت بابا صاحب فی قدر و منزل نے طور و رانہاں کی ملی ہوئی جاگیر فی توثیق ہی نہ کیتی بلکہ اُس بچ اضافہ کیتا۔

۳۔ راجہ کرم اللہ راجوری ناراجی سی۔ اُس نے بچ پُتر سن۔ سب تھیں نکلے پُتر نعمت اللہ خان و حضرت بابا صاحب فی نظری۔ نعمت اللہ خان نے خلاف ایہہ سازش حاسداں لوکاں کیتی کہ ایہہ حضرت بابا صاحب تھیں تخت نشینی واسطے دُعا کرانا ہے۔ اسی سازش نے طور و راس کی قتل کر دتا۔ حضرت بابا صاحب کی ایہہ گل ناگوار گزری۔ اِسے دوران حضرت بابا صاحب نے بددعا دتی کہ راجوری والیاں ناراج ختم کیتا جانا ہے۔ ہُن کوئی وی ولی عہد بیہہ ہون لگا۔ خُدائی کرنی سی قتل نے اختلاف فی وجہ تھیں سارے پُہر آپس بچ لڑلڑ کے ختم ہو گئے۔

راجہ کرم اللہ خان کی اپنیاں بچیاں ناخاتمہ بڑے صدے ناباعث بنیا ہو رہا وہ بیمار ہو گیا۔ حتیٰ کے مرنے نے قریب بچ گیا۔ راجے نیاں دورانیاں اپنی نرینہ اولاد تھیں محروم ہو گیاں سن۔ چنانچہ بکلی رانی لنگا نے پیر حضرت بابا نے دربار بچ حاضری دینے لئی گئی۔ حضرت بابا صاحب عورت ذات نال بیہہ ملنا چاہنے سن۔ کافی اصرار تھیں بعد ملنے فی اجازت دتی۔ ۳۷ سالہ رانی

نے رورو کے روداد سنائی ہو عرض کیتی کہ اک ولی عہد ہووے۔ بابا صاحب نے راجے کی انارنا دانہ پیش کر کے ٹھنڈے پانی نال کھانے لئی دتا ہو رنال ہی ولی عہد نی خوشخبری سنائی۔ فرمان لگے کہ آگرہ نے جنگل بچ شیر نی جفتی ہوئی ہے۔ لہذا ایہہ ولی عہد ”اگر خان“ شیر نی طراں بہادر ہوسی ہو ر اس نے موہنڈے ور شیر نے بچے نشان ہو سی گا۔ چنانچہ بچے نی پیدائش ور اوہ سارے نشان دُرست ملے۔ رانی کی تلقین حضرت بابا صاحب نے فرمائی کہ اُس کی عدل و انصاف نے نال حکومت کرنے واسطے آکھیا جائے۔ ایہہ بچہ اگر خان بڑا مشہور ہو یا۔ حکومت عدل و انصاف نال کیتی لیکن بعد بچ گمراہ ہو گیا۔ ماہلی ذات نی رانی کی اگر خان نی سرکشی نی خاب بچ گل سنائی، مگر اوہ باز نہ آیا۔ آخر مہاراجہ رنجیت سنگھ نے اس کی ہٹا دتا ہو ر ایہہ راجوری پنجاب صوبے بچ ملا دتی گئی۔

۴۔ میاں کریم بخش پھمبر نے اک درویش سن۔ حضرت بابا صاحب نیاں عقیدت منداں بچوں سن۔ انہاں نے پھمبر بچ اک مسجد تعمیر کرائی، جس نی وجہ تھیں مقروض ہو گئے۔ دربار شاہد رہ حاضری دتی کہ خواجہ حبیب اللہ نائب ریڈیٹ حکومت پونچھ کی خاب بچ نصیحت کیتی کہ اٹھو ہو ر ماہری مسیت بچ بیٹھے آدمی کی ۱۲۰ روپے دیو ہو ر جلدی واپس آ جاؤ۔ چنانچہ اسے طراں خواجہ صاحب نے تعمیل ارشاد کیتا تہ میاں کریم اللہ بخش کی ۱۲۰ روپے ادا کر کے واپس چلے گئے۔ اسے طراں نے کافی واقعات مشہور ہین، جیہڑے سارے سینہ بسینہ ہی منتقل ہونے رہے ہین۔ لکھے پڑھے واقعات مچ کھٹ ہین۔

بابا صاحب نی وفات:

جو وی پیدا ہو یا اُس نے موت ناذائقہ چکھنا ہے۔ اس عظیم فرمان نے تحت حضرت بابا صاحب کوئی ستر سال نی عمر گزاری کے محرم الحرام ۱۹۲۶ھ کی نقل مکانی فرما کے دار البقاء نی طرف سفر کر گئے۔ آپ نے کنبے تھیں کوئی وی اپنا بیہ۔ البتہ آپ نیاں خدمت گزاراں نی اولاد تہ چیلیاں نی نسل آج وی دربار نے آس پاس آباد ہے۔ بابا صاحب نے بچپن نی ساتھی بلیاں نی آج وی کافی نسل دربار ور موجود ہے۔ ایہہ بلیاں مچ تہذیب یافتہ ہو ر موجودہ دور نی دُوئی نسل

نیاں بلیاں تھیں عادات پنج مختلف ہین۔

بابا صاحب نادر بار آج ہزاراں ہی نیہہ بلکہ لکھاں لوکاں نی توجہ نامرکز ہے، جتھے موسم نی گرمی تھیں مارے لوک دربار نے ارد گرد بڑے چناراں نے سائے پنج بہہ کے تھپ، گرمی ہو ر تمازت تھیں راحت پانے ہین۔ اُتھے روحانی پیاسے وی اپنی پیاس بجھانے لئی حاضری دینے ہین۔ آج وی انہاں نے مزار نال اوہ اُن کی لکڑی ناسدا پھل درخت نی شکل پنج بے اولاداں نے واسطے چھولی پھر نے ناکم دے رہیا ہے۔ حضرت بابا صاحب آج وی بڑی فیاضی نے نال روحانی تریہہ بجھانے نے واسطے کم کرنے ہین گے۔



نذیر احمد مسعودی:

اَلْ تَحْرِیْکُ، اَلْ تَعَارُفُ

مسعودی خاندان شیخ صاحب نیا کشمیر کچھ سا نچھے باب بین جہاں کی اکٹھا کیتا جائے تہ اوہ کشمیر نی تاریخ بنی اے۔ اُسے خاندان بچوں نذیر احمد مسعودی نی شخصیت وی اُبھری ہوئی ملنی اے۔ مگی انہاں کی نیڑے تھیں تکلن نا موقع پہلی واری ٹیگور ہال نے اندراک جلسے بچ ہو یا جیہڑا پہاڑی بولنے آ لے لوکاں نی تاریخ نی الف بے نی پٹی ہاروں سی۔ سٹیج اُپر بیٹھے ہوئے اک کشمیرے نے کوٹ والا سرے اُپر قراقٹی ٹُپی۔ اک لمی چوڑی فائل چکی ہوئی تہ پتہ چلیا کہ ایہہ نذیر احمد مسعودی بین نالے مولانا مسعودی نے نکلے پھر اہ بین۔ اس شناخت نے نال نذیر احمد مسعودی مگی خاصا قد آور تہ ذہین شخص لگا۔ کہیاں جے مسعودی برانڈ کشمیر نی سیاست بچ اتنا ہی اہم سی جتنا کہ لوہے نے کاروبار بچ ٹاٹا۔ ایہہ علمی اعتبار نال وی سی تہ سیاسی چھول نال وی۔ بزرگاں کولوں سُنیا سی جے شیخ ہور جدوں ننگا ہنہ پیراں سیاست نی کنڈیاری بچ داخل ہوئے اُس ویلے مولانا مسعودی انہاں نے سیاسی اُستاد نی حیثیت نا اپنی پہچان بنائی چکے سن۔ اُسے خاندان بچ نذیر احمد مسعودی وی اپنے سارے تعارفی سلسلے نال داخل ہوئے۔ انہاں نی پیدائش ۱۹۲۱ء بچ مظفر آباد تحصیل نے کرناہ علاقے نے گراں بڑی لواتھ بچ ہوئی۔ ۱۹۳۶ء بچ مظفر آباد ہائی سکول تھیں میٹرک نا امتحان پاس کیتا۔ ۱۹۳۸ء بچ انہاں ایف ایس سی پنجاب یونیورسٹی لاہور تھیں پاس کیتی تہ فر ایس پی کالج بچ بی ایس سی نے پہلے بچ (Batch) نے طالب علم ہونے نا شرف وی حاصل کیتا۔ اسراں ایہہ اپنا تعلیمی سفر طے کرنے رہے۔ ۱۹۶۰ء بچ ایہہ بطور ریٹ آفیسر ملازمت نی لڑی بچ پروئے گئے۔ غلامی نے جھنجھٹ تھیں بعد ۱۹۶۲ء نے بھیانک دور نے انہاں کی کشمیر نے پر لے حصے بچ اپنی جائیداد

چھوڑی چھڑائی تہ اس پاسے نے کشمیر بچ اک قسم نے پناہ گزین ہوئی تہ رہے اپنی علمی وسعت نے اعتبار نال انہاں نے ترقی نیاں کئی سیڑھیاں چڑھیاں حتیٰ کہ ایہہ چیف کنسرویٹر نے عہدے تکر پہنچے تہ انہاں کی انڈین فارسٹ کارپوریشن نے بچ بحیثیت مینجنگ ڈائریکٹر نے عہدے اُپروں سبکدوش ہوئے۔ اس راز تھیں پردہ فاش کرنا اجاں باقی اے کہ کیاں انہاں آبائی کھر کوٹھا چھوڑیا۔ چونکہ مولانا مسعودی نیشنل کانفرنس نال جُوے ہوئے سن تہ شیر کشمیر نے مشیر خاص سن تہ مظفر آباد آلے پاسے ایہہ نیشنل کانفرنس انہاں کی پسند نہ سی۔ اس واسطے انہاں کول ایہہ ہی واحد رستہ باقی سی کہ عافیت نی خاطر تہ اپنے بیگانیاں نے غم غصے کی ٹالنے واسطے اپنی پیو دادے نی بستی کی تجنہ نی نوبت آئی۔

جدوں قبائلی لوک کشمیر بچ لٹ مار کر رہے سن تہ کشمیر کی انہاں نے ظلم تہ زبردستی توں بچانے واسطے جیہڑا تاریخی فیصلہ ہئی تہ کشمیر نا (اُس ویلے) عارضی الحاق کیتا گیا۔ اس ویلے نذیر احمد مسعودی کرناہ اُپر قابض قبائلیاں کی نسانے واسطے فوج نے نال پورے طور اُپر شامل رہے تہ اسراں اوہ علاقہ مظفر آباد تھیں بکھ کرائی تہ کپواڑہ نال جوڑیا گیا۔

نذیر احمد مسعودی ہور جدوں اپنے ملازمت نے فرائض تھیں فارغ ہوئے تہ انہاں کی راجوری نے مقام اُپر دوروزہ پہاڑی کانفرنس نے دوران بطور چیئر مین چُپا گیا۔ انہاں نی انتظامی کارکردگی تہ تنظیمی سوچ نے اس پہاڑی کلچرل اینڈ ویلفیئر فورم کی اک نویں روح بخشی تہ پورے طور اُپر نکلیاں نکلیاں اکائیاں تکر اس نی تنظیم سازی کیتی۔ انہاں نے سر ایہہ سہرہ وی ہے جے پہاڑی فورم نا آئین مرتب کری تہ باقاعدہ طور اُپر رجسٹرڈ وی کروایا۔

بحیثیت چیئر مین پہاڑی فورم نے اقتدار نیاں بلندیاں تکیاں اس نے وجود کی منوایا۔ اس کی تحریک بنایا۔ اس نی چھاں بچ لوک ’مسٹر آف سٹیٹ‘ نے عہدے اُپر چمکے تہ ہراک نے اس مرد قلندر نی بے نیاز طبیعت نا اعتراف کیتا۔ اوہ نکلی جیئی ڈاہلی جیہڑی فورم نے طور لائی گئی سی اج اک چنار نی شکل نی صورت بچ اے۔ جس نی چھاں وچ گرمیاں بچ سستایا جانا ہے تہ سردیاں وچ اس نے پتر اں بچ دفن اک کی پہنکھائی تہ بستریاں بچ اس ناسیک رکھیا جانا ہے۔

اس گل نے باوجود کہ انہاں فی صحت دل نے عارضے نے سبب تہنیاڑے تھیں تہنیاڑے کمزور ہونی رہی پر انہاں نے حوصلے، ہمت تہ قائدانہ رہبری نے کدے وی مسائل نے حل کران وچ بگل میہ ماری۔ اوہ (مسعودی صاحب) فورم نے دل وی سن تہ دماغ وی۔ ایہہ فقیر قلندرانہ دولت نال مالا مال سی۔ اپنی پنشن نے اندر گزارہ کرن آلا پہاڑی لوکاں فی مہمان نوازی سری نگر نے دل نے بچ رہنیاں ہوئیاں کرنا رہیا۔

لوک پیسہ دولت تہ شہرت ملازمت نے حوالے نال کمانے ہین پر نذیر احمد مسعودی ہوراں عزت کمائی، لوک کمائے تہ اس دولت نے امین نے طور اپنی عمر نے آخری حصے تکر قائم رہے۔ مگی ایہہ یاد ہے کہ جموں شہیدی چوک نے سرے اُپر وزیر اعلیٰ فی کوٹھی نے بالکل سامنے اک چٹی جیٹی ترے منزلہ عمارت بچ کوئی ٹھیکیدار رہنسی۔ اُس مسعودی ہوراں کی وزیر اعلیٰ نال ملن واسطے جانیاں نکلیا۔ فوٹ اپنی کوٹھی وچوں دوڑنیاں ہوئیاں مسعودی ہوراں نال آملیا۔ ایہہ ملاپ اسراں ناسی جنیاں کسے باوقار پیر کی اُس نامرید پوری عقیدت نال ملنا ہے۔ گل اتھے ہی نہ مگی، مسعودی ہوراں نال دس پندراں لوک وی سن۔ انہاں سیناں کی اوہ ٹھیکیدار اپنے کمر لینی آیا تہ کتنی تواضع کیتی اس نا احاطہ کرنا دکھی گل ہے۔

نذیر احمد مسعودی محکمہ جنگلات نے نال ملازمت نے بندھن بچ سن۔ پر انہاں فی طبیعت بچ اک اُچے درجے نا تاریخ دان موجود سی، جیہڑا عملی طور اُپر سارے علاقے نے جغرافیہ تھیں وی واقف سی نالے نکلیاں نکلیاں پگڈنڈیاں تھیں وی۔ مگی یاد اے کہ شارده پیٹھ اُپر انہاں نا تاریخی تبصرہ ایہہ دہس رہیا سی گویا کہ اس عمارت نا تک نقشہ، سیڑھیاں نے پتھرو وی انہاں نے گنی رکھے نے سن۔ نالے فر ایہہ کہ اس عمارت بچ پڑھن آ لے لوک کیہڑے کیہڑے مکاں تھیں آونے سن۔

کدے اس گل وچ بناوٹ نہ ہووے تہ فر مگی اس گل نا اقرار کرنیاں خوشی ہوئی کہ ایہہ حقیقت بچ اک ٹرنا پھر نا انسائیکلو پیڈیا سن۔ جیہڑے ہر قسم تہ تصنع تہ تکرار تھیں اُچی جائی اُپر وارد سن تہ ہر گل بچ تاریخی حوالے دینا انہاں نے حافظے نے صحت مند ہونے فی نشانی سی۔

عمر نے آخری دور بچ انہاں نے سرگرم سیاست تھیں فورم کی دور رکھن لینی جتن کیتے۔ فر ایہہ ذمہ داری دوئے لوکاں نے ذمہ منتقل کیتی تاہم اس نے باوجود ایہہ بطور سرپرست اپنی عالمانہ

بصیرت نے فیض تھیں فورم نی تک سُن کرنے رہے۔

کدے مولانا مسعودی ہور سیاست نے میدان بچ اک ویلے سپہ سالار سن تہ نذیر احمد
مسعودی ہوراں نہ صرف پہاڑی سماج بلکہ پورے سماج نے سماجی رہبر نے طور اُپر اپنی زندگی
وقف رکھی۔ اسراں اپنے سفر نے آخری پڑاؤ اُپروی ایہہ سماجی فکر سنبھالیاں ہو یاں رہے۔
اسراں اک تہیاڑے ایہہ خبر بھی مل جناب نذیر احمد مسعودی ہورا اپنی زندگی نے سفر کی ترک کری
تہ آخرت نا پینڈا مارن روانہ ہوئی گئے ہین۔ اللہ تعالیٰ اُنہاں کی ابدی سکون نصیب کرے۔
آمین!



شاہدرہ شریف

راجوری قصبے تھیں تقریباً 30 کلومیٹر شمال نے پاسے ہور تھنہ منڈی تھیں دس کلومیٹر لہندے پاسے پر تپال پہاڑی چھو لی بچ اک علاقہ ہے جیہڑا اک تاریخی ورق نے طور پر لکھیا ہور تکیا جانا ہے نے چڑھدے پاسے بہوں اوکھا جیا پہاڑی گراں ہے۔ اس نے مغرب نے طرف پر تپال نے اس پار سنگیوٹ (پونچھ) ہے۔ شمال نی طرف پونچھ ضلعے نا گراں درابہ وغیرہ ہے۔ چڑھدے پاسے پہننگائی ہور جنوب نے پاسے راجدھانی مہور نا خوبصورت میدانی علاقہ ہے۔ ایہہ گراں لہندے تھیں چڑھدے پاسے زیادہ پھیلیا ہویا ہے ہور اک برساتی نالہ لہندے تھیں چڑھدے پاسے بکنیاں ہوئیاں پھننگائی نے نالے نے نال مل جانا ہے ہور چڑھدے پاسے ایہہ اک ہور نالہ جیہڑا کہ شمال تھیں جنوب نی طرف بکنا ہے آکے اک یکے جے دریانی شکل بن جانا ہے جیہڑا برسات نے دناں بچ کافی زیادہ پانی تیز رفتاری نے نال بہانیاں ہوئیاں تھنہ توی نے نال مل جانا ہے۔ ایہہ گراں کوئی بچ ہزار فٹ نی بلندی پر ہے۔ اسی بڑی چوٹی کوئی ست اٹھ ہزار بلندی پر ہوسی۔ سردیاں نے موسم بچ ایہہ گراں برف نی موٹی چادر پٹھ دیار ہنا ہے ہور گرمی نے موسم بچ اس نے پانی نے ٹھنڈے چشمے ہزاراں ترہائیاں کی بغیر معاوضے نے پانی پلانے رہتے ہین۔

اس گراں نے عین بشکارا اک خوبصورت زمین ناکرا ہے جس نے اُپر چنار نے اُچے اُچے بوٹے ہور کھوڑ نے پرانے درخت نے نال ”ریں“ نے موٹے تہ پرانے بوٹے بڑے ہی دل خوش کرنے والے ہین۔ انہاں ہی بوٹیاں نے بشکارا اک روحانی بزرگ حضرت خیر اللہ شاہ بقول گلاب نامہ بزبان فارسی صفحہ نمبر ۱۵۷-۱۵۶ نی اک موتیاں پوری خانقاہ ہے جس نی تعمیر کی تقریباً ڈیڑھ سو سال ہو گئے ہین ہور ایہہ خانقاہ فن تعمیر نا اک بہترین نمونہ ہے۔ اسے خانقاہ والے تھیں گلاب سنگھ نامی

سپاہی مہاراجہ گلاب سنگھ بننے کی خوشخبری سُننے کے گھیا سی ہور جدوں اوہ مہاراجہ بنیا تہ اُس نے اپنے وعدے کی پورا کرنیاں ہوئیاں اک بڑا علاقہ بطور جاگیر اس خانقاہ والے بزرگ کی دتا۔

اس گراں ناناں شاہدرہ شریف کیّاں پیا کافی ساریاں روایتاں اس نے کچھ ہین۔ اس کی شاہ درہ، شینہ درہ۔ سین درہ نے مختلف ناں سنگ پکاریا جانا ہے۔ اس بارے کچھ ماہری رائے کچھ مختلف گلاں ہین۔

شاہدرہ:

بڑی حد تک ایہہ دکھیا گیا ہے کہ بعض جائیاں نے ناں کسے بڑی شخصیت نے ناں نے نال جو کے مشہور ہونے ہین جسٹراں راجہ بدھ سنگھ تھیں تھیں بدھل مشہور ہو یا تہ پانی وی اس طراں ناناں ہے۔ اسی طراں شاہدرہ اُتھے نے اک بزرگ ہور باکمال ولی نے ناں نے نال مشہور ہو سکے نی گنجائش موجود ہے۔ اسے طراں جسٹراں پونچھ لسانہ نے کول ایہہ ہی بزرگ کچھ عرصہ رہے ہین ہور اُس جگہ ناناں وی ”شینہ درہ“ نے ناں نے نال موسوم ہوئی گیا ہے۔

ایہہ تصوری عام لوکاں کچھ رچیا بسیا ہے کہ نیک تہ بزرگ ہستیاں نے نال سیہہ یا شیر انہاں نی سواری نے واسطے رہنا ہوئے ہے۔ بہت ساریاں شکلاں شیر نی سواری کرنے ہوئیاں ڈٹھیاں گئیاں ہین۔ اس تھیں ایہہ نتیجہ وی کڈھیا جاسکنا ہے کہ حضرت شاہ صاحب نی شیر نی سواری نی نسبت نی وجہ تھیں ایہہ ”شینہ درہ“ نے ناں نال مشہور ہو گیا ہووے آ۔

میر غلام قادر نے لکھے ہوئے کتابچے تھیں وی ایہہ ظاہر ہونا ہے کہ اس جگہ کی ”شینہ درہ“ وی پکاریا جانا رہیا۔ اسے نے نال اس علاقے نے محل وقوع کی سامنے رکھنے ہو یاں ایہہ آکھنا وی مناسب ہوئی کہ ایہہ علاقہ شیراں نی بہتی والا علاقہ ہے۔ اس نے ارد گرد کہنے تہ موئے ”رہس“ پہاڑی سلسلے خاص ہور موزوں حالات شیراں نی بہتی ہونے نا تصور کرنے ہین۔ ایہہ گراں جنگل نے سرہانے چواں طرفوں کہیرے کچھ لیا ہو یا نظر آنا ہے۔ اسنے جنگل نا سلسلہ جنوب تھیں پیر کلیو تھیں شروع ہوئی کے دوہری ماہل تھیں پرتپال تک جانا ہے ہور لہندے تھیں پرتپال نے دُورے پاسے چکھ ناں نے کہنے رہس نے جنگل نے نال ملنا ہے۔ شمال نے پاسے تھیں چمری، درابہ، نیلی دہری ہور بہرام

گلہ نا بڑا رہا جس نازنگل اس گراں نے نال ملنا ہے۔ اس سارے محل وقوع نے کیتے ایہہ گل ذرا نیڑے نیڑے ملنی ہے کہ انہاں کہنیاں جنگلاں نے بشکار بسنے والا علاقہ شیرنی بستی والا علاقہ ہوسی ہووے اس وجہ تھیں اس کی ”شینہ درہ“ آکھیا گیا ہووے۔

ایہہ گل وی عقل نے دروازے تک پہنچی ہے کہ ریاست پونچھ ہمیشہ تھیں راجوری تھیں کئی ہی رہی ہے ہووے اس نی تصدیق ”تاریخ ڈوگرہ دیس“ تھیں وی ملنی ہے کہ پونچھ ہووے راجوری کسے وی وقت اکھٹے راجوڑے نہیں رہے ہین۔ بلکہ ایہہ کئی کئی ہی رہے ہین ہووے اس لحاظ نال ریاست پونچھ نے نال ملنے والا واحد نزدیک ترین پیدل رستہ شاہ درہ تھیں ہی ہے ہووے شاہ نے معنی بڑا کے شاہ درہ نال مشہور ہوئی گیا ہووے ہووے درہ نی نسبت نال وی ایہہ علاقہ صحیح طور پر اُس تعریف نے بچ آنا ہے۔ اس گل کی ہووے زیادہ ثبوت اس گل تھیں ملنا ہے کہ ارد گرد نے سارے جنگل جیہڑے بیابان ہین صرف ایہہ ہی اک رستہ ذرا آبادی تھیں ہووے پونچھ ہووے راجوری نے درمیان جوڑنے ناکم دینی سکنا ہے۔ اس واسطے اس ناناں شاہ درہ رکھیا گیا ہووے۔

ہندوستان نے قدیم ورثے بچ کورواں ناتہ پاٹرواں ناکافی ڈوہنگا حصہ رہیا ہے ہووے رواجی طور پر ایہہ گل مشہور ہے کہ کورواں نی شکست تھیں پاٹرواں نے انہاں کولوں ساری بادشاہی کھس لئی ہے۔ کورودر پد پھرے ہووے پرتپال پہاڑی نی چوٹی پر قدیم تعمیراں نامونہ بڑے بڑے پتھر دیواراں تھیں کھوہ آج وی نظر آنے ہین ہووے قافلے والے کافی حد تک قیاس کیتا جانا ہے کہ نزدیک ترین راہ تھیں ہی گزور کے پہاڑ پرتپال تک پہنچنے ہووے ہووے شاہ درہ تھیں جیہڑی چوٹیاں نے اُپر پرورش پائی گئی اُس تھیں وی اس گل نا اندازہ لگنا ہے کہ اُتھے پچھنے نا آباد رستہ شاہ درہ تھیں ہی جانا رہیا ہووے۔

اس راز تھیں پردہ ہٹانے واسطے صرف قیاس نا سہارا ہی لیا جاسکنا ہے کیاں جے کوئی تاریخ اس علاقے نے بارے بچ گل نیہہ کر رہی۔ خواہ اوہ تاریخ شاہان راجور ہووے گلاب نامہ ہووے یا تاریخ ڈوگرہ دیس ہووے۔ انہاں تھیں الگ کوئی تاریخی دستاویز اس علاقے نے بارے بچ نیہہ مل رہی پر اس گل بچ کوئی دوئی گل نیہہ کہ ایہہ گراں حضرت سید غلام شاہ (بحوالہ کتابچہ میر غلام قادر مطبوعہ اپریل ۱۹۷۷ء) قادری مرحوم و مغفور نی آمد نے نال ہی آباد ہووے ہووے اتھے اک بشارت نے موجب

موصوف نے بکرے کی چھوڑ کے شیر نے نال تکے گئے واقعات فی تصدیق پائی ہوئے انہاں نے اس جگہ جنگل کپال کے بستی بسانے واسطے اپنے مریداں ہوئے عقیدتمنداں کی جیہڑے کہ انہاں فی خدمت بچ رہے سن آکھیا ہوئے ایہہ شینہہ درہ شیر فی نسبت نال مشہور ہو گیا جیہڑے بعد بچ شاہ درہ نے نال نال مشہور ہو گیا۔

اس تہرتی کی ایہہ فخری رہیا کہ اس نے اندراک اعلیٰ پائے فی شخصیت آپہنچی جس نیاں کرامتاں فی اک لمی چوڑی کہانی ہے۔ جیہڑیاں ہراک آدمی فی زبان ور گردش کرنیاں رہنیاں ہین۔ ایہہ بزرگ سید کسرواں ضلع راولپنڈی تھیں ریاضت کرنے ہوئے نکلے ہوئے پونچھ گچھ عرصہ رہے تھیں بعد اک ناحق نے قتل تھیں اس علاقے تھیں بے زار ہو کے اس طرف آئے ہوئے اسی شاہدرہ کی شاہدرہ شریف ناشرف دینے والی ذات اس تہرتی پر آئی پہنچی۔

انہاں فی بزرگی نا حلقہ اس گل تھیں ظاہر ہو یا کہ انہاں نے ارادت نے بچ حضرت بابا صاحب لاروی مرحوم سلسلہ نقشبندیہ وی رہے ہوئے جناب ناگابا جی صاحب سلسلہ چشتیہ وی رہے ہوئے فیض حاصل کرنے رہے۔ جد کہ ایہہ خود قادری سلسلہ نے نال تعلق رکھنے سن۔ ایہہ بزرگ ہستی ۱۰۱۱ محرم الحرام ۱۲۳۲ء کی اس جہان فانی کی چھوڑ اپنیاں ہزاراں سوگواراں نے بچوں نکل کے راہ حق نے بچ چلی گئی۔ آج ایہہ مقام ہر مذہب ہوئے عقیدے نے لوکاں نے واسطے مقدس بنیا ہو یا ہے ہوئے ہراک اُس فیض جاری تھیں مسلسل فیضیاب ہوئے رہیا ہے۔ موصوف خدامست ہوئے ہر ویلے عبادت بچ لگے رہے سن۔ آج وی انہاں نیاں نشانیاں اُسی حجرے بچ موجود ہین۔ اوہ کھڑانواں کر بایا سب گچھ عقیدت منداں نے موجود رکھیا نا ہے۔ انہاں ناروضہ مبارک جتھے اک طرف پرانی یادگار ہے۔ تعمیر نے کم نا بہت سوہنا حصہ ہے جیہڑے اکہ پہلاں سینٹ ہوئے چوئے فی تعمیر سی تہ اس ور لکڑی بڑی سوئی نقش نگاری والی لگائی گئی سی۔ بعد بچ اُس لکڑی فی جگہ ٹین فی چادر چڑھائی گئی۔ ایہہ رنگ ۱۲۹۱ھ بچ چڑھایا گیا سی۔ زیارت نے مشرق نے پاسے اوہ بوٹا ہے جیہڑے بلتے تھیں رہ گیا تہ بابا صاحب نے اس کی باہر لگایا اوہ ہرا ہوئی گیا۔ اوہ بوٹا سدا نیلا ہے ہر موسم بچ اس ور پتر رہنے ہین۔ اُس نے مشرق فی طرف چلہ گاہ ہے جیہڑی بڑی سوئی طراں سجائی گئی ہے۔ اوہ تھلہ تہ مصلہ اُسی طراں موجود ہے۔

استھیں مشرق نے پاسے مسافر خانے نی مچ بڑی عمارت ہے ہور اُس نے نال ہی ہندو پُہراواں نے واسطے اک لنگر ہے۔ زیارت نے جنوب نی طرف لنگر ہے جس مچ ہر مذہب تہ رنگ نے لوک پکا پکایا کھانا کھانے ہین۔ زیارت نے مغرب نے پاسے اک مسجد ہے ہور اُس نے نال اک حجرہ ہے۔ اُس نے ذرا چکھے غسل خانہ جنیاں تہ زنائیاں ناہے۔ شمال نی طرف انہاں نیاں عقیدتمنداں نیاں قبراں ہین۔ اس تہرتی کی اک شرف ہور وی ہے کہ اتھے چناراں نا اک نکا موٹا جنگل ہے، جیہڑے عمر نے لحاظ نال کوئی دو سو سال پُرانے ہوسن گے ہور اس نی خوبصورتی کی بڑھانے ہین۔

گویا ایہہ مقام ہر لحاظ نے نال دل کی آرام دینے والا ہے ہور خاص کر کے گرمیاں مچ ایہہ سیر سپاٹے نے لحاظ نال مچ چنگی جگہ ہے۔ اتھے تک سڑک پہنچ گئی ہے جیہڑی آمدورفت نے واسطے کھول دتی گئی ہے۔



کرشن چندر:

اپنی تحریروں نے حوالے سنگ

کرشن چندر نے پونچھ کی تہہ کی پُر اپنا بچپن سے ابتدائی جوانی نے دن گزارے۔ اک قلم کار
نی حیثیت نال انہاں نے اپنے آس پاس ناماحول بغور تکتے، کریدنے سے پرکھنے کی کوشش بچ
گواریا۔ شہری زندگی بچ انہاں کی اکتاہٹ انہاں کی دیہاتی زندگی واخ موڑ کے لے آئی
۔ فطرت نے نیڑے بہہ کے مشاہدہ کرنا انہاں نا شغل بن گیا سی۔ شوٹکنیاں ندیاں نیاں مدھر
آوازاں، چھمراں ناسگیت، کہنے جنگلاں ناہسن، جھو کاں تہ بہکاں نی سادہ زندگی، نیلے تلیاں نی
زیبائش، ساون نے بدل، جھندراں نے قافلے، سریاں ناساگ، مک نی روٹی وغیرہ جے ماحول کی
اپنی تحریر بچ برتنے تہ اک خوشگوار زندگی نا دعوتی منظر پیش کرنے نامقدس فرض انہاں نے نبھانے
نی اک کامیاب کوشش کیتی۔

کرشن چندر نے متا سارا ادبی سرمایہ چھوڑیا، جس بچ ناول وی ہین تہ افسانے وی پر انہاں
نامزاج منظر کشی نی طرف مائیل رہیا۔ کشمیر نے پہاڑ، وادیاں، چشمنے ندیاں، جھیلاں مرغزار وغیرہ نے
بیانیہ نا خاص حصہ رہیا ہے۔

انہاں نے کول ہندو مسلم، سکھ اک سانجھی روایت نا حصہ ہین تہ سماج کی ذاتاں برادریاں
یا قبیلیاں بچ تقسیم کی انہاں نی طبیعت بیہ سی پسند کرنی۔ ایہہ اک سانجھے سماج کی تکتے نے خواہش
مند سن جس بچ رواداری، پہنائی چارہ تہ ہم آہنگی ہووے۔ جس کی آج نی لغت بچ سیکولر ازم آکھنے
ہین۔ اس طراں نے مخلوط سماج کی لفظاں نا پہناوا پہنانے نا فرض بڑی خوبصورتی نال ادا کرنے
ہین۔ انہاں نیاں کہانیاں نے عام کردار نشی پریم چند ہاروں اقتصادی طور کمزور لوک ہی ہونے سن۔
پریم چند نے لکھنے نا بنیادی مقصد انسان دوستی ہے۔ انہاں نے غریباں نیاں گلیاں بچ پکٹی غربت،

فُدرتی حُسن تہ دیانت داری کی چنگی طراں پرکھیا، برتیا تہ استعمال کیتا سی۔ اسے طراں کرشن چندر وی اُس راہ پُر اپنے قدم جما کے استحصال زدہ معاشرے نے ناسور نادبی علاج تلاشنے رہے۔ ہر انسان نے حق بچ سماجی انصاف انہاں نی ترغیبات بچ سی۔ انہاں کی مذہبی تنگ نظری نال اک قسم نی جنگ رہی ہے۔ کدے کدے اوہ مذہبی لوکاں نی ریا کاری نی قلمی کھولنے بچ کچھے نیہہ رہے۔ اوہ حقیقتاں نی پہچان، صداقتاں نے اصول نے پرچارک رہے۔ انہاں نے کول مصلحت ناں نی کوئی چیز نیہہ رہی۔

کرشن چندر نے متحدہ ہندوستان بچ ڈھائے جان آ لے ستم وی تنکے تہ تقسیم ملک نے دل دُکھانے آ لے منظروی۔ فرقہ واریت ناناگ ہر پاسے ڈسنا رہیا۔ انسانیت وحشی بہروپیاں تہ بدذاتاں نے کول مجبور تکی تہ اُس کی زبان انہاں نے دتی۔ اس سماج بچ جدوں ماں پھن نی عزت نا احترام نیہہ کیتا گیا۔ جدوں معصوماں نے رتے لہو نال ململی شملے کی رنگ چاٹنے بچ کوئی رعایت نیہہ چھوڑی۔ جدوں قانون تہ ضابطے پاگل لوکاں نے حوالے ہوئی جان۔ جدوں انسانیت ذلالت نے بدترین ماحول نے چنگھڑ بچ قید ہوئی جائے۔ جدوں اخلاقیات نامعیار گولی بارود تہ میزائل نے نال پرکھیا جائے، جدوں حرام حلال، جائیز ناجائز نیاں حد اُت ختم ہوئی جان، جدوں میل ملاپ نے رستیاں پر سپاں نے ڈیرے لگ جان۔ ایسے حالات بچ پاکیزہ صورتاں نا خراج کون دیسی؟

قتل غارت گری، ذلالت، عصمت ریزی نے اُن گنت عفریت بہتتی بہتتی پھر کے اپنے رذیل تہ ناپاک مشن نے پورا کرنے نا جتن ہووے۔ ایسے ماحول بچ لکھاریاں ناپاکیزہ قلم ہی حرکت بچ آسکنا ہے تہ ساریاں ہاروں اپنا نغمہ گاسکنا ہے۔ شاعر اپنی شاعری نال، نثر نگار اپنے نثری سرمایے پر زور دے کے انسانیت کی فکر کدھرے جگانے ناکم پورا کر سکنے نا جتن کرنے ہین۔

ملک نی تقسیم نا المیہ وی انہاں نے قلم نی بچ توں دُور نہ رہ سکلیا، جتھے بیدی نی Train to pakistan لکھ کے ماضی نے تار نال ان واقعات کی جوڑیا اُتھے سعادت حسن منٹو نے ٹوپہ ٹیک سنگھ، کھول دو، ٹھنڈا گوشت وغیرہ اس نے ڈراؤنے حالات لکھ کے حالات کی زبان دتی، اُتھے

کرشن چندر کسے طور چکھے نیہہ رہے۔ بلکہ پہر پور طور لفظاں کی استعمال کر کے درداں فی داستان سرائی کرنے بچ اپنے قلم کی موڑیا۔

کرشن چندر نے اپنے اک افسانے ”غدار“ بچ اک واقعہ لکھیا، جسکی پڑھ کے انہاں فی ذہنی کیفیت نا اندزہ کرو:

”راوی کے پل پر سے مسلمانوں کا قافلہ گزر رہا تھا۔ پل کے اس سرے پر کھڑے ہندو مسلمانوں کو گالیاں دے رہے تھے۔ اتنے میں ایک ہندو موچی کی نظر اس کے قصبے کے رہنے والے ایک مسلمان موچی پر پڑ گئی۔ دونوں میں مخلصانہ اور معصومانہ گالیوں کا تبادلہ ہوا۔ دونوں اس مقام اور وقت کو بھول کر نہایت محبت بھرے انداز میں باتیں کرنے لگے۔

یہ زمانے کو کیا ہوا تھا؟ بیٹھے بٹھائے کیا ہوا؟ ارے ہم جالندھر میں جوتے بناتے تھے اور لاہور جا کر بھی جوتے بنائیں گے۔ پھر یہ جھگڑا کس بات پر، تھوکی سمجھ میں کچھ نہ آیا۔ اس نے سر پر ہاتھ پھیر کر اپنی کنپٹی کے بالوں کو گھبرا کر کہا، ”جمانے فی ہوا خراب ہے احمد یار“۔

بک ہو رو واقعہ انہاں نے قلم توں کاغذ پر وارد ہو یا:

”ایک مسلمان بڑھا اپنے نوجوان بچے کی قبر پر بیٹھا ہوا سورہ فاتحہ پڑھ رہا تھا۔ ہندو اور سکھوں نے ست سری اکال کے نعرے لگاتے ہوئے اُسے مار ڈالا، مرنے والے کی زبان پر آخری نام خدا کا تھا اور اگر مرنے اور مارنے والوں کے اوپر بہت دور کوئی خدا تھا بلاشبہ وہ بے حد ستم ظریف تھا۔“

”گر جن کی ایک شام“ بچ کچھ معصوم کردار، دیہاتی گڑی نے روپ فی منظر کشی کرنے ہوئیاں اسی نوخیز جوانی تہ بے پناہ خوبصورتی، لسی، مکھن، کلاڑیاں، کچھہ، جلعوزے، بھجلی فی لے، بہکاں، تھو کاں نا متاسرا چر چا ملنا ہے۔ اس گل بچ کوئی شک نیہہ کہ اوہ جدوں بھی کسے منظر کی پیش کرنے پس منظر نا پورا پورا خیال رکھنے۔ آس پاس نا ماحول انہاں نے بیانیہ کی ہو رو خوبصورتی دینا، ڈھڑنی نا بوٹا، اسی چھاں، نئے، مدان وغیرہ خوبصورتی نال بیان کرنے انہاں نا بیانیہ صرف فطرت یا سیاست نیاں گتھیاں ہی نیہہ سلجھنا بلکہ سماجی زندگی کی اک نباض ہاروں پر کھنے ہین۔ انہاں

نے اپنے ”شکست“ بچ زندگی نے سارے پہلو، موج، مستی، میل جول، اخلاق، اتفاق نیاں گلاں، ہک دوئے نال رواداری، ناسلوک، سناجھی زندگی، ناماحول اس طراں پیش کرنے ہین، جس طراں کہ اوہ اس نانا قابل انتقال حصہ رہے ہین۔ اک لیتری ناتذکرہ اس طراں کرنے ہین:

”ان لیتری والوں میں ہندو بھی تھے مسلمان بھی، سکھ بھی اور اچھوت بھی، مرد اور عورتیں بھی، لیکن اُس وقت سب کسان تھے۔ سب کے ہاتھ میں درانتیاں تھیں۔ سب گھاس کاٹ رہے تھے۔ بازوؤں شانوں تک ننگے، کمر کے نیچے جا نکلے، کھدر کی شلوار اور نکر پہنے بازوؤں شانوں تک ننگے۔ یہ گھاس، یہ زمین! آدمی دراصل جتنا زمین کے قریب ہوتا ہے۔ اتنا ہی وہ دوسرے انسانوں کے قریب ہو جاتا ہے۔“

اک جگہ اک نرالے انداز بچ درانتی نا استعمال نے نال نال پورا فلسفہ چھانٹ دینے ہین۔ ایہہ لگتا ہے کہ دنیا بچ ترغیب و تہذیب نیاں گلاں علامتی طور پر کر کے ادب نا قرضہ چکار ہے ہین۔ لیتری ناک ہو ر منظر ملاحظہ کرو:

”شیام آہستہ آہستہ درانتی چلانے لگا۔ اُسے ایسا لگا جیسے وہ ایک نئی زبان، نئے ادب اور نئی زندگی سے آشنا ہو رہا تھا۔ یہ ایک نئی زندگی تھی۔ اس کے اپنے اصول تھے۔ آہستہ آہستہ درانتی چل رہی تھی۔ الف، بے، تے، درانتی کسان کا قلم تھا۔ اس سے وہ زمین کی تختی پر لکھ رہا تھا اور ایسے گل بوٹے بناتا تھا کہ دنیا کے سارے ادیب اور دنیا کے سارے سیاست دان اس کے خوشہ چین معلوم ہوتے تھے۔ سر، سر، درانتی چل رہی تھی۔ اُسے ایسا لگا جیسے دھرتی گیت گارہی تھی۔ اس کے کندھے پر تھپکی دے کر کہہ رہی تھی۔ شاباش میرے بیٹے درانتی چلائے جا۔ یہ تیری تہذیب کی بنیاد ہے۔ تیرے مذہب کی خالق ہے۔ تیرے جسم کی روح ہے۔ دنیا میں غمی، قحط اور جنگ اس وقت آتے ہین جب انسان درانتی چلانا بھول جاتا ہے۔“

درانتی ہووے یا ہتھوڑا ایہہ سیاسی مزاج کی پیش کرنے ہین۔ جتنے سماج بچ مزدور، کسان نا ذکر ہووے تہ انہاں کی جینے نا حق دتا جائے۔ استحصال توں نجات دلائی جائے وغیرہ۔ اس طراں نثری اس زمی پر افسانوی ادب نے حوالے نال جتنا کچھ بھی لکھیا جانا ہے، اس بچ محنت کش

طبقے کی نشاندہی تہ انہاں نے متواتر کم نال انسانیت نا پہنلا ہونے نا تصور بڑی وقت کی ضرورت رہی ہے۔ کیمونسٹ بلاک نا سارا فلسفہ اسے زمی پر کاشت ہونا ہے تہ اس توں مساوات نا ماحول پیدا کرن پنج مدد ملنی ہے۔

اسے طراں کرشن چندر ”میری یادوں کے چنار“ پنج اک عظیم فلسفی نے طور پر بہت سارا بیانیہ کاغذ نے حوالے کرنے ہین۔ ایسا لگتا ہے کہ ہُن بن باس توں واپس آ کے کوئی تبلیغ ترغیب نے خزانے لٹار ہیا ہووے۔ بیانیہ ملاحظہ کرو:

”اُن دنوں میں بچہ تھا اور مجھے معلوم نہ تھا کہ جو سچ کے راستے پر چلتے ہیں۔ اُن کے لئے کوئی گھر نہیں ہوتا اور کوئی جائے پناہ نہیں ہوتی اور سایہ دار شجر اُن کے راہ میں نہیں ہوتا اور وہ ایک عزم راسخ اپنے سینے میں لئے اس راستے سے گزر جاتے ہیں اور اپنے پیچھے یادوں کے چراغ چھوڑ جاتے ہیں۔ جو آگ کے شعلوں کی طرح زمین سے نکلتے ہیں۔“

کرشن چندر کی کردار نگاری اتنی درست تہ Original ہونی ہے کہ ایسا لگتا ہے کہ اوہ اس کردار سازی نا اک حصہ بن کے بول رہے ہونے ہین۔ کدے انہاں نے کردار تصویریت Idealism نے شکار ہوئی جانے ہین۔ اس طراں نے کردار ”جب کھیت جاگے گا“ ”ویر پا اور رگھو راؤ“ ”ایک عورت ہزار دیوانے“ ”دردنی لہر“ ”نادلیپ“ ”شکست“ ”ناشیام“ ”غدار“ ”نا پنج نا تھ“ ”دوسری برف باری سے پہلے“ نا ”گورگانی وغیرہ ہین۔

فلسفے نا گچھ ہووے سامیہ بڑے ڈوہنگے انداز پنج کرشن چندر لکھ گئے ہین۔ ملاحظہ ہووے:

”میرے بیٹے یہ اونچی بنکو ہمارے خاندان کی دشمن ہے، میرے بیٹے میرے باپ نے مجھے یہ نفرت سونپی ہے آج تو بڑا ہو گیا ہے۔ آج میں یہ نفرت تجھے سونپتا ہوں۔ لوگ بیٹوں کو جائیداد دیتے ہیں، گھر دیتے ہیں، بہو دیتے ہیں، زمین دیتے ہیں، میرے پاس کوئی زمین نہیں۔ صرف یہ نفرت ہے جسے میں تیرے حوالے کرتا ہوں۔ اگر کوئی اور راستہ ڈھونڈ سکتا ہے ڈھونڈ لے۔“

کرشن چندر ایک مسیحا نے طور اپنے ماضی الضمیر نا اعلان کر کے ایہہ ثابت کرنے ہین کہ اوہ اس مخلوط سماج کی تکلنے نے خواہش مندر ہے ہین۔ اوہ ہر طراں نیاں نفرتاں، کدورتاں، بغض

توں دُور ہو کے پاک تہ پوتر سماج نے حق بچ تبلیغ کرنے تلکے جانے ہیں۔ ہندو مسلم فی تقسیم بچ اوہ کدے بھی یقین نہیہ رکھنے سن۔ انہاں نے کول انسانیت ہی مذہب ہے، جیہڑا ہر قسم نے زور، جبر توں پاک، تقسیم فی لعنت توں دور، میل ملاپ نے اسباق نادعویدار ہے۔ اسطراں انہاں فی تحریر اس بدلنے زمانے تہ بدلے ماحول بچ اک مرہم ناکم کرنی ہے۔ جسنی حاجت ہر دور تہ زمانے بچ وی رہی ہے۔ اوہ میل ملاپ نامقدس مشن لے کے چلے تہ سماج کی ہر قسم فی لعنت توں پاک رہنے ناسبق وی سکھایا۔ اسطراں فی ثقافتی محنت اس دُکھیا سماج دستبر دے شکار سماج، ظلم و جبر نے ماحول بچ ہاڑ موسم فی پھوں ہاروں ہے۔

کرشن چندر بچ متے سارے کردار اک ہی وقت بچ پلنے نظر آنے ہین۔ اوہ غریب تہ امیر نے درمیان دیواراں کی ٹہانا وی ہے۔ نالے مظلوم انساناں فی ٹہال وی بننا ہے۔ اس ناکامل یقین ہے کہ غریب نامذہب، برادری تہ کوئی سیاسی درسگاہ ہے۔ البتہ اتنی گل ہے کہ اس فی قدر زمانے بچ کسے طور ہونے فی گنجائش نہیہ لکھنی۔ اس ناستحصال ہر وقت، ہر موسم تہ ہر جگہ بے دریغ ہونا ہے۔ اُس کی حالات ناکار ہو کے جینے نابونا پن حصے بچ آنا ہے۔ اس سرمایے دار نے وطیرے فی شناخت اوہ پُہل نہیہ سکنا، جیہڑا چڑیاں کبوتر اں تہ کیڑیاں کی چاول چینی تہ باہنا ہے پر اس غریب پرسودی نظام ناکنجہ کس کے رکھنا ہے۔ ایہچیاں صورتاں کی کرشن چندر ناصاف پاک تہ پوتر ذہن تکنا، قبولنا تہ اثر انداز ہونا ہے۔ بقول سلمیٰ صدیقی کرشن چندر نے کول مذہب صرف انسانیت سی، جسکی ساری زندگی اس نے پرچار کیتا۔

ایہچیا ادیب تاریخ نے صفحے پُر اپنا ناں خوبصورت سیاہی نال لکھوانے بچ کامیاب ہو یا نظر آنا ہے۔ اوہ اک مسیحا نے روپ بچ اک مظلوم فی بستی بچ بسنا ملنا ہے تہ اس نے لافانی سرمایے نال اُساں نے سماج کی اک جہت بخشی ہے، جسنی چاہت ہر اک نے دل بچ چرتک رہسی۔



مولانا رومیؒ..... اک آفاقی شاعر

انہاں نانائ محمد تہ جلال الدین رومی لقب سی۔ انہاں نی پیدائش ۶/ربیع الاول ۶۰۴ھ بمطابق ۱۳۰/ستمبر ۱۲۰۷ء بمقام بلخ (افغانستان) پنج ہوئی۔ انہاں نی تعلیم نی شروعات اپنے کھرتھیں ہوئی تہ فر بعد پنج ملا برہان الدین نے شاگرد ہوئے۔ انہاں کولوں مولانا رومی نے کسب فیض کیتا، پر انہاں نی بے قرار طبیعت کی کسے جگہ ٹھہراؤ پسند نہیہ سی۔ ایہہ ہور کچھ جاننا چاہئے سن اس واسطے انہاں نے شام نارخ کیتا، جیہڑ اکہ اس ویلے اسلامی مرکز سی۔ فر کچھ عرصہ محی الدین ابن عربی نی شاگردی اختیار کیتی تہ کچھ اک وقت کمال الدین ابن العدیم نے کول وی علم نی تربیہ نبھان واسطے پیچے۔ بعد پنج ایہہ دمشق چلے گئے۔ اس توں بعد مولانا قونیہ واپس آئے۔ اسے جگہ انہاں نی ملاقات شاہ شمس تبریزی نال ہوئی، جیہڑے علم باطن نے سارے رازاں تھیں واقف سن تہ اوہ وی کسے شخص نی تلاش پنج سن بے اوہ اپنے سارے رازاں نافتر کھول کے اُس نے حوالے کر سکسن۔

شاہ شمس تبریزی نال انہاں نی ملاقات نے متے سارے باطنی راز کھول چھوڑے تہ انہاں نے اندرز بردست انقلاب آیا تہ فر اوہ شوق اوہ جذبات نی شدت شعری روپ پنج مثنوی نی صورت پنج مشہور ہوئی۔ مولانا رومی ایہہ کس نفسی سی یا کہ حق گوئی جس نا انہاں نے کھلے طور وراعلان کیتا۔ ے

مولوی ہرگز نہ مُد مولانا روم

تا غلام شمس تبریزی نہ مُد

مثنوی پنج مولانا نی شخصیت چمکنے سورج ہاروں بلنی لکھنی ہے۔ انہاں پند و نصائح نیاں گلاں

قلم نے حوالے کر کے لازوال شعری میراث چھوڑی ہے، جیہڑا کوئی چھپی ہزار (۲۶۰۰۰) شعراں تا سرمایا سی تہ اس پنج انہاں کی مکمل کرن لئی کوئی پنجی سالاں ناعرصہ لکيا۔

اس طراں وی آکھیا جاسکنا ہے جے انہاں کی اک سال پنج اک ہزار شعراں نی تخلیق کرنی پئی۔ اس نے نال نال انہاں نے صوفیانہ مزاج پنج رنگے ہوئے کوئی ٹہائی ہزار (۲۵۰۰۰) شعروں آکھے پین تہ فرسولاں سو (۱۶۰۰) رباعیاں وی انہاں نے تخلیق کیتیاں پین۔

مولانا رومی فنا فی اللہ شخصیت نے مالک سن۔ انہاں نی لگن، محنت تہ کوشش ناہی ایہہ نتیجہ سی جے اوہ درویشی نی راہ ور بڑے باوقار انداز پنج چلے۔ انہاں نی طبعیت و فقر نی جلا اتہی آئی جے مئے سارے راز انہاں کولوں تہلک تہلک کے مثنوی نے شعراں پنج بچے تہ فر انہاں نے اوہ باطنی راز جیہڑے افسانوی رنگ پنج سن یا جے رمزاں تہ اشاریاں نے انداز پنج سن۔ کاغذاں پُر اُترنے رہے۔ کدے کدے مولانا نے حکایتاں نے حوالے نال اپنی گل کی باہر کڈھیا۔ کدے تمثیلاں نے وسیلے نال اپنیاں گلاں سنانے رہے۔ کدے دین حق نے داعی نے طور و عوام الناس نے اخلاق سنوارنے رہے۔

لوکاں نے معاملات کی عشق تہ عقل نی ترکڑی اُپر تول تول کے لوکاں کی سمجھنے ناسر مایا دتا۔ دُنیا پنج بسیا ہو یا شر بے آرا می پیدا کرنے نابعث سی تہ مولانا نے اس خوشحال کی بنانے واسطے صالح مزاجی، صبر تہ دیانت داری کی بحال رکھن اُپر زور دتا۔

انہاں نے اندر بلنا لاوا باہر جدوں نکلن لگا تہ مولانا نے اخلاقیات کی زندگی نا حاصل منیا۔ بے راہ روی، بے ٹہنگے پن توں پنج کے محبت، پیارا، خوت، انسانیت تہ راست بازی کی اپنانے اُپر انہاں نے زور دتا تہ کدے انسان کی حدواں کی اُلگھنے تھیں باز رکھیا تہ انسان نے مزاج پنج بسنے آلے فخر تہ گھمند نے غلط اثرات تھیں بچنے واسطے تاکیدی کلمات نال انساناں نی تربیت نابیرہ وی انہاں چھٹکی رکھیا۔

نخوت و دعویٰ و کبر و ترہات

دور گن از دل کہ تابی نجات

مولانا کلام بالکل ہی ایسا بتلایا جانا ہے جس طراں کہ کوئی واعظ منہ پر بہہ کے کر رہیا ہووے تہ اُسے سامنے بیٹھا مجمع پوری توجہ نال سُن رہیا ہووے تہ اس مجمعے بچوں لوک ہدایت فی راہ در سو فیصدی تُر نے نا ارادہ کر کے اُٹھن تہ پُرانے تصوراں بچوں غلط انداز نیاں سوچاں کی تال دتا جاوے۔ انہاں نازک راہواں ور تُر نے نیاں ترکیباں تہ طریقے سکھانیاں ہویاں مولانا دُنیا نی بے ثباتی، لالچ، طمع تہ حق تلفی فی روش توں بچنے نیاں گلاں کرنے ہین تہ پاک صاف نیکیاں کمان آلی زندگی گزارن نیاں گلاں نا اظہار کرنے ہین۔

شاد باش اے عشق خوش سودائے ما
اے طیب جملہ علت ہائے ما
جسم خاک از عشق بر افلاک شد
کوه در رقص آمد و چالاک شد
ہر کرا جامہ ز عشقی چاک شد
او ز حرص و عیب کلی پاک شد

جدوں انسان علم نے سمندر بچ غوطے لانا ہے تہ کدے کدے اوہ اپنے آپ کی اپنے آس پاس تھیں ذرا کبھ سمجھنا شروع کرنا ہے۔ اس مقام کی خود شناسی آکھیا جانا ہے۔ ایہجے موقعے ورا انسان نے اندر نی نفسیات اس کی آس پاس توں متا چنگا تہ متی سوچ نا وارث ہونے نا احساس دوانی ہے۔ فر ایہہ انسان ہو رڈ و ہنگے طور و حالات تہ واقعات نا تجزیہ کرنیاں ہویاں اک ایہجے مقام و رہنچنا ہے جتھے اس کی ”ہم چوں دیگرے نیست“ نا تذکرہ ملنا ہے تہ فر اوہ گمر ایہی نے گھڈ انچ ٹہہ جانا ہے۔ تاریخ بچ متے سارے حوالے اس گل نی تائید بچ موجود ہین پر ایہجے حالات بچ انسان کی بچا کے پار چڑھن واسطے قرآنی متن تہ حدیث مبارکہ فی تعلیم ہی فی ضرورت ہے جیہڑے انہاں فی طرف رجوع ہو گئے اوہ کامیاب ہو گئے پر جیہڑے انہاں سوچ نیاں چالاں بچ پھس گئے اوہ گمراہ ہوئی گئے تہ مولانا روم ایہجے ماحول بچ انسان کی ہدایت فی چابک لے کے رستہ دھسنے ہین۔

اے بسا علم و ذکاوت و فطن
گشتہ رہو را چونول و راہزن

زیر کی ضد شکست ست و نیاز
 زیر کی بگدار و با گولی بساز
 زیرکاں با صنعتے قانع شدہ
 ابلہاں از صنع در صانع شدہ

مولانا اس سارے بیمار سماج نے واسطے محبت، پیار، الفت تہ مروت فی دوا تجویز کرنے ہیں تہ اس حرص، لالچ، تیق تلفی نے گمراہ کرن آ لے سلسلے تھیں بچن واسطے میل مروت، پہنائی چارگی، ہمدردی فی سوغات تجویز کرنے ہیں، تاں جے آخرت فی سوچ تھیں بے زار معاشرہ حقیقت پسند بن سکے تہ طلب دنیائی غفلت نے ہنیرے بچوں باہر نکلن ناشعور مل سکے۔ اس قسم نے جدوں واقعات دُنیاور زیادہ اثر چھوڑن تہ فر ایہہ سماج زندہ لوکاں نے بسنے واسطے نیہہ رہنا۔ اس کی بدلنے واسطے مولانا ”محبت“ نالازوال فلسفہ سکھانے ہیں تہ اس ساری بُرائی ناتریاق محبت کی ہی سمجھنے ہویاں لوکاں کی اس پُر ٹُن لئی محبت فی دوائی تجویز کرنے ہیں۔

از محبت نار نورے می شود
 وز محبت دیو حورے می شود
 از محبت سنگ و روغن می شود
 بے محبت موم آہن می شود
 از محبت نیش نوشے می شود
 واز محبت شیر مویشے می شود
 از محبت خار سوسن می شود
 وز محبت خانہ روشن می شود
 از محبت مردہ زندہ می شود
 وز محبت شاہ بندہ می شود

مولانا نہ صرف مشرق نے بلکہ ساری دُنیاور اک باکمال شاعر ہونے ناسکھ چھوڑ گئے۔ انہاں

نی زندگی نامقصد عالمی تاریخ و اسلام فی عظمت تہ پاک تعلیمات نا اثر قائم کرنا سی جس تھیں فیض حاصل کر کے بنی نوع انسان زندگی نے سوہنے مقصد فی طرف قدم چک سکے تہ اسلام فی روشن تعلیم نا فیض عام کیتا جاسکے۔ ایہہ ہی گل سی جے آکھیا گیا ہے۔

مثنوی و معنوی و مولوی

ہست قراں در زبان پہلوی

ایہہ ہی حقیقت سی جے برصغیر ہند نا عظیم شاعر علامہ اقبالؒ مولانا فی شعری خدمات فی قدر دانی کرنیاں ہویاں اپنے علمی تہ تجرباتی سارے سرمایے کی مولانا رومؒ فی رہبرانہ زندگی نا حاصل سمجھنے ہن۔ پہناویں جے اوہ مغرب تہ مشرق نے سارے فلسفیاں کی کھنگال چکے سن پر مولانا فی کاوش فکری، علمی رجحان پند و نصائح بلکہ قرآن و حدیث کی وضاحت نے طور و فارسی زبان نے لباس بچ رنگ کے پیش کرنے فی وجہ توں علامہؒ مولانا فی علمی بصیرت نا اعتراف کرنیاں اپنے آپ کی انہاں نا شاگرد آکھوانے بچ فخر محسوس کرنے ہن۔ حالاں کہ زمانی اعتبار نا مال مولانا رومؒ تہ علامہ اقبالؒ نے بشکارسدیاں نا پینڈا ہے۔

ایہہ گل وی حسن اتفاق ناں جو فی لکھنی ہے جے جدوں بھگتی فی تحریک ہندوستان بچ شروع ہوئی تہ اُس وقت شکر اچاریہ، سرسوتی، دیانند، بابا گورو نانک، میاں میر، بابا بلکھے شاہ نیڑے نیڑے ہی ہونے سن تہ انہاں فی تعلیمات نا محور اخلاق سنوارنا، انسانیت فی زیب و زینت کرنا، ترک دُنیانی تعلیم دینا، سادگی کی زندگی نا حاصل سمجھنا، کروفر فی زندگی توں بچنا وغیرہ شامل سی۔ اسے طراں مولانا رومؒ نے آس پاس سو پانچاہ سالوں نے نال نال ہی کچھ صاحب کمال بزرگ ہوئے۔ جنہاں نے اس انسان نے اندر تہ باہر کی سنوارنے نا پیغام سنایا۔ انہاں بچوں کچھ اک ہن: خواجہ معین الدین چشتیؒ (۱۲۳۰-۱۱۳۱ء)، شیخ فرید الدین عطارؒ (۱۲۲۰-۱۱۱۹ء)، ابن عربیؒ (۱۲۲۵-۱۱۶۵ء)، خواجہ قطب الدین بختیار خاکیؒ (۱۲۳۷-۱۱۷۳ء)، بابا فرید گنج شکرؒ (۱۲۶۵-۱۱۷۹ء)، شیخ نظام الدین اولیاءؒ (۱۳۲۵-۱۲۳۸ء)، امیر خسروؒ (۱۳۲۵-۱۲۲۳ء)، شیخ بہاؤ الدین زکریا ملتانیؒ (۱۲۶۷-۱۱۷۰ء)، تہ لال شہباز قلندرؒ (۱۲۷۴-۱۱۷۰ء) جے باکمال تہ سارے سماں وراپنی اپنی تعلیمات نا اثر

چھوڑنے آ لے بزرگ ہوئے۔ پہاویں انہاں نے تبلیغی مشن کی اپنی بزرگانہ استعداد تہ شریفانہ طور طریقیاں نال نبھایا ہووے تہ اُس دور نے بچ ماحول ور چھائی ہوئیاں قدراں اک جے سلوک فی ضرورت نا احساس رکھنیاں ہین پر مولانا رومؒ نے جیہڑا کم شعری حوالیاں نال کیتا اوہ سارے گلوب ور فکری انقلاب ناداعی بن گیا۔ اوہ صرف فارسی ادب فی دنیا تک ہی نہیہ بند رہے بلکہ دُنیا نے ہر خطے تہ ہر زبان بچ انہاں فی شاعری نابُیادی مقصد پہنچیا ہے۔ اِس طراں مولانا رومؒ علم و ادب نے اِس مقام ورتکے جاسکے ہین جہاں توڑی پچھنا اِس دور نے انسان نامقدر نہیہ ہے۔

میں اپنے اِس بیانے نے حوالے بچ قرآنی آیات بچ صبر نے بارے بچ جو موجود ہے اک مثال نے طور ور پیش کرنا ہاں:

”وَسْتَغْنُوْا بِصَبْرِ وِ الصَّلٰوةِ اِنَّ اللّٰهَ مَعَ الصّٰبِرِیْنَ“

اللہ تعالیٰ نافرمان ہے صبر و نماز نے نال اللہ فی مدد منگو چنانچہ اللہ تعالیٰ صبر کرن آلیاں نے نال ہے۔

اِسے طراں پیغمبر اسلامؐ نارشاراد گرامی ہے:

”الصَّبْرُ وِ السَّمٰحَتِہ“ صبر و سیرجشی یعنی صبر فی عادت جدوں پیدا ہوئی تہ دوئیاں چنگیاں

عاداتاں وی پیدا ہوئی جاسن تہ حضرت مولانا اپنے شعراں بچ تلقین کرنیاں ہوئیاں فرمانے ہین:

صبر	گنج	ست	ای	برادر	صبر	کن
تاشفایابی	توزین	رنج	گھن			
صبر	تلخ	ست	و	براد	نیشکرست	
صبر	سوئے	کشف	ہر	سر	رہبرست	
صد	ہزاراں	کیما	حق	آفرید		
کیما	ہم	چو	صبر	آدم		
رزاق	آید	پیش	ہر	کہ	صبر	جُست
رنج	و	کوشش	ہازبی	صبری	تُشت	

ماہری اس مثال نامقصد مولانا رومیؒ فی عارفانہ شاعری نا احاطہ کرنا سی تہ انساناں فی تعمیر لئی مولاناؒ بی بہا خدمات نا اعتراف سی۔

شاعری ہر دور بچ ریئی تہ اُس نے کچھ کچھ مزاج اپنائے، پر مولانا رومیؒ فی شاعری نامزاج کدے وی انہاں قدراں توں باہر نیہہ۔ جنہاں فی ضرورت ہر صالح مزاج معاشرے کی ہونی ہے تہ جس پیغام کی دوامیت نا درجہ ملنا ہے، اوہ صرف مولانا رومؒ نا ہی حصہ ہے۔

آج فی متمدن دُنیا فی ہما ہی بچ نویاں نویاں قدراں نا بازار سجیا ہویا ہے تہ اس بچ شاعراں نا وی اک چوکھا رول ہے، پر آج نے شاعر شراب تہ شباب وراپنی ساریاں صلاحیتاں کی خرچ کر دینے ہین یا کدے مبالغہ آرائی نے اثر بچ زمی کی آسمان نال جوڑ دینے ہین۔ ناممکنات کی لفظاں نے سلسلے نال جوڑ کے بڑے بڑے تفنگ تول سکے فی ہمت دہسنے ہین، پر اوہ شاعری جیہڑی انساناں کی حقیقت نے نیڑے بہالے تہ فر اُس پر اُس نے نا صالح راہ دہسنے، اوہ شاید مشکل ہی کدے ملے، پر جیہڑا سرمایا مولانا رومؒ نے علم و عرفان نے سمندراں بچ چھیاں مار کے باہر کڈھیا تہ فر شاعری نے حوالے لوکاں توڑی پچپایا، اوہ صرف انہاں نا ہی حصہ سی۔

ماہڑا ایہہ مننا وی ہے جے جتنے وی شاعر انساناں فی تہذیب واسطے آئے، انہاں شاعراں بچوں سب تھیں زیادہ عوام الناس جس شاعری نال متاثر ہوئی ہے، اوہ مولانا رومؒ فی شاہکاری جس کی بڑے بڑے شاعراں نے اپنے وجدانی ذائقے کی پرکھنے نا وسیلہ تلاش کیتا۔ بے شک مولانا رومؒ اپنے وقت بچ متا سارا معنی خیز سرمایا چھوڑ کے آنے آلیاں نسلاں کی سدھی راہ فی نشاندہی دے کے اپنا باب مکمل کرن بچ کامیاب ہوئی گئے۔



(مک چک)